

海豐吳氏藏書

丁巳長洲章鈺借讀臘八日記





棗林雜俎序

誤子孺本

有書癖其在記室見載籍相餉輒色然喜

或書至猥誕亦過目始釋故多所採摭時於坐聆塗

聽稍可涉筆者無一輕寘也銖而積寸而累故稱雜

焉其義自大易雜卦始予嘗手其書而悲之以彼其

勤脫佐鄴侯之側游茂先之旁漁獵群秘領略要眇

何至觀書於市有目不得下有舌不敢吐乎哉今雖

偏載瑣述未適於用而展卷澄鮮筆飽墨瑩誠說林

之蠶弧也惜天限孺木朝不謀夕足跡未及燕而今

膠東高弘圖撰

會墨

NATIONAL CENTRAL LIBRARY, TAIWAN, R.O.C.





已矣三輔黃圖之盛東京夢華之思孺木即有意乎  
亦安所措翰也悲夫時

崇禎甲申九月既望題於白門公署

舊藁二帙高相國序後歲有增定太傅西州之慟  
不止羊曇山陽隣笛之哀奚獨翅向秀哉因錄原  
序收泪識其末

江左遺民跋

題棗林雜俎

吾僻處孤蘆奪於帖括河東三窟既無亡書茂先連  
乘燕少載籍性忽、善忘偶聆一事擊節私快適穎  
楮未及隨旬日之內不復全憶間追毫從事所佚多  
矣今特輜軒之下材痴語之餘嗜也說部充棟錯事  
見采事易燕采易鑿舍其舊而新是圖又任目者憑  
於好惡任耳者失於浮浪也竊深戒之自數年來提  
鉛握槩積若干卷食之無肉棄之有味雖在雞肋猶  
為貴之矣系以棗林何也吾上世以采靖康之難自  
汴徙於杭者四傳德佑未避兵徒鹽官之棗林今未



四百禩又並於德佑吾旦暮之人也安所避哉求稗  
源而無從庶以棗林老耳書從地不忘本也

題棗林雜俎智集

逸典

朱家卷

石農器

汪清水首

二家遺齋

鉄券

齋宮寢具

內官勅封

社稷壇

疑像

保越錄

避諱

祭糧田

下操牌

戶帖

功臣廟

宮衙

國家圖書館, NATIONAL CENTRAL LIBRARY, TAIWAN, R.O.C.



本縣官師

後湖冊

錢爐

照略官

衛所遙轄

賀節

夜鈴

品官酒具

鳳陽興福宮

占籍

太廟銀葉

孔子像

信世子

課栽桑棗

江南牧馬

郊燈

國初抄劄

鎮江輕租

內庫

奉先殿薦新

縣令並僉

食鹽

屯田

吏卒支給

戶口婦女

詔勅筒

總兵體統

御史首道

爪哇移文

官儼

不禁服內生子

朔望行香

木鐸老人

昭示奸黨錄

沈萬三

征南將軍印

勳媯

番經臺

神宮監

淨海



武職肥封

同宗

宋濂

功狀榜里

恩榮父釋父

建文皇帝遺蹟

方孝孺薛稱先生

許觀考滿呈式

建文道文

茅大方

建文書法擬

脫驂治賻

崑山鄉舉

補印

佛郎機

史官侍班

兩京宮殿

賜宮媛家僮

太臣除伍

蜀邸声砲

門禁

韓魏李公燈榜藏勃

楊彛獻詩

經進集

丁玉銀錠

建文皇帝墓

雪菴和尚詩

高翼志謚

黃鉞看

烏鎮九老會

神虎

世廩生

永樂程錄

宮妃歸寧

兩京官俸

留都官擁蓋

中司使

巡撫歲入京

不奪功臣宅

學憲兼民事



典史進俸級

太宗伯不繇翰林

景帝墳園

江南民運

上林苑

教官考績入京

浙東銀冶

閣臣賜蟒服

皇莊

教諭李壁

提學官疏薦人才屬官富春謠

省掾何麟

蔡昂

勲位

鷹犬虫蟻歲給

貢象尾

金甌再卜

宥隨駕監生

誥惠山神文

緬首詭貢

孝子孫庸王相

高鏊

呂尼沮駕

軍運

南京貢舡

松江布

南京左侍郎

大臣貶贈革職官

西宮三殿灾

皇店

教職左遷

揚循吉

御容藏殿

大司馬起復

御駟

潮邊

青由

李偉

少宰被杖

長昂射子



朱國祚

太廟羊角燈

喪儀

朝鮮上書

東宮冊婚

川扇

閣臣避道

戲賞

八品官貶封

熊廷弼王化貞

悞羅黨籍

火偏尚書

孫尚書寒憲故人

鳳見

孫相國行邊

暹羅貢表

三王之國

許志吉

戊辰首科

問難

宸翰

傳戴煖耳

日本園白求封

王守仁誣楚府寄物

取括子松

王文肅晚召

安南上書

荒慘

分黨

魏忠賢

幸脫黨籍

劉詔耿如杞互誚

周維持

滕陽驛詩

陳明卿慰下獄

安南

主簿冤縊

登極天鳴

東宮不利

治進香內臣

逆案

偽巡臺

館選

宗翰

陳啟新

內閣秉燭

科抄

烏程長洲之隙

鄭鄭

杭監

周延儒

磨碑

揭長安門

朱萬年

過周謀

鄭以偉

醜司新例

張春

逆榜

熹宗實錄

徵盜

五經登第

南場閩節

輔臣不給驛

御膳

堂饌折價

何相周市德

袁崇煥

萬仞宮牆

詞林題補

六曹章奏

內臣帶

泄旨罷相

祐聖觀開勅

生日移賀

貢士騎射

黃道周

詞林之懷

分票

講臣

國家圖書館, NATIONAL CENTRAL LIBRARY, TAIWAN, R.O.C.



堂嬰

盧象升

周士樸

和杖

內臣北煌

悼靈王

左良玉

女慘

館課

先帝改謚

御史改武

德府審金

謝秉謙

蘆溝城

箕書

館陶全城

蕪湖兵擾

禁金銀酒器

孝陵夜哭

國家圖書館, NATIONAL CENTRAL LIBRARY, TAIWAN, R.O.C.





朱林雜俎彙集

逸典

朱家巷

鹽官談遷孺木著

句容西門外二十里通德鄉曰朱家巷 本朝之先  
澤係焉今句容令楊攜卿勒石道上云疑家平坡斥  
衍不見丘壟人稱卧龍岡也嘉靖音邑人副都御史  
王暉言其遺蹟下南京禮部閔實侍郎崔銑視其地  
燕僅標木一多扶云龍丞樹西北土地廟石鑪鐫朱  
慶朱安社等字餘無可資今廟樹俱墟意當時一大

NATIONAL CENTRAL LIBRARY, TAIWAN, R.O.C.



聚落故云卷代易而後直馳道耳發祥埋玉疇能辨之 太祖不復見非無見也

句容朱家巷祖陵 太祖初命成山伯李新開河於此便運尋以地脉罷其役見焦澹園集

### 疑像

太祖好微好察外事微行恐人識其貌所賜諸王侯御容一蓋疑像也真幅藏之太廟

### 石農器

中都太平鄉之孤村 太祖家舊社今石農器存

### 保越錄

張士信保越錄蓋守紹興拒官兵全城事出越人筆詞多指斥云紅冠山陰和彪佳有其書常熟錢謙益錄之改帝號非復舊本

### 汪清木首

太祖姊二曹國長公主適李貞太原長公主適汪清  
從征陳氏戰沒葬肝胎縣西八十里牧羊山刻木  
首殉之饗 堂柱帖帝乙聯姻戚里恩波流世澤鄱  
陽取捷康山廟祀報奇勛為國捐軀子載忠魂扶杜  
稷相夫委質萬年義塚壯山河

### 避諱

江陰李 戒菴漫筆載先世分閩中寫吳原年洪武原年俱不用元年想周初惡勝周之號故民間相習如此按避御諱元章如六科源士之類戒菴怪矣  
二家遺裔。

沔陽柯氏馬氏陳友諒遺裔也改姓與部曲談王吳三家適居吳國大冶瑞昌界上族指蕃獮崇禎壬午登鄉榜

張士誠遺裔為章丘李氏初敗時乳母携幼子而逃冒李姓

### 祭糧田

盱眙楊王墳置洒掃人三戶祭田肆十畝又欵賞田三百餘石在滁州免徭役正德間會與作二百餘戶招納投附至二萬餘丁免糧約三萬餘石則會典失於深放 盱眙志

### 鉄券

鉄券國公式二高一尺博尺有大寸五分次高九寸五分博尺有六寸侯式三高九寸博尺有五寸五分次高八寸五分博同上又次高八寸博尺有四寸五分伯式二高七寸五分博尺有三寸五分次高六寸五分博尺有二寸五分



曹國公李文忠二券舊券洪武三年十一月丙申制  
新券繫次年其文大同小異

中山侯湯和券文載昆陵久忠事其語曰雲龍之喻  
在昔所稱造化兩間鬱為霖雨朕起草萊將多梓里  
爾和英邁勢若熊虎自定居江北以爾守昆陵吳儂  
狡稅爾獨當九天九地示戎臣測惟爾之固吾圉也  
其閩越山陝盡入版圖爾惟多勩是用授爾列於通  
侯以克永世於戲東忠効力千載一會宣爾勤勞訓  
及子孫惟爾念之

下操牌

高皇后勅 太祖勅業有牌視晴雨下操夜嘗張蓋  
庭中聞雨声即牌止操雲驟雨急衣出付閣者今蓋  
藏內守備廳

齋宮寢具

南宮郊齋宮藏 太祖黃綾被紅布茵莞席蒲鞮  
明制宿齋進銅人執牙簡書致齋日數於簡上以諭  
百官

戶帖式

洪武三年十一月辛亥給民戶帖以戶部半印勘合  
令有司各戶比對不合者遣戍隱匿者斬男女田完

牛畜備載其後戶部尚書鄒德左侍郎程進試侍郎  
某員外郎某郎中某主事某各押名又本州縣正從  
官知印吏亦押名部官押名俱刻本州縣押名細書  
帖不滿二尺偶閱密縣志具戶帖式於左

一戶傳本七口開封府鈞州密縣民洪武三年入籍  
原係包信縣人民男子三口成丁二口本身五十二  
歲男五十二  
十不成丁一口次男小捧槌一歲婦女四口大二口  
妻四十二歲小二口女荆奴十三歲事產瓦房三  
男婦二十三歲次女昭德九歲事產瓦房三  
山地二頃

右戶帖付傳本收執准此

寧國知府廬陵陳灌作戶帖以定版籍民甚德之後  
以其法詔行天下寧國府志

內官勅封

國初內使監令等官皆給勅命賜封後革

功臣廟

南京開國功臣廟六王像皆冕旒居上侯伯蟬冠簪  
纓列左右鳳陽開國功臣廟常遇春像烏紗絳袍

社稷壇

社稷壇陪祭行禮南嚮餘祭北嚮

宮街



文臣宮衙支俸勳戚宮衙不支俸

本縣官師

仙居縣志洪武四年邑人任繼先除仙居知縣法令嚴峻縣民畏之六年歸隱於下黃金華志永康知縣呂兼明呂文燧俱本縣人

教官周初多郡縣辟奉不盡錄銓選試職三年有功方寶領授

縣令並金

永樂間沁水知縣章聰趙美並金王朝王用陳錦並金李貴趙倫並金沁水縣志按國初六部尚書並金其縣令僅見沁水志或他邑或他官亦有之第掌故久佚矣

後湖冊

南京太平門外玄武湖中洲貯天下黃冊鼠啣衣不啣冊每曝冊焚其下多鼠伏死

食鹽

官吏食鹽每人十二斤市民六斤細鈔一貫鄉民人二斤二兩五錢每斤細米四升三合二勺二抄五撮景泰中官鈔至三十口吏至十五口成化二年定官十五口吏七口為率又永樂二年大口鈔十二貫小



口六貫蓋以鹽給民故徵鈔今官不給鹽而鈔徵如  
故其弊不知所始南唐昇元初賦正苗一斛別輸三  
斗授鹽二斤曰鹽米元宗交泰初准向鹽場入於周  
遂不支鹽而輸米如初南唐偏安何足論而今盛如  
今日何流弊至不復問也

平涼府志曰平涼食鹽鈔銀其始也因官有鹽以市  
民校籍計口取其直而里長公具牛車輸之里中仍  
計口給鹽是官受銀而民資食也上下相資非牟利  
也上自王府下及官吏貧民皆有食鹽無復賣鹽於  
商者而官復召商中鹽商將何所賣之緣弘治以後

雖計口收鈔惟王府及達官支鹽而司府吏民皆莫  
或運支第市商鹽而食故民虛納銀於官後市鹽於  
商官收倍利民獲二害其鈔銀乃以給宗室折捧令  
百官折捧例皆虛名未有實支而宗室復得鈔銀以  
折捧注、知其弊亦莫肯實輸鈔銀而宗室折捧亦  
不冀其必得也始以文符市諸奸得依五之一焉所  
獲亦甚微佰符者以下所司嚴徵於民而奸軌之民  
各分其重困黎民而利斯人予不知其何說也趙時  
浙鹽每引四百斤官給工本鈔每引二貫五百文故  
稱鹽鈔當時法嚴鈔貴竈丁得利後鈔法不行灶得



鈔無所用煎鹽窮苦因利細銀告攀水鄉灶戶水鄉  
灶戶初制募民為灶准免一死故富民爭冒竈籍實  
非灶也西淮鹽歲七十萬五千一百八十引

長蘆鹽凡近海俱鹽坑築灘如治畦鱗次而下其旁  
為天塹潮上則塹、皆平潮退挹水注上畦中風乏  
日之又注一畦風之日之又注如初投以石蓮互而  
不仆則水氣盡鹵醇如飴東北風至水上凝鹽如雪  
花雨則鹽減鹽粒大而甘孫廷銓

河東解鹽、池但候南風凝結不做人力

四川鹽井提齊司洪武間鹽井二百七十八額課一

千六百零五萬九千三十斤永樂十八年雲南商人

汪浩言上流屬井課少水多遣官於永通等九井擁

出鹽七十五萬一千二百二十斤列之正額名曰新

增鹽上流通海擁出鹽五十萬八千九百九十一斤

補入額數、後提奉顏納發之名曰埋沒鹽二十三年

福興等井戶別等小井並貼擁出鹽七萬四千六十

六斤名曰添辦鹽宣德間富義等井戶亦尋井開煎

擁出鹽一萬五千三百八十八斤名曰增羨鹽景泰

間戶部主事汪回顯復課新田鹽井共一千二百八

十竈一萬五千三百八十八丁歲辦鹽八引每引二



百斤歲額鹽二千一百三十五萬三千七百四十三斤五兩三錢貯鹽倉。井大者汲以革囊小者竹筒每鹹水一斛可得鹽十五斤四川通志

### 錢爐

北平山東雲南各二十二爐山西四十爐浙江二十爐江西一百一十五爐廣西四川各十爐陝西三十爐廣東十九爐

南京嘉靖間鑄錢其背或以金塗之民間曰金背錢或火董其背使黑民間曰火漆錢其雲南及寶源局先年純用銅錫不雜以鉛每文重一錢二分又車鑪其

邊色黃質堅民間曰鐵邊後科臣建議革去車鑪止用鑄判二座而工人復盜銅料其邊粗澁曰一條棍不異私鑄錢法遂壅

### 屯田

國初屯軍七標軍三屯軍每人二十畝種穀三石二斗牛犂歲徵穀五十石入屯倉每月徵穀二石歲支二十四石為家小糧三石二斗為種穀後以米四斗折穀一石歲納米九石一斗二升

南京屯制每軍額田五十畝歲輸十八石即以其租月給本軍一石計歲每軍餘米六石以餉城守之軍後憐屯耗令十二石存留自贍止細六石



寧國府志屯田正軍人給四十畝歲徵米六石

州府志總旗人十八畝糧二十四石小旗人十四畝糧二十石四斗軍人十二畝糧十八石正統元年減徵米併鎗者總旗細十二石小旗一石四斗併鎗者總旗六石小旗與軍同

嘉興府志總旗十八畝小旗十六畝軍十二畝各糧六石本折均平未併鎗總旗加辦六石小旗加辦二石四斗併鎗後各糧六石  
福州府志洪武時軍稱旧屯永樂時軍稱新屯俱分給三十畝歲正租十二石給本軍餘糧十二石給守

### 城軍士

平涼府志屯軍人百二十畝輸穀豆例一斗以五升給屯丁實輸止五升為銀二分而已遠者每石折銀四錢。又曰營田一項徵子粒糧六石按屯租贏縮不一因地制宜具見其略

南昌衛及饒州撫州千戶所屯田俱在池州

### 照略官

金華府志金華守禦千戶所洪武三年設正千戶一副千戶二百戶十其聽訟設鎮撫一以上皆世襲其幕僚初設照略一員後革改吏目

吏卒支給

衛所每月指揮僉事米四石八斗正千戶米三石二斗副千戶二石八斗百戶三石鎮撫二石四斗漕卒月支米八斗操備及諸雜差有妻者六斗否則四斗五升羸者殘疾者三斗

衛所遙轄

鎮遠衛清浪衛偏橋衛五開衛銅鼓衛瞿塘衛俱在貴州境以湖廣都司遙領之如山西磁州守禦千戶所置在河南蒲州守禦千戶所置於山西撫州衛屯田有在徽州新安衛屯田有在應天

戶口婦女

上海縣志戶口備載婦女洪武二十四年男子二十七萬八千八百七十四婦女二十五萬三千九百二十九永樂十年男子十九萬九千七百八十一婦女十七萬八千六百四十七其數相准至弘治十五年男子十七萬九千五百二十四婦女八萬一千二百九十七隆慶六年男子十五萬八千五百三十二婦女三萬四千四百三十五數不相準則今昔醇偽之殊也按各郡縣志戶口不載婦女特錄之臨津縣志載戶口分男子成丁不成丁婦女大小



賀節

萬壽節元旦冬至諸節京省諸臣俱於進表日行全禮至日但行八拜禮不舞蹈不呼嵩此太祖所親定後人不知俱再行禮南京則並出表日亦不行全禮隆慶中林退齋署南都察院疏請禮部覆從之客產贅語

詔勅簡

外夷詔勅事竣使臣上其簡禮部轉繳內府不得損壞

夜鈴

南京皇城巡夜金鈴百枚搖訖即曙數之嘗闕一

總兵體統

國初列侯總兵體統極尊重有司伏謁如屬禮近內地守令昧於掌故輒欲鈎禮違取累

品官酒具

一二品官酒器俱黃金三品至五品銀壺金盞六品至九品俱銀銖人用菟漆木器按太祖起民間習於艱險又深懲貪墨而定品官器具不為寒乞則所謂彬々都々也正統三年品官房室除貪污罷斥者改折外餘許子孫居住

御史首道

御史聽選聽察首浙江道內計掌察則河南道蓋國  
初首下浙東先設官洪武元年詔開封為北京示其  
重也名勝志云北宋以河南為京畿道故紀勝要覽首列浙  
列河南、宋以臨安為京畿道故紀勝要覽首列浙  
江我朝蓋兩沿宋制非也

鳳陽興福宮

洪武九年四月 上如鳳陽居皇城興福宮 中都新  
志  
攷史不載

瓜哇移文

瓜哇移文嘗書一千三百七十六年蓋自其立國始

占籍

民籍灶軍匠外儒籍高籍官籍先賢籍按崇禎丁丑  
科進士四川齒錄書儒籍同輩頗異之以祖父三世  
皆教職又蜀中習例也

天地壇戶天壽山種樹人戶宛平昌平墻戶光祿  
寺酒戶陵戶廟戶園戶瓜戶菜戶米戶藕戶蜜戶羊  
戶

官讎

歲十一月朔太平人奉詔符直入應天尹中道讎於



南京

太廟銀葉

立春立冬日京尹進太廟銀葉

不禁服內生子

御製孝慈錄序有曰禁服內生子不近人情故大明律無服內生子之條數東谷贊言

莊皇在東宮時康妃服未畢生元子 上不憚諭嚴

嵩曰禮官得毋言乎嵩詢諸朝士皆莫敢對少詹事

尹洞山臺曰曷不奉孝慈錄序中不禁民間生子語

乎嵩以其言對 上釋然

孔子像

唐李元瓘言孔子廟顏子配其像立侍則像在唐前已有之洪武十四年二月建太學自夫子以下各設神主數百年夷習乃革然外學仍如元人之舊嘉靖九年始撤像

朔望行香

洪武十七年勅每月朔望祭酒以下行絳菜禮郡邑長以下詣學行香按朔望行香之禮古未有也北齊每月朔望祭酒博士諸生辰拜階下郡縣朔朝是時未藝今所謂香也然朔日行礼則始於此其後遂以



朔望行香朱子曰謁宣聖焚香不是古禮捻香不當  
叩頭只直工捻香即出笏叩首而拜絲是言之則宋  
亦然矣但儀節古今不同今則行拜禮登海縣志東陽王嘉忠著

湯信贈太子

信國公湯和世子為早卒贈世子莖鍾山勳喬同於  
蒲編

木鐸老人

木鐸老人國初專理本里事權祥縣令縣令不法充  
人能持之後為泛役胥徒等賤

課栽桑棗

洪武二十七年令百姓多栽桑棗每一戶初年二百  
株次年四百株三年共六百株違者全家發遣充軍  
有司據實以報考績殿最係之今典史具成牘以備  
故事如蘇松常鎮不桑不棗歲報如例官課虛飾類  
此多矣

照示奸黨錄

太祖誅胡丞相惟庸及其黨所彙爰書日照示奸黨  
錄藍玉之敗又理前案搜入無遺定曰奸黨自錄自  
為序

江南牧馬



洪武十四年令蘇松嘉湖四郡民占田四十頃以上  
出上馬一匹三十頃以上出中馬一匹二十頃以上  
出下馬一匹長淮沈氏家傳

### 沈萬三

南京會同館富人沈萬三秀故居也館祀遺礎尚存  
人疑其有藏金頗坎掘翰林院四書槽各高二許上  
部節慎庫四銅槽高可過人園子監四銅缸光祿寺  
鉄木酒探每探用酒米二十石俱其物

### 郊燈

南郊燈杆高十二丈有弄燈籠大丈餘容四人剪燭  
郊之夕洪武門皇城各燈如之

### 征南將軍印

征南將軍印沐氏世佩其印不全用量事大小或用  
一角或半用夷人奉之如尺一

### 國初抄劄法

令各處抄劄人口家財解本處衙所成丁男子同妻  
小收軍充役其餘人口給每官軍為奴金銀珠翠本  
處官司收貯年終類解馬匹令本衛收養給每騎卒  
牛隻給身屯卒無屯處并一應孳畜粗重物件盡行  
變買值錢於有司該庫交收犯人家產田地外內有

墳塋不在抄劄之限

### 勳嫡

凡公侯伯最尊嫡長其承襲世封者奉宗呼為爵主一切吉凶大事以及爭鬪構開皆聽爵主分割曲直其罪捕輟不又送法司者得自行笞禁不避尊行亦猶天家規簿及郡王體制最合古人宗法然惟開國靖難諸故家為能其他暴貴者不能盡聽約束矣又軍中僚伍偏裨以及幕賓稍為雅談者每呼正位總兵官為兵主此惟大將專生殺者為然副將以下即貴至橫王僅呼為帥主耳蓋亦唐人以使主稱節度大使意也宋世使者出疆亦名正使為使主其副使犯令雖得尊官亦得用軍法誅之沈德符野獲編

### 鎮江輕租

鎮江民糧全免官租半徵民糧本色亦免徵惟折馬價

### 番經臺

南京大內番經臺多六朝古石

### 內庫

內府供用庫廳前懸木魚一長三尺許亦有餘之意後庫上有瓦鴿子一



左順門內庫設木欄秤閱凡有事而出皆搜檢即覓  
庫內臣亦然獨文官不搜即文莊集

神宮監

神宮監不許蓄犬萬曆間掌監杜用養一小犬為東  
廠訪知費千餘金方免祭

奉先殿薦新

南京奉先殿薦新正月生菜十斤並十斤齋十斤上  
江寧辦雞子鴨子各三百太常寺辦二月子鵝二十  
二隻外副鵝二隻兩果辦直六兩二錢芹七斤萹蒿  
七斤薑菜十五斤兩果三月筍十五斤山川壇辦鯉

二十五斤河泊所四月梅二十斤櫻桃十五斤杏十  
八斤園中黃瓜百三十枚兩果昆豬三斤雉六隻兩  
五月桃十五斤李十五斤來禽十五斤園戶茄二百  
五十枚兩果嫩雞二十隻副雞八隻江寧夏至日李  
五十斤太常寺六月蓮百六十枚甜瓜三十枚西瓜  
三十枚冬瓜十八枚兩果七月雪梨二十斤寧國芡  
實十斤園戶葡萄十二斤菱二十斤芡十二斤江寧  
八月茭白二十斤池戶芋二十斤園戶薑二十斤藕  
三十枝鮓魚二十五斤河泊所粟米一斗糶米一斗  
山川壇粳米三斗江寧九月香橙二十斤園戶鱸十

五斤河泊所栗子二十斤小紅荳三斗江寧砂糖一  
斤八兩十月柑二十五斤橘二十五斤吳興活兔六  
隻溧水溧陽山藥四十斤白蜜一斤太常寺十一  
月甘蔗百

淨海

寧波金塘大榭台温玉環石塘皆懸海山田周數百  
里舊有居民因倭亂徙入內地

武職貶封

洪武十七年正月濟南衛指揮使何誠乞封繼父  
特生父已封許之今世弁又都督其崛起至叅將始

封

門禁

南京洪武朝陽太平三門禁出樞魏國公家墓鍾山  
許太平倒出

同宗

翰林李士新安朱升誥命有眷我同宗之老實為者  
詰之英詞臣代言恐未敢稱同宗或上肯然耶野  
史謂太祖嘗欲繫族元晦容或有之

李韓公燈榜藏勅

李丞相善長史謂定遠人實世居徽郡祖 墓郡城



東十里丞相少讀書靈金山留有金燈流刻中元節  
焚流則燈見歲久板漫遠改刻焚之燈隱今仍前刻  
丞相沒駙馬都尉祺次子盛慶謫仙績溪之龍岡家  
藏太祖手勅二稍明胡黨之寃謫滿二百十六年准  
後人伏闕復還所籍六萬金之半藏勅後質巖鎮  
方氏天啟初方氏夢丞相冠帶來索否且見福乃贖  
去亡何方氏以崇禎二年十世孫李世選投勅上奏  
下閣臣韓云高皇帝遺旨一道仍手書皇封之上  
勅賜勳臣皇親外甥李盛慶、祖善長因同事罰貶  
去守龍岡二百十六春為民依勅滿捧此勅到京見  
主開折復忠臣功爵謚同依近世、不忘李徐劉勳  
臣保障我為主收伐陳友諒天下俱克後十大功勞  
秋毫無犯洪武二十三年出給李盛慶收執欽此臣  
祖盛慶奉勅遂同乳媪襁負龍岡相延八世不知封  
中所言何事無敢輕啟今限已逾期臣父應寵年六  
十有七哀殘遲暮臣嫡長代賫云云下閣部勘閱大  
季士韓塘等言文書官賈宗誼奉聖諭至閣云朕讀  
皇史宬尊藏御筆折對封面上亦有二三字相似其  
寶篆辨永昌但其封內文書正為不類所言二百十  
六春便當應期來何延至今既曰李盛慶又曰李盛



是一人還是二人耶等詳查揭奏於是大季士韓爌  
等言臣請皇極殿恭驗 皇祖御筆以李世選所進  
勅比對可疑不知一端 皇祖親筆行草皆花健有  
法而所進不然即封而長字臣字角字稍似亦未逼  
肖若中幅則不同已多可疑也皇祖初年戒勅諸將  
帖諭敵國出自親裁詞意淵卓豈臨御二十三年之  
後手書文義不類若此貶守龍閣亦屬無據可疑二  
也其云二百十六春為民限滿自洪武二十三年至  
今二百四十年矣前此應期何不來奏可疑三也封  
而稱李盛慶封內又稱李盛李世選疏有福慶延慶  
盛慶三名則盛慶為一人明矣然考善長子駙馬都  
尉祺、子二芳留守中衛指揮叢旗手衛鎮撫至芳  
子恒始傳襲並無盛慶等名善長賜死芳茂俱赦弗  
誅世選云祺同子福慶延慶亦因以死可疑四也封  
內悞書胡惟庸為維庸李祺為奕祺之祺可疑五也洪  
武元年定尚寶司為正五品舊制寶十七顆並無單  
用永昌二字可疑六也又善長自謚在二十三年五  
月二十二日是春榜列功臣尤首善良而封內乃書  
二十三年仲春月初一日出給則給勅乃在善長未  
死之前其謬可知矣云云禮科給事中孫紹統禮部



尚書何如寵佻恭其謬如寵曰臣質問世選年二十  
歲住績溪九都龍閣問何不依限來奏云父風疾又  
負農上年清明節祭旌德祖墳過生負李仙品說起  
扶持營費同來又問封而無盛慶封內又李盛是一  
是二云是一人問吾李編等書李善長子孫世次甚  
祥並無福慶延慶等名云年幼不知察世選一村愚  
頗不知作偽而應對之間非推年初不知則云不  
敢拆看但云凡事李仙品曉得云云兵科給事中宋  
鳴梧奏曰善長事詳載實錄尤莫詳於昭示奸黨錄  
善長被詰自縊今日止令致仕尋卒一謬也善長之

子駙馬祺因於家建文初赦守江浦靖難兵入投水  
自溺今云善長卒祺因卒二謬也有二子曰芳曰茂  
芳為留守中衛指揮茂襲旗手衛鎮撫茂子恒停柩  
今云祺與二子福慶延慶同死止有宗孫盛慶所謂  
盛慶者善長之後也抑存義之後耶善長自駙馬外  
有二子胡惟庸招中所稱四官人六官人及存義之  
子伸佑俱誅死所謂宗孫盛慶者何人三謬也云云  
按茂生恒生城生宜生鸞世居聚寶門外竟

### 論世選死

談遷曰李世選所上 高皇帝手勅坐誣妄與漢竇



嬰所上大行手詔同嬰豈作偽者或景帝大漸不及  
下尚書耳 高皇帝開天之事不可以拘格論御筆二  
三字僅似文義不甚類亦違、有之福慶延慶意芳  
茂小字固初好稱小字如惟庸李祺之悞人人知之  
能偽必不悞悞處或聖怒特改其曰仲春月初一日  
給似趣善長死未即自決故至五月二十二日也  
高皇帝過卒既不欲暴而上公之爵非一紙即復存  
疑可也謂作偽似未必然

宋濂

宋景濂先生奉制作蟠桃頌 上命其子中書舍人

璉書於核內藏於庫猶存

元翰林待制柳貫道傳宋先生師之柳集若干卷行  
世遺稿四卷宋手書細楷藏柳氏處

義門鄭楷撰宋先生行狀云任國子司業 上欲試

先生以吏事四年八月授安遠知縣按宋以議孔廟  
禮忤旨謫非試吏事也正不必諱 洪武十四年辛

酉先生卒葬瓊州蓮花峰下越三十三年永樂癸巳

十二月二十七日蜀獻王遷成都之華陽安養鄉又  
七十二年成化乙巳十二月十三日蜀惠王改葬錦

城迎暉門外



楊彞獻詩

餘姚楊彞宗彞洪武中任長泰主簿其子坐謫移家  
戎貴州普安衛宗彞棄官伏闕獻詩曰臣本山中一  
布衣三年從宦在京畿功名有志嗟何晚妻子無衣  
夜不歸日照九重恩莫辨月明千里泪頻揮丹心一  
點隨雲氣長繞黃金闕下飛上悅之擢吏部考功  
主事还其從戎妻孥復以引年去官就養普安有萬  
松集點紀

功狀榜里

晉江陳章應進士歷榆次繁峙安立三縣丞以才  
召為禮部儀制主事太祖閱功狀大異之璽書褒  
美下本郡榜之里門以寵之榜猶藏於家王遵巖文集

經進集

華亭顧祿謹中以太學生官太常典簿歷蜀府教授  
太祖聞其詩命畫進之解縉嘗入使殿見御前置祿  
詩數帙故其集名經進云

恩榮宴釋父

邵陽梁德遠洪武乙丑進士父廷用戶部郎中繫詔  
獄德遠不赴恩榮宴及父謫戍請身代特拜上科給  
事中命釋其父楚紀



丁玉銀錠

平羌將軍丁玉經略西番鑄銀錠身之要約散給諸  
羌得者室之如神物上有誓詞輕重不等番中號為  
丁大夫

建文皇帝遺蹟

郭子章曰吾李編雌伏亭叢記俱載 帝在金筑長  
官司羅末菴題詩壁間予入黔今定番州守王應昌  
訪其菴在羅榮寨五里許有白雲菴即 帝避難處  
也豈悞榮為永悞寨為菴耶菴畔一井周匝可二尺  
許深半之傳 帝所濬井中水恒雨不溢雨恒賜即

十萬人飲之不涸時有隻鯉出沒其間久旱出轍兩  
淫雨去轍晴其應不爽菴後有洞亦曰白雲外空中  
廣可坐可卧有臺可置燈又有隙通天光明內徹乃  
帝修煉所菴左右有杉數章大者數圍小者合抱皆  
帝手植前臨龍潛金剛二寺萬山朝拱儼然居高臨  
卑 帝潛此數十年豈無意又嘗經宿威清衛為劉  
氏書玩略堂御墨猶存劉即今指揮世爵祖也在宇  
內黔為避在黔羅榮為避終永樂之世不能物色之  
以此嗟乎古今帝王出亡無復有歸者亡而歸惟  
帝使 成祖無德昭之恨 英廟成親之仁亦千



古一快點紀

風塵一夕忽南侵天命潛移四海心  
鳳返丹山紅日遠龍歸滄海碧雲深  
紫微無象星還拱玉漏無聲水自沉  
遙想禁城今夜月六宮猶望翠華臨

閱罷楞嚴磬懶敲笑看黃屋寄曇標  
南來瘴嶺千層迥北望天門萬里遙  
款段久忘飛鳳輦袈裟新換袞龍袍  
百官此日知何處惟有群鴉早晚朝

右題金瓶二首馮克

飄泊江湖四十秋於今白髮已蒙頭  
乾坤有恨家何在江漢無情水自流  
長樂宮中雲氣散朝元閣上雨

聲收新蒲細柳年、綠野老吞聲矣未休

斷絕紅塵法守崇清高不比世人同  
牢鎖心猿歸定寂莫教意馬任西東  
禪杖曾挑滄海月袈裟又接祖師風  
吾今滿眼空門事幾个知音了悟功

點紀

衡州有建文巖以建文帝自南中还寓衡之華嚴寺  
當巖坐故名有碑記有奏草自稱匡僧瓊後見吳人  
朱鷺建文書法擬萬曆戊子老僧大慧來自衡中言  
雲南武定軍民府獅山之半有菴曰龍隱中詞建  
文帝云棲山四十餘年始自田州歸大內今其像禪  
衣錫杖凄然老衲狀也



錢塘果

大遮山東羽寺

帝嘗隱此有遺影

云 帝自寫今塑其像髡髻面紫其遺影近一紳購去

武康縣證道寺題壁江湖徧覽此間停終日觀瀾坐  
梵局近水魚遊千頃碧長空鳶戾九霄青聖賢道配  
乾坤德日月光華草木馨媿我遠來山寂處誰言道  
有少微星歲次辛亥孟夏梅 書相傳建文題大書  
猶逸末一字未辨

帝嘗寓吳江史翰林仲彬家篆書小雅堂史孫女適  
嘉善池灣沈氏移榜去懼禍錘其題識沈石田先生

有登小雅堂哭史仲彬詩

建文皇帝墓

建文帝墓在西山開嘉靖十五年九月 聖駕嘗幸  
此王在晉長安客誥

天下大法師之墓在北京黑龍潭二里

劉侗帝京景物志

建文帝墓處距 景帝陵不遠石碑題曰天下大法

師之墓駙馬都衛鞏求固請追謚稱皇帝 上語輔

臣曰建文無墓何憑追復尊號乃止蓋輔臣不知據  
此以對也 楊士聰玉堂薈紀

方孝孺辭稱先生



方遜志身藩擇可書辭稱先生前挈虛受如此今季  
語見定黎轍自稱先生寧不顏汗

雪菴和尚詩

典衣沽美酒新作釣金鱗請我師、友邀他上、賓  
風吹椒樹老雨洒桂花新百歲如彈指相邀莫厭貧

許觀考滿呈式

翰林院脩撰許觀年三十三歲係直隸池州府貴池  
縣在城民籍由本縣儒孝生員洪武十七年歲貢考  
試中式送國子監讀書當年中應天鄉試為丁父憂  
不曾會試洪武二十一年十月間起復仍送國子監

讀書洪武二十四年二月內札部會試中式三月初  
十日殿試賜進士及第當月十七日除授翰林院脩  
撰洪武二十五年除授翰林院脩撰洪武二十五年  
八月二十三日出祖母喪承重丁憂洪武二十七年  
十一月二十三日服滿洪武二十八年正月內到部  
日復除原職洪武二十九年八月日實歷俸三十  
七個月已是三年考滿例應考核今將任內行過事  
蹟有無過名開坐須呈者 一事蹟撰述文字檢  
閱經史撰寫刑部等衙門榜文編寫諸司職掌編寫  
省貪等錄考試歲貢生員考國子監每季課業清理



軍職帖黃註銷各衙門前件 一過名無 本院李  
士劉三吾署考云倚撰許觀癸身科第擢居翰林器  
局疏通盜事勤謹在位三年可謂稱職舊京詞林志  
許觀洪武庚午鄉榜三十一名

許觀籍沒弟觀匿廣文廡舍中得脫遺腹子 寄育  
外家郭氏郭自有子長而相詬謂爾侍中宗人是罪  
孽也私於官郡守聞之令仍黃姓後黨禁解萬曆丁  
酉蜀人奕文選以御史按部至貴池訪侍中裔孫久  
之得二人各持世系上御史留其一曰此為真彼僞  
也果官請其故曰身即侍中族裔姓往避難竄蜀改

姓再因奏立祠奉祀釋其姻黨翟翁二氏永成廩其  
裔於李官觀夫人翁氏家尚存都居郡城貴池蔡生說  
吳人許觀字灝伯有高行不仕與侍中同時同名字  
見文徵明跋江貫道畫

### 高巽志謚

建文中太常寺右少卿兼李士高巽志謚文忠負士  
沈純

裕秀水志

周玄初崔林集巽志作周尊師傳後題洪武三十五  
年歲次壬午春正月前吏部侍郎太史河南高巽志  
革除之後不著建文職官而遜國記末之詳也後更



考之

建文遺臣

金華楊榮由歲貢敦尚風節以詩文名官因予助教靖難末棄官歸永樂初詔錄舊臣榮辭不赴強至中途歎曰吾柯類復樹名仕籍乎遂赴水死

朱寧一名寧字士安洪武中

汀州同知調河

間奉母就養時守關寧署郡符未幾靖難兵起倉卒城陷遣人送母由間道馳歸抱印抗節因械軍中永樂初謫成良鄉十餘年備嘗艱苦作耕雲軒以自適後赦歸以主簿起寧竟不就辭疾歸母已沒痛悼不

已廬墓終身以上俱湯溪縣志先屬金華縣

僊居顧碩以通經授石樓知縣擢吏部主事 文皇

帝即位召之不赴棄官逃去為富家牧牛每至山椒水湄輒飲泣微吟出牧携一竹筒絨膝甚密莫歸即枕之帥或問此中何物珍之乃爾即悶不答至永樂終盡赦死義家聞之歌曰騎牛緩過前阿手執牛繩口嘆歌牛飽人饑欲歸去幸何幸何幸何乃開笥出衣冠服之辭主人而歸詢其祥乃碩也 僊居表歆所者不知其名永樂初流寓常山之松嶺為人易直善飲、酣輒書淵明五柳圖詩書罷擲筆悲吟



繼以涕淚又嘗夜宿旅舍聞人行聲起題詩於壁悲吟達旦一江西布商見之曰此吾鄉某編修何為在此表趨掩其口商佯不顧而去後十餘年鬻一妾婦死歸家

黎杖老鞋白布裘山中甲子是春秋先呼兒點先帝御諱

門前柳莫遣飛花過石頭題淵明五柳圖詩  
宣德初有錦竹人山題詩於浦城之黎嶺山河形勝  
今猶在宮闕趨鎗事已非冀野風生雙虎關咸陽火  
起一龍飛傷心何忍聞黃鵠稽首無緣見衮衣繫石  
猶懷千戶恨仰天血淚不勝揮

萬州海雲菴有老僧示寂衣上有詩十年依佛因萬  
里走天涯舊主無尋處孤臣敢問家何心嬰祖綬有  
血滴袈裟寒食魂應寂悲歌愧五蛇以上俱錢牧齋國朝詩選  
燕人南征真定府知府全椒徐文晟貢士閉城不應  
後登極查理不孝官成具州中七衛妻王氏擊登聞  
鼓訴冤得末減

### 黃鉞裔

常熟給事中黃鉞叔揚亡子弟之裔曰可仕亦絕有  
林姓是其嫡族許子洽說

### 茅大方



泰興茅大方謁孟廟詩有序歲次庚辰夏五月大方偕大理丞廬陵彭與民拾遺攜李朱逢吉承制來撫齊魯兵民道憐過鄒謁拜祠敬賦一詩以志瞻依之意云鄒國城東有舊祠冕旒遺像儼容儀母賢昔著三遷教子聖今為百世師故里尚瞻差俎豆新碑遠刻斷機絲焚香拜手登車去千古無忘義利詞今石刻首四字鏤去蓋建文二年隱可識也 三遷志

### 烏鎮九老會

烏鎮九老會漏叔瑜字大美號越南會稽人革除時河南道監察御史唐其道鳳陽人革除時以文史院出署天長縣丞並寓烏鎮孫孟吉字宗兆禎烏鎮人革除時建文閣太常寺博士時年八十五以上三人俱遜荒行遁者備革朝遺臣之闕

### 建文書法擬

吳人朱鷺白民著建文書法擬求姚太史希孟序太史崇禎初方赴召恐觸忌遺金一謚而別

### 神虎

燕王奉兵靖難夾河之戰先一日忽有虎突御幄前諸將駭怖都督譚淵一矢殪之王大喜謂朔日戰又勝朔日為盛庸所攻失利淵死之子忠封新寧伯立



廟在於門左肖虎見張東白先生神虎傳

脫驂治罽

永樂元年八月成陽侯張武卒 上出內廐鞍馬罽之令有司治罽具。

致仕官掌印

永樂七年春 上幸北京詔天下致仕官皆掌印於各郡縣於是致仕衛揮知府義烏胡禧掌常州府印已解印去通判夏英民命無錫訓導瑞陽盧立魁作序送其行末書某序不稱頓首僚友知府黃弘同知洪庸通判夏英推官靳俊拜贈永樂二年正月十七日故衛揮知府胡禧

末朝年老賜冠帶宴賞致仕賜勅

世廩生

江陰鄧師錫原安南降臣其子孫世順天府儒學廩生聽科貢戒菴漫筆

文臣封贈

明初文臣多不得封贈父母暨妻始永樂十年時僅八人西揚勒石以垂後

崑山鄉奉

永樂甲午崑山起送諸生科試止五人曹瑜戴義陳劭王永和夏景是年皆中選而永和為名臣備拒解吟錄



永樂程錄

永樂庶子科浙錄按察使一人居首監臨由監生次  
巡按御史次布政司時尚執法故首臬司也奉子書  
名每行書二人李樂見聞雜記

補印

永樂十六年慈溪縣失印請更鑄朝議恐舊印復出  
易為奸改印文從谷曰慈谿

宮妃歸寧

永樂二十年恭順榮穆麗妃陳氏入宮  
寧陽侯陳懋受冊尋命歸寧父母賚予甚厚

佛郎機

佛郎機烏統相傳得之番舶都督戚繼光少署登州  
衛印發地窖永樂時佛郎機年月鑄文可改又庫有  
烏統

兩京官俸

兩京官俸微有不同如南部主事支米三石北部支  
四石五斗有奇折湊亦不同

史官侍班

常朝御皇極門史官四員班左在各科前午朝會極  
門史官二員列御座東稍南至機密宣召史官不侍



留都官擁蓋

南京各官惟大司馬閔武及督學御史張蓋大司馬  
八驕御飛鶴袍

奉先殿

奉先殿在東宮左門樓三間殿九間甬道丹陛各三  
十餘丈嘉靖初改西宮之旁殿門三楹在橫墻下無  
樓甬道丹陛總數步殿六間制度隘於舊

逆榜

流寇陷潛山掠宿松榜曰歲值凶荒君不設救援之  
策民遭困苦臣不垂解懸之仁林、尸位以伴食總

、備員而苟全神明共怨天地難容今我等亦天地  
生身朋友輔德諸家頗曉六韜三略皆知生不逢辰蹇遭  
荼毒一則大戶吞併之甚一則官府科派之繁致經  
商無本耕種無田餒粥不敷仰無以事父母衣食不  
給饒無以畜妻孥身無所倚控訴無門常思赤肩曾  
與於漢末再見黃巾亦起于晉唐古昔皆然今何不  
繼由是黜集英兵專封猛將引類呼朋莫不倖一而  
同事齊心合志且將地利與人和近聞府縣無道盡  
懷剋剝之心為富不仁全無周急之念貴介者皆容  
、而苟祿富豪者盡虎噬而狼食三窟藏身莫不瓊



其堂而瑤其室。違條取債類皆佔其屋而折其廬。誰能發粟以賑貧。孰是因疾而施藥。汝等聚而不散。我輩取之何妨。云云。

### 館陶全城。

壬午比兵深入館陶。令晉調元其姻。孝廉某自閨中來道被掠。儀觀雄偉。厲声曰。吾非庸。者不令我見主帥。乎會宥。立効相報。及見主帥曰。我閨西男南子。不與俗伍。姻家館陶令以舌下之馬。驢金帛。惟所欲耳。主帥信之。以騎往。孝廉求輿舁至城下。約停車。容入說之。入即助守。曲盡方略。蓋孝廉倜儻。是以詔敵也。

### 中使司

鏡

洪武元年封皇女六人為公主。命先為嘉興。延平。慶都。三主府。造中使司印。中使司有正副。亦閩人為。如王府之承奉。非唐家以士人充僚佐也。

### 賜宮媛家僮

仁宗賜太醫院使。蔣用文宮媛李氏。莊氏。徐氏。賜御醫何淵手札三十一道。家僮二人。文馬一匹。

### 巡撫歲入京

宣德時令巡撫歲八月赴京議事。



大臣除伍

宣德時兵部右侍郎錢瑋徐琦成籍寧夏以使安南  
稱旨特除其軍籍後樞部為例

不奪功臣宅

宣德五年十二月丙辰秦府保安王志烟請故陝西  
都指揮使陳懷完為洛川縣主居第 上諭工部尚  
書吳中曰陳懷功臣若尚有親屬安可據奪其舍陝  
西三司覆勘噫以視斥郭汾陽舊宅入法雄寺者何  
如哉

蜀邸聲鏡

車

宣德五年蜀王府忽奉炮鏡總兵陳懷以聞 上責  
輔導官謝還護衛三分之一今照論極矣江南喪嫁鏡  
震城市了不禁也

學憲兼民事

正統元年五月壬辰設京省提學憲臣二月八月命  
憲臣兼督民間栽種桑棗先是守令提調諸生孟月  
試經義仲月論表季月策皆在存舍

典史進俸級

正統時山東長清典史淮安何聰九年任滿邑人乞  
留進九品俸給長清縣志攷 先朝實錄優於下吏



類多匪獨何臆也

孝子孫庸王相

正統九年孝子滁州孫庸迤自廣西庸字允良其從  
大父豪為圉人隸太僕馬死膏價將之廣西市馬得  
息補其父景和代行是時庸姬財七月景和暴道得  
暴疾死南寧偕行者告官、為藁葬已而生庸比壯  
語及輒哀剝斷絕恨不知死所一日閱故籍見狀銳  
意往乃徒步至南寧求不得遂披髮曳鞵窮厓山谷  
已得老姬示葬處因發得骸刺泉涸瀝之血輒沒入  
乃肩歸、葬城南旦子周序墓如初喪君子曰可謂  
孝矣以後嗣微薄未得旌胡松曰予少時數聞長老  
賢通於事者皆言庸孝不誣且言庸有友十數人既  
並死惟庸每歲時伏臘必列其位躬奉觴上食泣如  
與對酒數行而後已蓋孔子有言久要不忘平生之  
言庸豈其人哉其諸異乎市道交以存沒興衰為離  
合乎又嘉靖十六年四月巡按御史蘇叢禮於孝子  
王相之居相滁州衛人早喪父母賈氏寡委曲奉事  
得其歡母衰老畏寒相溫枕簟不替垂拾餘年冬深  
寒甚常橫卧床第取母足加腹煖後賈齒盡落不能  
啜含哺、之扁道矢箒上必自剝滌其喪毀剝不勝



朝夕號出入告殯及葬自起塚日飲食踴墓獻哭憶  
慨焉如弗及胡松曰孟子有言狂狷不可必得故又  
思其次末世俗靡士或迷方輕薄詭譎去道遠而故  
能操乘一行久不易者蓋亦鮮也王目不知書其所  
自盡士或不能逮雖其天質之美良其風軌所被可  
以興矣昌黎云無亦傳使其無傳焉余是以述之州志

太宗伯不由翰林

正統己巳禮部尚書錢塘楊寧嘉靖甲申禮部尚書  
遂寧席書萬曆庚辰禮部尚書嘉定徐季謨皆起曹  
署著聲

### 高鏊

高鏊字企之嘉定人少孤其母改適乃從外旧氏遂  
冒其姓舅氏故太醫官居京師鏊因習醫補太醫以  
之直內殿正德十四年二月上書直諫上怒下詔  
獄榜三十明日跪午門五日復榜五十代烏撒衛嘉  
靖初放還晉御醫復高姓自後朝士多新貴無知鏊  
者而鏊亦自悔匿不言先朝事守官垂四十年不調  
嘗考蹟尚書吳山展其牒矍然曰此即武廟時徐  
鏊耶嗟何淹也久之調南京隆慶二年卒年八十三

呂尼祖駕



己巳 上出紫荆關陝西尼呂氏迎駕言其行不利  
上怒叱挫之尼坐化去今順天保明寺供其像封  
為御妹俗稱皇姑寺

景帝墳園

景帝墳園不稱陵在金山口距西山十不里陵前坎  
陷樹多白楊及椿皆合三四人抱高可二十丈李夢  
陽集句北極朝廷終不改崩年亦在永安宮雲車一  
去無消息古木回岩接閣風

運軍

景泰前漕舡無定制天順後定舡一萬一千七百七

十五隻官軍十二萬一千五百餘名客座贊語漕舟  
四十三隻分十總

南京總各衛一千七百六十隻

江北總各衛二千六百九十四隻

中都留守司八百八十八隻以上俱清江提督司造

山東都司七百七十三隻石衛二十八萬石內折七萬

浙江都司二千四十六隻石衛六十一萬石嘉靖三十三年  
年浙東西分二總

江西都司八百九十九隻石衛四十一萬石

湖廣都司七百五十九隻石衛二十七萬石內折三萬

河南石衛二十七萬石內折七萬



江南直隸一千四百四十三隻以上各原衛所造  
遼洋海艇五百二十五隻衛河提奉司造  
今額艇萬二千一百四十三隻米四百萬石每舟正  
米三百三百石定百石加耗九石八斗又月糧四十  
金行糧十六金

### 江南民運

民運白糙粳糯隆慶二年奏定府佐一人領州縣佐  
一人副焉正月解維六月告納否則罰六年許同軍  
艇稅進

蘇州艇百二十七隻糧七萬六千五十七石

松江艇九十四隻糧六萬一千六百四十石

常州艇百二十七隻糧三萬三千一百二十五石

湖州艇八十二隻糧萬千石

嘉興艇百三十九隻糧六萬五千七百五十石

嘉湖專供光祿寺酒醋局浮費猶省弘治十年安

吉知州舒城鄭昌奏除安吉白糧無錫果供御上白

十一石常用七百餘石

### 南京貢艇

司禮監制帛二十損艇五筆料艇二內守備鮮梅批  
祀楊梅各四十損或三十五損各艇八俱用水尚膳



監鮮笋四十五損舡八鯽魚先後各四十四損各舡  
用冰內守備鮮橄欖等物五十五損舡六鮮笋十二  
損舡四木犀花子二損舡二石榴柿四十五損舡六  
柑摘甘蔗五十損舡一尚膳監天鵝等物二十六損  
舡三醃菜薑等物百有三罈舡七笋如上舡三蜜煎  
櫻桃芎物七十罈舡四乾鱗魚芎物百三十盒舡七  
紫蘇糕物芎二百四十八罈舡八木犀花煎百有五  
罈舡四鷓鴣等物十五損舡二司苑<sup>馬</sup>芎七十七損  
舡四薑種芎苗等物八十損舡五苗薑百損舡六鮮  
藕六十五損舡五十櫟果百四十五損舡六內府供  
應庫香稻五十損舡六苗薑等物百五十五損舡六  
十樣果百十五損舡五御馬監苜蓿種四十損舡二  
共舡百六十六隻衣板方黃魚等舡不預焉  
兵部馬快舡六百隻俱供進貢

上林苑

上林苑蕃畜署畜養戶二千三百五十七家牧地一  
千五百二十頃三十四畝鵝八千四百七十隻鴨二  
千六百二十四隻雞五千五百四十隻光祿寺取孽  
生鵝一萬八千隻鴨一千隻雞五千隻綠雞二千隻  
雞子十二萬



太常寺薦新奉先殿鴈十二隻雉嫩雞各十三隻鴨  
子二百四十雞子二百八十  
本監歲進宮<sup>卷</sup>六十五隻鴨黃七千五隻雞黃五十隻  
大雌雞十五隻鴝子九百五十鴨子二萬九千內府  
供應鴨子三萬

嘉䟽署栽種地一百十八頃九十九畝歲造菜宮十  
三萬七千五百八十三斤又光祿寺青菜二十四萬  
七千八百斤芥子七石八斗  
良收署牧戶二千四百七十六家草場地二千三百  
九十九頃十三畝井九百二十九隻牯牛九十七隻  
犍牛八百三十三隻羊二千五百六十九隻綿羊二  
千三百九十六隻公羊二百四十八隻母羊一百五  
十七隻兎猪六十八隻母猪十隻  
光祿寺歲取孳生牛八百隻羊五百隻羊羔二十隻  
腌猪二千口正旦冬至節肉猪千口  
內府丁字庫歲收羊毛二千四十六斤四兩  
太常寺薦新活兔八十一隻

松江布

成化間松江人以布餉者遂派閩禁庭下府司織造  
赭黃大紅真紫等色龍鳳斗牛麒麟等紋工作胥隸



並緣為奸一匹有費白金百兩者

孝宗在東宮深知其弊即位首罷之嘗閱內帑見之曰此布一匹文綺十匹價也終身不一御自是遂絕

松江府志

松江細布輸京十二萬三千八百六十匹有奇華亭六萬五千一百匹有奇上海四萬二千七百二十匹有奇青浦二萬三千四十匹有奇萬曆初加八千匹

教官考績入京

教官九年秩滿考績例入京成弘間猶然後廢不知何年

南京左侍郎

南京各部自正統後俱右侍郎成化十年倪謙為禮部左侍郎十二年錢溥為吏部左侍郎

浙東銀冶

浙東銀冶國初歲辦二千八百七十餘金永樂時至七萬七千五百五十餘金宣德時至八萬七千五百八十餘金正統間減課正三萬八千九百三十餘金景泰七年止一萬六千六十五金天順六年三萬零四十八金成化三萬年二萬一千二百五十金五年減一萬零二百三十七金弘治二年止一萬八百四



十一金見巡撫御史暢亨疏中

大臣肥贈革職官

弘治十一年十二月丁巳大奉士謝遷言在祖榮任  
福建布政司都事例不封乞以已得誥命移贈上  
並予之天啟初太子太保吏部尚書張問達言臣父  
任四川眉州判官坐劾奪職在令濰縣後冠帶不  
得封今乞恩命許之

閣臣賜蟒服

弘治十五年十二月乙巳始賜閣臣蟒服

西宮三殿

永樂辛丑四月庚子三殿災正統己巳六月南京宮  
殿災弘治戊午十月甲戌清寧宮災正德甲戌正月  
庚辰乾清宮災嘉靖辛丑四月辛酉九廟災辛酉十  
一月辛亥萬壽宮災其年月皆己酉午戌丙丁

皇莊

慈慶宮慈寧宮乾寧宮共莊田二萬一千一百六十  
六頃十五畝徵五萬五千八百十四金煤窰七十  
座徵百七十金果樹六千餘株徵六十五金



教諭李璧

仁和學舍有宋高宗手書石經正德時巡撫張承仁  
欲徙之郡李教諭李璧力爭之張曰吾徭府學非私  
之也何執為曰明臺為一浙主涉之無所不可璧官  
仁和季知守故物他非所知也苟從命涉是猶子孫  
不能為祖宗守祭器尚可為子孫乎張怒欲撻之璧  
曰官可去身不可奪也去官而移石經非典守責矣  
官猶在也豈可以奪乎乃止自璧去或移之郡李杭  
府志

教職左遷



正德省龍泉教諭宜山高嵩以亡功降霍丘訓導

提學官疏薦人才屬官

正德九年吾寧祝虛齋先生萃任陝西按察副使提督奉校奏薦地方人才長安縣劉機高陵縣呂枏蘭州段昺鄠縣王九思盤屋縣元凱高州南鐘華陰縣屈直鞏昌府范鏞慶陽府王綸臣嘗相接其所議論規為皆非常才士子所共推尊軍民所共敬服是皆先帝與陛下作養簡拔殆非一朝一夕之故云又奏薦賢才如同州儒學、正魏謚長安縣儒學訓導樊華渭南儒學訓導李應陽興平縣儒學訓導秦錡李既醇正行尤謹嚴前提學副使朱應登推教書院功緒甚著長安縣儒學教諭董儒三原縣儒學教諭申偉秦安縣儒學教諭江萬玉長安縣儒學訓導才德俱美卓立不羈米脂縣儒學教諭蘇文藍田縣儒學教諭劉萬祿出身雖由歲貢奉行無忝科目云按薦地方人才薦教職今係撫按事而舊見之奉憲想亦例也正德後不復行矣檢先生遺集錄之以存錄羊

富春謠

富陽江之魚富陽山之茶魚肥賣我子茶香破我家



採茶婦捕魚夫官府拷掠無完膚吳天嗣不仁此地  
亦何辜魚胡不生別縣茶胡不生別郡富陽山何日  
摧富陽江何日枯山摧茶亦死江枯魚始無於乎山難  
摧江難枯我民不可蘇按察僉事朝邑韓邦奇疏載  
之削籍

省掾何麟

武宗微行自大同抵太原城門閉不入上怒遣中  
官逮山西守臣拒門者撫按而下皆怖布政司吏沁水  
何麟曰來旨未有主名此易為耳若厚賄中官不令  
羅織願與俱往即上怒麟一身不足恤也至京奏

曰陛下巡幸晉陽維者司城門者曾臣麟一人他  
官無與也臣不能啟門恭迎輿臣罪萬死但陛下  
下輕宗廟社稷而遠事巡遊且易服微行無清道警  
蹕之詔白龍魚服臣下何由辨焉昔漢光武夜獵至  
上東門守臣卸幘拒而弗細光武以幘為守法而賞  
之今小臣欲守卸幘之節而陛下乃有不敬之誅  
臣恐後世以為臣之不孝不若卸幘而陛下寬仁  
之量亦遠遜光武也有旨杖六十釋之各官皆不問  
沁水縣志

揚循告



武宗南巡於北固山上見循吉留題因召見行在見  
上不能對遂罷遣歸忌者因以為伶人臧賢所薦  
不知此際循吉貧不能糊口其赴召也典衣為裝惡  
從市伶人王元美輕信筆其事於危言因而傳播天  
下寬哉徐文貞云 世廟初年欲起君謙聞其願而  
止揚公實願不以伶人事也 馮元成又集愚按正德  
十六年八月癸未發京師是日即杖臧賢等於午門  
戍安得從南巡薦循吉也又江寧徐子仁霖亦曰臧  
賢所薦是年十二月 上至南京賢死久矣流聞之  
謬如此

### 蔡鼎

貴池蔡鼎正德辛巳進士歷雲南巡撫都察院右僉  
都御史訪黔國公沐崑堂設椅自中坐左右列長杓  
侍坐撫按察不耐坐沐怒命懸其杓竟立岷茗而去  
自嘉靖中撫按始均席

### 御容藏殿

嘉靖時 祖宗御容藏永孝景神二殿

### 魚位

嘉靖乙酉二月乙未故事朝奉序爵南京元會習儀  
靖遠伯王瑾協同守備居首列南和伯方壽祥不平



詔斥引下之事聞得旨班序如舊戒責壽祥崇禎辛  
巳冬節南和伯方一元協同守備班安遠侯柳祚昌  
上忽論監察御史詹士恒謂方領勅宜先之兩事適  
合又皆方氏祖孫惜未引前案也

白衣山人詩見夢

薛應旂 嘗夜夢白衣山人誦予朱中丞紙詩玄墓  
山堂月色明蜂煙照見闔闔城徙薪自古無息降宿  
草於今有甲兵生死已隨朝露晝是非猶逐夜烏明  
何年精衛能填海常使人間恨不平

大司馬起復

天順後大臣俱終喪嘉靖庚戌九月起復揭陽翁萬  
達兵部尚書崇禎丙子冬起復武陵楊嗣昌兵部尚  
書

鷹犬蚤熾歲給

嘉靖丙戌二月御史雷應龍疏曰內坊鷹犬歲供豬  
肉一萬六千五百餘斤蚤蟻歲供葛林五千二百餘  
石費財殫德命覈其費罷之

御駟

世宗七駿玉麟飛白玉馴碧玉驕照夜壁銀河練瑤  
池駿飛雲白



神宗十二駿玉獅龍赤電龍載月烏五花驄彩麟絳  
文豹金麟絳虬攢玉騮玄雲馳躡雲馳五花驄  
熹宗烏騅束玉帶

思宗四駿太平駿玉龍媒吉良乘璿臺駿

貢象尾

嘉靖癸丑暹羅貢白象道覽使者以珠寶飾牙置金  
盤中并獻象尾按劄向說苑魏文侯使舍人毋擇獻  
鵠於齊侯毋擇行道失徒獻空籠

嘲邊

嘉靖庚戌大將軍仇鸞縱俺荅出塞書我停障曰仇  
鸞免送崇禎丙子金人深入畿內粉書邊堡曰百官  
免送

金甌再卜

丙辰 上密書內苑撰青詞諸臣之名貯金甌中手  
探得嚴訥李春芳遂拜相崇禎元年 上下相亦如  
之得來宗通楊景辰劉鴻訓周道登李標錢龍錫

青田

嘉靖初郡縣率八月成白冊九月散青田至十一月  
畢稅後青田之散恒至歲終萬曆來民間并不知青  
田矣



泉州志

隆慶黃光昇作泉州志載晉江知縣張文宿貪虐之跡而萬曆杭州志文宿以本貫陳善具述其美云晉江險惡難治今西存之俟攷

省隨駕監生

萬曆初幸太學有監生派執壺者竟隨駕入宮被詰其人懼甚上諭令扶出

李偉

武清侯李偉微嘗業圻墾既貴函封圻刀慈聖太后嚴慈外家或子弟陳乞命進圻刀示之曰當時籍

此為活今極富猶意不足耶潞簡王之國微行擅殺人太后命大瑞封杖撻四十

詰惠山人文

無錫周子義萬曆己卯至北園受邑子之賄拔置八十名周歷禮部左侍郎贈尚書謚文恪祠於慧山謚作作詰惠山神文未曰祠亦安是重乎象至不仁而祠於貴陽王振悞國而祠於燕市又安訝斯祠之作耶試由常情以談祠而出於人心之公乎則可久倘祠而出於一人之私乎必不久子不見祠於前者陸明李紳唐人也秦觀尤衰宋人也倪瓚元人也迄今享祀不絕彼西



施庄以獻而施而作蕭左以蕭侍郎而作通惠亭以  
錢仲仲而作景時非不選勝以章得意而今安在乎

少宰被杖

江陵籍產道太監張程同刑部侍郎丘橈等往追逮  
曾尚書省吾王少宰篆等曾角巾青衣王直因服乞  
哀中官杖之事聞於朝皆沈光祿忠孝殿陸少宰光  
祚曰君善為之不聞少宰杖乎

緬首詭賁

邊人有持平緬夷二錦入見黔撫云緬首欲求入貢  
撫臣遣申相國時行書欲奏聞申答曰近時暹羅求  
貢持上金葉表上今第以一人持二錦來真厝未可  
必宜審實而善遣之非得金葉表文不當為代奏也  
撫臣乃止後卒亡驗求其人則亡去久矣夷情未可  
輕議也

長昂射子

三衛屬夷長昂為雄年六十餘時入寇一日出帳房  
遙見二鹿鬣弓逆射之應弦而殞乃其二子遂稍戢

朱國祚

萬曆癸未秀水朱文恪進士第一臚傳日文恪父太  
醫院使東山公緋服侍班



乙未修撰朱國祚為司經局洗馬故事鼎元無任洗  
馬者八月元皇<sup>長</sup>子侍班尋清理貼黃請難功在舊  
署奉天征討文恪曰文皇不得已值此奈何以同  
姓加征討名悉改請難

### 宸翰

宣城沈修撰懋季賜御書謹言行明義理六字徑四  
寸道整有法嘗見之

### 太廟羊角燈

丁亥孟秋享太廟風猛燭滅太常寺丞讀祝高聲索  
燭因製羊角小燈二持照

### 傳戴煖耳

癸巳閏十一月十二日輔臣王錫爵請傳戴煖耳故  
事十一月朔日傳戴煖耳百官傳衣不謝傳煖耳獨  
謝

### 喪儀

仁聖皇太后之喪太宗伯范謹衣白入朝至闕門急  
傳各官衣青布袍急出易衣以進次日則白紗帽烏  
靴成服斬衰朝夕哭臨則畢而退署衣冠皆白絰  
帶不除二十七日後用三烏謂烏紗帽烏靴黑角帶  
也又逾月易青素大約百日更淺淡服色行移舊案



有白紗捐白布袍白襪蒲鞋末年中宮之喪浙省詔  
至疑所服青白竟青袍迺詔

日本閏白求封

萬曆己未正月甲戌朔庚辰日本差來小西飛彈守  
藤原如 安謹稟天朝兵部尚書太保石老爺臺下  
小的日本求封蒙老爺天高地厚之恩擔當如此昨  
見四位閣下老爺禮部范老爺俱同老爺盛心大事  
已就今在議封之時特將本國應封人員開報伏乞  
老爺照依後開緣由施行本國得安萬代頂德謹稟  
計開 冊封勅書印信并各項儀制務求老爺留

神要好不致貽笑朝鮮琉球海外誨國至懇至禱

一日本原國王無有奉國臣民乞封閩白自豐臣秀家

以上五員乞封大督都獨行長加世西海道永求 天

朝治海篤籬且每朝鮮世脩好

一釋玄蘇封日本禪師

一豐臣家康豐臣利家豐臣秀保豐臣秀俊豐臣氏

鄉豐臣輝元平國室豐臣隆景豐臣晴信豐臣義智

以上十員乞封都督

一釋宗逸封日本一道禪師

一豐臣玄以豐臣長吉豐臣正家豐臣正成豐臣全



宗豈臣調信豈臣吉隆豈臣正信源家次平行親平  
末鄉以上十二員乞封都督指揮

一平山五衛門早田四郎兵衛完甚藏 西山久助

吉田善吉下甲石衛門西川再郎松井久丈夫小昌

久次 大瀬少吉以上十五名勞苦三年均乞封爵

再來盡應人員乞。給賜都督札付十五張亞都

札付二十張臨時頒賞使日本大人臣僚俱各叨受

天朝爵秩遵 天朝命令

二月甲辰朔壬子詔封日本國王平秀吉曰朕受天

明命覆幬無私仁育遐荒有同宇下惟尔日本遠隔

鯨波昔嘗受爵于先朝中乃自携于声教爾平秀吉

能統其衆慕義承風始假道于朝鮮未能具遣繼歸

命于闕下備見真誠馳信使以上表章于屬藩為之

代請恭順如此朕心嘉之 茲特遣後軍都督府僉

書署都督僉事李宗誠充正使五軍營右副將署都

督僉事楊方亨充副使持節封爾為日本國王錫以

冠服金印誥命凡爾國大小臣民悉聽教令共圖綏

寧長為中國之藩維永奠海邦之黎庶恪遵朕命克

祚天休故茲詔示俾咸知悉

勅諭平秀吉 朕恭承天命君臨萬邦豈獨又安中



華將使薄海內外日月照臨之地固不樂生而後心  
始慙也爾日本平秀吉比稱兵于朝鮮夫朝鮮我天  
朝二百年恪守職貢之國也告急于朕是以赫然  
震怒出偏師以救之殺伐用張原非朕意乃爾將豐  
臣行義遣使藤原如安來其陳稱兵之由本為乞封  
天朝求朝鮮轉達而朝鮮隔遠声教不肯為通轍爾  
觸冒以煩大兵既悔福矣今退還朝鮮王京送回朝  
鮮王子陪臣恭具表文仍申前請經略諸臣前後為  
爾轉奏而爾衆復犯朝鮮以失鄰好披露情實果爾  
恭誠朕是以推心不疑嘉與為善因勅原差存擊沈  
惟敬前去釜山宣諭爾衆盡數歸國特遣後軍都督  
府僉書署都督僉事李宗誠為正使五軍營右副將  
左軍都督府署都督僉事楊方亨為副將持節詔封  
爾平秀吉為日本國王錫以金印加以冠服俾臣以  
下亦各量授官職用傳恩賚仍詔告爾國人伴奉爾  
號令毋得違越世居爾土世統爾民蓋自我祖文  
皇帝錫封爾國迄今再封可謂曠世之盛典矣自封  
以後爾其恪奉三約永肩一心以忠誠報天朝以義  
信睦諸國附近夷衆務加禁戢毋令生事于沿海六  
十六島之民久事徵調離棄本業當加意撫綏使其



父母妻子得相完聚是爾之所以仰體朕意而上答天心者也至于貢獻固爾恭誠但我沿海將吏惟知戰守風濤出沒玉石難分敢順朕命勿得有違天鑒孔殷王章免行俾絕後蒙遵守朕命勿得有違天鑒孔殷王章有赫欽哉故諭

頒賜國王紗帽一項 金箱犀帶一條 常服羅一套 大紅織金胸背麒麟員領一件 青褶襖一件 綠貼裏一件 皮弁冠服一件 七旒綉紗皮弁冠一項 琉球金事件全 玉圭十枚 管全 五章編地紗皮弁服一套 大紅素皮服一件 素白中單

一件 纁色素前後裳一件 纁色素蔽膝一件 玉全 纁色拵花錦綾一件 金鈎玉玳瑁全 紅白素大帶一條 大紅素紵絲帛一雙襪全 丹碧紅羅銷金夾氍四條 紵絲二匹 深青素一匹 羅二匹 黑絲一匹 青素一匹 白氎綠布十匹 羅封日本國王平秀吉誥文 皇帝劄曰聖仁廣運凡天覆地載莫不尊親帝命溥博將暨海隅日出固不平俾昔我皇 祖誕育多方急起龍章遠錫扶桑之成貞珉大篆榮施鎮國之山朔以海波之揚偶致風占之隔茲盛際宜繡彝章咨爾豐臣平秀吉崛起海邦



知尊中國西馳一介之使欣慕東國北叩萬里之閣  
懇求內附情既堅於恭順思可靳于柔懷茲特封爾  
為日本國王錫之誥命於戲寵賁芝函繫冠裳于海  
表風行卉服回籥服于天朝爾其念臣職之當恪恪  
循要束感皇恩之已渥無替款誠祇服綸言永遵声  
教欽哉

朝鮮上書

萬曆二十四年丙申五月十八日朝鮮國王李昭書  
奉天朝石太師閣下吾聞天朝之大恩封日本國王  
閔白實太師之獨力擔當運籌日卒豈不欲封不料

海上風霜漸盛或風或雨或晴或陰又兼山水相衝  
舟不能渡但日本至釜山順水釜山至日本逆水一  
朝狂風大作浪過于天故此遲延月日吾已于四月  
三日差陪臣冷金鎖二十餘卒探聽日本情形至二  
十日方回日本國王閔白求天朝之封甚要但倭將  
清正詐幻多端其行長恭順之心亦有故將倭分作  
三班已渡二班止有清正之倭分作一班已渡於釜  
山故行長正誠回奏閔白言倭衆二班已渡止有一  
班迎接天使一同渡閔白亦言天使一渡海後倭衆  
盡歸數撤歸不許遲緩有違其天使往但我禮接不



周有慢天使故于正月十五日差行長來請沈惟敬  
通海講說禮義以迎天使往封其沈惟敬已互相罵  
島地方去日本止隔二百餘里其閩白又見沈惟敬  
渡海又見天使入營故同行長將清正之倭盡數撤  
回其清正不肯行長又差飛禪回奏閩白閩白大惱  
將糧米盡不發去故清正問小國要地圖要穀種思  
屯田積草故吾將穀種與三十石地圖一張差陪臣  
永正齎至馬嶺地方清正見吾穀種又有地圖中烏  
嶺有伏兵之處扼塞有養馬之場其釜山至登萊乃  
深山大嶺虎穴之處兵不能進馬不能行止有一條  
小路長三百餘里有七十二灣土兵能進不能出故  
懼我不敢犯又聞天使于四月初三日夜逃出釜山  
不知何意但日本且有恭順之心於天朝而天朝反  
無撫卹之心于日本釜山恬然乃是大人威震我已  
遺書與閩白天朝差冊使出釜山一年有餘爾國如  
何不差使臣迎請閩白答云但封我甚要只待風息  
館舍有備不日即迎請矣日本情形如此特差小卒  
尤尚魯覽以便施行伏祈照鑒不宣

王守仁誣楚府寄物

萬曆二十四年九月二十五日湖廣巡按御史趙文



炳奏都察院勘禮准本部題覆留守後衛所掌印百  
戶王守仁奏稱太叔祖王弼誥勅符券甲冑器杖金  
銀珍寶衣飾器皿各造文冊一本陝西田塲厥文冊  
八十六本俱承奉鎖保領回楚府寄庫奉 聖旨這  
所奏事情差該部查明具奏欽此欽遵該本部看得  
守仁所奏事情伏候命下容臣等備行湖廣撫按官  
買着令長文司啟王根究原委王弼長女是否補王  
元妃王鑰男瑄是否王妃撫養寄庫財寶果有若干  
合用典籍有無見在事在先王非係侵占無妨縱實  
檢奏蓋聖主明見萬里自有睿斷非臣等所敢輕議  
等因奉 聖旨已有旨了欽此又准本部咨為恭進  
家財成冊上徹御覽以便差官查取事亦該留守王  
守仁同第定遠侯嫡孫應襲王錦襲奏前事并稱楚  
府承奉錢保領奏兵部鳳字一千六百三十八號勘  
合損運回府開造略節總冊一摺三本將一本進覽  
一本送鳳陽府收貯一本給應襲王瑄日後襲爵  
收照以備查考數目奉 聖旨這本內事情着司禮  
監選差公正內官一員帶領原奏官王守仁即便前  
去會同該撫按官令長文逐一對查明白從實回奏  
欽此欽遵備移到臣准此案照臣先于閏八月二十



日接得前報恐有疎虞不待部檄到即會撫臣李得陽牌行布按都三司及守巡二道遣官軍於楚府各門晝夜嚴行防守出府員役搜檢放行不許夾帶一物及將緊關人犯郭倫等行長史拘禁候勘并曉諭居民不許窩隱受寄外於九月六日該司禮監太監孫奉錦衣衛指揮莊德福捧勅前來臣即會同太監孫奉指揮僉事莊德福巡撫李得陽督同司道等官左布政陳洙右叅政陳璧副使張季思叅議丁繼嗣武昌知府刘以煥江夏知縣葉鳳翔等迎進楚府開讀畢將錦衣百戶鄒質魯管押奏發原奏百戶王守仁同王錦襲并令楚府長史董季禮龐尚龍帶全承奉郭倫等面啟楚王請合全冊籍對冊本王執出玉牒并諭本府原無禎王正昭王元配王氏係王弼女洪武十二年正月初四者冊封為妃洪武三十年初五日薨王弼于洪武二十七年生叛臣藍玉薨國除公王守仁奏稱弼男王倫于永樂十四年身故遺男王瑄挾貲就祖姑妃撫養維時祖姑已薨二十餘年誰為收養最後王氏子孫因無依來府先王閔念親戚相依至今尚有子孫王子孝王國用王國忠等在楚居住其王守仁王錦襲不知何代人氏並非本府



收養之人亦原無合冊籍本府自來並無永奉錢  
保等情臣等隨帶郭倫等至長史司再三鞠審批  
二百年來並不知寄有前項金寶臣等又進王府啟  
王查取前物王諭本府西遭回祿後宮丘壘並無庫  
藏王守仁所奏畫屬欺忘予現居東首書院引臣等  
齊進將本府財物畫數盤出臣等眼今將王守仁所  
奏原冊查對並無一物相合當即登記封本府收貯  
時聞宮眷悲號臣等各散次早復同太監孫奉指揮  
莊德福再進本府令奉御長史等官啟王查取王諭  
本府財物自嘉靖二十四年愍王宮變予父恭王年  
方四歲叔祖武岡王顯槐扈國時有通山王英煥與  
槐訐奏欽依着湖廣撫按三司等官逐一查明實止  
得銀十九萬六千四百四十兩銀器四千六百九十  
五兩金器二百六十兩五錢彼時並未盤有王弼寄  
項金寶等物至隆慶五年余父薨予在襁褓武岡王  
復扈前銀費用無存祖母愍王氏奏奉欽依道院查  
盤銀兩委係武岡王盤出令予長成自行取討卷案  
可查余自十歲受封武岡王薨長子英熿相繼物故  
前銀未得分毫且嘉靖年間至嚴奏並未稱有前項  
金寶等件卷案現存其陝西庄田乃洪武二十一年



十一月十八日奉太祖高皇帝聖旨你征雲南阿魯  
禿等處建大功特賜秦馬三千匹黃牛二千頭犁牛  
一千頭羊九千隻并陝西、安州喇都草場一處牧  
羊世守欽此節蒙永樂宣德正統景泰天順成化各  
年以來借用駱駝馬匹屢降勅書前十五道現存可  
証至万曆九年經奏戶部議覆本府照旧管業並未  
奏有子粒官收貯庫候王氏子孫襲爵給領明旨予  
宮所有已尽無遺如以余言欺誑余願帶全宮眷避  
出升宮所憑欽差并撫按會全進宮遍行搜掘等情  
并具揭送臣等奉王隨出宮外所搜臣等念未奉旨  
不敢擅入當即勸王曰宮該臣等看得王守仁所奏  
冊內財物額數百万率皆人世罕有奇寶合據所盤  
銀兩器皿不過近世常物僅與數千似與所奏大相  
矛盾將以為隱慝則奉王旦請搜掘矣臣等伏惟楚  
王皇上之親屬也素稱守禮奉法未聞過奪一旦以  
二百年前無稽之事被奏已經防其門戶拘其侍從  
盤其積貲宮眷驚惶相對啼哭在臣等奉命恪職不得  
不尔然於楚王國体亦大辱矣若再令避宮出搜掘  
毋乃非皇上親睦之意乎况其兩經回祿一遭宮變  
相繼孤迭更揖國即使尽力搜掘王弼遺貲諒無可



得之理而情迫勢窮万有一意外之变所不忍言者  
則臣等不能任事眾固難逃而于国家体统所損非  
渺小矣伏讀明旨仰見圣心原為関念功臣之後故  
有此查今考之徃牒與王守仁所奏有大謬不然者  
如昭王元妃本薨于三十年也而曰永樂十四年本  
妃奏取王瑄撫養王弼于洪武二十七年坐叛臣藍  
玉党不食死而除封也而云弼男王鑰承襲于永樂  
十四年病故陝西庄田本奉太祖高皇帝欽賜万曆  
九年又經戶部題覆奉皇上明旨給與該府照旧管  
業也而曰子粒官收貯庫候王氏子孫襲爵給領此  
皆載之典籍昭然苟見者尚敢虛捏王守仁錦囊果  
否王弼子孫猶未可知况于所奏財物又何足憑况  
容臣等令议明白另奏外惟是楚王請避外宅搜掘  
宮中臣等未敢擅便伏候圣裁

東宮冊婚

辛丑 東宮金冊用足色金十五兩八成金三千九  
百八十五兩七成金一千七百五十兩

東宮大婚費八十萬有奇冠三百副耳索珠至百二  
十二萬金翠十八萬有奇

福王婚費二十萬有奇



取括子松

萬曆十年工部咨南京兵部取壽宮括子松樹九百一十八株坐派蘇杭松江各撫按專委府佐貳官總理採辦完日遣官押解帶園丁沿途澆灌仍咨本部祭馬快船裝載

川扇

乙未四月七日文書房傳旨着四川布政司照進到  
年例扇柄內欽降花樣彩畫面各樣龍鳳扇八百一  
十柄內金釘鉸彩畫面渾貼雕邊骨龍鳳舟船扇十  
五柄壽比南山福如東海扇十五柄四陽捧壽福祿  
扇十五柄百子扇十五柄群仙捧壽扇十五柄松竹  
梅結壽福祿扇十五柄七夕銀河會扇十五柄菊花  
兔兒扇十五柄天師降五毒扇十五柄四獸朝麒麟  
扇十五柄孔雀牡丹扇十五柄蒼松皓月扇十五柄  
菊花仙子扇十五柄閬苑花扇十五柄滿地嬌翎毛扇  
十五柄金菊對芙蓉扇十五柄錦帳花木貓兒扇十  
五柄人物故事扇十五柄四季花扇十五柄茶梅花  
草虫扇十五柄聚菴扇十五柄白澤五毒扇十五柄盆  
景五毒扇十五柄八寶進室扇十五柄百鳥朝鳳扇  
十五柄盤桃捧壽扇十五柄以上三十三樣俱全訂



較彩盈面，渾貼雕邊，骨每樣添造四十五柄，共六十八柄。每年為例，其餘年例的今年二月傳添造的八千八百柄，俱照樣數。每年如法精緻，赤金造進禮部知道。

王文肅晚召

丁未復召太倉王相國錫爵王，即家疏規時政刺切言路，蓋華亭陳繼儒代草者。陳通示王吏部士驥吏部邊郵之言路，諸公競謂其沮抑群詆之。太倉遂不赴。

梁鵬

萬曆中順德梁鵬知崇安縣，題堂柱曰庫無耗頭里，無私派舖，無當行望，鄉耆坊間相告吏怕，沉案差怕索錢，民怕健訟，期子姓教德還淳，陞戶部主事。

閣臣避道

冢宰平湖陸光祚、富平孫丕揚俱不避閣臣，與見忤張新建，位遂忤富平，後富平再起避福清葉少師，又不可解矣。駙馬都尉楊春元並道福清，貽鮑祠部書曰：都尉不避之說，必以會典為言，不知今之禮部俱不依會典，只照見行事例耳。會典所言概舉公侯駙馬而公侯在前，今試問諸公侯有一人不避閣臣者。



耶若尺依會典則豈但公侯即六卿長貳皆不當避  
矣古之宰相禮絕百僚今之閣臣猶虛被此名故自  
僕入都文武大小並未見有塗遇直突而過者即駙  
馬亦有教人何獨楊君不避耶

### 安南上書

安南人某失風於浙見拘上書曰臣聞均覆載者天  
道也普仁恕者王道也何地非王土何人非王民臣  
本安南身非叛逆世受國制迄奉我主差徃葛王省  
墓忽遇風作遍舟幾覆幸漂逐至此臣等忻、相告  
人、得觀光上國矣正喜懼交接天兵四圍俛首受  
縛今縲紲我羈縻我以下論我亦何以柔遠人也游  
魚思故淵飛鳥思故林人情寧有不全者如 皇帝  
以夷論我則概郡縣何非王之土地也概蒼生莫非  
王之人民也我何獨外於清朝使我父母妻子骨肉  
不相見也喪身異地不亦憐乎乞 皇帝早賜杯水  
用甦涸轍大開惻隱俛示指南臣等不勝忻躍惶悚  
之至

### 戲賞

內臣有進小兒風車之戲直不一錢 上喜其颺轉  
賞千金群閹豔之募製銀舟注酒帆奉机揆巧絕費



百金 上善之而向之戲車狎久生厭即賞進銀舟者其人大失望

司禮太監田義柄篆當 上心嘗跨馬命義操筆而從既弛勒義求犒予之千金一日命義跨馬 上自操筆從之事訖亦索犒義知其指大有所餽

荒慘

萬曆丁巳戌午山東海飢人相食萊州市人肉慘不忍述有中州人兄弟並亡子來買妾或以姑嫂欺之夜宿兄得其姑以城朴姑曰尔弟為我嫂釜中羹矣兄未信揭示炕下之首賊而走訴縣官抵嫂罪携姑

以行

崇禎庚辰秋山東河南山西畿南人食木皮至冬人相食辛巳江南北皆競棄子女售器具流殍塞路少婦不直千錢市餅餅輒袖之否則見奪斗米三錢抗州諸生某家三四人度不支質米肉雜以砒霜啖訖俱死

八品官貶封

八品官例不貶封萬曆末行人司行人吳伯玉請比五經博士例追封其母有旨止予章服著為令

分黨



萬曆末朝士分黨競立門戶有東林之黨無錫顧憲  
成高攀龍金壇于玉立等廢居講學立東林書院始  
而常鎮人附之有崑山之黨則顧天峻及湘潭李騰  
芳蘇人附之有回明之黨則沈一貫浙人附之有宣  
城之黨則湯賓尹而寧國太平人附之有江右之黨  
則鄒元標有閩中之黨則馮從吾各全省人附之馮  
雲督學山西則山陝合馮鄒又講相善又江右山陝  
合也閩楚粵蜀遠不具論廣成大計專右淮撫李三  
才庇東林而諸黨左矣時攻東林俱見罪回明至楚  
粵無一人臺省者天啟初東林獨盛起鄒元標而江  
右亦東林也江夏熊廷弼原江右籍楚亦東林也福  
清葉向高歸德侯執躬秉權趨鳳天下咸奔走焉仕  
塗捷徑非東林不靈波及諸生如復社幾社不一而  
足家馳人驚恐漢末標榜不是過也

熊廷弼王化貞

葉相向高於萬曆癸丑主禮闈錄王化貞其撫遼  
也沾沾自喜適福清再召馳書勸駕謂大功指日待  
入朝為封拜地福清又夢如之故入朝專石化貞及  
事敗全熊廷弼論死

魏忠賢



魏忠賢少飲博無顧觸怒忿自閹猶為人行汲客某  
竒其貌資直東宮後柄用客避去其姓名無傳焉  
萬曆時宮祿不恒給皇孫苦之諸閹戲曰陛下  
萬歲殿下亦萬歲吾輩待小官家登極鴻恩有河  
清耳而忠賢獨恭敬謹時進飲啖中其欲及上即  
位寵任倒柄勢焰薰灼外廷諂附實繁有徒媒孽中  
宮則劉忠選楊夢環羅織善類則曹欽程吳淳夫田  
吉許志吉田爾耕許顯純崔應元張體乾孫云鶴楊  
寰谷應選親廣微之首附盧承欽之列黨籍潘汝楨  
之倡相李承祚之進封其頌美不置薛凤翔四七十  
疏郭允厚四十疏周應秋三十九疏餘不勝數也  
閩人某善占字忠賢召之書有字對曰一人之下萬  
人之上問其故曰有字上半天也下為日月君臣之  
象今月食日幸肩半天否則無天矣又書回字某心  
知其謬詭曰國內幸賴斯人如無斯人國且空矣忠  
賢色喜其旋遁

悞羅黨籍

有錄東林姓氏於魏忠賢遂因事羅織嘉興陳應元  
與焉金陵陳應元以名氏同併罷

幸脫黨籍



天啟末陝西巡按莊祖謙遣奏差有媚祠之請奏差  
至京聞上疾甚意魏閣未可測疏不即上後忠賢  
敗免議湖廣巡撫慈谿姚宗文亦遣奏差疏竟上預  
黨落職按漢竇憲細婁郡國皆有禮慶漢中郡當遣  
吏戶曹李卽言竇氏專權驕恣危亡可翹足而待願  
勿與交通太守固遣之卽請自行遂所在遲留至扶  
風而憲就執陝西奏差暗與卽合矣

### 火逼尚書

總督倉場侍郎薛貞以草場救焚頌魏忠賢遷刑部  
尚書時稱火逼尚書在刑部誣揚州知府劉鐸死之

崇禎初追論貞死於本堂捷三十雖貞不足惜時謂  
其失體

### 劉詔耿如杞互誦

薊鎮祠魏忠賢奏政耿如杞不聽謁懼謹求巡撫劉  
詔劾罷初非劉意也忠賢重論下法司崇禎初詔總  
督薊遠以乾沒軍料下獄如杞笑曰老先生何亦來  
此如杞釋後歷官巡撫大全已已勒兵入援全總兵  
張鴻功潰於良鄉被糾下獄詔又笑曰老先生何又  
來此

### 孫尚書寒窓故人



武進孫文介宗伯惟行持行清峻門生某來為巡臺  
留飯五盞巡臺欲起公曰少需之有寒憲故人相見  
巡臺意密客坐踈之屢求而已設菽乳措曰此吾寒  
憲故人也

周維持

瑤熾時御史金壇周維持摺帖聖朝多樂事天意喜  
從人

鳳見

天啟二年禹州守莫報鳳凰見於大隗山高可  
七尺事聞受賀嘗問汝州人張彥清云是冬身至其

地則徽府太和王之莊而電鳥雀凍墜亡美訛以為  
鳳

滕陽驛詩

天啟初壽州御史方震孺被逮題滕陽驛壁品兒一  
月纔三日懷裡咏、別乃翁若使長成能問父阿兄  
向北指悲風丙寅江陰御史李應昇亦被逮過之題  
曰君憐幼子咏、泣我為高堂步、思最是臨風悽  
切處壁間俱是斷腸詩崇禎戊辰武進鄒嘉生役官  
備官海上南還飯滕陽見壁間方氏新題宛然而仲  
連詩重去久矣因系以詩荒庭樹秃慘霜碑有客巡



簪泪獨垂碧血已酬忠孝志  
紗籠猶見死生岐六歌  
兒女情偏至十族君臣義  
不移豈為姓名甘鼎鑊千  
秋逖遠自心知又亡何鄉  
人和詩一行已遣泪為碑  
遺句何須粉壁垂好惡自  
從平旦合是非偏向偶曹  
岐生驚市虎魂猶碎死快  
騎鯨性不移輦上若智男  
子氣寸心應許夜臺知  
題壁何知岷首碑泪痕今  
日尚雙垂忠良各抱心猶  
石生死何妨路見岐明月  
有情窺戶入殘膏無焰帶  
燈移舊時遺筆無尋處化  
作風雷未可知辛未仲夏  
鄒嘉生被上谷之命重憇  
此館詩存名去旁有和詩二  
首名雖不留其人固可想  
見也續題曰不為孤忠寄碑  
壁詩何幸救行垂三朝日月  
懸天上一念玄黃判路岐  
客路似名合驚易去人心如  
官拙難移荒郊控馬重題句  
佚簡還留野乘知按無何鄉  
人即武進張二無先生瑋

孫相国行边

孫愷陽相国承宗行邊見城  
堡殘破輒罵熊經略王巡撫  
奪師之罪謂不能力守驅生  
灵數十萬死亂兵之下盡焚  
官私廬舍不顧其後也雖上  
疏請宥二人實非其意

陳明卿慰下獄



周夢洲順昌周季侯宗建等下獄陳明卿慰之曰人生事業閉戶第一閉戶事業獄中第一公等莫如著易甚勿挫過

暹羅貢表

天啟丙寅二月廣東市舶提舉司唐允中報懷遠驛暹羅入貢金葉表曰暹羅國王森烈帕臘照采倫帕臘陸悃西啞卒贊鴉普挨城皇誠恐稽首頓首謹譯書奏啟 大明皇帝陛下伏以聖明新登寶位萬國胥慶微臣經差使臣坤皮叭具沙等捧賚金葉表文方物詣闕慶賀外欽奉勅諭厚賜回還開讀拜受恭

詢 聖躬祚社國治平政拜舞山呼無任懽懽追思世沐恩寵自古及今地隔天涯心馳帝闕雖華夷兩地實全一國之忠也茲當貢期循例修貢謹差正貢使臣卽勃查緝副貢使臣坤加離顏那捺邁低釐臣乃實填朴里辦事臣乃納通統事臣曹漢等乘船一隻捧賚金葉表文裝載方物譯書用羅字五號勘合從廣東省送詣闕下貢獻恭候萬福伏乞 聖鑒微衷用伸臣子之職庶存懷遠之義并祈往來不斷使獲帡幪永久事竣乞早遣使回歸臣無任瞻天仰聖激切屏營之至謹具表以聞并關進 皇帝上品龍



涎香一斤西洋遮那蜜段四端采地色烏地雙面花  
幔二條采色藍地研光雙面花幔采色花地柳條雙  
面幔二條采色花地烏文研光雙面幔二條采色柳  
紅暗地花雙面幔二條西洋紅地繡金線氈帕二條  
象牙三百斤大小十一根胡椒三百斤藤黃三百斤  
速香三百斤降香三百斤白荳蔻三百斤大楓子三  
百斤烏木三百斤蘇木三千斤進 皇后上品龍涎  
香八兩西洋遮那蜜段二端采色紅地雙面花幔二  
條采色雙面暗花幔二條采色金身花幔二條象牙  
一百五十斤共大根胡椒百五十斤藤黃速香降香

白荳蔻大楓子烏木各百五十斤

按暹羅萬曆三十八年四十五年並入貢天啟元年  
入賀

安南

五月六日安南入貢補萬曆四十五年金香爐花瓶  
四副共重二百零九兩銀盤十六共重六百九十一  
兩沉香六十斤速香一百四十八斤真降香三十根  
白木香五千件黑線香八十株白色土絹二百匹犀  
角十二座象牙十二枝隨從二十一員陪臣三員阮  
進用杜克敬阮自強通事一員阮曰仁行人四員黃



文通范世和阮光啟阮世閱從人十三名補貢方物  
並如前隨從二十一員各陪臣三員陳瑋裴必勝阮  
漸通事一員阮程行人四員黃茂村鄭越阮仁通阮  
智能從人十三名。

### 三王之國

瑞王惠王桂王之國辭陵故事親王必肩土三擔培  
陵皆瑞惠相觸而詬桂王解之就封所經郡縣上供  
王及妃日各肉八十斤次妃及長子各六十斤餘妻  
及諸子各四十斤桂王阻風儀真審理加吳沈德先  
入其舟見座設青布橋內監云宮中皆然凡袴皆布  
也親王亦如之並袒制

### 主簿寬縊

天啟丙寅八月嚴州主簿 於布政司領漆料  
千金為孝廉某某居間瓜分并雜費實領三百餘金  
度必自累遂縊杭城海會中猶胸抱寬狀首列方伯  
康新民折允百金事聞當道以礙方伯不行

### 許志吉

歙縣許志吉故相文穆國之孫廟歷大理寺 寺副  
時籍富人吳養春家奉旨召買黃山遣工部主事呂  
下問煩苛激變志吉自請往駐郡臺有司伏謁通判



姜三極名此之羅織巨室不避戚黨徽人切齒已事  
敗即訊敵令葉高標繩之即前為仗謁者志吉因服  
跽高標故下堂揖志吉曰老先生何至此每訊一事  
輒受朴人以為快竟論死初志吉被黃山之命其夕  
文穆墓坊自倒

### 登極天鳴

思宗皇帝登極日諸臣方呼拜忽天鳴竊心異之吳  
忠節麟徵云

### 戊辰首科

崇禎戊辰之首科左春坊左庶子周鳳翔翰林院簡

討汪偉戶科都給事中吳甘來河南道監察御史王  
章兵部車駕司主事金鉉俱甲申殉難又兵部右侍  
郎劉之綸少詹事徐汧通政司使李夢辰翰林院編  
脩胡守恒行人楊子楷山東按察僉事保定推官李  
獻明遵化知縣徐澤俱先後死事

### 東宮不利

帝王登極後中宮生子帝乙之紂朱文帝之邵並凶  
終我朝 孝宗之有 武宗幾至覆國及 思宗元  
子生日者俱謂其支子不利

### 問難



上初即位好問難如三物六德六行等儒臣猝不能對後稍厭薄之不復頌了

治進香內臣

上內坐聞香慙動偶語閣臣嘆曰 皇兄受譏多矣戒香不復進

逆案

逆案分創祠稱頌贊導絲冢宰長垣王永光亡何從憲曹子汴給諫許蒼卿摘冢宰陰附忠賢罷其預議改命司寇喬應甲時東成於閣部而太史姚希孟實陰主之以得蒲州意也故蘇人無一玷者

徵盜

壬申先是秦盜跳豫晉間太倉美駿公嘗與今年衛胤文論時事其人閩中人也忽嘆曰事出非常奈何吾閩中有人矣問其姓曰李時不省所謂異迄今思之果驗

偽巡臺

癸酉十月八日大名之長垣縣忽報按臺私行在北關店杜龍家典吏倪時俊逆之公館時開州同知喻傳顯署縣事求示勅印頗張皇央措因收訊則滑縣齊文舉也年二十一策蹇再脅邏者後奏上者罪



五經登第

洪武二十二年福建長樂吳黃文史廷實應貢庚午  
試南京五經題並作以違式取旨 太祖讀其天下  
一家論大見稱異御批特置第一免會試授戶部主  
事言事降撫州推官字氏以恩而待屬過嚴稍戊戌大  
調漳州衛卒

崇禎甲戌會試龍溪顏茂猷五經題並作分考官陳  
仁錫出闈特奏 上許其廷對第進士程錄另列其  
名於諸貢士前茂猷鄉舉在天啟甲子亦全經  
推官山陰祁彪佳異之言於主司獲薦巡按御史

為特奏一時傳異人後劾之崇禎丙子萬年搢重熙  
魁順天洒江西 張燮 羅大猷乙卯山東萊  
陽宋瑚癸未進士嘉興譚貞良慈谿馮元飈 丁丑  
南昌程元極五經乙榜求做顏茂猷例特拔不許庚  
辰宗貢朱統飲以五經義求破格亦不許

館選

甲戌罷庶吉士乙亥選推官知縣入詞林丁丑專奉  
有司限甲科七人乙科四人貢三人嘉善錢塞菴相  
國曰自外吏入館止論足賦不問文孝月課庸拙譌  
字雜出矣



南場閏節

兵部主事丹陽賀王盛劾烏程溫相國體仁庇其鄉  
人考官左庶子丁廷摘南場黃美中論表奢閏嫖刀  
青山綠樹為閏節輔臣妾部科核所出尚書李康先  
苦搜履上忤旨去荀子俛詩閏媿子奢莫之媒也嫖  
母刀父是之喜也又荀卿與春申君書復賦閏妹子  
奢莫知媒兮嫖母求之又甚喜之兮青山綠樹見朱  
元晦心孝詩

宸翰

戊寅六月御書楹帖賜揚州鹽漕太監揚顯名陌上

堯樽傾北斗樓前舜樂動南薰私筭臺上清霜凌草  
木軍中殺氣動旌旂公署每對用望六顆遣官馳賜  
己卯九月宴樞輔揚嗣昌於文華殿賜坐上手觴  
者三袖出詩賜之鹽梅今暫作干城大將威嚴細柳  
營一掃寇氛從此靖還期教養遂民生

輔臣不給驛

己卯遂安方相國逢年召對不稱旨自免賜三十金  
不給驛

陳啟新

淮安陳啟新啟書佐嘗一奔武科頗諳繪事游燕善



大璫曹化淳等丙子上書特拜吏科給事中實無他才首蒙破格入省以後唯阿觀望淮撫朱大典榜其門海內一人癸未宅憂或追論其陰事下法司啟新走免不知所終啟新嘗奉使過南京時太司馬李邦華示禁其地內云如此室礙難通矣啟新讀室礙為室礙及入京上言近京陵脈窰戶坎傷引李所示為據李疏辨時太笑之

御膳

上儉約御膳日費三百金

內閣秉燭

文淵閣內五楹中居元輔餘以次寓直如元輔罷次輔當代必首有元輔字始遷坐閣員至六七人則割室中畫蓋牖不北畫一亦秉燭故事午門前日照紅牌輔臣趨入閣入轍報一畢始焚香奏

堂饌折價

輔臣會饌出光祿寺自宜吳周相因延孺移庖始折價烏程移庖菲甚雖細節以上傾之也

科抄

紅本下科發抄萬曆中疏多留內不付閣故先行科抄崇禎時禁之



何相國市德

香山何象岡吾驕次輔日直票擬時泄之親故而  
上嘗改擬則曰某為之或上自改也烏程悉其  
狀語何曰貴役不宜引入禁地何諱之烏程曰貴役  
傳述多矣自是少戢

烏程長洲之隙

長洲文湛持相國震孟故善香山也先相不諳典  
故烏程撤改所票不以示也長洲積譽入相禮未加  
等長洲語人曰人多短烏程乃譙抑如此初召對問  
陝督洪承疇何如嘉善錢相國曰承疇臣今年也任

事勞苦此其所長若戡定或非其才上作色曰人  
俱說他好香山因力稱之長洲言操江都御史之短  
意欲薦其姻福建右轄申紹芳也以語德州謝太宰  
陞謝曰果用申青門先生當稱治生蓋蘇松常鎮  
為下江長洲謝不敏既推申河南左轄未赴意覬齊  
撫太宰糾之申逮戍上科都給事中許譽鄉資深祿  
淺推南京太常寺少卿長洲囑香山票旨用人何論  
南北上責改擬會太宰引疾勉智長洲語太宰曰  
欲成老先生高尚奈許霞城相誑意蓋脅之太宰知  
其指曰我大臣出處乃操自庶僚耶因糾譽鄉而長



洲欲右之烏程曰太宰參之力長洲求罰俸烏程曰  
安有太宰所參僅罰俸者長洲作色而去遂擬降級  
上不許烏程擬削籍晚坐會閱長洲艷然曰削籍未  
嘗不好其所粟某項錢糧疏烏程勸改擬長洲勉應  
之改訖擲筆四坐駭矚烏程翊朝密揭奏曰朝廷所  
以臨下賞罰而已若所云科道削籍科道之榮是賞  
不足勸罰不足繩以股肱心膂之臣而為此蔑禮悖  
常之語臣實不知其解也  
上怒并罷香山長洲

### 袁崇煥

袁崇煥備兵寧遠值樞相孫承宗於榆關孫方被論

乞骸崇煥曰相公果欲去某願捐三千金助彈文孫  
笑曰若然幸為籍重第不肖去後經略必喻使君安  
性而足下代其巡撫喻亦不久又足下經略矣未知  
巡撫又何人崇煥曰有劉詔後俱如孫所料而崇煥  
輕脫可見嘗於演武場較閱忽自起舞防牌中蹶

己巳四月崇煥遣把總吳

千總陳

使建州

以故遼人方君達來報二十四日陰謀款索通賞且  
佯輸彼情約殺島帥毛文苑許之又告飢遂令都司  
蔣文奎開糶於高臺堡名賑熟夷也邊儲始竭尋用  
都司吳先計犒軍矯殺文龍



庚午十一月籍沒袁宗煥家妻阮氏女三歲六歲從子兆晰使女四人蒼頭八人婢三人書籍財物十六笥槍二馬俱解京

### 鄭鄴

庶常武進鄭鄴大孝士吳宗達之甥恃天啟中建言蔑視其舅吳罷相抵舍是日鄴儼裝北上補官不一悞吳恚甚揚其短於烏程未癸也文起入相以全年薦之烏程曰詞林自有故事萬曆己丑庶常蔣恬菴孟育終養及起家猶全後輩課館且欲外轉周礪齋汝砥謂以齒夙得留今鄭庶常不得違例也文起

曰鄭嘗建言於蔣恬菴不全亡嘉善錢相國士升及唐總憲世濟各懇烏程許其題補一日文起語烏程曰老先生不用鄭庶常被善作文者烏程意沮會許譽事敗文起忿曰一霞城敗行有繼霞城起者烏程聞之草揭示嘉善同僉名時淄川張至癸在直不知之及嘉善曰既不能薦而又賣之人其謂我何烏程獨上立下鄴獄論殊死烏程初無意陷鄴鄴繫由吳氏而文起激之也

### 萬仞宮墻

濰縣張四知相國里門題萬仞宮墻時人嗤之



稅監

文文起入相數日撤稅監自 上獨斷長洲掠其德  
已文選即呂大器奏臣前。止稅監今蒙採納閣臣  
見之謂選即賈譽長洲曰此事好何難認也

詞林題補

詞林在籍先注官後赴南海陳子壯以 家居遽  
入京烏程異之烏程雖陰收練習朝典人不能諳而  
上苛嚴細故票擬改至再回未允全列。遷疑烏程  
徐曰或疏末失填小日耳按之果然雖失填小日  
上終不自明必閣臣奏之

周延儒

宜吳入相恃才輒午睡足徐起閱章奏應手票旨時  
閣臣善於啟事稱武進宜吳何如寵

吏部擬各官罰俸凡月兵工部擬各官吏賞凡十兩  
幾兩俱閣臣填數烏程獨不填聽 上裁定不市恩  
怨 上益任之

宜吳先論罷以嘗言朝廷為義皇上人因力 辨引  
去及再相或言 至性嚴馭宜吳笑曰 上易與也  
何過慮為蓋宜吳潛通官府得其閑揆故有義皇上  
人之說晚益黷貨文武大臣賜謚擬旨還與他謚嘗



誇曰吾筆底一字千金蓋入賂四千金也

六曹章奏

六曹章奏係科臣職掌叅駁近虛文塞責於大事多略

磨碑

西山碧雲寺魏忠賢重修天啟三年少師福清葉向高撰記礼部尚書會稽錢象坤篆額今碑磨去錢象坤名氏意作相時事也福清記中額稱許魏氏

內臣帶

內臣帶止犀玉無金銀花素之別崇禎寺已始依品

自花金以至素銀衣自斗牛飛魚以至各色異獸

揭長安門

己卯庚辰間或揭長安門曰督撫連車載京堂上斗量好官昏夜考美闕袖中商

泄旨罷相

已縣王相周應熊被論命未下遣探閣指邊疏辨上詰其繇於是中書舍人劉天錫等以泄旨伏罪相固坐免

朱萬年

萊州守朱萬年力拒叛兵不遺餘策以登撫謝璉主



招降脅之出城遇害是日婦生子人皆哀其烈而幸其嗣也

佑聖觀開勅

庚辰閏正月先是山東巡撫上虞李懋芳憂去顏繼祖代鎮論其侵牟坐逮懋芳在道緹騎先候於杭州議開勅於藩司右轄黃鳴俊曰其宦河南駕帖開自臬司重在刑名也二司互執竟開讀祐聖觀

過周謀

是月仙居知縣過周謀以通路長安事露被逮夜宿杭州菩提寺仰藥死寒士叨一第寄百里之命欲速化梯進身且不保孤燈冷壁婦孺長隔不足戒矣

生日移賀

思廟萬曆庚戌六月二十五日生適嫡母 孝和貞皇后忌日也崇禎元年萬壽節免賀<sup>明年</sup>期輔臣知其指請移二十四日從之按庚戌十二月甲午立春故景命之辰作辛亥節氣  
金史太宗晟本七月七日生以全皇考忌日改用十七日

鄭以偉

上饒鄭相因遽於經術第不諳吏事票擬間用古字



往、失裁宜與時規之終不解也臨票矜持數回塗  
場兼才之難如此嘗命改票、僉例繳進悞毀之被  
詰先以禮部尚書協理詹事府刻其詩文曰藝苑張  
仲師喻短也張仲師長尺二寸見論衡副刻山上山  
稿蓋古詩山上復有山離合文出字也自為序又作  
謔語詩曰自笑此來懷口口從前一誤是山、惟貪  
幾度百姓眼何補相聯兩月灣又刻画壺集畫壺者  
小兒所吹不按腔調又刻杜吟杜之為言簿也

### 貢士騎射

己卯始命巡按御史全鄉試主司閱貢士騎射具文

耳後終不行

### 鹺司新例

轉運積輕夷於郡守如吾浙按察司水利道宴客則  
鹺司辨具沿為故事士申轉運使揚湛然革之己奉  
勅禮同籓臬勅至日籓臬不往方伯猶徂舊不下堂  
揚勉隨郡守之右閔中張繼孟自御史左遷始得至  
二司已外鄉試錄序列都轉運使右叅政張繼孟及  
太監崔璘至繼孟仍出勝二司則否

### 黃道周

黃石齋先生在詞林凡題講官經筵官纂脩官及東



宮講官或資俸在其前後皆用獨遺黃蓋輔臣懼其  
近上敷奏也最後推東宮講官又不之及項煜揚  
廷麟俱相讓輔臣以道周所陳臣不如鄭鄭為解曰  
君子一言以為智一言以為不智廷麟拆之曰孔子  
聖人也自為詞命不如宰予管仲賢人也自謂不如  
開方天下後世未聞孔子以此貶聖管仲以此損賢  
云

丁丑華亭陳子允出右中允黃先生門布素進謁先  
生曰僕本寒祚布素宜也若世闕常服羅綺改而布  
素又失常矣正不必也先生坐事放歸子龍迎高郵

舟中袖出五十金先生擲之曰吾窮宦奈何驟污我  
包長明說

黃先生送吳駿公祭酒之南京以本鄉涂監生託之  
不言其名吳抵任聞石齋廷杖下獄因閱籍則監生  
涂仲吉果閩人也召問遣之北行遺二十金為素餽  
仲吉竟自疏救併下獄拷供七人主使揚廷麟王維  
等幸不及吳祭酒。

張春

庚午三月永平道叅政同州張春出閩陷寄廬中悞  
聞殉難贈都察院右副都御史居止何春從塞外求



張夫子不屈

大節為

欵始追削春妾 氏年二十一自經官舍春媿其妾  
多矣蓋洪承疇之前茅也按宗高陽閔副都部署王  
文皇所敬 繼忠降契丹授戶部使繼忠言南北通好之利契丹  
慕者明人乃主然之後遺邊臣書張春風斯下矣  
任意訾之矣

詞林之壞

嘉善錢相國塞菴曰自來坊局與政府相通間邀坊  
局等咨訪時務人才因聽其人之賢否崇禎間詞林  
輒趨臺省乘利窺間反攻中堂而與政府隔矣上者  
徵逐詩酒略於典故一旦臨事遂無其料吾待罪政

此

昔則代人懇致多迂

除之事並無陳大議效竒策雖開平津之閣何益此  
國家所以大壞也

誥勅體貴簡重冠冕天啟間忽叙門闕尚織綺綸命  
褻矣倪鴻寶好琢麗競於雕虫王覺斯專做大誥浮  
靡不切許石門輩儲蓄既薄趨其下風又無論也烏  
程嘗讀之感額全刪改致忤夫知制誥閣臣職也詞  
林矜懷不其甚乎



欵始追削春妾 氏年二十一自經官舍春媿其妾  
張夫子不屈 多矣蓋洪承疇之前茅也按宗高陽閔副都部署王  
大節為

文皇所敬 繼忠降契丹授戶部使繼忠言南北通好之利契丹  
慕者明人乃主然之後遺邊臣書張春風斯下矣

任意訾之矣

詞林之壞

此

嘉善錢相國塞菴曰自來坊局與政府相通間邀坊  
局等咨訪時務人才因聽其人之賢否崇禎間詞林  
輒趨臺省乘利窺間反攻中堂而與政府隔矣上者  
徵逐詩酒略於典故一旦臨事遂無其料吾待罪政  
府見士大夫朝房非上書求溫旨則代人懇致多迂

除之事並無陳大議效竒策雖開平津之閣何益此  
國家所以大壞也

誥勅體貴簡重冠冕天啟間忽叙門閥尚織綺綸命  
褻矣倪鴻寶好琢麗競於雕虫王覺斯專做大誥浮  
靡不切許石門輩儲蓄既薄趨其下風又無論也烏  
程嘗讀之感額令刪改致忤夫知制誥閣臣職也詞  
林矜懷不其甚乎



分票

嘉靖以來票擬顛首揆餘旁睨而已萬曆之季疏多  
督中福清葉向高德清方從哲相繼首揆嘗聞坐終  
日福清曰安得票一疏全我體乎天啟間事繁福清  
及蒲州韓爌間送次輔票一二宜吳始分票計疏若干  
折以為常晨入夕出拮据不遑閣例不宿火申刻散  
班崇禎初遂燃燧更餘堂更猶循故事高呼申時也  
錢塞菴詩深宮衡石程章奏綸閣推劾賈論思子夜  
漏深纔退食門官猶報是申時

熹宗實錄



纂脩實錄各分詹翰坊局藁具送閣臣總裁又分歲  
月刪定彙而上之熹宗御曆七年論實錄終歲事耳  
史官雖分任乞假奉使淹期不至或竟置之罔聞閣  
臣亦不以為意嘉善錢相國嘗總裁二年有奇云罔  
官互秘不相往復也至崇禎十一年始竣

講臣

經筵對御案設几列講章其上講官易為口百講從  
御案旁敷陳即自撰講章或至失記蓋講章先期呈  
閣臣閱定中書舍人錄置御前往時講官第闡本義  
末規教語不繁引也崇禎時好衍時事輒千百言如

豫章禮部右侍郎羅喻義講尚書

布昭聖

武逆引國朝三大營志烏程屢刪之不受忤去羅喻義祭

酒時監生請祠逆魏批准其呈逆魏敗始攻之  
錢塞菴曰講官致規不過篇末今累牘連章烏程坐  
是與詞林不協予所見講官文湛持倪鴻室李問該  
洽聲容閑雅真其選也姚孟嘗次之姜箴勝有仗度  
其孝不逮姜燕及氣麤許石門語况

堂婆

太監張彞憲監戶工二部並座堂上時稱堂公堂婆

御史改武



監察御史張任李巡按河南求擊賊自效改總兵官  
先是余應桂按楚超巡撫張凱之既改階郡守節推  
通判刺始愧悔後迂延自免

盧象升

已郊盧象升總督敗沒鎮瑄懼罪陰言其不死命遣  
校偵之以實聞之下校獄酷拷不承而死垂死拜獄  
神曰某不枉盧總督雖死不憾

德府窖金

己郊正月濟南破德王由梔陷於得牡丹下窖金  
壬午十二月兗州破魯王以派死之得石榴下窖金

二郇最薄矧秦楚襄福周蜀之富乎

周士撲

寇陷歸德執周尚書士撲責數之答以布袍革履不  
預外事曰亦知舍人之枯勢肆虐乎辭以不聞曰尔  
瘞金十三窖何來不能荅被磔

謝秉謙

華亭謝秉謙本起刑養登第御史巡按陝西安虜戍  
寅還里十二月北上會被擒至齊河見逮過濟南陷  
於朔騎同官校遇害蓋舍人施普所供也怨家揚尚  
能擊登聞鼓訴其迹匿下撫按輯之不得按濟南之



變頗多通吏提李副使錢塘翁鴻業易隸服而逃被  
執以裏服織綺謂職官也力諱之數日有蒼頭見其  
衆中運木戒蒼頭勿言後不知所往其家佯癡喪丙  
戌歸家死於舍推官平湖陸榮亦逃第其微知之往  
問揚州善慶菴僧德宗德宗曰越十二年當還迄無  
耗則委骸風露也

### 和杖

崇禎中盜值官兵目語曰今日打和杖乎打真杖乎  
官兵畏之曰和杖遂遺金帛餽我遺脅從報級

### 蘆溝城

崇禎戊寅二月城蘆溝橋南門曰順治北門曰永昌  
甲申兩應其兆甲申正月賊陷潞安潘世子  
年十六逃外氏被執偽將同飯風吹其衣見幼所佩  
大金錢為大順永昌也

### 內臣兆蝗

予生不識蝗己卯六月三日太監崔觀覈兩浙錢糧  
鹽法抵杭州蝗始見仰空點、人皆異之明年滋蔓  
接畛盈疇能浮河港

### 箕書

戊寅十二月十七日 上召箕仙玄帝降書曰大數



九七氣運遷漢水河邊渭水河邊授秦入楚閭幽燕  
寇過數番軍過數番搶奪公卿入長安軍苦何堪民  
苦何堪父母妻子奔長安家、皇天人、皇天大水  
塵入燕地烈火焚燬秦川流寇不久即死紅眉又將  
癸煙牛頭下走是荒年猛虎咬兔父母妻子相拋悶  
家、命運在天 上又問箕谷云等閒不管閒事從  
朝將相面前獨我寫得明白 在上只得耐煩

### 悼靈王

皇五子慈煥薨時預言貴妃田氏及乘輿不利  
痛甚自禳於奉先殿已進封悼王謚曰靈

### 左良玉

壬午十二月張獻忠再陷襄陽平賊將軍左良玉走  
漢口居民竄盡貽王憲副揚基書求駐武昌會城就  
餉扼要士民疑懼王信之越江迎勞許也金沙洲侯  
派揆近之竟先期度江軍城外肆劫王歸其孥至陽  
邏口被掠訴良王大索之得一時駭亂人不自保賀  
相國逢聖訪良玉問此來奉旨乎曰否相國曰將軍  
扼要宜先護 顯陵而省會次之曰郢上閉閩卻我  
曰今寇在江北而兵江南何耶曰漢上逃竄無可食  
相國曰駐省會几何曰曰養銳待戰及正旦相國往



扣不納排闥一見而出

### 蕪湖兵優

癸未春左良玉在武昌遣副將王允成勸王自九江安慶而下恣掠流言叛兵督京藉、南樞熊明遇亦下辨第令都督孫必進以三千人往至蕪湖知非寇也江寧令楊文驄以熊氏年家子求西征許題補職方即文驄即部御視師欲蕪湖令夏繼虞誦膝不受縱兵劫掠時留京戒嚴清明節張室門啟二十刻遽閉遊人爭入蹂死四人蔣子文廟降神言此地止恙果獲安

### 女慘

左良玉自武昌東歷池州道剽土人奔避斤肉五銀二鐸隻葱二十錢墟市空竭所掠婦女二三萬左偶聞之欲搜集部卒懼頃刻推婦女江中屍浮及於揚州良玉日跋扈人心疑憂故都督陳洪範曰左崑山不能約束其衆蓋有三懼、流寇難滅懼部卒二心懼嚴旨不測

### 禁金銀酒器

癸未冬禁金銀酒器袷服南都公宴列銀爵或欲徹之總憲張藐山先生曰第安之非大臣此器更誰用



乎高尚書硯齋深服其言

館課

甲申三月望寇且至是庶常謂必罷課姑往候命首  
輔魏藻德以制不可廢出文章可聞性道不可聞解

元旦受朝

甲申元旦受朝群臣成禮而退 上南向一拱前此  
未有也

孝陵夜哭

甲申三月十三日 孝陵夜哭都人喧傳張藐山先  
生聞之歎雖<sup>曰</sup>訛言亦其應也往鍾山佳氣鬱葱勃萃

朝夕殊狀久老謂今日減也色

先帝改謚

先是張藐山總憲同予私擬 先帝尊謚予擬 烈  
宗總憲善之即擬烈宗敏皇帝以語高相因韋僉曰  
烈字斷不可易相因曰竟與欽明文忠獨思字未謚  
以謚 先帝胡如各稱善居亡何宗伯顧錫畴奏擬  
乾宗相因定 思宗烈皇帝尋錫畴及忻城伯趙之  
龍今日請改謚不允明年給事中李清請改謚命改  
毅宗不頒詔夫 毅乃武宗尊謚今廟號犯之古  
未有也穢相寡昧易足論哉唐昭宗既謚起居即蘇



指謂前有司謚先帝曰昭名實不稱上疏駁議太常  
卿張廷範上恭靈莊閔皇帝廟號襄宗改謚覆轍如  
此曾未深攷耳宋高宗定謚或謂宜謚堯宗太常丞  
崇安詹體仁言謚法雖有之於古無據大行皇帝功  
莫盛中興請比殷武丁謚為高議遂決噫今之乾宗  
猶昔之堯宗也



國家圖書館, NATIONAL CENTRAL LIBRARY, TAIWAN, R.O.C.





棗林雜俎 仁集

逸典

金陵對泣錄

定策不預內臣

曆教

監國儀注

史相國督師

亂階

鄭元勳

阮大鍼



國家圖書館 NATIONAL CENTRAL LIBRARY, TAIWAN, R.O.C.



定策本末

御容儀注

勸進

紀元

項煜

常應俊

勲臣跋扈

郭維經

果會墨林氏  
藏書





馮可宗

陳堯言

黃澍

劉德憲宗周

朱統鑣

周鍾

谷國珍

李沾

名叱冢宰

劉澤清娶同姓

中書一品林超

武英殿

女伎

脩史

選宮

徐洪基

民謠

東宮

邸報

皇陵鬼撲

王肇基

從龍內臣

慈慶

北使事宜

周鑣

異議

王鐸

款案

張捷

趙体元

劉孔和戲言取禍

寓書史可法

避諱

御寶

大內石刻

王世忠

倪氏奪封

董氏

高傑

袁定

國家圖書館, NATIONAL CENTRAL LIBRARY, TAIWAN, R.O.C.



戶園

朝班遺詩

蜚書

唐世濟

楊文聰

周延儒馬士英作聯

路振飛

屠象美

方国安

進薦疏

江寧謠

偽弘光帝

群忠備遺

白門語錄

棗林雜俎仁集

鹽官談遷彌木著

金陵對泣錄

甲申長安陷光祿寺

署丞膠州高弘商因賊中

脫歸秋末省其兄相國備述前厄故錄之

三月己丑朔甲辰 上召考選中外官三十三人于

中左門諭曰國家多事南寇北胡聞寇已薄固關雖

無確報可謂迫于門庭朕已脩省待咎此時何以撲

勦何以安人心何以生財何以足用尔等其孰計之

滋陽知縣黃國琦首對曰賊之驕繇於招撫從來招

國家圖書館, NATIONAL CENTRAL LIBRARY, TAIWAN, R.O.C.



撫無裨于事因請收拾人心及用人之要 上問安  
人心曰安人心不難在于聖心聖心安則人心自安  
云 上首肯筆記其名又問生財對曰今生財云  
加派云撥捐助俱非也豈可一而再之而三乎 皇  
上遠慮宜搜內藏盡所有以為外用 上又首肯因  
問用人曰天下未嘗無人但人未必為用云云 上  
大是之立除兵科給事中餘以次對未畢俄傳外札  
上手折閱訖倉皇遽退各官不敢散已傳旨吏部  
官翰林官何不與坐以楊學士覲先林中允增志侍  
班不坐也 按侍班閣部等大僚例不坐而鴻臚所  
說本于黃國琦面述或艱難時特禮時閣臣皆坐云  
已後坐未得命耳 駕回宮各官乃散後知傳札以  
賊至昌平也各官環閣臣于御河橋楊觀光等責以  
城守事魏藻德曰大家做靠不得一人  
是日內閣課庶吉士 東宮日講官劉理順何瑞徵  
講論語首章未竟東宮沉吟曰不亦樂乎不亦悅乎  
二乎字可玩因視而講官而笑以並于思也講官亦  
笑賜茶退

夜二十刻部推左懋恭戎政兵部右侍郎總督城守  
未報



乙巳閉都時傳吳三桂兵至不知即賊也

夜攻阜成門平則門并廣寧門彰義門西便門滿二十刻砲聲漸亟砲實內向人不知也丁夜後砲愈亟賊環攻有旨城堵尚虛一千八百有奇守卒俱稱無餉襄城伯李國楨不登陴

丙午巳刻賊入阜成西便二門人不知也

丁未昧爽市人云宮女出西華門或傳 聖駕昨出城辰刻宣武門北順城門有內臣戎服可千騎云王太監救火呼開門巷以鑰在中府曰亟碎其鎖擊之未碎或云前門正陽門開遂沿前門弘商親見至則

被矢砲不可近自公生門入長安右門還宮

巳刻賊入宣武門肆殺掠內臣被禍尤慘李自成射承天門題榜矢中天上馳入宮午刻偽示五城購車駕

戊申午前內傳 先帝自盡于煤山偽諭明朝文武大小官員俱限次日赴各將軍帳下具職名彙冊送覽願護官者量才擢用不願護官者革職為民准給路引即放為籍敢有匿而不報兩隣不舉長班房主一併株戮特諭自是各官俱分投職名權將軍李友家自己至酉共報七十三人劉斯球等其去者以革



職回籍也主賦錄職名籍貫履歷寓舍僮婢長班錄  
訖皆驅對廳銅之工部侍郎陳必謙不即入擊以輿  
杠

己酉 先帝后移東華門幕舍兵部武選主事大足  
劉恭貞出私錢八千得柩棺殯之 先帝不幸皆首  
露網右足靴身布短浚衣胸題朕既喪國無顏冠冕  
見人是日同 先帝長倚屏出 先后衣笄甚肅鼻  
微傷其裳紉結越三日賦出梓宮一丹漆一點漆改  
殯焉 先帝冲天冠龍袍玉帶滲金靴 先后袍帶  
亦如之 定王騎駝來臨不敢哭而去次 東宮亦

驟至青衣褰帽頭觸地良久雖不哭隱痛不能起賊  
擁去諸臣臨哭可四十餘人臨而不哭者三十餘人  
養貞日侍側哀毀被執至李友處友據丘字衡衡許  
錦衣宅年五十餘性兇悍所銅各官許家人傳餐印  
其面而入出即去之

癸丑薄奠李友傳各官各據朝本見朝光祿寺監事  
林蘭友問朝本何若有佐史吳某云紅摺黃面開職  
名朝見蘭友如其言餘倣之刑部尚書張忻言黃摺  
非所用付紅單職名人多送之酉刻李友列騎七十  
三隊騎各五露刃押出各臣赴寓舖偽將劉宗敏



拘各臣千六百餘人獨多丁夜叱起俱蓬垢予匹馬  
五騎飛驅入西長安門出東長安門過御河橋皇王  
夾道進東華門至此始知非朝也至會極門牛金星  
涂衣盤坐棕毯上面東向右侍郎宋企鵠亦盤坐金  
星側北向金星授繆紳錄一部硃筆点唱先令甲科  
打躬餘誦御貫諭高聲以應或託疾令扶候合選即  
圈於錄上赴部聽銓注否且回各營奔赴數人

乙卯又選各官昧爽騎由午門入會極門牛金星執  
坐授注官面西向宋企鵠亦執坐如前唱選預名者  
令候會極門否則出東華門或令出西華門不解其  
故蓋東皆回營西皆斬于門外凡七十六人多勳戚  
丙辰各營拷職官追贓內臣加炮烙尤憐劉宗敏家  
論官大小勒限贓完日釋之李友張 葛 等各混  
拷不勒限李友家七十三員選用二十九人聽其自  
捐夾傷十之四劉恭貞再夾惟呼 太祖高皇帝追  
四十三金又銀杯二又徵之不應曰寧死我也

王都等杖斃党崇雅除通州倉場侍郎來竭李  
友角中綠衣諸人就問竟感額不答中書科舍人吳  
搞沈 始被拘伴風疾時呼流賊來殺流賊顛狂  
潦倒屢受鞭不之拷四月二十二日同釋



四月戊午朔乙丑黃紙傳二十七日即位塘報吳三桂奉兵徧京師戊辰李自成馳偽勅及吳襄手書招之至天津碎其勅擲父書不啟斬從使四人釋回一人偽勅自李友家發李自成聞斬使大怒召李友等點兵站隊站隊即出師也

庚午李自成脅東宮二王及吳襄東行賦將祥符李肖宇夫其名冠任在劉宗敏李友等下據吏部郎左懋泰宅從自成敗歸述其本末云前哨至通州東值吳氏兵失三十騎至天津西防禦使張若麒巡撫黎玉田李希沆各迎自成甚喜若麒疏薦三桂自

成所過各官道迎自成亦跪答東宮乘駟值各官問其新舊見旧官泪下手指其心曰甚利害須耐見新官色喜曰真爾主也善事之旧官或称殿下揮止之自成至天津三桂結方營于東勢孤賊西聯七營甚盛自成單騎呼吳將軍出語三桂出馬自成曰大勢已定將軍何固執不下我使可殺勅可碎若將軍手書獨不可拆乎三桂叱曰尔養馬私夷不得称我將軍且弑我君父辱我君父家口不共戴天何言降也我兵雖有限亦不浪戰生死由天自成曰將軍悞矣此語何自得之朕今日尚賴將軍奸人挑擊幾



喪大事 先皇帝自尽非我福也 東宮及老將軍  
固在少頃並跨驃出吳襄曰兒母信浮言圣上未入  
京 先皇帝即自经兒知之乎及入京召我大内同  
飯祿我全家日賜存問恩甚渥見宜謝三桂怒曰非  
我父也吳氏受國恩三百年不能死投而甘他人之  
食乎料家書如此故擲之襄猶功謝三桂哭曰求見  
東宮三桂扣首馬上大慟 東宮默然良久自成  
劝道語 東宮曰將軍速謝有明主可事矣母惑浮  
言且父在三桂哭曰唯主命馬上謝萬歲又叩襄首  
自成令 東宮同襄回營自成曰將軍赤誠能容朕  
單騎勞軍乎三桂諾自成東入吳營下馬三桂亦下  
馬各拜云我君臣幾誤于人言此後藉重將軍不淺  
容朕再謝三桂辭謝竟如主臣礼自成因問守榆關  
之策荅曰往關外有八城可恃今八城亡關門失險  
臣因其難守奏請入關 先皇帝疑焉以臣家口入  
京俾臣入關如戎馬至關未易守也必先收入關為  
上策自成曰然即藉將軍固之三桂謝不敏且乏兵  
餉自成曰兵餉易耳我兵三十七萬留騎十萬金  
四十萬賞將軍功成當厚爵相報三桂願以身任自  
成曰朕回營即祭勅付將軍三桂又謝請往登關門



指示形勢許之至闕闕城又出至一片石

戊寅晡刻三桂宴自成上坐 東宮左之三桂右以

東宮在竟坐地西向吳襄送席不與焉酒數行忽

笛吹大作白標弥望三桂即起抱東宮去還欲執自

成已上馬無及矣天遽晦賊方解甲不備北兵突擊

賊洶懼大潰追殺亡筭僅四萬騎回京步卒尽沒上

李肖宇口述肖宇亦侍宴其所部万三千云經戰十

三年未有如此之敗者人馬擁蹙自相蹈藉漏刃逃

生言之猶為魂悸

癸未午刻李自成回台入德勝門被蟒手白布拂面

從馬約七千匹列東華門二十騎自御道入東華門

前一賊抱嬰兒不知誰也初賊兵或先歸向以自成

曰宛矣都人幸甚從送各官聞之大恐偽街封署並

滌去已偵自成將至仍題新街吳襄走解于天津之

西

是日故學士楊觀光何瑞徵光祿少卿李天經李延

鼎同鴻臚寺官八人勸進自成曰事且棘何登極之

有刘宗敏厉声曰已有旨明日登極各官可出料理

各官退宗敏與自成爭語敏曰尔十几年辛苦一旦

敗壞若不登極何以回闕中自成默然李友佐史吳某說



甲申果登極殊草。我 太庙主早燬從此壞民居  
運入大內為焚具

丁亥郊刻賊出阜成門留卒七百餘人入大內及各  
巷縱火

李友家有 部主事

自徑吳橋之

先是四月二十二日西華門外粘示紫筆云本鎮匡  
復等情時吳三桂尚在天津

高弘高拘李友家被夾勒四百金見李友日醉擁婦  
女啼蹄不惜也唐事張維机主事蕭鴻基至夾其首  
張尚書鳳翔前出獄被拘勒四百金不夾

李肖宇故祥符諸生陷賊中久矣據左懋泰宅懋泰  
避宅後通款招高弘高屢候之肖宇因言逆賊久猶  
在人下欲乘其敗固自成不果弘高遁出京亦肖宇  
資遣之

### 定策本末

甲申四月京報絕月餘留都疑阻十三日有中人夜  
至內府云京師三月十七日失守餘不能詳翊辰張  
總憲藐山以御史周元泰朱國昌郭維徑米壽國至  
高司農硃齋所值他出候之而硃齋值徐魏公弘基



于皇城下亦聞之矣少頃硃齋及史尚書可法侍郎  
呂大器姜詹事曰廣等俱集議監國首 福王或云  
潞王時並僑淮安或云惠王在漢中或云桂王在廣  
西然遠不即至也高張之意屬于雒陽史頗不然之  
意在衛輝恐此耗未確遂巡將絕俄奏差回自都下  
云三月十六日丐報服手菜筐出京夕砲聲遠震迨  
旦寂如餘不知也堵人唯々守制山東武德道兵備  
僉事桐城雷演祚亦各散是夕遷上硃齋書乞  
遣部曹往淮揚揖漕再暫還 留都明日筮京師得  
泰之九三无平不陂无往不復銀貞无咎勿恤其孚  
於食有福筮留都得蠱之上九不事王侯高尚其事  
自是北耗仍杳二十二日史尚書以三千騎勤王渡  
江携印往俾呂侍郎署部揖礼部印越三日史尚書  
速諸臣往江浦議事時漸知國變不果往呂侍郎得  
史手札立傳示諸公遷寓總憲署獲目之諸公日素  
服會清議堂謀葺武英殿二十七日有中入奔南脩  
悉凶問諸公皇，謂定策非本兵不能濟也是日告  
奉先殿姜詹事撰文高尚書舉笔云 神宗皇帝  
之第二子第一藩云云而史尚書手札至意專衛輝  
尋又札云雒陽衛輝並南下當拈闔 孝陵之前云



云止何從督鳳陽馬士英書來奉 福王發淮安將  
及矣即日守備南京太監韓贊周出迎二十九日王  
舟泊燕子磯諸公馳候明日抵龍江關先召見列侯  
次尚書史可法高弘圖程註右都御史張慎言同謁  
舟中 王左手挈史右手挈高六器泣答之角中衣  
葛坐榻上枕衾俱敝蚊虻不具五月朔登三山門環  
城而東謁 孝陵自陽門入徑東西華門宿外守備  
廳四日監國傳諭天下是後也南都始議未定而馬  
士英成之史尚書前督鳳陽稔知福世子湛于酒色  
礙于衆遲疑不敢堅執定為社稷深慮非私計也徐  
弘基值高司農皇城下曰事亟矣惟賢是立何論序  
乎時 潞王先南下揚州鎮江假史尚書立迎則馬  
士英自沮何至其後以國予人哉史尚書在高郵聞  
福王舟近即列諸公名啟迎而士英初意亦不專  
雒陽與史尚書同偶值 福王舟擁而南背其始議  
後謂臣以兵十萬護蹕臨江欲駕南都諸公之罪徐  
事中李沾謂告廟文 神宗皇帝之第二子第一藩  
出臣筆俱非其寔故備記之初遷聞 王謁陵出朝  
陽門外萬衆伏候見 王乘輦角巾半汗奮手搖白  
竹扇有隴畝風藕心幸之不謂淫佚敗度為懷愍之



續也追思史氏之先見真純臣苦心矣後世誰諒之者 王陵還宜南自洪武門入大明左門宿便殿竟穿朝宿外署非禮也前筮于食有福隱寓 福藩卒陂徃復於嘗驗矣所占留都高尚書拜相尋罷明年留都不守

### 定策不預內臣

守備太監韓贊周素有賢聲嘗任中都而史司馬撫淮故相善及移南京 先帝魯密勅此兩人相泣內府定策時或請共議高尚書曰如此大事而內臣預之何以光史乘乎又勲臣不預時共側目

### 御容儀注

五月甲寅以武英殿所奉 二祖后御容遷奉先殿 二祖御容五軸命文武大臣五人恭捧 二祖后御容內守備及司禮監官恭捧各青繡服行礼殿外侍班候主祭官祭告畢更吉服進武英殿拜叩如前請 御容至龍亭內移奉先殿叩首出隨更青繡服侍班候主祭官祭告而退

### 曆數

前聞記 高皇帝嘗命劉伯溫卜曆數曰遇順則止高皇帝遂以手書空良久曰三八<sup>百</sup>單八亦足矣今



李賊偽大順而清 曰順治不其應乎甲申五月先  
監周一日工部主事餘姚胡其枝整武英殿榜得一  
萬曆錢謂佳兆殊不然舊朝鐘微裂墮地起而懸之  
仍鐃咄有声初欲移靈谷寺鐘不果

### 勸進

監國勸進表呂侍郎委某作迫期登幅待于行宮諸  
臣俱不及展視

### 監國儀注

禮部儀制司案呈本月初三日行陞座禮先期司禮  
監設座內殿設宝座奉天殿欽天監設定時鼓錦衣  
衛設鹵簿儀仗尚寶司設寶案于奉天殿教坊司設  
中和韶樂設而不作是日早鴻臚寺引導駕執事等  
官進至內殿候 駕陞座太常寺酒果等物于奉天  
殿丹陛上 王具冕服導駕官導 王行告天禮畢  
入內殿文武百官各具朝服丹墀內序立鴻臚寺引  
執事官進至內殿傳令百官免賀免宣表止行四拜  
禮贊執事官行禮贊各執事鴻臚寺正官跪奏請陞  
殿 王繇中門出升宝座錦衣衛鳴鞭欽天監報時  
鴻臚寺贊行四拜禮訖通贊唱班首詣前引禮引  
班首官至 王位前通贊唱跪播笏班首跪播笏承



傳唱衆官皆跽百官跽捧寶官開盞取寶跽授班首  
官班首官捧寶上言 殿下進陞大位臣等謹上御  
寶尚寶卿受寶入盞通贊唱就位拜興平身百官拜  
興如文通贊唱復位引禮官引班首官自西降復位  
通贊唱俯伏興平身鞠躬拜興拜興拜興拜興平身  
禮畢 駕與百官以次而退儀注出主事吾寧吳本  
泰手吳年老拘會典不達時文如奉天殿嘉靖壬戌  
易稱皇極殿久矣南京諸殿俱廢僅武英殿存當直  
稱武英殿以紀其實雖奉天殿在宜暫避正見監國  
與即真不同況無而為有乎 仁宗昭皇帝以東宮  
監國十六年日御文華門 恭仁康定景皇帝監國  
以郕王監國御奉天門左天順初 英宗復辟群臣  
始推御座居中前事歷々如此儀曹曹失攷冢宰張  
藐山先生曰吾欲薦子為禮部司務以衰一時之朝  
予力辭謝

### 紀元

閻擬定武弘光紀年 上拜天採籌得弘光張藐山  
先生曰光字上放於文為火清朝順治曰清曰治俱  
從水、能克火奈何果如其言

### 史相國督師



鳳督馬士英挾迎奎之功自江北來朝不欲出鎮故  
事輔臣必有入閣辦事之旨士英特繫銜大學士非  
內任竟據政府史相國度不能外自請出鎮鑄督師  
輔臣之印士英忌史声著甚而史先東士英有福藩  
不忠不孝等語士英竟脅之史求還故牘終不相忘  
掣肘陰釐以勞勩唯泥遂移構新建姜相國謂觀望  
異議冀併陷史氏也

姜詹事善酒好卜夜胸臆洞達不少埽忌告庙日诸  
公集內府詹事俄出太監韓贊周急趨之入成礼又  
明日最後至及上監國張家宰疏枚卜上用史

氏高氏遺詹事謂詞臣何獨推一人於是再推姜曰  
廣王鐸等姜雖並相上意不憚尋引去益中官讥  
先生侍先帝講筵粗疎見忤又擁戴非其心也

嘉善吳進士亮中見史相國手札福世子荒淫酗  
酒不魯讀書云云又周府保寧王嘗陷賊脫歸相  
國才之欲推立焉夫相國曉人也安有推立羆王之  
理

### 項煜

詹事吳縣項煜自燕逃入金陵五月望日緋衣同賀  
诸臣怪之蘓人攻其從逆煜揭辨終詘乙酉六月渡



浙東至慈谿馮元颺家或曰賊臣也偁馮氏之門出  
之投江橋下載沉載浮有磨菽者手溺死之江橋一  
曰太平橋煜嘗夢人題太平字故再遁竟不能免

### 亂階

燕京從逆諸臣傳報不一其最著者鄉人乘怨輒馳  
檄聲罪姑蘓則首項煜錢位坤宋學顯湯有慶等常  
熟則首時敏皆焚毀其家金陵攻姚文然家庶吉士  
寓金陵刃拒之得免噫衣冠污逆三尺具在何煩邑  
屋之緣孥也尋臺臣嚴禁乃止御史初彪佳撫安蘓  
松常鎮誅首亂六人又嘉定堵悍奴脅其主各脫籍  
尤可駭

### 常應俊

福府從駕千戶常應俊本草工目不知書雒陽陷從  
世子出亡有保護功南渡後出入行宮無間官都  
督同知猶少之求放歸封襄衛伯祿千石見高相因  
跪拜稱名相因止之兵科給事中陳子龍以天順初  
袁斌哈銘為比言不宜封不允

### 鄭元勳

高傑偁揚州士民拒之不納進士鄭元勳趙宗功守  
臣和解時共坐城樓忤衆立刃死傑兵縱掠廣陵大



佛福緣蒼僧德宗為時推重難民避入薙髮坐尺地  
須八十金漕舟附婦女一人須一金門禁甚厲江西  
陳給事 以與守臣善巨室借其封爵與婦女人  
各四十五金積賞甚腆

### 勲臣跋扈

誠意伯劉孔昭猥巧机辨見事夙生 先帝召對泣  
陳文臣操江掣肘之害遂停都御史高倬專任孔昭  
操江孔昭故善阮大銘又給事李沾隣巷通好先是  
鎮遠侯顧肇跡操江為沾所劾及肇跡內召特郊餞  
謝日者彈文非我意也德憲張藐山因薄之南渡初  
張改冢宰奉詔言違案置勿用大鉞察文觀環召計  
沮喉孔昭拉勲臣廷攻冢宰先一日飲勲臣立約凌  
晨旦朝孔昭詐張某奸欺專右文臣靈璧侯湯國祚  
忻城伯趙子龍和之餘無對自是冢宰四疏乞休  
上雖知簡在首巨無能苗也文臣畸輕孔昭畸重權  
行薦紳中馬士英不敢抗謀入相不甘右列以撫寧  
侯朱國弼及忻城並覬相而止明年薦兵部右侍郎  
德清蔡奕琛入相南渡之禍始於誠意漬于士英大  
鉞

劉伯溫嘗云傳十三世有變故孔昭求改相以厭之



竟不果

阮大鍼

桐城阮大鍼初附善類與嘉善魏大中爭吏科都給事因投送璫歷太常寺少卿坐党廢避福金陵稱詩好客素善內巨馬應芳馬士英僑南都時數過從也至是士英密駁存言其知兵立除兵部右侍郎召對以高相因廷諍臺省交論未拜命而心益亟士英令徐瑛之大鍼曰我自起家何預伊事及蒞官每朝罷輒手招士英就語自示于諸紳中日同士英及撫寧侯誠意伯狎飲後常熟錢侍郎謙益附馬錢寇姬柳如是故倡也大鍼請見遺玉帶曰為若覓恩封自是諸公互見其室恬不為恥

郭維經

御史 郭維經雲机巡中城請勤有能聲張德憲甚重之及秉銓推郭應天府丞兼御史巡視如故益驟難其代非淹之也郭意未噤中李給事沾之誘即劾冢宰私且兼官乃天啟未敝習章上又自悔浼同官以謝冢宰遂不辨未幾勛巨汙冢宰去之

馮可宗

馮可宗初提督巡捕營史司馬奏改錦衣衛最冷暑



值南渡遂領緹校為雄職素善結納園亭声伎見稱於時乘間進其姝麗冠擢日盛

### 王肇基

太監王坤嘗肆惡於淮陽至是易名肇基求督催浙江福建金花銀得旨命閹臣具勅高相因暮歸語予曰方爭既負海今又爭內臣專角舌非相体奈何予曰大司禮韓象雲矣內侍也俾諭沮之以內臣自相制易之耳相因凜然之詰朝入直聞肇基隣寓過之極言東南民困肇基曰若然吾當辭注尋奏上嘉納相因予告太監孫元化督餉浙江

### 陳堯言

故浙江布政司 叅政貴陽楊師孔萬曆辛丑進士宰山陽庚戌降教授順天遷翰林待詔侍 福恭王至是師孔子文驄馬士英甥壻也追錄舊僚贈師孔禮部右侍郎山陰陳堯言繇乙榜亦嘗待詔侍 恭王歷雲南右叅政尚存疏乞恩例不許

### 從龍內臣

從龍堵閣初布袍革履徒步道中給事行宮猶未快志巡按湖廣御史黃澍入朝廷劾馬士英責數其罪上色動云黃澍言言有理願高相因記之召澍殿



內竟其說士英聽階下惶急盡移其供帳出因行金  
結內臣張執中等俱在陽之舊也璫勢始彙司禮韓  
贊周老成嚴重上始而憚中而踈末且厭之嘗盛  
暑擊球三人交筭不休贊周凝立不動私居飲泣踰  
月或進玉燭臺玉壺心好之珎異日至立報傳入而  
喜最不恒始雖厚售漸斥去索原直即市儉亦苦之  
蓋賈人去責專市儉也內臣蟠玉絲皆登極初日召  
對輔臣或畫再接再決月以來時免朝八月選民女入  
宮徵教坊教六十四人司灯擇其妍少慈愛盡恩賜  
內臣金幣獨渥韓贊周百五十金餘各有差廷臣無  
及者優人適意輒賜三四十金九月開經筵宴廷臣  
不賚閣臣以例請不允十二月西宮成卜日臨御  
上色不怡贊周請其故上曰無佳優奈何贊周泣  
曰臣意官家思先帝乃如此抱恨乎嘗責太監馬  
承芳尔但知印堂安知我印堂指贊周也承芳懇謝  
得免上晨飲訖內臣又進觴輒奉之不卻酣淫弛  
縱十月末幾蹈漢成之諱旋幸上恙明年都市榜上  
供春藥貽笑四方矣先諭閣臣曰朕非欲貪大位卿  
等勉推天子固不如潘印樂也初惟輔臣自任救偏  
補弊設畢祥符膠東之用亦未至速上而黃澍激貴



陽之禍竟以喪國

黃澍

歆人黃澍年少輕侮作葉子格品第宗婦之貌見忤  
於族走杭州通籍郡庠丙子奉於鄉明年成進士授  
開封推官壬午禦流寇開渠轉粟河水秋溢因灌汴  
城隔禍自渠始又搜民間藏粟并金錢奪之汴人切  
齒內召先帝向問開渠者誰也委之流寇利口迅  
吾人莫能難以御史按楚未及瓜遽入朝意覬開府  
借馬士英為市蓋平賊將軍左良玉嘆馬氏故大言  
清君側之惡輒示人良玉手書挾重鎮劫之其廷攻  
也一言一涕甚傾宸聽士英伏階下媿死澍退指九  
萬金助餉自云世橐高相國以問予彼卓鄭也哉予  
曰否、彼補抗郡諸生父為人完貞庫小才貪詐不  
足信也澍還按楚士英陰遣人購良玉而澍孤矣尋  
免其官畏禍匿良玉所女歸其子按臣通婚本鎮向  
未之有也明年左氏稱兵犯闕蕩我公室雖士英  
之罪擢髮難數而誰生厲階至今為梗哀哉

慈愛

恪恭仁壽皇太后節氏 福恭王之元妃也於上  
為嫡母避寇間關河北 上遣內使密迎之將至命



魏国公徐弘基及高相国郊迎值於揚州廣陵驛登  
舟伏謁敝衣穿袖微見簾內有尼旁侍益避難時寄  
侶也命賜飯時御艦三有司供億繞數百緡夕宿儀  
真明日風利抵龍江関設行帳京兆徵兩縣媒媪扶  
輦雖群集竟用閹人入大明中門 上迎於午門  
初過揚州高傑列兵夾河二十里馬可七八千匹卒  
殆二萬餘人自乘舟儀衛甚盛黃得功迎于儀真候  
騎纒百餘自立一空舸不數人  
遣迎第一箋曰御名欽承大統馳念慈幃驚座鼎沸  
腸刻々以九迴萬霜天開情遙々而千里恭惟

母后陛下仙源世慶閭教協敷佐 先帝以咏閔睢  
啓眇躬而美摶木服囹圄史之至誠屬國家之多艰鶴  
髮添憂閔霜雪之入鬢鳳輿飛輶傷烽燧之震隣近  
倫序之見推既 宗社之克紹寔緣榮痲爰致弘麻  
初羈勒之未寧有踈省問今尊養之有地庶慰瞻依  
特遣近臣往迎遠境俛伸遐迩之望上馮黍稷之馨  
伏祈懋展惟心中道生河山之色誕膺壽美隆恩均  
覆載之規月馭先迓雲容嗣親  
遣迎第二箋曰御名孺慕依々雖傾城于初使皇程  
冉々寔切恋于久違詎忍安以九重不能恣之一日



恭惟

母后陛下聖德配天坤厚載地大寶曰位方同四海之惟心罔極惟親專候一人之順志長秋長信休嘉時集於漢宮維川維塗警蹕尚煩于天路伏祈敷時觸暑就涼 本朝之宮慈寧宋家之殿保慶增觀鴻慈之福鈔圖燕喜之惟以上俱予筆

東城兵馬指揮帶俸侍衛司正千戶郇存義奏曰崇禎辛巳正月戊戌河南城破 福恭王妃出避清涼寺宿東關土房明日至洛水上未得渡明午得舟又明日至花子寨澧河北窰維駕溝等處及于孟津越三日至浦子邢家苑二月既望渡黃河駐孟縣逢世子隨至懷慶甲申二月既望賊又破懷慶匿書堂官黃奎家尋乘東門放火冒出夜分至南門橋值賊傷存義且至野水鎮已刻渡河至邢家苑灘十九日命存義北渡覓寓值賊二十四日又入河南大盜李際遇方騷擾 太妃潛于民舍又北渡入懷慶匿黃奎家懼泄五月三日典仗李希楠書堂孫拱極見存義相視以目隱諭已即位也常應俊遣舍人閻守平見 聖母於黃奎家又恐泄遷女醫家六月六日啟出城不果九日又不果七月六日出值賊又不果十



四乘衆出城宿孔村梁秀才莊十一日夜渡沁水之舟椅代之十九日至清化鎮乘小車二十三日徑脩武獲嘉等縣越三日書堂康永寧山東報國營副將張成福來接存義遣弟護行赴塔兒灣之舟太監盧九德以舟迎漸達淮揚

常熟許重熙子洽曰乙酉五月壬辰黎明錢謙益肩輿過馬士英家門庭絲然良久士英出小帽快鞋上馬衣向錢拱手曰詫異詫異我有老母不得隨君殉國矣即上馬去後隨婦女多人皆馬上粧束家丁百餘人出至孝陵詭裝其母為太后召守陵黔兵自

衛黔兵亦半逃所過村鎮奔避一空至廣德州守閉城不納士英督兵攻之破城殺知州趙景和遠近民聞風逃匿安吉知州黃翼聖遁入山中士英不敢趨獨松關迂道由安吉手書致翼聖曰廣德見拒故爾行叔用兵若首先倡義當有不次之擢於翼聖率士民肅迎道左掃衙舍以停偽太后及士英家眷士英大悅浙撫張秉貞下檄安吉問真偽翼聖啟云閣部既真恐太后亦非假張撫遂脩法駕迎入杭州士英屯兵城外潞王恭謁太后如常禮辭之已令妃具宴送入妃躬請陪侍太后峻辭之日夕惟與士英



妻及婢數人相處人始疑其偽

談遷曰乙酉五月清人陷鎮江 上聞之夜出奔昧  
乘馬士英云 太后来其家同南走溧水東壩徑廣  
德自獨松關趨餘杭宿艷侍御奇謨宅撫按往迎至  
杭州初馳檄稱聖駕及見于艷氏乃太后也入杭駐  
朝天門東李德兵宅士英駐湧金門外王氏因徵欵  
如故清人將至士英走台州魯王監國訪太后不得  
後遇許子洽云太后偽也以今思之 上蒼皇出奔  
棄其母不顧然無自至叔相家之理士宥英計宥脫  
兔之智不得不藉母后脅制道路傳牌可假天子獨  
不可假母后乎其後閩焉無一跡又事之不待辨矣  
予時寓杭州有游卒同奔者云母后道中再墮馬扶  
起之命授錦衣衛百戶 今稽熊少卿汝霖責士英不  
以英無 毫 皇上乃 母后狗乎士

### 劉德憲宗周

山陰劉念臺先生起左都御史先馳疏歷指時事之  
失內及逃將封爵貴陽及劉澤清忌之益澤清自臨  
清南遁謂中其隱各疏攻先生澤清疏并列左良玉  
黃德功劉良佐高傑名請加以重僇寔各鎮不知也  
高傑聞之駭曰吾武人乃預朝事乎得功上章自辨



不預貴陽匿其奏先生前削籍故疏稱草莽臣入京  
不携冠服借以赴任士民鼓舞稱快群瑞亦曰刘先  
生君子也恐不得久耳果即引告

北使事宜

左都督陳洪範奉命北使揭閣臣事宜

一宣北 勅諭一御書一詔書一賞銀 兩賞金

兩蟒段花段官絹匹

一給總兵吳三桂 封爵勅券各一獎諭一表裡十

龍衣玉帶一賞銀 兩

一給巡撫黎玉田總監高起潛 應陞加級勅命一

獎諭一表裡十龍衣玉帶一賞

兩 以上各犒賞  
請一官費題

一祭告陵園文

一祭告 先帝先后拜宮文

一勅諭陪北文武諸臣

一護送領兵將官二員各日給一金各犒三十金蟒

段二

一隨行標將十二員各日給銀八錢各犒二十金蟒

段二

一材官二十員各日給銀五錢各犒十二金段一

一馬兵五百日各餉一錢五分各犒五金



一馬六百日料各一錢五分

一騾夫二百日各餉一錢四分各犒三金

一騾三百日各料一錢五分 以上官兵騾夫共犒銀三千六百四十金犒段十四段二十

計程往還三月共前銀二萬三千八百十四金時賜吳三桂等兵三萬勞北朝銀十萬金一萬排段千匹又雜賞三萬金吏卒道費三萬金經理河北聯絡閩東軍兵部右侍郎兼都察院右僉都御史萊陽左懋第同往初議泛海改陸入北界有司尚禮接至德州忽榜示陳洪範左懋第色不動入京而還中道留懋

第紹愉館鴻胥寺懋第書壁寧為胡鬼不為清臣兄懋泰來見拒之曰尔非我兄也屢被縛不動及遇害北人無流涕洪範姜爾吐南朝情實故獨歸

先是吳三桂逐寇之事聞于江南詔討薊國公賜誥券募都人何以副將往致之至臨清進士凌駟方倡義導之出疆入燕三桂不啟封達于攝政王明日攝政王召見南城責中朝不通好荅曰南朝止聞吳將軍起兵匡復未知貴國之繇故不及命揖政王也色解諭以速遣使來期在九月時吳三桂洪承疇馮銓范文程夾坐席地各奉佩刀割牛炙啖之明日



何又奉三桂詔券擲不一視遂推乃歸藏內閣未以聞

### 朱統鑣

貴陽馬相國雖與新建姜相國同年不相洽欲誣以定策立異而新建有夙望人無慮者南昌宗貢生朱統鑣上章力詆新建至以新臺污之又株引史閣部張家宰呂侍郎等甚卑阮大鍼語人曰疏出小兒手其不諱如此統鑣大言須還我都憲一席竟擢科給事中

### 周鍾

金壇周仲馭僑白下嘗忽阮大鍼甚銜之大鍼勢日起仲馭知且脩怨拉某踵其門誣膝祈解終不能釋已構下法司仲馭嘗師張明弼而相失明弼揭其短賄登科第官工部主事避察處疏攻大監張彝憲云云君子曰公亮乘危下石非所以自持也

### 周鍾

庶常周鍾遁歸或問之曰在燕時謂江南已定不意中隔如今日也悞速走向容捕之亟拷及婦孥下刑部獄爰書從重改入深園涕泣挽柵不欲入明年會



訊御史張孫振捷之二十人以為快已同光給事時  
亨棄市

### 異議

桐城雷演祚介公崇禎庚午貢士歷山東武德道兵  
備僉事憂去寓白下慷慨好持論聞國變草檄勤王  
略曰安危爭于呼吸社稷急在燃眉三百年莽士尊  
賢豈無疾風勁草之報諸君子後家光國寧忘板蕩  
忠臣之私草澤有英雄不妨南塘一出秀才任天下  
豈無仲淹其人或捐軀解之金或棄終軍之襦吹簫  
屠狗策力兼收擊筑斬蛟貪詐並使義此大義翼我

皇明轉危為安匪異人任建功立業要在此時私  
議立潞王座師姜詹事曰廣叱其謬劉都督澤清

自臨清逃淮安東馬士英亦立潞王也遺幕客某  
覘金陵及福王即位計殺客滅口客脫走陳學士

盟所季士嘗對高相國言之貴陽語膠東曰鶴州原  
簡容當相示後劉力攻諸臣異志背其初矣錢謙益  
侍郎觸暑步至膠東第中汗渴解衣連沃菜豆湯三  
回甌問所立膠東曰福藩色不懌即告別膠東曰  
之曰天子母容抗也錢悟仍坐定遽令僕市烏帽謂  
我雖削籍嘗經赦矣候駕龍江閣諸臣詣異之監



國初復官八月入朝陰附貴陽日同朱撫寧劉誠意  
趙忻城張冢宰提阮司馬大鉞聯疏許異議者膠東  
解相印欲卜居虞山謙益恐忤貴陽卻之且不祖送  
雷演祚中時忌被逮下獄同周鑣孟克

谷國珍

鳳陽太監谷國珍六月入朝改勅求照總督體統行  
事閹臣難之國珍于外宅求示勅稿即自增入無以  
奪也

王鐸

孟津王鐸覺斯耽詩工翰墨五言詩至萬首嘗微疾

弟勸其輟咏笑曰此即一時目也張冢宰推再詞林  
枚卜首姜詹事次及鐸以 上舊也迂時對冢宰曰

王安石為翰林孝士則有餘為宰相則不足孟津是  
也冢宰然之鐸將入朝冢宰書規以約束子弟家人  
毋輒通賓客鐸通冢宰曰吾母他望所期後日史上  
好書數行也始直閣造膠東新建貴陽並引疾鐸票  
擬頗中綮如奪烏程溫休贈謚人亦稱之自以不習

吏事請益同官已漸自埽處分舛誤貴陽侮之法司  
奏大辟輒其罪嘗作奏悞書 皇下再被詰膠東瀕  
行囑以漸退駭問其故曰大臣道不行則去母俟人



彈文也始 上出十扇命書俱錄先正格言諸璫亦  
求書意難之膠足下負書名安能安拒乎鐸本之處  
非其任仕清歷禮部右侍郎壬辰三月遣祭西岳道  
卒贈尚書謚文正鐸手閱杜子美集嘗見其 冬  
深詩花葉隨天意改因字以頷聯早霞隨類影又一  
隨字也九日藍田崔氏莊羞將短髮還吹帽笑倩旁  
人為正冠以帽犯冠改作雪端午日賜衣謂何天後  
極贊此吾所不知陪李金吾花下飲結句醉歸應犯  
夜可怕李金吾乃牙音杜悞押此韵笑遣吳五首其  
一陶潛避俗翁未必能達道觀其著詩集頗亦恨枯  
槁達生豈是足默識蓋不早有子賢與愚何其掛懷  
抱陶亦欲子不仕宋耳非挂懷真愚也

李沾

華亭李沾以惠安令擢南京吏科給事中謂選郎金  
壇王重外之也頗不懌監國初銓曹止蕭士瑋倪嘉  
慶書史四人不懂掌故張藐山家宰以王重梁羽明  
並舊選郎習事且地近易赴時羽明僑居杭州沾謂  
重不可用嘗受我四十金者家宰曰僕僕起家三十  
年贊多十二金間或倍之安得至四十金乎僕老矣  
舊練而地近也隕玉郎若其人廉否僕自有提衡雖



吳來之不能溷也沾無所發怒因許呂侍郎大器冢  
宰推沾搽江都御史畏久劉誠意之柄求史相國得  
太常寺少卿提督四夷館居止何快：因誇定策功  
以初議內府嘗喧詈也徐冢宰虞求代推通政有旨  
另擢益附貴陽誠意及諸臣內恃其奧援又借名善  
類求史相國致膠東乞僉院云不敢失身他途也拜  
僉都御史尋起左都御史加太子太保七品半載躋  
極宮孤昭代所獨

欵案

九月南京吏部尚書徐石麟奏為矯誣 先帝者悖

之極欺罔聖朝者奸之盛事閔封疆殷鑒信史紀傳  
不得不據事驗明以存寔錄事臣于十五日伏枕次  
見黃耳鼎翻出陳新甲一案謂臣殺新甲以敗欵局  
此似耳鼎拾馬紹愉之邦唾將以顛倒成案獻媚  
廷以為後日賣國之地不獨欲為新甲執仇起大獄  
已也事閔社稷封疆臣何敢默：處此臣請與 皇  
上先言欵事終始我國家自有奴患以來其講欵非  
一矣天啟二年穢樞惑于<sup>王</sup>化貞之說俾違督臣熊廷  
弼節制而移與孫得功為市得功突發犯順城陷身  
逃而欵議敗其次則袁崇煥遣喇嘛僧弔老苗因以



議款未成而崇煥去位追 先帝初立意在滅奴召  
崇煥授兵柄崇煥陽主戰而陰寔主款也甚至殺車  
江毛文奄以示信伺 先帝不之許遂嗾 闖入脅  
款仍戒以弗得過薊門一步崇煥先頓甲以待是夕  
敵至牛酒相慰勞夜未央敵忽渝盟拔騎突薄城下  
崇煥師及殿其後 先帝于是待崇煥誅之而疑款  
議再敗然崇煥雖言款其所練甲士稍精選邊備未  
嘗弛故誅後而祖大壽猶得以餘威振于邊嗣是中  
外靡有敢言款者第歲久我叛帥累家遼西益相  
狎習邊將益約節士孕腹與北購偷旦夕之安而邊  
脩日弛矣本兵未必知也至楊嗣昌為樞密廉得狀  
時北亦遼內寇于是再以款市聞 先帝命偵 情  
竟得慢書大怒格之而款議復敗嗣是即新甲主款  
矣新甲令石凡臺與北通而惡洪承疇撓其事因址  
困錦州急遣張若麒往催戰欲乘間殺承疇脅款此  
即向者崇煥殺文奄故智也不虞承疇先覓獨入松  
杏城死守若麒計不成乘月宵遁陷我六師舊臣謝  
陞見邊事大壞憶督臣傅宗龙臨行有拒臣計專主  
款之語發聞 先帝遂召新甲陞見切良責久徧詢諸  
輔獨陞對曰彼若果許款款亦可恃議遂安時壬午



馬紹愉親見  
父皇待之優禮  
事見國史明  
人不知而厚誣  
之亦可笑也

新甲實可用  
之才

正月初八日事也。已而遣一瞽者一點生與馬紹愉偕往。義州以款四月。婦北不具表謝而復得嫚語。先帝知為所詔大恨而款事又敗。益自辛巳張若麒倡逆後。帝十五年所鳩集之精銳一旦盡掃。老成謀國之臣無不私祝望。疑事之成庶幾稍有息肩至。天子親發玺書下明詔。首臣屬草次輔書直誠。拒臣搆使者而遣之。為使者飭冠劍連車騎。至塞外我邊。臣堆牛醢酒。張筵十六席。燕北使北之首長。遣緇紀一美少年一寵眉皓首之老來。會絕不語及開市事。問之則云待老憨命及憨至義州首詰諸酋長。私與中國通擬殺我使人。譯事者為之初請叩頭乞哀。馬紹愉等抱頭匍匐。竄歸恐後。尚未見憨面。今反飾稱親到瀋陽。不幾夢中嚙語耶。且先帝之誅新甲。非以款事。臣之擬新甲罪。亦非決不待時也。先是四五月間。乞款不成。沸滿長安。臺省惡其辱國傷體。盡祭新甲前後。奸罪章滿公車。先帝概不遽下。忽于是年七月二十八日。以十餘本悉下法司。併下新甲于理。新甲金多。黨盛。為之祈生全者如市。及臣登諸糾疏。讀之。或言其賣總副鎮金銀累巨萬。徒海道運歸。或言其陷遼城四。陷腹城七十二。陷親藩



七使 聖子神孫塗炭膏血流離無所臣讀至是而  
不勝毅然髮指矣越旬日而御史臺陳昌震廷尉莊  
憲臣祖司官韓一臣各以讞語至詞義嚴確盡與死  
比又越旬日臣同法司集于都城隍廟矢諸明神而  
讞之新甲口供所陷諸城郭親藩與所糾無以異于  
人引失陷城寨律斬斬上時日輔延儒為新甲營解  
甚力面奏謂國法大司馬 不薄城不斬也 先帝  
曰他邊疆即勿論僂辱我七親藩不甚薄城乎延儒  
培塞 先帝尚以秋斬蔽未辜諭臣再核臣于是引  
居中调度臨時不能策應因而失悞軍机者並斬律  
朝上午即奉旨曰陳新甲職任中樞失事重大貽禍  
慘毒朦朧玩支解悞國負恩 祖宗大法具在朕不敢  
私着即會官處決欽此皇天語具在而謂臣殺之  
乎且新甲于九月先正兩覲之誅舊輔王應熊始下  
賜環之詔前後相距五六十日乃謂後起王應熊疑  
新甲所為是又故以新甲誅後之事為新甲誅前之  
事何其謬戾任意一至此也况 先帝屬精明睿之  
主非昏庸亡國之主也庶獄庶慎無本親裁倫靡大  
大臣憚、過慮豈有誅一樞部大臣而竟聽臣下鍛  
鍊者耳鼎視我 先帝為何如主而概以漢之桓灵

莊烈剛愎之  
主而屢受臣  
下之給



宋之理度同類視之此臣所謂矯誣先帝者悖之極也又耳鼎謂新甲歟○歷巖疆饒有英略洵如此自宜龔彰天討執訊獲醜矣即不然亦宜左支右吾可無失事而胡以覆軍殺將破城之報相屬如諸臺省所科新甲所口供者若是之多也且恭皇帝之愛皇上身嘗之痛也先帝旨中所謂貽禍慘毒專指親藩豈先帝痛恨之而皇上遽忘之乎耳鼎又視我皇上為何如主而敢于党恭皇帝之罪人張封疆之罪吏也此臣所謂欺罔聖明者奸之極也臣恐耳鼎之邪說得行使國家忘用人行政脩德自強之實着而專以款敵為事益敵之佯款其愚我也收我邊民畏戰之心弛我邊塞防戰之備也若其果我欲款則非講金繒講獻納講割地講南北各分不可款也如此而固又何以為固也故前事者後事之鑒也又恐耳鼎之說得行使天下人疑先帝以昏庸無道○當款而不款○大國不當殺而殺以致身禍因隳為天下笑則使先帝抱不白之誣于天下臣之所深痛也又恐耳鼎之後党罪拒者搖鼓唇舌變亂是非致皇上疑新甲有于謙之功而受西市之慘為之雪其罪累錄其子孫孤烈皇帝敦睦之



紹愉實切

寵宴並起妾

語

心而增 恭皇帝在天之恫臣之所深慮也爰于文  
止憲墜之日崖略一案始末附于寔錄以告 皇上  
若耳鼎構党殺巨撓推銷骨臣不恨矣按 先帝嘗  
書滅奴雪恥字及遣馬紹愉繞出京牌書奉旨講和  
上聞而惡之 揚士聰玉堂蒼記馬紹愉四川人萬  
曆壬子貢士云使至瀋陽宮闕鉅虛如京師迎稱天  
使筵設甚盛重毯之上殺核俱金器甲申又北使被  
留今安置揚之瓜洲紹愉筮仕武康通數學萬曆末  
云國喪當屢見三十年後東人深入矣  
朱良才萬曆壬子順天貢士削籍投陳新甲庚辰同  
長班馬氏等七人往瀋陽

名叱冢宰

旨稱閣臣例先生九列例鄉徐冢宰石麒忤貴陽有



旨叱其名尋引去

張捷

監國初劉澤清首薦前少宰丹陽張捷亦函時陽城  
張藐山典銓二十。二日劾去禮部尚書湯時瑞屏揖  
銓有墨聲徐冢宰僅決月丹陽起少宰長其部銓政  
決裂惟狗叔賄明年五月爰作選人擁其與索償者  
數輩詔之入鷄鳴寺以待竟自經

劉澤清娶同姓

劉澤清初娶劉氏官都督埭同姓不封至是奏徵時  
艰苦狀得贈一品夫人改南宋張循王俊娶錢塘伎  
張濃後嫌同姓改章氏糟糠之困彼弁罷何足嫌乎

趙体元

馬士英筮仕南京戶部主事書佐趙体元或云浙袖  
之孽歷任不棄從軍夙陽冒功繫街猶阜帽青衣給  
後如故及入相体元累都督同知趙走如與臺翔望  
服蟒玉見仍侍側閻章奏云某某當若何間從之用  
兵部印真任体元不親視也威柄幾等貴陽

中書一品林超

江浦林超居太平門側自矜數學劉青田之流貴陽  
在戍卜其後用冒武秩至都督又薦授中書舍人



加一品服色文武淵蹤萃于一身切即爛羊不異也

### 刘孔和戲語取禍

長山刘相国鴻訓在時刘澤清叔事之相国捐館子  
孔中孔和更叔事澤清矣澤清鎮淮安嘗語孔和曰  
若尔服我乎曰服甚第吾叔不作诗尤善澤清微笑  
方矜文武才深念其語俾帥三千人渡河忽檄召孔  
和斬之所部不平又擊斬數百人奏其觀望尽誅也  
孔和官副總兵

### 武英殿

上南渡以武英殿為正朝殿五楹卑陋工部僅塗朱  
費三千七百餘金主事餘姚胡其技曰若民間不過  
三十金耳

### 寓書史可法

史相国在揚州清人寓書云揖政王致書史相国執  
事云云自稱本朝字檉出史相国字本行黃紙如詔  
劾又硃圈其句華亭色尔庚于沔陽黃日芳處見之  
日芳庚辰進士相国俾荅書詞頗峻相国刑潤曰不  
必口角也今日芳刻其原草賈使其雖北人傾心南  
国云和議可成至見南事終之歎曰河上不講將講  
之江上矣後大哭而去



女伎

甲申秋南教坊不足充下陳私徵之遠境阮大鍼揚  
文聰馮可宗輩各購進大內嘗演麒麟傳奇劇未終  
妓人首戴金鳳者三益宮例承幸戴金鳳以自別也

上体魁碩一日斃童女二人厚載門月裘骸出若  
干弱質歲徒委于塵露則馬士英望風導愆大鍼輩  
從之而靡耳噫南唐元宗宴樂擊鞠不輒嘗乘醉命  
優人王感化奏水調詞感化惟歎南朝天子愛風流  
一句如是數回元宗輒悟覆盃歎曰使孫陳二人得  
此一句不當有啣璧之辱也今求王感化其人不復  
可得抑誰為元宗乎大鍼自負為君子文聰自負為  
詞匠污行于進市井猶羞之馮可宗本吟伍不足論  
也 上初立都人忻謂中興可待不數月大失望  
有蘇甚麋鹿之惧

脩史

高相國請脩國史寔錄許之遂去位未開局錢尚書  
謙益多截書意任史竟交作

禮部署事右侍郎管紹寧覆修史疏請門下士某預  
史館報可准貢前相國疏薦予中書予力辭至泣下  
乃薦宣城唐祖命歙縣方世鳴等至是又欲薦予史



館如管例辭之或問其故曰國初布衣預史館時略  
勢分廣採集今進賢冠載筆尚論崇卑一措大廁其  
間鼻息不過呈翰吮墨等子門下牛馬走寧歲身甕  
牖同腐艸木耳。

### 御寶

初鑄監國之寶用黃金五十兩白金三十兩已鑄廣  
運之寶俱儀部呈吳主事本奏董其成予告之曰寶  
式視日或微有大小恐中狡賊計一時難辨吳不以  
為然

### 選宮

秋九月有選宮之命惡閹橫擾或母子自到徐魏公  
宗女妍庶韓司禮贊周以勸臣家例禁出之 皇太  
后自于外守脩廳擇六人未噉命再選初各官必慎  
其後會于貢院狎笑褻視選七十人寢及蘓抗吳中  
倣優 太后侍女金 年十八來自中州殊色也所  
選並不逮 上待如妃禮明年阮大鍼入其宗女雖  
妹璠竟不知誰氏也又書佐周其自獻其女太監田  
成來杭州駐貢院樹黃旗二選五人止王氏留京南  
都聽里甲報名其母同女肩輿赴公署待闕杭州僉  
報後太守張印立自立民家設香彩女出見太守旁



揖疲於奔命 上之出奔也 阮氏周氏王氏命逃外  
家而貞院罷試矣

太內石刻

重脩西宮得石刻曰木猴年青尅月紅日忽沉明月  
缺白頭皇主人棲雉赤頭虫子皆流血一小又一了  
眼上一刀丁戊撓卒明騎馬入宮門散坐皇極京城  
擾白虎嘶刀砍李花蓋天一未宮槎枿牛宿三宮稱  
宰輔君臣不顧徒傷嗟幸得三張天大口李花未白  
不長久金臺忽死金陵生東南福主中原走南明吳  
已午火微未申奠安連江南黃花玉蕊丹桂祭西風  
吹墜落東籬戍邊水大自然滅亥子窺京胡騎飛丑  
奴空戰三十載還復寅方建義旗卯上樓舡動當震  
青龍天下靖一朝得一朝失東西南北兩邊立劫我  
百官上長安可憐難度鴈門關摘盡李花殺尽胡天  
清地白歸京都京都老人起吳越耳邊但知十一百  
敬他老人頭似雪汴梁城中造宮闕從此天下方太  
平周家八百人重說木猴年青尅月此碑一出天下  
裂永樂六年二月 日臣少師姚廣孝撰甲申九月  
未都人盛傳其事按姚榮公官太子少師 文皇帝  
嘗呼少師不名非宴御也且禁之中非人所到事不

明人偽造  
圖識以為  
收拾人心之  
計亦可哂矣



可解

先是熊廷弼徑略遼陽浚濠得石刻曰木子又安女  
天下裂八牛定力堅于鉄三門一道嶺頭看乾坤流  
尽冬人血嘗以其事聞

崇禎癸未正月滄州浚濠得石刻一阴道人歎無足  
者烏無角者牛並出壯海宴被醜謀天心叡訖必斯  
之隅山東之實死不可留

徐洪基

魏國公徐洪基謹慎和易年逾六旬生少子是冬薨  
明年易代公雖不幸勝于士燮之祝

王世忠

都督王世忠南関猛骨孛羅少子也流落江南優人  
演世忠傳奇見兀术即起立曰此吾祖也及叩首轅  
門則大怒

民謠

弘光年要做官非騎馬士英即種田太監田成  
戢方賤如狗都督滿街走宰相只要錢天子但呷酒  
射人先射馬士英擒賊須擒王鐸

滿街都督府一部戢方司

自成不成福王無福兩下皆非真主北人用牛南人



相馬一般俱是畜生

紅花開天子來不辨衣衫只辨鞋

朱家麵李家磨做得一个大糗、送與對巷趙大奇

王氏奪封

尚書上虞倪元潞玉汝少娶餘姚陳氏失帷既登第  
嬖妾王氏篡封命同邑丁庶子進以故却嗾誠意伯  
劉孔昭許其事可坐總京營也倪適除祭酒奏辨陳  
氏失母意遺歸外氏命娶王宜封而陳所生女字王  
司馬業浩子貽拭司馬揭引海瑞前妻許氏潘氏弗  
封、繼妻王氏為例幸 上不問倪自免歸陳氏寔

同其母夫人居非遺歸者甲申末陳氏祈于朝時孔  
昭在事奪王氏改封白壁微瑕君子惜之

倪元潞丁進俱天啟壬戌進士選庶常嘗中秋聯句  
丁首唱中秋佳節好吟詩為人所哂 上偶問崩字  
何義對曰君死曰崩元潞曰 先帝升遐曰崩進自  
慚漸隙

東宮

濬縣高孟箕以鴻臚寺序班調南京監國草創賴其  
諳練有光朝廟進本寺少卿秋日舍人穆虎等自濬  
縣來道山東送旅指一少年曰是亦欲南行可挈也



因偕行舉止非常度詰之言故 東宮也陰至孟箕  
所未之信少年曰昔某年月加冠君不贊禮耶孟箕  
愕然抱哭良久護侍欵密懼洩漏遂市宅杭州居四  
閱月間露故態謀徙閩廣間且行而孟箕不自安上  
書言狀命追入至南京三山門內臣某覘之進衣袴  
內臣後掠死 上以舊講臣熟識者王鐸及刘正宗  
方拱乾等並言其非是遂下法司嚴鞫孟箕穆席等  
方對簿少年詞氣不挫坐刑曹下堵人被拷冤号恠  
毒不忍聽覩少年色如故第曰彼以為偽即偽耳中  
外聞其事而悲之舊經事內臣私謂誠 東宮也其  
兩足骨每斷必獲不可偽云法司希旨謂駙馬都尉  
王昺子之明果尔則外戚末曹且非 延慶長公主  
所自出宜加拷訊何獨寬之哉嗚呼貴陽之罪通于  
天矣左良玉揭救王之明史相國言甲申冬 東宮  
入燕不良死疑南之偽

按甲申冬有男子燕表京演衆所某家夜走故嘉定  
伯周或門或欲諱之家幹不可以聞于攝政王男子  
冠九華巾青布衣敝屣令中官辨之或云真太子也  
輒坐死十一月廷鞫下獄十四日夜暴卒賞題人扇  
俱書月到天心處風來水面時這般清意味料得少



人知見平湖錢泉核真錄中而前說出內臣蘇氏于  
乙酉五月同高相國宿杭州淨慈寺值內臣蘇氏張  
氏不知其名蘇氏四月中出由都因述王之明之寃  
相國疑蘇魏忠美門下蘇若琳也云罷事十六年矣  
又吾邑孝廉張次仲元祐游留都遇金壇于奎中南  
先生玉立子也為太監李承芳記室奎遇元祐所時  
東宮初至元祐私叩之曰甚真始入京駐興善寺承  
芳即往謁云真偽未辨不敢跪亦不敢坐東宮曰既  
來此坐無碍遂坐問居何宮曰母在宮前後何景一  
一條答問宮中何樹曰松樹問樹几株曰我亦何愚  
我豈早知今日將廷樹一一數之而來乎且語承芳  
欲認我須某閣來其時某閣遣楊州未回也故承芳  
謂東宮甚真承芳又罵馬士英渠謂不倫真偽第箠  
死之耳明日元祐還訪奎尺變其說云偽而非真蓋  
伏于禍也元祐還里邑侯林空子桀來坊問以前之  
事子桀曰甚真東宮自金華被徵過杭州宿于北闕  
太監孫元化乘夜伏謁感愴頭觸地不能起吾得之  
江司理云江潢杭州推官彙堵說燈之則王之明似非戾園  
疑跡也豫王下留都三日即遣其北行亦以其真恐  
動搖人心耳嗚呼司禮太監李承芳善制生產厚蓄積崇禎已卯夏復掌東廠印署司



禮監印九月望下刑部獄辛巳春釋戍外衛住

孝陵弘光初補司禮監位韓贊周下

吳駿公曰東宮韶令聰敏出閣時選宮僚四人直

講讀是日吾讀大學首章十次東宮從讀訖講官項

水心講大學首句先日進講章上圈去數句又硃

書片紙諭東宮稱講官先生餘官官人自稱本宮閣

臣二人侍班日習為常侍閣田丘志忠又數人

俱髻秀丘讀古之欲明一德于天下欲讀裕物有本

末物讀互吾語之曰吾效北音甚易然字有不可誤

如物讀互此甚矣歟下他日臨政豈可仍此俗音

乎立深然之每講畢東宮作字或倣或縱甚有法

事遺司禮丘不似人君非也王之明辨視疎其偽

童氏

上始即位培輔臣以先後娶妃三時訪母后于中

州不及宮眷御史陳潛夫按河南以童氏至有司護

入京年殆三旬坐詐冒下錦獄聞之陳都督洪範云

童氏從獄中上書言某年月日娶我某年月日

下出亡所衣某色所飲某品所出某地又首帕妾所

手加也云此書不知得帥馮可宗作何狀噫蒙難

之後風塵失路童氏身之不保然以宮中一席地綠

苔埋愁清漏啣怨足矣何至尊法吏之手揚衾疇之

羞哉王之明聖諭曰枕席燕昵指穆童氏聖諭曰潛



夫同卧起穢我綠綸重玷國体夫事論其真偽、則  
死不足贖徒加以污穢此三家村訟師之所不為而  
出自明旨彼穢相無識適自彰其陋也

劉澤清婦劉氏上馬士英夫人書救童氏

印報

弘光嘗封事有曰今日之患不在于寇而在于北捍  
政王購得之大不懌蓋山東監軍 方大猷密達  
之遂決策南牧

高傑

清澗高傑故詳盜号翻山鷄崇禎四年為我帥馬科  
敗之崇信縣乞降巡撫洪承疇不許須斬賊渠師為  
贊傑伺闖賊李自成出時守者營殺其党三十餘人  
挾自成嬖妾邢氏及自成女年十六以降守備孫可  
法引見洪承疇承疇以賊性反覆不令入營即令可  
法收之因在西安碌々備數而已邢氏身為孫氏治  
爨及孫傳庭總督漸重用官至都督自成下西安白  
廣恩等俱降傑以夙嫌逃入澤潞恣掠歷懷慶御史  
霍達招下之在徐州附于鳳督馬士英初報部帛三  
千人及聞軍殆萬人知傑嬖邢氏貽金珠首飾二副  
其所掠婦女三千餘人畏邢氏不能多近四鎮各兵



三萬餉六十萬

獨傑兵盛黃得功劉良佐額不及也  
劉澤清最弱乙酉五月許定國刺傑

死於  
睢州

朝命邢氏同其子世爵叔理軍事子財十歲澤清聞之笑曰此水滸傳故事也今出自朝廷耶

馬士英聞傑遇害不憚阮大鍼聞之喜犒報者十金  
兩人同事異情時高相國寓姑蘓語事當云何予曰  
傑罪足死第列侯也不卹之無以安諸鎮而失處許  
定國又生事端須諱定國祇云兵交亟遣諭定國明  
非其咎庶兩全矣相國大是之已旨下直罪定國遂  
導北兵爰滅按南宋范宗尹建藩鎮之議以河南江  
北數十州之地委李成孔彥舟桑仲翟興劉位李彥  
先郭仲彥輩非群盜則土豪潰將也竟以不相統率  
卒不能守史相國分立四鎮亦類之矣先高傑爭揚  
州相國入其營為調解被其刼制盡奪甲騎無一卒  
自隨導隸四人肩輿二人書佐一人疏札必要閱始  
發相國威名自是不振而志切枕戈嘗大會堵將設  
地毯自下拜求出師盪寇傑雖跋扈頗感動故率衆  
而北大功中阻衰哉

### 皇陵鬼撲

乙酉中都皇陵有紅黑二鬼相撲遠見百步外近視



無跡覩者如堵凡旬餘南京西華門夜若有數千人  
排圍直入皆衰絰哭泣聲闐人挺之則杳

### 袁定

華亭袁定少卿燬之季子甲申五月聞北爰因疾苦  
魂送鼻出丹々天際值 先帝蓬垢痛哭至 高皇  
帝廟不納又至 建文帝廟叱咤而出因至老子廟  
拉宣尼同謁 高宙 先帝極言高傑之惡 高皇  
帝曰明春正月不祿矣各散有冊疊案問守者曰此  
江南被兵冊也即魂入于鼻而寤左右俱見之因歷  
々言其狀包長明說

### 戶圈

乙酉三月九日嘉興城內外居戶上夜各有圈或紅  
或白或書上或書日或斜書双曉起驚異不知其自  
閏六月罹兵燹惟白圈白書不火

### 朝班遺詩

三月十九日 上早朝或遺詩廷中曰百神護蹕賊  
中來會見前星閉復開海上扶蘇原未死獄中病已  
又奚猜安危定自闕宗社忠義何曾到鼎台烈  
大行何處遇普天空向棘園哀蓋感王之明事而作

### 蜚書



五月朔或書東西長安門柱福人沉醉未醒全馮馬  
上胡搗幕府凱歌已休猶聽阮中曲交馬士英阮大  
鉞福運告終只看盧前太監盧九德馬後崇基尺毀  
何勞東捷西沾吏部尚書張捷左都御史李沾  
或書武英殿上闖賊無門匹馬橫行天下阮兪有耳  
一兀復訖中原  
一主臥西宮四鎮雄兵迎北 二凶亂南國三朝要  
典打東林明日捕之不得

唐世濟

烏程唐世濟起左都御史來別嘉善錢相固勸其徐  
赴荅曰相知見迫不得少留方入朝左良玉兵東下  
或詔以左氏母被擒行敗矣唐喜甚大言于直序

揚文聰

揚文聰龍友

舉貴州第一久不第教諭

宰青田助剿飢盜量移江寧向嘗寓金陵寘田園  
至是政暇輒過松墅賓徒如市苛贖自恣癸未蕪湖  
兵擾以熊司馬明遇年誼西征自效檄稱兵部賊方  
司主事時人囑之其兵部縱掠歸去云蕪湖河之南  
廩米露積無主請司馬遣收之張司農藐山曰安有  
無主之米不過事急暫出避耳文聰仍治縣益誕放



藐山改南京右都御史草疏劾文聰遣堂吏榜其門  
母視事明年夏貴陽入相以甥壻起鎮江推官未行  
擢職方主事語人曰值此順風當揚帆聽其所往居  
間薦賄惟日不給嘗召客惟問梨園歌舞事俄頌鄞  
人錢生日貴卿金堂山可開墾乎生日舉中原而棄  
之何有金堂尋監軍鎮江總兵鄭彩鎮江前導刀旂  
甚多明年五月拜巡撫右僉都御史一日遽南遁鄭  
彩方陣江上聞之兵立潰上夜聞報即出奔迨曉  
馬士英逃南國亡

周延儒馬士英作聯

周延儒字玉繩先賜玉浚賜繩、繫延儒之頸一同  
狐狗之頭

馬士英号瑤草家藏瑤腹藏草、貫士英之皮遂作  
犬羊之鞞

路振飛

唐王聿鍵先廢為庶人幽中都困甚巡臺路振飛行  
部遺同知某候之同知望高墻氣異省向間而妃  
內泣云止千五百錢奈何王亦泣懇振飛餉三百  
金自是各官並周其急王赦出明年入閩稱制德  
振飛購以千金洪承疇總督江南偵得之密召振飛



私通閩求全其家益承疇子 在鄭芝龍所上  
以告芝龍芝龍問所自 上不能諱各疑沮遂罷仙  
霞嶺黃鳴俊之守

屠象美

閏六月辛巳朔丙戌嘉興念雉髮之令士民洵明  
日上虞副將陳梧造至梧故僧無賴逃楚中得故將  
陳梧妾冒其名銜入官永人問梧計安出曰惟尔等  
所為薦紳咸集虞給事廷陞首助餉徐太宰石麒曰  
此大事非草草某不堪任因趨屠檢討象美家象即  
身任象美嘗赴 潞王之召拜兵科左給事中戊子

據巡道公署助餉相屬市人烏合衆心紛拏辛卯故  
監軍 閩人劉履丁以善陳洪範通北兵懼泄夜  
走胥山沈氏墓追獲之其妻吐實云去頂髮阴記及  
內應若干于是搜斬三四百人癸巳輯各坊奸人得  
自收斬脩怨者乘之矣徽人汪日升以義兵來北門  
象美迎閱或言其遁立被殺投北麗橋下象美先時  
勒洵人十二金怨極及應募充伍乘間報復而象美  
與海鹽李給事毓新爭長象美死明日北兵至毓新  
即遁尋為里人所害

北兵焚南門外真如寺塔見甄刻淳熙三年崇德縣



卒大明捨甄一萬塊事適合如此

方国安

六月 潞王常潞巡撫張秉貞以杭州降兩浙風靡  
總兵王之仁守定海上其印都督方国安自杭走金  
華與朱尚書大典合兵尚書以方兵剽詐不許遂相  
持会山阴太學鄭遵謙倡義熊少卿汝霖孫戢方嘉  
靖應之寧波倡自刑部員外郎錢肅樂浙東響應迎  
魯王于台州西興築工城守江国安東下富陽分  
屯金村嶺朱橋其屯朱橋則国安兄子元振也号土  
漠營大總兵万餘舡五百餘艘沿朱橋列柵至轉塘  
口左江右山或說之曰山路莫要于西溪而橫山大  
嶺扼其衝旁多間道叢竹可伏兵從此距營二里為  
清風亭險隘不下井涇以千人據之且西接五雲天  
竹可俛瞰杭城益張疑兵連合江東勝則進退則伏  
從復不利豈能越險薄我營哉元科不以為然元科  
亦国安兄子戎旗營三總也八月元科以三十騎直  
趨六和塔值清數騎搏戰斃三人獲馬二明日戰清  
風亭江東兵雖所流莫敢登岸清騎張左右翼從之  
兵遂卻越三日清兵自六和塔來攻国安浮江身督  
戰自晨至晡敗走国安數失利敵覘橫山清風亭俱



端重親王南征  
凱旋後至順治  
七年始薨明人之  
妾為此

無伏九月幾望敵八百騎自清風亭五百騎自橫山  
夜去營一里始覺亟據橋發砲風火迴激橋上所貯  
藥俱發敵乘勢奪橋騰偪寨門守兵皆走元科手斬  
數人兵漸定嬰柵力戰殺傷相當敵登廟山望柵中  
白牆不相屬遽發砲牆傾大呼馳入我兵潰僅得及  
舟而遁敵焚其柵自是國安不復至江西岸

丙戌五月征南大將軍烏木獨木櫻猪嘴多羅黑耳  
根包羅貝勒索羅渡江荆國公方國安走台州初步  
騎各二万至是騎尚万有六千兵食足戰馬士英以  
許封西平王勸國安降遂解甲將士憤惋折弓矢投

刃者無笑國安降後同元振等被殺後索羅見國安  
于延索命疽瘡皆卒

馬士英奔紹興韓臣非悞國又挾方國安為重命戴  
罪恢復丙戌六月朔首逃

### 追薦疏

甲申中元令良浙西儒林之巨槿肅齋法擬薦

思宗烈皇帝暨 國母皇后以及殉難諸臣伏念臣  
等青衿士子白髮書生身未出疆三月無君則弔事  
非餘監一心報國空懸世道既屬陵夷與國悉為板  
蕩王室如燬無孔迹以何依泰山其頽對昊天而号



泣茲禍三月十八日神京被陷宮府宿衛愆之甲盾  
之飲飛樓櫓干城寔鮮罄弧之超距即于次日 聖  
帝登遐殂落弗俊乎考終宴駕匪安于正寢同烏而  
殉難者外而輔揆勲戚內而 母后妃嬪粉黛六宮  
盡洒鷓鴣之血春花萬樹俱捨戎馬之韉是役也日  
星隱耀江河沮流禽虫祭衰草木交色慨自衣冠履  
垂衣裳以裳未有若斯之慘酷者也滿朝金紫誰持  
一劍以荅君自我黔黎直開九門而揖盜伏而思之  
三百年之培養何以如奄、老病疴羸十七載之旣  
綏何以脆、似劣冬索莫既已非內重非外重太阿  
未始倒持况乎無色荒無禽荒金匱自應無缺莫謂  
事屬數而數屬天或其法悞人而人悞國當其寇荆  
襄而不問寔資彼以餽糧入函谷以無詞直固渠之  
巢穴破寔定是股肱之失其剝床以及膚與犯京師  
乃心腹之危胡以援溺無庸手也脫進便宜之策遜  
狄去邾尚可愛及姜女倘固忍恥之謀蒙塵幸蜀亦  
能歸号上皇竊媿臣等疏乏治安徒抱賈生之太息  
才慚良史敢效董氏之屢書但得佐木主以覲天顏  
惟有醵金錢而營佛事獻花酌水當三爵之殷勤伐  
鼓考鐘宣八音之過密



乙酉中元水月庵薦殉難諸臣無辜受禍者念自客  
歲帝京失守總之蒸民已化離乎西北今夏天子  
蒙塵紛之胡騎充牧乎東南天意豈不降鑒在殷人  
心其如睽違去漢一任國家之板蕩誰思王事之劬  
勞苟知三戶可以亡秦奚待十年而能生聚柰何處  
難支之大廈視若金瓠限飛渡之長江恃為天塹後  
為後我迎之以筆食壺漿后来其蘇授之以髮膚身  
体烟花三月揚州夢吹醒胡茄灯火寒山夜半鐘長  
嘶邊馬何暇吊舊遊之麋鹿祇堪數新牧之牛羊會  
見立馬吳山高頂詩句重題洗兵西子湖頭金陀故  
事刀鏢新染秋草以殷紅屋角腐屍供寒鴉以吐弃  
是乃外蛇闕而內蛇死致令故鬼少而新鬼多誠為  
國謀是宜卧沙場而裹馬革若得死所真當臨白刃  
以斬春風獨哀無辜授首跡於竊鉄之可疑殃及殞  
身豈其飄瓦之不悛某等伏願軍持一勺滌除四境  
之腥羶梵唱幾聲銷尽萬方之鋒鏑

禾城通濟菴普薦疏

經稱九橫書叙六極苟非順

命悉就短凶茲者強弱概隕身老幼同烏殉死血流  
漂杵竟成盡信之書命似懸絲不屬揣之說但見悠  
悠秀水沈骸定類無定之河鬱之禾城善哭效杞梁



之婦豈人、運臨於磨礪胡在、殃及乎池魚真無  
辜者偏受其辜乃最慘中適當其慘或漫尔奮螳螂  
之臂愕然處燕雀之堂遂致長呼絕脛大夢橫戈既  
非正寢而考終乃計周身之棺槨雖有慈孫與孝子  
惡能讀礼于始終祇於碧血化青燐時憶清明灼黃  
紙由是法席開無遮之會泉台迓不速之賓大用金  
鏡刮汝瞑目須知有身即是苦向也附贅懸疣身滅  
反于真今也釋粘解縛改是宿生負者尽謝絕于此  
生同業報中更耐償夫別報若得不怨不尤弗構出  
中之訟便可無拘無碍統銷劫外之愆以上俱嘉善  
智澄庵僧正撰

### 江寧謠

史冊流芳雖未滅奴猶可法洪恩浩蕩未能報國反  
成仇此江寧謠書于烏龍潭者跡捕頗衆

### 偽弘光帝

丙戌三月十二日

平溪衛有僧稱弘光皇帝孝

庶高士美指揮于克振司馬喻思恂群奉之偽者初  
過平溪同行二僧指謂土人曰此故弘光皇帝也偽  
者佯叱二僧若輩輕言大誤我事土人益以為真高  
士美聞之擁至其室推戴糜集遂駐沅州公署榜曰



聖駕行宮拜士羨太僕寺卿克振總兵官不數日沅  
道 徐熾沅州知州黃昂極其供御朱門雉尾設  
扈衛草御書獻金鼎出入警蹕士羨進女弟為中宮  
貴州巡撫都御史范鏞總兵官羅聯芳摘其奸狀同  
四川巡按御史米壽圖巡道鄭逢元以兵入殿上披  
幄揭所戴幅巾則額傷矢面傷刀創及于耳縛而訊  
之則沅州人查獻忠也米壽圖崇禎末任南京御史  
同諸大臣迎事 弘光皇帝是年七月命按四川時  
太倉馬允昌以遵義副總兵隨行壽圖瓜代又同允  
昌報命聞沅州事在道揚言曰吾故識弘光帝者及  
朝沅州偽者惧露掩左袂欲泣壽圖曰臣前日巡下  
江未及趨奉陛下偽者即釋袂日進火酒二升寔調  
餽于水也募僧千人各給衣帽木挺將幸重慶殺壽  
圖等壽圖先祭假獻馬二千匹牽入行宮即總督府  
也因縛偽者抗辨不服云吾嘗入武昌問其期云癸  
未五月二十九日薄暮大風雨政張獻忠陷楚日也  
本賊党其父母尚在少亡賴亡命捕其父母尋釋之  
亡何偽者伏法

### 群忠備遺

崇禎癸未冬寇陷閩中錄紳民殉難者其見賊別見



前山西布政司叅議咸寧陶爾德

前禮部主事渭南居業以上入城被殺

前懷慶府通判咸寧竇光儀

前儀封知縣長安徐方敬

前芮城知縣咸寧劉芳声以上聞變投井

前巡撫宣府都御史三原焦源清聞變自經

前巡撫大同都御史三原焦源溥廷罵被磔

前山東按察僉事涇陽王徵不受徵絕粒七日死手

題墓門曰自成童時總括孝弟忠恕于一仁敢謂單

傳聖矣之一貫迄遂老不分畏天憂人之兩念要期

獨留姓字于兩間又題曰精白一心事上帝全忠全

孝更無疑

前按察副使涇陽楊國柱同一明人道裝遠引

亂定後抵家死

解元南鄭席增光入山不應徵死

都司吏丘從周罵賊死

前河南布政司叅政咸寧祝萬齡不污偽命被殺于

平陽其子于宸堵生也殉之

前搯江右僉都御史武功馬名世

前巡撫河南都御史郟縣郝土膏



前巡按山東監察御史蒲城王道純 天啟乙丑進士  
前順天府尹耀州宋師襄

前按察副使岐山梁建廷

前 按察副使三原喬巍

前四川按察僉事分守川北道三原秦樂天 天啟乙丑進士  
以上俱隨營殺于山西紅芝驛

甲申四月末南京工部屯田司主事安福周鼎瀟投  
洪武門河下救出明日削髮去

五月浙中聞爰桐鄉男子某入城道聽 皇帝雉經  
泣下明日題白練裙不知作何字自徑人嗤其狂予



國家圖書館, NATIONAL CENTRAL LIBRARY, TAIWAN, R.O.C.



託友人徵名氏未至

紹興童子某年十四聞交語人曰我必死我必死人  
初不以為意亡何投水死猶意其共足耳出其屍環  
腰以石蓋恐身浮不得死也嗚呼亦可慘矣

乙酉五月行人司行人無錫龔廷祥投南京武定橋  
河死崇禎癸未進士

丹陽貴士睦明永自經

丹陽荆本徹崇禎甲戌進士

嘉定黃淳耀崇禎癸未進士

左通政嘉定侯峒魯

豫王入金陵各臣迎拜有曹郎令牧馬卒凌晨早至

對曰何事尚欲來乎拮旦待馬不至召卒已自徑錢仲

說

金陵破日秦淮河丐者碎碗畫壁上曰三百年来盛

治朝而淮班文武尽降逃剛腸暫田院乞子羞存命

一條遂投河死土人怜之藁葬壁下沈石城說

六合諸生馬純仁樸公投泮池死衣帶題曰朝華而

冠莫夷而鬣與死其心寧死其身一時迂事千古大

人明堂處士樸公純仁

前右春坊右庶子兼翰林院侍讀長洲徐汧



吏部考功司員外郎青浦夏允彝絕命詞  
幼承父訓長荷國恩以身事主不媿忠貞南都既覆  
猶望中興既杳何忍長存卓哉吾友虞求廣成勿  
齋容如子才蘊生願言從之握手九原

子完淳

夙慧早知名丁亥党累就死金陵詞色不變其絕筆  
詩三年羈旅客今日又南冠無限河山泪誰言天地  
寬已知泉路近欲別故鄉難毅魄歸來日靈旗空際  
看別雲間孤兒哭無泪山鬼日為隣古道麻衣客

空堂白髮親循陔猶有夢負米竟誰人忠孝家門事  
何須問此身拜辭家老人憶昔結福日正當擐甲時

門楣齊閭閻花燭夾旌旗問寢談忠孝同袍李唱隨  
九原應待汝珍重腹中兒寄內門閨推江左孤宗兩  
姓傳十年黃鵠咏三載蓼莪篇媿負文姬孝深為宅  
相怜大仇俱未報伏爾後生賢寄荆隱女兒兼甥侯  
武功樂令竟如此王郎又若斯自羞秦獄鬼猶是羽  
林兒月白勞人唱霜重毅魄悲英雄生死路却似壯  
游時東半村先生叩閣應有路兄弟竟齊游盱眙同  
時盡襃融一日收黃墟人已變清泪夢中流如赴壘



城約停驂待楚囚 聞大熊鴻仲熊卦

解元長洲楊廷樞惟斗四月二十八日被執餓五日  
不死婦費氏女現蓮俱死廷樞年五十三

如臯許 孟撲自刺臂生為明人死為明鬼後被

許到官罵兵脩道胡江曰吾前讀汝文意必為丈夫  
今竟同犬羊義不屈被殺遺詩曰一念從前蓄已深  
而今地下好相尋見曹不必收遺骨留與英雄起義  
心婦朱氏聞來逮持刃向逮者曰我死決矣如今日  
必辱我、先殺汝等然後自戕後竟死

楊宏声庖臣世杭州右衛指揮金事宏声補諸生北  
兵入城宏声哭不止絕粒死友人唐鍾玉私謚曰節  
烈

錢塘知縣崑山顧咸建棄官去豫王追殺之梟武林  
門盛暑故蚋不侵色如生

錢錢諸生松江袁 以父 任浙西右游擊寓  
籍聞北兵入赴水死年二十餘

八月三日松江破總督倉場侍郎華亭李待問死之  
此癸未進士授中書雲間  
李存我也非前督倉侍郎

金山衛指揮侯玉音倡義屢挫敵八月二十日城陷  
力戰罵敵死吏卒多殉之



休寧金声正希起義同縣令何通武遣堵生朱備迎  
黃澍于九江澍帥衆八百餘人備恐其擾遂從三十  
人寔不知澍先通北也九月清帥張天祿略地且至  
戰失利声與歙縣諸生江天乙同執見洪承疇不屈  
天乙大呼曰千秋名節只在今日俱遇害僧 殞

之題赤壁金公樞扶柩至蕪湖閩商某薄其棺改殯  
烏隆武初拜声兵部右侍郎兼都察院右副都御史  
歙縣方維新 貢士戊子四月末縛至杭州

縞衣襟居間題咏俱備市人聚觀求楮笔或與之即  
書曰帝王治道春秋書法夷夏嚴防我 太祖驅胡

重開日月衣冠文物於漢有光三百年来士無廉恥  
賄賂公行廢祀綱冠烽起于荆豫之地跋扈誰當  
神京隳忽云亡欵賊來奴來更慘傷使中原赤子一  
時難髮天朝人物頓化犬羊博望揮錐中流擊楫慷  
慨悲歌拂劍霜同心者早乘時奮祭雪恥恢疆入見  
開府蕭起元不屈斬于市

兵科給事中華亭陳子龍以江東建義畏阮大鍼相  
尼不赴為恨語同年色長明尔庚曰苟得死所雖事  
不濟奚恨後吳勝地累及被殺其志蓋豫定也

行人司行人仁和陸培 崇禎庚辰進士私光初除行  
人便道過家乙酉六月自徑



年二十八所  
著青鳳軒集

邵武府同知錢塘王道焜天啟辛酉經魁以福寧季正南卒知縣陞任憂去乙酉六月自經遺筆示子孝廉均曰我以苟後仕官它日何以見爾祖于地下祖益兗州同知國柱也

副總兵

翁之琪

隨

弘光帝投水死

孝廉海寧祝淵故游劉念臺先生之門時屬疾閏六月抱疴死手書曰中心安焉謂之仁事得其宜謂之義淵家累葉洪武以來沐朝廷教養二百八十年成化以來朝廷榮寵一百七十年一旦天崩地拆宗社為墟雍、文物淪為異類淵不能吞炭漆身報明恩于万一涕泗惟怯向異類乞活心所安乎不安乎

事之宜乎不宜乎嗚呼學道有年粗識義理吾何求焉吾得正而斃焉斯已矣爰作絕命詞曰殺身成仁舍生取義書未畢六月晦日詩夜既央兮灯火微魂搖、兮魄將離去兄弟兮父母依樂逍遙兮長不歸其一死忠死孝尋常事吃飯穿衣人共由莫向編年問知否心安理得更何求

杭城武生周其仁起義臨安被執不屈死遺詩曰誰教醜復渡錢塘烈、睢陽肯下場赤伏未具真帝子白衣終惜漢雲長頭從刀過身方貴屍不泥封骨始香事業于今誰繼者空遺浩氣貫穹蒼



前太子太保南京吏部尚書加吳徐石麒虞求原名  
文治禾郡諸生萬曆庚子斥場屋赴南武闈卒第一  
被攻走江楚殆二十年青浦令其受業生也遂補青  
浦諸生卒于鄉天啟壬戌成進士婦顏氏沒歷官介  
潔屢起屢忤乙酉閏六月禾郡倡義尚書曰事非小  
不宜草之者僕憊不能任請更擇可者亡何避村舍  
閏六月二十六日城陷先夕一入城聞敗自經于故  
第精爰寺僧真寔殯以采米困袖有詩扇蒼頭祖敏  
殉其旁先是六月末豫王遣召詩詞曰大明吏部尚  
書徐石麟麒頓首貝勒王麾下麒本東海婢魚菴園  
滯虫賴遇先朝僭竊九命剔歷非不深矣國恩非  
不厚矣一朝九鼎頓迂宮仄社屋亡國老臣何所逃  
死固宜大王之誅鋤及之也乃不即錫斧鉞過採輿  
論特遣信使懋賁琬琰薦錦綉于朽株披袞章于溷  
壤可謂薪植松遠矣頌石麒幼素尪羸長多肺咳年  
當遲莫益復支離而去年國變之時痛悼腐心小草  
出山之日讒言銷骨至今痿痺不能起匪朝伊夕此  
麒宛轉呻吟之狀載在昨歲十月印抄尚可爰按非  
至今日始飾詞相欺也伏讀宣示有曰要使新進現  
摩必藉老成碩德麒愚不知鈞諭所謂現摩者將使



之如山如岳為砥礪名節之徒乎抑使之如脂如膏  
為竊祿養交之輩乎竊謂首陽有伯夷而成周之俗  
功于義桐江有嚴陵而東漢之俗明于道傳所謂頑  
廉懦立繫漢九鼎豈其証乎蓋所志在此所風在彼  
故覲摩遠焉然則清朝容一皤々老人卧疴泉石之  
間未必于風教無小補也大抵一代之興必有攀危  
附鳳之巨霞蒸雲爰必有雲壑鮫背之老敦詩說  
禮據梧而搗益以不有出者誰共功名不有處者誰  
明節義故漢有黃騎魏有管寧晉有淵明宋有陳搏  
皆有托而逃以成一代之治非相左也麟之跽々願  
附斯義祈大王鑒之若必欲樂爰居以鐘鼓強枋得  
以就道則石麒麟塚中枯骨就床餘魂相距黃泉不能  
以咫尺能以一刺之軀傷千秋之義乎使命再至即  
有索我枯魚之肆矣

烏程溫璜崇禎癸未進士任徽州推官聞爰市棺三  
題曰忠曰節曰烈令妻女就縊始自經

前南京都察院左都御史山陰劉宗周絕粒閏六月  
六日卒遺詩曰遲此數日死稍存匡濟意決此一日  
死了我平生事慷慨與從容何難亦何易

前巡撫應天都察院右僉都御史山陰祁彪佳聞豫



王召不赴于寓園投水死

山陰諸生王毓善潘翔並投水死

布衣周卜年家山陰安昌里閏六月八日入海死越

三日衣冠如故卜年有五歌曰有君有君空号呼昔

洒血升鼎湖今王出走蒙塵塗敷天尾解時張孤腥

膾炙土尽胥污敝庐惟願照舊晡召陵共主嗟今無

嗚呼一歌兮歌正吁昏々天地何時樞其一有臣有

臣謀家肥處堂燕雀孰知幾寇來貢策賈紫緋民離

師潰成空扉乞哀富得甘群讎斷頸濺血胡復稀冠

裳掃地吾何依嗚呼二歌兮歌以歆彼蒼浩々不可

欺其二有父有父籍錢塘寒灯暑月穷素箱二虞二

賀名齋颺王母棺飄海沸揚尋棺七日奚啻漿形容

顛顛憂且皇為此身殉賈志止蕭々風雨滋泪浪欲

彰今無旁九原亦應惡戎羗留此髮膚報幽卿嗚呼

三歌兮歌孔傷哭死白露徒漑々其三有母有母

矢靡他堅捺白節馨拊荷蘋蘩淑慎無時詫夢成父

愉信心多保孤鞠字惟憂疴自稱未止誓清和々九

畫荻悔痴魔婚嫁兩孤髻未睹忻然後命歸幽寓衰

衰因極空吟莪母節未旌可奈何嗚呼四歌兮歌復

呼子規血泪染沙沱其四我生我生竟成空恨不



學劍彎長弓神州陸沉將安窮徒懷報國憂冲之匪  
敢踞石效釣翁匪能被髮為胡戎青衣忍辱盡三公  
每憶耿耿烈士風汨羅江水為清唾人在水中同天  
卧予今赴海塋鯢鯨西風度我步前英何惜一軀留  
古道窮通壽夭如霜草嗚呼五歌兮歌且嘯欣隨三  
閭隨波老其五自序曰斷髮無父易袵無君衣裳由  
舊猶望成旅之復與冠履頓忘豈甘犬羊之共戴文  
天祥志不降安能北面而臣魯仲連義不帝秦寧  
赴東海而死昔作六歌今倣為五試惡夫處士沽名  
聊假此長吟見忠尔又詩一絕故國衣冠安在哉遙  
知二義樂泉台獨為君子應同恨急著吾鞭訂水湄  
卜年二十九無子

會稽朱應聘家偏門外投亭山潭死絕筆曰寧為東  
髮鬼不作剃頭人

臨山衛諸生高朗孝廉高岱子也揖衣冠投海死三  
日屍浮尚手持其冠

丙戌六月左庶子狀元余煌投渡東橋下死

都察院右金都御史 陳潛夫走小赭投化危橋

下死婦妾俱孟氏先溺

御史山陰何弘仁殉難詩有心扶日月無計鞏河山



已矣丹空照千秋箕泪潜

鄞陽氏最名一代 明之季文琦文瓚俱憐死文琦  
以乙酉入閩准貢明年丙戌策貢士百八十八人得  
惠安教諭尋同弟文瓚走泰順文瓚于乙卯計偕乙  
酉在閩奉命來紹興求共濟授官不拜疏乞慎名器  
十一月報命試貴州道御史屢言事丙戌春請餉戍  
浙者以十萬金時御史平湖陸清源往浙東至溫州  
聞凱奏賑三千金亡何事潰兄弟自泰順避于里丁  
亥贈月有密畫俱遇害文琦婦沈氏文瓚婦張氏俱  
自經

慈谿沈履旋崇禎丁丑進士宰侯官還里不辮髮被  
縛于樹死

定海華夏性嗜古屢躓場屋乙酉貢太學閏六月佐  
義帥丁亥四月坐陰事下獄而脫十二月又坐繫竟  
被殺夏嘗誦元結語曰人生不能師表朝廷即當老  
死山谷今于山谷謂何君子以儉德避難若試輕羽  
燎于熾火之上焦沒焉耳婦陸氏自經所著詩文若  
干卷壻楊遵藏于家

金華朱大典

東陽張國維



禮部主事臨川黃端伯于南京見總督洪承疇不屈  
承疇問 弘光帝何如曰矣問安得矣曰臣不議君  
又問馬士英何如曰矣問安得矣曰不事二姓承疇  
色沮又問如我者云何曰明公今日足報 先皇帝  
九壇之祭遂遇害蒼頭 竭其貲購主頭厚具衣  
冠殯之自布棺大書黃公之僕某乃就縊

福州趙恂工詩繪 自經

侯官曹學佺万曆乙未進士

丙戌 月自經

侯官齊吳不辯髮丁亥被執斥罵死

莆田黃中瑞

林悅傳公壬午魁鄉榜丙戌敵至逃山中餓死

林尊賓燕公壬午魁鄉榜亦逃山中戊子秋敗死

周霑殿敷大學士周文益 汝盤之子官水部戊子戰

死 上俱莆田 侯官林塗子桎崇禎癸未進士先是癸

酉登鄉書力貧鍵跡不一至公府已郊徯費罷應公

車青浦夏允彝令長樂慕其人無能致之邑人林即

中 葉向高胥甚重之壬午當北上度其困南於

夏之欲贈之三百金夏曰子桎義不苟取公子孔碩

之番亦計偕若授館同赴脩其三百金善之善也癸



未成進士明年授海寧令大得民和勢家欽肅乙酉  
六月棄官航海去值隆武初官吏部

丙戌

秋適家貧仍館翁氏戊子義旅賫塗如不應且燔翁  
氏不得已勉從之戰敗揮其子去自中矢死子痛父  
亦死

前太子太傅戶部尚書

殿大學士膠州高弘圖

避地紹興閏六月二十八日絕粒死

前太子太保南京吏部尚書陽城張慎言寓蕪湖乙  
酉八月念億率

孝廉

李純大學士建秦從子念建秦失行上攝

政王書歷叙建泰本末削髮去

東莞蘓官生起薦辟隆武初起大學士丙戌十二月  
望廣州陷夜自經或言其富偵之僅御賜五十金毋  
八旬餘

南海霍子衡故尚書黜之後歷太常寺少卿俾婦氏  
兩子婦一孫婦並沈園池中乃自溺家無遺育十二  
月十六日

錢唐大遮山東明寺僧指掩曰丙戌 月 日有二  
十二人皆偉幹傑貌免胄而入命米三斗作飯莛一  
斗作乳倉卒具食並恭謹如禮僧異之問飽未曰未



也亦不敢飽飯後徧視佛像不拜見 建文帝像拜  
而泣止一人餘皆後之母敢效也求浴裏衣朱殷多  
蟻多虱膚如剝漆人臂二弓腰二銃試鳥雀無一失  
鎧伏重鈇度所佩荷皆百戶外其一人泣拜者晚鈇  
鞭重數千斤合二僧力能起彼運之如禪家棕拂竹  
如意若無物者問邑里姓氏不答以其北音知為北  
人也今安所往彼泪隱、承睫曰吾糗尽游觀天下  
無可起事者吾安之乎曰三吳足賦可就也曰取三  
吳未能集事敵因之虐其民猶奪之民耳吾不忍也  
僧曰以諸君之敢力赴義何患無成如時之未易委  
蛇掇尊官徐為所欲為非勉也默不應諷之空亦不  
應僧曰即出值官兵奈何曰吾伏劍行數千里先後  
所值何啻百十彼安能難何僧曰自此至天目民蹙  
殆百餘所稱義師能往觀之乎曰嘗按視一二所皆  
盜耳意他寨類之不足目也因問道僧述天目徑山  
湖州之程者三日吾之湖州曰湖州多守兵曰吾固  
欲遇守兵胄而出每一人胄夾二人力收之目欲逆  
火遇湖州之守兵凡殺五百餘人而二十二人恣恣  
愴然嘆曰吾多殺敵何益且吾所以來豈意謂此鼠  
輩哉遂皆投碧浪湖死哉異若而人殆文鴛魏勝之



涿與海島之義士合而一笑

愚錄群忠姑寘其死事者以俟論定嗚呼死者人之  
所重而人多易言之何與乙酉五月太子太保工部  
尚書曹州何應端者就縊其子救之僅傷足都察院  
左金都御史 楊維垣聞乘輿出亡榜云此事從  
古所有以安人心因題邸壁歷任本末生某年月日  
卒乙酉五月十一日 時語甥徐某曰我時止未填  
容補之引觴令二妾孔氏朱氏投井死寘三棺殯其  
妾又手題楊某之柩遂死之常熟許重熙曰楊題柩  
有頃引二僕適至秣陵聞怨家擊死之吳駿公先生  
曰是歲一見楊衰憊甚安能走乎其引決無疑嗟乎  
餘子或需歲待月株累蔓染正木及身百口交引雖  
欲自活必不得之數矣故於死事者有斬詞焉雖然  
人有定品事有完負亦未可概論也環堵所錄就其  
著者若而人

白門語錄

陽城張藐山先生好九經內典不喜雜帙日兀坐枯  
想輒語予季問之要嘗曰講學有講之弊不講孝有  
不講之弊先生言取簡悟不主故常不煩詞說又深  
自悔也姜宮詹燕及講季留都先生秘不一言予私



錄之佚者半矣

論語極其渾淪大孝中庸則論語之注脚孟氏又孝庸之注脚也

孝而時習之 顏子不貳不遷便是習所孝何等事古人也說不出

一陰一陽之謂道即接繼善成性何也一陰一陽之謂道即一天一地之謂道不須轉注故直接善性

僧家論因果取輒說閻羅在甚處予曰嘗作文曰戒慎恐懼之君子決不墮三塗六道格物或作感格之格或作格去私心之格或作格式之格俱不必論但

問所格何物如忿懣好樂憂患恐懼皆是物也 有所

忿懣好樂憂患恐懼便非格無所忿懣好樂憂患恐懼便是格

好好色惡惡臭如何說誠意不過念頭金剛經云一

切眾生俱從淫欲云豈非色有共好乎然亦有若

行人不喜者惟至惡臭更無有不惡之理如糞堆在

前趨而避之此是有了漢若鋤而去之便是克復手

段齊治均平不過如此可想誠意之妙

慎獨便是思誠

惡惡臭好好色何曾思勉得來



明德如明德明上着不得工夫刮垢磨光可也  
大孝知止只是知一路走更無別徑

明德即知也明、德即致知也明、德於天下即親  
民也

有所既不是心不在又不是此却如何亦不说破但  
曰所謂修身在正其心

親愛畏敬哀矜傲惰賤惡俱入識田中帶來惡而知  
其美好而知其惡是空、地位

觀未祭必於已祭若已祭中節則未祭可知  
不觀不聞工夫在觀聞上用觀聞工夫在不觀不聞

### 上用

君子而時中只是喜怒哀樂中節中節本之未祭無  
喜怒哀樂故也漢光武哭更始帝極哀哭其先不哀  
也是中節蓋當其時不得不爾

小人無忌憚只是不中節以先有一喜怒哀樂也

世間無一物不有主如街上馱馬雖多必以錢僱糧  
米雖多必以錢市眼前物京尚且如此况日月山川  
許大道理如何枉得故曰鬼神之為德閔將軍在玉  
泉顯聖云還我頭來有一僧語曰顏良文醜安在鬼  
神也欺不得此便是誠



故至誠無息說至誠又說天地如易繫辭一陰一陽之謂道說人事又說造化可見天地萬物人事毫無分別大哉聖人之道大哉乾元俱可參看

思事親不可以不知人思知人不可以不知天知人知天何也誠者天之道試之者人之道知天而未知不思不勉非天也知人而未知擇執非人也知天知人只是一誠、只是如好、色如惡、臭故質之鬼神而無疑鬼神也是色臭上百世以俟聖人而不惑百世之聖人也是色臭上此關打得破何理不可格何事不可做人不曾發念耳

道問學即尊德性之大人也廣大精微高明中庸新故禮學皆德性也致之尽之極之道之溫之知之敦之崇之皆學問事也

君子之道闇而日章即生、之謂易惟生、故故日章小人易襲取不能生、故日忘生、之本何在以其淡以其簡以其溫到底不着跡上天之載無聲無臭

大學中庸只一格物尽之維精是格物惟一是致知仰觀俯察是格物通德類情是致知博文是格物約禮是致知



人無二心人心道心勢不得不精、便是一那時止  
有道心人無心

惟天下至聖開口說聰明睿知唯天下至誠說完又  
曰苟不固聰明睿知兩章須合看

聰明睿知只是靈氣寬裕溫柔發強剛毅齊莊中正  
之理密察皆靈氣之運用條理也寂然不動感而遂  
通皆聰明睿知之靈氣生、不窮藏諸用故顯諸仁  
天地聖人原無異也聖賢與愚夫婦原無異也  
宋儒謂天者理而已矣今又祭天難道是祭理

宗鏡錄分性宗相宗天命之謂性是性宗体物而不  
遺是相宗淡簡溫是性宗遠近風自微顯是相宗

論六十耳順因曰吾人不獨耳要順即目也要順耳  
無毀譽目無好醜便是

八熾熾情也此八熾是生死根要從咽喉着力曾子  
云而今而後吾知免夫與夫子云夕死可矣同

言必信行必果、之小人即言不必信行不必果  
之大人

信以成之要上下相信彼此相信不是一己如信而  
後棟信而勞其民皆是

庚辰會試題博孝而篤志切問而近思先生常問諸



孝廉曰這孝甚麼志甚麼問甚麼俱無對  
有性善有性不善堯舜桀紂是也可以為善可以為  
不善中人是也無善無不善至善是也  
人之性如天乙之。水空、濛、落在城市便若落在  
山溪便甘落在江河便淡落在海便鹹吾人亦然水  
惟淡為真味人惟善為真性若可使甘、亦可使苦  
惟海中之鹹再不能挽回質之性也從天命之性出  
來 老子只是一坤卦  
賢者在位能者在職極妙能者可勉進於賢、者不  
必其能

乾卦為堯用坤卦為文王用文王非不能用乾以其  
時則亢也鄂侯玖侯便是亢龍有海文王也不專坤  
卦蓋乾体而坤用

用九即君子行此四德即時乘六龍

否泰俱曰拔茅茹可見用人闕國家氣運用一君子  
便為泰之始用一小人便為否之始可不慎與

幹母之蠱不可貞 凡在母后事雖正道不可認真  
說去如左師觸龍之說趙后便妙

大蓄四爻自悟其邪五爻自贖其過

蹇利西南坎本之坤六五居中故



繫辭就單言乾坤或單言六子言乾坤而六子在其  
內言六子而乾坤在其內

但言大圓圖不必看方圖大員圖六十四卦在焉天  
地萬物吾身亦在焉

剛柔相磨八卦相盪不必如本義所云滿天地間便  
是剛柔相盪唐八卦相盪

易如何與天地準只是神無方而易無體

河圖五為生數十為成數何以專屬若此天地間五  
行如甲乙木也甲為陽本乙為陰本便是一是二  
天地之數五十有五此數也成變化而行鬼神此氣

也數與氣即理也如四時八節二十四氣七十二時  
候以至三百六十五度四分度之一數也而春夏秋  
冬寒熱溫涼而萬物生長收藏盛德大業於是出焉  
此中何處分理分氣分數於何處尋太極也故曰無  
極而太極非有無極方生太極以太極本無極也  
神以知來即是知以藏往知來者逆即是數往者順  
百世以俟聖人而不惑即是考諸三王而不謬  
著卦爻聖人以此洗心及鈎深致遠等語俱不拘著  
著龜

乾坤之聖人以易簡始知險知阻若不易已先處於



險不簡已先處於阻如何能知險阻也不逆不僥所以為先竟便是易簡

竟夢即生死也夢時即游魂為變

天地万物鬼神件、與吾人一体今人語及輟不信試現六壬射覆者或指一莖草便知休咎得失夫人之休咎得失於莖草何預而灵通乃尔非一体故字訓詁解書不如一書解書解書不如一心解書

素問人身脉各星經著星各俱奇古初何所取義

唐山夫人詩衛夫人書千古詩字之絕

項羽為漢祖之功臣王即為光武之功臣陳友諒張

士誠為我 太祖之功臣

韓信對陛下不善將兵而善將、此信之所以為陛下擒也此非對君之体宜云陛下南巡豈臣有不至之理

曹孟德文學書法兵略千古一人若正其心術加以忠義當在郭全公之上令公明哲尤有福

周家自后稷公劉太王王季文武歷數圣人始有天下自成康後絕不聞有令主僅一虐王耳商氏盛衰不一賢圣之君六七作周之前灵氣發泄已尽便不可继然制度文字綿密之甚威烈以後雖寄名诸侯



之上尚懾息不敢動也

評閱古人書心眼各別或主經濟或主詞賦或主場屋未可概論吾意想之彼初旨又不再也須通融看

或問至貴象數不貴心易先生曰乾陽物也坤陰物

也是象數剛柔合德便是心易仰觀俯察是象數通

神明之德類萬物之情便是心易蕭伯玉士璋刻起

信論解語及宗門先生曰不肖生平不喜譚宗瞿曇

氏四十九年恍法未常有宗後來單留公案一則拈

花微笑而已達磨東來始開宗乘諸公繼之自此多

事然古德本性圓悟當下應機偶為拈示即如趙州

和尚一領青布衫重三斤半不過因彼問及不得已

借証今性相未明狂口捧喝豈不大悞天下後世也

此事自有商量并鑽研也不中用如論語或問禘之

說夫子答迄又指其掌豈非吾孔子之宗乎他日夫

子說一貫門人問魯子若復措其掌便落第二義矣

先生語揚匏齋侍御曰吾輩而今讀書非比諸生時

博取科第也今涉宦塗刻與死為隣讀書真為免

死計一日不讀書有陷於死地不自知者更比諸生

時要親切耳

夏初見盆花嘆曰此盆景若丐者見之了不相關非



幻乎然非真幻也自有真幻在設丐者煖衣飽食亦知愛盆景笑則塵心終在即吾人視以為幻亦非真幻也自有真幻在

嘗論及某君子因言居官有禮有法予曰表了凡以大明律先喪服固亦是先禮後法先生曰此人善讀書君子懷刑便是一部大明律

某宦倨見邑令先生曰元許魯齋家居邑尉經其門魯齋聞呵殿声立起坐人問之曰父母官過不敢自安吾侍御時還里適主簿治行即入巷避之鄉紳示重不在於此

縣令之任切弗輕視朝廷之事自上而下至縣令而止吏民之事自下而上從縣令而始

凡人皆有宿根無貧無富無貴無賤無愚如世宗皇帝好生是道家宿根某孝士生平不近色是禪家宿根馱始馬腹披毛帶角一念不善便墮此因然馱胎馬腹披毛帶角本性不迷也可成佛今人昧卻因果耳

先生里居修海會禪院語同年某曰我修禪院不費一錢請其故曰財非我有不視為己物以世應世何費之有其募疏曰竊聞有經世之學有出世之學經



世則大成集歸危父出世則最勝無險迦文道本相  
須見分岐指言自總角已稟志皎衣迨於結綬遂迷  
因逐物今偷生且六十年於茲矣六十歲以前備歷  
窮通禍福生死榮枯之相回首尽是空華六十歲以  
後堪憐老死痛苦三塗八難之因究竟將歸輪藏將  
來如赴死之牛犬步、已迫死期現在似水之鮒魚  
沾、有何樂趣馳逐於功名富貴聲華歌舞之場愈  
增煩惱即寄托在烟霞丘壑友朋文字之地未澄清  
涼蓋前此尚有好醜兩塗賢愚並驚後來只爭生死  
一路豪語難逃刻、不停重、非故且如鼠痛疥是  
血肉之軀到來果成何物極親切是兒女之愛臨期  
略不相關一旦眼光落地鬼手捉人業力所牽不知  
何處可上識神未泯總來妄想所招現在五濁三毒  
之中惘然果不知因業不知報誰向人天罪福之外  
照見死此生彼捨身受身如來說為可憐閻者豈虛  
語哉從來佛種從緣轉物須知良以答信者因起因  
者相因相悟性此中道引殊微衣實行叔向上感通  
良在吾里有海會院者地可布金人斯卓錫邑中縉  
紳先生後先頂背相望雲鶴翔楨率飲茲八水桐鸞  
絢采曾栖此隻林既現長者宰官應身說法合莊嚴



供養成就威儀瞻言練若新此祇洹真俗同歸人天  
作眼瞻衣調御免流浪一十二緣借渡慈航期度脫  
於百千萬劫闡題慳是罪波羅檀施為先經云愛欲  
為因愛命為果由有諸欲助祭愛惟性是知愛即是  
病佛即是醫貝藥靈文中具驗方見聞喜捨便為良  
藥詎可無一瓣香向一佛二佛試種善根從茲墮四  
旬偈於千劫萬劫永獲善果既以福田淨土接引中  
根法雨慈雲普沾含識至竟海澄員性天皎潔同臻  
彼岸共拔迷塗端有待矣夫豈徒我及思韓退之力  
闢浮圖大都是罪福之粗至法王奧義未涉津涯蘊  
子瞻深心禪悅亦僅窺游戲之跡止借義海餘波時  
資筆楮且奉而今而後吾知免夫所免者何事君子  
無入而不自得者安名朝聞道夕死可矣不聞則不  
可以死乎未知生焉知死知生即可謂知死乎噫嘻  
物不可以久居其所窮於外者必及其家古今大覺  
均等仁慈後先圣人原同悲智今茲盛奉良為大事  
因緣借此化城徐趨室所謹疏崇禎丙子歲抄胡有  
一日刑部右侍郎張慎言書

或曰疏中單從隻身說起於普化之義伊居揚時化  
曰此正所謂現宰官身而為說法也



昔人論多藏厚亡原未嘗盛則始亡天下之物救天下之人勿視為一家可矣

先生有讀書說曰人之讀書如用飲食也一日不再食則飢乃弥年經月束書不覩何也予悔莊而不知讀雖讀而無用今諗知讀書是須臾不可離之物然老而耗又不能讀利害福趨避之念迫切無已方乃讀此而未也得之則生失之則死不止於死而已非喜而讀是惧而不得讀也喜而讀欲罷不能此中人以上未易幾及予中人以下但是惧而不得不讀耳貧乏之人半菽不充疏食飲水可幸無死荼蓼之苦其甘如飴何也救死之念切也日費千金無下箸處強勉食之味如嚼蠟此其故何也每念古人飲食之禮太忌美食則諸侯至於庶人無等有膳有醢有羞有飮有脩有齊更春夏秋冬之宜芼蓼撰膳之制噫奉生之奢如此豈作法於涼之意也與因念讀書當如古人飲食之制六經則黍稷稻粱也史則腳臠脍醢也漢魏以後詩則三酒五醴清醎醑醕也管轄諸書則豕豢魚膾脍脩脯羹也韓蘇諸子則糗餌粉醅也山海水經汲冢越絕則之栢菱棋棗栗榛梅也老莊諸子則薑桂椒蓼也靜則讀易讀詩煩則檀弓



短章愁而鬱則歌。求詩咏騷事。隙則史鑑如春多酸。  
夏多苦。春宜羔豚膏薺。夏宜酪餹。秋犢麋冬鮮羽也。  
漱其精。棄其餘。正如臭去乙兔去尻。羊冷毛而毳鳥。  
臙色而沙鳴則不食也。經則咀其實。餘則挹芬如黍。  
稷稻粱。備以瓜食。雉羹麥食。脯羹也。靈文具藥。則參  
朮著苓乎。初食阿含深密。次般若楞嚴。次楞伽。卒以  
法華。嚴訥烏殆。若并丹砂陰陽之精氣。耶噫嗟何  
及矣。予餓夫也。必待珍錯。而後飽。則死久矣。簞食瓢  
飲。可以不死。不知何者是。予寔竟資糧也。噫。





棗林雜俎 聖集

科牘

貢額

癸未禮闈三改

爭狀元遣戍

南宮傳代蒙宥

庶吉士三選及貢士外官

庚辰函錄

翰林院秀才

寬貢士三科



國家圖書館 NATIONAL CENTRAL LIBRARY, TAIWAN, R.O.C.



明經

庶吉士四選

庶吉士再選

習譯監生

焚闈

庶吉士一年散館

鼎甲館課





減場

齒錄聘二氏

鄉錄論表各二

三甲進士刊策

鼎甲並相

劉珠

省試專遣

程策相同

韓敬

鄉榜填悞

鬻元

會試特點同官

首輔鄉人狀元

廢卷騰聲

丁丑鼎甲

萬年曆

馮元颺

進士鬻娶

宗室進士

進士同姓名

爭解元占席

試規

會試錄序

附學士

羅萬化

辦李庭機失中三元

楚試不用詞林

割卷倖售

劉暹

巡撫監試

廷試策失塗注

管正傳

二甲御書

程策之悞

馮士驊

南闈謠

主考晏

解元未娶

兄弟同進士榜異姓

武生進士



進士異任

原始

試錄稱臣

三氏學

廣文變例

進士

先正流聞

宋濂攻苦

唐伯逸

賈魯斥佛

周魯章蓑笠

徐樞

李秉夢迎駕詩

楊瑄

王存忠

楊循吉定論

周廷芳

邵寶絕巫

劉大夏格言

陳蔡御史騎馱

重舉鄉榜

臚傳

六預鄉房

學宮祀顏子

補榜

周壽誼人瑞

鄒傑復姓

逯宏言爭

蔡新童婢

于謙

尹恂

王恕

楊守陳故宅

包德懷嫁故人女

陳恪冰清玉潔

潘頊

李東陽佑歌

魏庠廳旁塚



王勳嚇鬼

杜了翁言行

桑桂移風社

景暘孝感

鄭慶祛蝗

徐階論士

高拱知人

徐階李春芳陸樹聲

袁洪俞貧官

沈思考在戍

馮少壩規鄒南臯

李庭机鳩工

張巨感慟

唐文徵

顧憲成寡欲

鄭繼之

詹景鳳

葉向高講學

竇子偁

楊瀚

朱良育不受封

熊鳳文不聽選司

毛中丞里居

胡松抄書

王勅雲母

唐樞

張居正急才

姚弘謨迎母

余有丁家祭

戚繼光

申時行李庭机薄殯

李騰芳

王汝訓散賞

陳滄存敘

衛一鳳辟狐

彭應參

許弘錫責子

吳道南

徐光啓

馮氏義僕



葛寅亮督學

丁賓老不忘孔林

朱國楨秀才氣

沈演四友二老

董其昌

錢士升

陳組後結客

陳夢龍

張燁芳

吳麟徵家訓

柯起鳳不負丞

王朝堂死孝

藝篋

諭幼儒勅

宣尼遺筆

顏子

海鹽秦駐山始皇碑

偽書

稽康真蹟

王大令洛神賦

雲麾將軍碑

百家姓

蘇子瞻制義

大學本義稿

朱文公集

心史鉄函

宋濂

道餘錄

御史試莖芽菜賦

周叙脩宋史

莆陽物史

張元楨

詩韻辨

張東海自題像司空圖

揚守陳

李夢陽論文

李夢陽何景明

江河伏流

常倫逸詩



王璜雲中歌

徐霖

兩京賦

張邦奇

王道書壁雜帖

周朝人物編

唐觀

李于麟閱史記

余翔

謝陞李漢書

無名氏詩

宋登春

陳于陞脩史

喻應益

馮元成論文

陳植之

收書法

厄書

鍾惺譚元春

蔣德璟日記

胡瓚

前李攀龍

兩皇明通紀

脩誌

王慎中

夏惟訥

李于麟王元美手抄

王元美讀書後跋論

穆文熙焚書

春雪詩

明雋

北雍刊史

爭詩

王穉登

周玄暉

中秘書

纂書

文瞽

洪範明義

爭妾詩



永和宮詞

失婢詩

續哀江南賦

思陵長公主挽詩

廣孝錄

補豔骨行

棗林雜俎 聖集

科續

貢額

鹽官談遷孺木著

洪武三年庚戌五月始詔行科舉直隸貢百人河南  
山東山西陝西北平福建江西浙江湖廣各貢四十  
人廣東廣西各貢二十五人若人才多寡不拘額時  
直隸就試者百三十二人拔七十二人見考官宋濂  
鄉闈紀錄序鄉試錄曰小錄河南通志是年鄉榜孫  
卓劉中趙斗南黃敬張堂王誼辛亥鄉榜張唯王輝



李端張紳

庚戌辛亥壬子癸丑連歲開科有未及會試遂錄用者  
金華府志

洪武四年吳伯宗榜六年金鑄榜十八年丁顯榜紹興府志按六年不開榜存疑可也

洪武五年鄉舉六年是科狀元莫考一云未嘗殿試徑照會試各次選授方徽王寅方毅俱進士  
吳化府志

洪武十七年甲子三月詔貢士不拘額送實充貢十八年乙丑科會元黃子澄狀元丁顯

衡州府志鄧偉奇子才安仁人乙丑會試第一上

親製廷試策問以丁顯第一偉奇次之俱授翰林脩撰偉奇天資秀異博洽穎敏善屬文尤長于詩第二

甲 為編脩吳文為檢討三甲楊請為庶吉士蹇瑤為中書舍人或以使安黃子澄為是科恐未添攷云

洪熙元年乙巳定南京八十人北京江西五十人浙江福建四十五人湖廣、東四十人河南四川三十人陝西山東三十人廣西二十人雲南交趾十人貴州附湖廣  
永樂九年辛卯雲南始開科時貴州未

宣德四年己酉雲南貴州始合試增雲南五人共十



一人貴州普安劉瑄

宣德七年壬子雲貴共十五人雲南十人貴州五人  
正統二年丁巳令貢士不拘額

正統五年庚申定順天仍八十人應天百人浙江福建六十人江西六十五人河南廣東五十人湖廣五十五人山東四十人廣西三十人雲南增三人貴州增二人共二十人

正統六年辛酉增順天二十人  
正統十二年丁卯增雲南二人貴州三人共二十五人

景泰元年庚午詔貢士不拘額四年亦然

景泰七年丙子兩京各增三十五人浙江江西福建河南湖廣山東各增三十人廣東四川陝西山西廣西各增二十五人定雲貴三十人雲南二十人貴州十人

成化四年戊子增雲南四人貴州六人共四十人

成化十年甲午增雲南五人共四十五人

弘治七年增雲南二人貴州三人明年乙卯解額共五十人

正德五年庚午增雲南三人貴州二人共五十五人



嘉靖十四年分定雲南舉四十人貴州二十五人烏撒衛浦仲良第一

嘉靖十九年庚子增湖廣五人

嘉靖二十五年丙午增貴州五人

隆慶五年辛未增兩京各十五人

萬曆元年癸酉增雲南五人

萬曆二十二年甲午暫增順天二十人時選貢生增

貴州共三十五人

萬曆四十年壬子增順天十人應天八人

萬曆四十三年乙卯增兩京五人浙江七人江西湖

廣福建河南山東山西陝西廣西四川雲南貴州各

五人

天啓元年辛酉暫增順天二十人應天十人餘省各

二人是科山西宗生一人江西河南陝西宗生一人

山東四氏學二人遼生一人不在正額

崇禎



洪武九年貢諸生二十五歲以上

洪武十二年貢二十歲以上

洪武十四年貢諸生容貌端方者

洪武十七年貢歲貢年深成效者禮部試中式入太學需用

洪武二十一年限府歲貢縣三年一貢

洪武二十五年府歲貢二人縣歲貢一人

永樂十二年貢楷書諸生

宣德八年貢諸生四十五歲以上

正統十二年貢諸生四十歲以上

天順七年貢四十五歲諸生者

嘉靖十年令天下歲貢五人選其一歲貢通學致選至十五日止

嘉靖十一年令麗縣各開貢二年仍考選

天啓元年鄉試乙榜廩生准貢

崇禎元年登極恩貢

乙亥通考各學廩生拔貢一人



已知鄉試一榜俱充貢不論增附

甲申各學恩貢一人

弘光元年命鄉試恩貢副榜各輸餉百五十金准貢

癸未禮闈三改

永樂癸未以請難渡江會試改八月天順癸未貢院  
灾改八月明年廷試崇禎癸未以邊患改八月會試  
九月廷試

庶吉士四選

永樂二年三月己酉選庶吉士楊相宋子環王訓王  
直秦政學徐安吾紳彭汝器周忱刘子欽周文李寧

張徹章朴歐陽俊盧翰梁任熊直王道曾景暉陸孟

良蕭省身刘孟鐸崇廣敬張宗璉田忠曾與賢洪鍾

洪順余學夔陳滿蕭清刘紹林鳳張憲殷昂嚴光祖

涂順段民李貞江鉞章敬倪維哲許溶陳敬宗王仲

壽李迪袁添祿李時勉楊紱孟習湯流王英孫奉余

昇李永年袁述周遠鍾旭彭礼戴弘演孟習戶部辦

事進士當塗李衡以年少自請命改庶吉士同江寧

楊寧習書

四月甲申進士沈升孫子良李昌祺羅汝敬涂敬蕭  
寬褚讓獨孤樂善陳士啓陳絳董鏞刘子敬陳伯恭



陳資善趙曾趙濟劉剡尤儀劉澄黃揚俱改庶吉士  
脩書

五月辛丑朔諸司辦事進士能書者魯慎魏騏吳惇  
漆霄趙理趙瑛韓庸史彬徐現樊靜曾彥昌陳旭田  
壻羅旭富邢旭曾恕王宅葉貞陳兵俞礼趙濟恭潘  
中徐聆胡秉彝周志義俞益曹睦陽儀鳳譚原性為  
庶吉士

六月命脩書庶吉士獨孤樂善陳士啓蕭寬李昌祺  
羅汝敬沈升孫子良褚讓吳惇魏騏陳旭韓庸葉貞  
趙理徐聆留院辦事餘三十四人取選尚遠漏原籍

舊京詞  
林志

爭狀元遣戍

永樂四年丙戌莆田林環進士第一同邑庶吉士陳  
實自負其才疏取狀元不公上召詰之對曰臣百  
問百答遂命學士解縉撰百問策一道縉擬以聖問  
七十二賢賢、何德雲臺二十八將將、何功為問  
及記里鼓論上臨軒命林環陳實對試實對曰聖  
人之育才與王者之報功事雖殊而道則一也請試  
陳之昔孔子當春秋之否轍環不通乃欲以轉否之  
責博望諸徒故杏壇設科時則有七十二賢焉漢明



帝承光武之統國家間暇乃欲以救功之典激厲群  
雄故雲臺紀績則有二十八將焉收斲李于門墻列  
姓名于廟廊天下後世稱君道師道之極者有以夫  
今以七十二賢之德言之顏閔冉耕雍子貢與夫  
冉有季路言偃商師其德之載諸孔論者無待陳矣  
自此之外去投徑而私謁是戒持狷介而百結是甘  
有滅明原憲矣然遇事而不更其守貧賤而不移其  
心不有商瞿顏襄魯卬顏高者乎親賢以造君子願  
學而為小相有子賤子華矣然脫庸俗以游高明習  
禮樂以養性情不有梁鱣漆雕哆商濇冉孺伯虔者  
乎南宮适之所尚在德漆雕開之見道分朋固不可  
及其他公孫龍后處或學君子或務自脩壤駟赤樂  
欵或孔忠或道中庸或明家樂其有得于聖教何如  
哉公冶長之非罪冉子季之四長因為可稱其他漆  
雕徒女鄒單榮旂或以搯著或以才名公哲哀良孺  
原亢籍步叔乘或敬治己或惠及人其為聖門之傑  
出何如哉究孝弟以體悉聖心遭患難而冤辱一致  
石作蜀有若巫馬期句井疆縣成其人也志不降而  
行不論俗略細節而守不詭隨申張罕父黑牢左之  
郢其人也更寒暑而學不厭隨窮達而守如常孰若



公夏首狄黑高秦顏之僕燕伋秦非焉仁孝脩而貌  
如愚麤鄙愛而志仁道孰若高柴公堅定鄭國樊須  
焉避叛兄而能潔遵善誘而德馨司馬耕與顏子抑  
耳至于句茲容歲公西箴施之常其所以睽同姓而  
明臣道謂非斯人之徒與道可明而志不屈聞詩禮  
而喜得三公與與陳子禽耳至于顏賡廉潔任不齊  
叔仲會却哭其所以優中正而挺高尚謂非斯人之  
已與吁此聖教之所甄陶而為天下萬世之所崇祀  
者也復以二十八將之功言之滅群雄除苛政與夫  
斬將奪旗攻城略地者固不乏人而其功之尤為特  
異者果為誰哉首建大策以光復為必可為節禹壯  
矣然鎮守河內使民生不苦于兵戈不有寇恂乎八  
戰八克以敵國為不足謀吳漢勇矣然安集關中致  
百姓相安于無事不有馮異乎折衝千里彎弓三百  
自古惟勇將能之而賈復蓋延姜矣憂國奉公善待  
士卒自古惟仁將能之而祭遵王霸克追焉耿弇決  
策定計而以勝算高天下固兵家之雄也而耿純陳  
俊料敵如神每出而成克捷之勛非中興良佐乎任  
光羽翼太子而以威望先士卒固當世之英也而彭  
彤万脩運奇掌上逐鹿万全之功非佐命巨擘乎王



梁杜茂應赤符而擊五校矣乃撫劍抵掌志驅伊吾  
之北者滅宮馬武也岑彭鮪期平西蜀而斬王郎矣  
乃善治輶塞身負夫石之難者馬成堅鐔也景丹傳  
後李忠或收戰勝之烈或參幃幄之謀為功不同而  
其策立于當時者要皆從王事于有終者也朱祐劉  
隆劉植或稱汗馬之勞或展運籌之功所建不同而  
其効力于王國者要將皆為社稷之翼衛者也然論  
者謂七十二賢中有秦冉顏何冉黨夫三人者將以  
為是則德業聞望寂然無聞何與意者世殊時異傳  
記有所差說故若存若亡如此耳又謂二十八將外  
有王常李通竇融卓茂夫四人者將以為非則并昼  
于臺一体崇祀何與意者功非草創績在方來故推  
恩至此耳要之賢人君子何代無之而名世之出每  
待王者現至賢者慎毋以七十二賢為絕德當如宋  
邵楊程朱諸公庶無負至教而得與夫崇祀之烈觀  
雲臺者慎毋以二十八將為奇功當如 國朝徐常  
沐郭諸公庶感動 帝衷而得與乎登固之選者哉  
策上林環亦條答詳悉竟以廷爭違 旨永戍邊  
衛實赴衛亡何卒二子繼沒時句補到衛輒死累及  
旁吏嘉請問始開免 福州府志 又實諸生時上官謁



文廟屬實贊禮值大雨擬拜階上實高唱曰拜下禮也上官勉下拜已升明倫堂命講大培以雉之實曰此朝章當立听上官竟不得坐

### 庚吉士再選

永樂四年三月癸丑選進士為庚吉士江殷胡啟先孫迪張叔豫李岳潤陳孟潔張文選鄭復言魯春齡曹閻盧永黃獻及脩書貢士朱伸復選進士黃安王資益黃信功黃所載鄭回趙圭陳夢京羅仲淳印輝吳文徐廷圭鄧成周煒陳實謝霖楊復王瀾泉時逢劉本黎為庚吉士

### 南宮傳代蒙宥

永樂十年二月庚午會試未場貢士張彥兩余彝互傳代策御史送禮部請鞠治皇太子令翰林官閱其文許常宥之後監竣後科

### 習譯監生

永樂 譯字監生許應舉會試卷末仍譯書數十字場畢送翰林院定去取仍送入場填榜天順以奔競革

### 庚吉士三選及貢士外官

宣德八年三月戊辰選進士尹昌黃瓚趙陳睿傳



綱黃回祖又一榜貢士龍文章瑾李滄梁發黃辛陳  
詔田鈞李蒲王鑑朱奎表和林同榮同恩張承翰陳  
康龔理相佐黃興李年王佐鄭現胡如暘趙象蔣榮  
祖命進士改為庶吉士乙亥賜詩

十一月甲辰尚書蹇義楊士奇楊榮郭璉胡濙選前  
科進士能文者徐瑄賴世隆吳節李紹嵩洪虞瑛潘  
洪王玉陳金刘寔鄭建方熙何宣為庶吉士學士王  
直教習

己酉諭行在吏部尚書郭進選外官有文學者明日  
奏引六十八人命楊士奇楊榮試之 知縣孔友

諒進士胡端楨廖莊宋璉教諭黃純徐惟超訓導姜  
升改進士為庶吉士

### 庚辰齒錄

天順四年齒錄閣臣許彬子起刻兄越奎文閣典籍  
進士仁和汪諧齒錄書父仲淵益奎刑諱其名也

### 焚闈

天順癸未禮闈火貢士焚死百十人並賜進士  
諭祭吉水羅狀元倫常熟徐侍郎恪俱若有人提出  
之者餘抗葉御史稠夢神告以表俳而入及濱危吏  
卒謂俳者官紳也果救免



翰林院秀才

成化丙戌科榜眼休寧程敏政

丁未科進士眉州歐鈺

庶吉士一年散館

成化辛丑科庶吉士明年壬寅八月辛丑李東陽倪岳謝鐸焦芳陳音授編脩吳希賢授檢討劉淳改中書舍人張敷華等九人俱主事

寬貢士三科

弘治二年乙酉九月己卯貢士林潤以會試三黜故事禁入試請寬明年特許一科

三年庚戌十二月甲戌弛貢士三科不試之禁

鼎甲館課

洪治壬戌科選庶吉士并脩撰康海編脩孫清李廷相俱課書命學士梁儲王華教習先是天順四年三月丙戌選庶吉士劉健等十五人并脩撰王一夔編脩李永通鄭環命學士劉定之侍讀學士錢溥教習先後鼎甲不課萬曆壬辰後選館概課鼎甲不出序

減場

正德甲子科四川解元周洪謨

丁卯科福建解元陳俊初場俱五義



爭解元占席

正德庚午科山西解額陳臯謨第一沁水常倫次之  
方鹿鳴宴倫歷階而升請與臯謨角主司慰諭占席  
乃退明年辛未倫成進士授大理寺評事以酣狂謫  
壽州判官仍故態扶于臺使棄官後服除起寧羗州  
守不赴已謁選騎出歸德舞双刀陷陣中伏又死年  
三十三子倫醉即矢口成詞邑妓孔子留性敏記立  
被之絃索隻字不遺今澤潞間所傳接居子樂府得  
之孔子

齒錄聘二氏

正德戊辰科採花莆田戴大賓寅仲原聘高氏太監  
劉瑾強以元女字之齒錄刊聘高氏劉氏大賓奔母  
喪道卒劉氏嫁閩中士人生瑾党削籍

試規

宋制大比之歲每州皆有貢院本州士子皆得入試  
明朝先以監司選擇之乃以入試景泰以後專委之  
提學憲臣

嘉靖初會場禮部條約許舉子帶洪武正韻一部表  
末時不用瞻天仰聖見董穀碧里雜存

科場舊規正考閱易書二經副考閱詩春秋禮記三



經各不相涉詞林典故

鄉錄論表各二

嘉靖七年戊子科江西主試

羅 刑部

主事屠應峻鄉試錄刊論表各二篇雖奉子仍分注  
羅撰屠撰

會試錄序不受門生

嘉靖己丑科會試錄後序霍韜撰畧曰我百執事知  
可以事君乎賢才社稷之隸也 聖主求才為社稷  
也吾日子貪以為功得罪社稷孰大焉是故多士進  
矣 聖天子不用為私用我百執事其敢曰士由吾  
進為吾門生市私恩乎又曰尔多士進矣服事庶僚  
鞠躬誓心下衛生民上衛社稷備報 聖天子為帝  
臣公臣母德舉主樞曲阿比以獲戾社稷是尔社稷  
之臣也其慎諸於戲其慎諸  
正德甲戌科霍韜會元于座主不称門生  
萬曆乙未科吏科都給事中 楊東明分考不受  
門生

三甲進士刊策

嘉靖乙未科進士安陽郭朴第二甲出身 上喜其  
策命鐫于一甲後



附學生

寧國府志嘉靖十五年知府李默著載附學生郡百人宣城八十人南陵涇太平各七十人寧國三十人旌德四十人又泗州志嘉靖初侯定訓著盱眙附學生僅三十人乃募子弟可百人教之明年夏補諸生三十五人餘督教如舊以兩地觀之往時附學生猶寥々也

鼎甲並相

嘉靖壬戌科一甲申時行王錫爵余有丁萬曆丁未科一甲黃士俊張瑞圖施鳳來

丙辰科一甲錢士升林銜賀逢聖以上俱入相壬戌固極盛而丁未諸公頗有遺議士升丁酉歲選太季文不售攷選例當縣丞而正乙卯舉北雍聯捷躋于政府

羅萬化

廷試策進呈必書法潔整隆慶戊辰科閣臣進呈上疑首卷有私于二甲卷手得羅萬化寘第一其卷書法多塗抹

劉珠董又華

公安劉珠惟明嘉靖丁酉貢士困公車三十六年每



下第輒投執友江陵張太岳詩始知相府深如海不  
使山人醉似泥又相府勛名青鬢少故人心事白頭  
多隆慶辛未科年六十六成進士珠上太岳詩欲知  
座主山為壽先看門生雪滿頭

萬曆己丑科睢州董又莘時年七十歷南京大理寺  
卿年殆九十視履無恙

### 館試斥落

正德十二年丁丑進士睢州劉淮考館試卷風吹過  
五鳳樓南御河邊尋得揚閣老将卷面批不謹二大  
字遂不取

### 冒籍

令甲嚴科場冒籍按宋科場嘗二年一開或四年三  
年一開天下舉人多就開封府寄應徐節孝先生曰  
二年一開不若使各路轉運司類試總一路解額解  
額既廣則人皆便之是可以革寄應之弊也

### 辨李廷机失中三元

李九我隆慶解元主考瑤泉申少師即苗為館賓轉  
館于歸安董宗伯家癸未李得會元申正當國宜以  
狀元予之續商文毅之盛乃拔朱耆淳國祚第一李  
居第二有意乎無意乎二公皆清正未可甲乙也朱國



損漏幢 按癸未廷試申文定以子用懋入試讀卷則  
小品 文肅所著殆未之考也九我賜第後見秀水頗快  
一日秀水疾九我過候坐榻推寔庭松蟠屈笑曰弟  
嘗夢歷此景或云功名在是今得之矣名次先後非  
豫兆耶自是欢洽無間

### 省試專遺

萬曆乙酉始遣京官主試各省日主副俱教取由監  
試御史所聘藩司提調臬司監臨弥封謄錄受卷官  
皆有司例得閱墨卷有所識拔簾內毋敢違也自朝  
臣專遣內簾始肅又 巡按御史邵梅墩

監試江西令內外簾並用硃卷

楚試不用詞林

萬曆甲午科禮部推湖廣主試翰林院

吏

科左給事中葉繼美 上除翰林竟点继美另用工  
部主事在懋華

程策相同

萬曆丁酉科洗馬鄒德溥擬南京主考其寓印乃霍  
文炳故居害金若干坎之為巡城御史况上進所劾  
免官因以所撰策一道貽南京河南主考俱故人也  
竟以雷同被給士中劉道亨糾之南京主考左廢子



朱国祚右中允葉向高河南主考尚宝司卿蔣春芳  
戶部主事李長庚

割卷倖售

萬曆丙午科山陰監生鄭汝鐘舉順天第四人本仙  
游選貢馬顯忠卷割牘倖售事覺監試御史李楠順  
天府丞題請顯忠補額禮部謂无例且未策非其策  
而止

韓敬

歸安韓敬嘗師事宣城湯太史賓尹萬曆庚戌湯分  
考搜隣房拔敬為今元時方忌湯遂見攻者衆敬免  
官終身不達彼其才自足博一第惜以主司累也

刘暹

庚戌分考愉德趙師圣得會稽刘暹卷存第一主司  
嫌首義過奇抑寘第六趙固執不可遂冠一榜謂未  
科必元暹終不第言及輒墮涕  
萬曆癸卯江浦趙体敬丙午長洲陳元素俱擬鄉解  
不果

鄉榜填改

萬曆壬子科四川第六名王應熊悞填周繼昌放榜  
後 推官揚一鵬檢舉御史彭端吾以聞有旨改



正繼昌走沂京不許主試兵部員外郎張應徵大理  
寺評事陳曰庭各罰俸二月先是戊子八月南場分  
考當塗知縣德清章嘉楨填榜四十九名詩經荒字  
十号  
候填春秋荒字十號曹祖正榜出尋檢舉  
應天府尹張擢等遂未進試錄奏上祖正除名嘉楨  
奪俸五月詩經卷解部覆閱

### 巡撫監試

鄉場監試例巡按御史或偶闕如吾浙則改巡鹽御  
史萬曆乙卯貴州巡撫都察院右僉都御史張鶴鳴  
代匱監試

### 嚮元

萬曆丙辰會元吳江沈同和係倩芑首義又湯賓尹  
日刻也放榜一蒼頭喜甚即曰吾家中一會元又多  
一會魁同邑覘榜者拉即問尔一家安得兩捷乎即  
詰責被掠微吐其情亡何事敗并革第六名趙鳴陽  
長安以骰子戲曰斷么絕六

### 廷試策失塗注

萬曆己未科會元莊際昌廷試策偶悞筆以塗注不  
便進呈例任之果第一其後論者謂膠勞不辨之狀  
元遂回籍讀書蓋忌方相因從哲借評之也崇禎辛



未狀元陳于泰策陽、悞易、榜眼吳偉業策唐之  
曠騎曠悞曠 上俱手改丁丑會元吳貞啓对策亦  
悞笔同年色角康戲之曰兄又不辨字狀元矣

### 會試特点同官

天啓壬戌科閣臣推何宗彥顧秉謙主禮閣 上点  
宗考忽及朱國祚非所推也顧以是不懌疑秀水有  
他故後秀水捐館擬謚文懿朱公子爭之得謚文恪

### 管紹寧

崇禎戊辰狀元閣擬武進莊應會 上閱卷不懌速  
拔其次抽餘卷得管紹寧策內誠字欠一 上問

閣臣云何對曰圣意果可點何礙

上遂加一人寘

第三名紹寧因号誠齋

### 首輔鄉人狀元

辛未狀元宜吳陳于泰為首輔周延儒表弟故事會  
元策另封有二錦衣官問知太倉吳偉業也另封矣  
閣擬于泰偉業及夏曰瑚第一甲 上如之御前拆  
封首輔高声曰第一甲第一名陳于泰常州府宜吳  
縣人不覺汗出浹背幸 上不問偉業謁周、曰以  
吾當因而拔宜吳人狀元天下其謂吾何又語于泰  
曰事有不辨而自明有辨之而後明今吾弟首胪雖



辨之誰為明我者先是周買臣陳氏宗人宅毀其家  
廟陳氏攻之實非有私也于恭倨誕亦不執師弟禮

### 二甲御書

甲戌二甲第一名李昌象 上殊筆益昇甲御書餘  
閣臣定之時首擬武進陳組綬宜與吳國華次之  
上不懷嘉善錢相因搜卷得杞縣劉理順條對詳贍  
但多訛字 上手訂為拔第一

### 廢卷騰聲

崇禎丙子南場分考尹民具聞廢卷篇中有聲即檢  
閱仍不錄其聲加沸再檢再廢篇聲如初忽卷躍篇  
外尹異而拔之則無錫高世恭也見世恭詞其何德世  
恭無對同年包尔庚問之曰向不二色

### 程策之誤

崇禎丁丑會試程策有云世宗之時外有大篩僚卷  
之內有鄧茂七劉六劉七之寇夫大篩在成化時鄧  
茂七在正統末劉在正德中誤甚

### 丁丑鼎甲

崇禎丁丑廷試閣擬海寧陳之遴無錫高世恭廣昌  
劉大年前烈常熟趙士春吉水劉同升則二甲及讀  
之遴卷 上不出一語讀大年卷色忤讀同升卷云



陛下何負于諸臣哉諸臣負陛下耳 上善之拔  
第一次之進士春二甲首世恭

馮士驊

吳縣馮士驊善春秋屢困場屋貢禮部宜選司理崇  
禎乙亥或功之應北闈果預荐丁丑有孝廉來候知  
其馮姓曰足下今年必第矣叩之曰吾三年前寓此  
舍夢有人推我去云此馮進士寓所也足下適合之  
矣果成進士

萬年曆

崇禎庚辰科 上嘗閱萬年曆相傳姜太公著唐李

淳風注每朝各四句

本朝末句

魏蘓因

注魏氏蘓其因也

廷試後召對諸貢士通州魏添德

敷奏稱旨拔第一尋超拜相添德初名嘗有鬼自  
後呼之曰添德因改名

南闈謠

崇禎壬午應天榜官室七十餘人謠曰不要古文不  
要時文只要松文不用孔子不用孟子但用公子是  
年相傳此榜後不復試士果然

馮元颺

癸未進士慈谿馮元颺被召對 上曰天津巡撫于  
爾何人曰胞兄也又問五經中者爾何人曰臣胞弟



主考宴

兩京主考惟順天主考賜宴本府會試主考賜宴禮部

進士歸娶

洪武十八年乙丑科探花仁和花綸

永樂己丑科榜眼定遠苗衷年十九

永樂乙未科探花閩縣陳景著年十八

正統乙丑科吳縣劉昌長寧周洪謨

正統戊辰科榜眼長洲陳鑑年三十四平越黃後怀

安謝瑤博野劉吉襄陵邢讓俱年長

景泰辛未科繁昌吳琛年二十七

成化丁未科狀元鉛山賈宏年二十

弘治壬戌科海寧許元奎年三十信陽何景明年十

弘治乙丑科榜眼會稽董記

正德戊辰科探花莆田戴大賓年二十丹徒唐鵬信

陽戴冠弘農王言

正德丁丑科探花南海倫以訓年二十

嘉靖癸未科探花華亭徐階年二十一涇陽秦世顯

錢塘孫繼魯

嘉靖丙戌科會元趙時春年二十



嘉靖己丑科荆門羅博晉江蔡克廉梁怀仁歙縣程尚寧鄞縣陳東

嘉靖乙未科晉江周天佑渭南薛騰蛟浦城周鳳岐

嘉靖戊戌科南海馬拯盧夢陽吳化陳應魁莆田林

茂植豐城杜拯濟南張潛餘干李春芳

嘉靖癸未科曲周楊一鶚峨眉苟延庚龍游陸瓚

隆慶辛未科慈谿孫成名錢若廢高平劉虞夔

万曆丁丑科平湖陳泰來

万曆庚辰科南靖吳宗熹番禺謝與思

万曆癸未科永春李開泰

万曆己丑科定襄傅新德晉江林啟棟同安蔡浚一

漳浦吳棠

万曆乙未科羅山劉尚朴江陵朱光祚臨晉荆春橋

万曆戊戌科成安王家瑞 晉江林喬相進士歸娶

容攷某科

万曆辛丑科象山史龍起

万曆甲辰科南海李待問

万曆庚戌科昆明傅宗龍東陽趙明欽

万曆癸丑科狀元宜興周延儒

万曆丙辰科德清蔡奕珠



万曆己未科武昌彭祖壽

崇禎戊辰科苑平金鉉

崇禎辛未科榜眼太倉吳儷業

解元未娶

吉水解 縉年十七

淳安商 輅年二十

吳縣劉 昌年十九

長寧周洪謨 年二十六

全州蔣 冕年十五

慶陽李夢陽 年十八

南海馬 拯年十七

銅陵余毅中 年十七

定襄傅新德 年十七

浙川金 燧年十九

宗室進士

宗室鄉舉始天啓辛酉科

宗室進士始天啓壬戌科

朱慎璫

崇禎戊辰科新建朱統鈺 例輔國中尉 選翰林庶吉

士改中書舍人給假三年奏復館員歷國子祭酒

甲戌科新建朱統鉅 初名宝符候輔國中尉

華陽朱奉鉞 初名鉞 皆庶宋未請名至是改登玉牒

奉鉞候奉國中尉

丁丑科新建朱統鑽 輔國中尉

澤州朱充 輟輔國中尉

庚辰科祥符朱朝壘



癸未科南昌朱议汴原封輔國中尉

南昌朱統錡

稷山朱鼎晏

陽城朱廷壻

兄弟同進士榜異姓

萬曆丁未科進士江寧徐鳳彩余大成同胞兄弟大  
成出繼外祖余氏

進士同姓名

永樂乙未科兩葉恕

宣德庚戌科兩王復

正統丙辰科兩李春葉景壽

正統戊辰科兩張瑄

正統辛未科兩楊瑄劉璋

天順丁丑科兩王道

成化丙戌科兩徐森

成化己丑科兩鄭宏

成化壬辰科兩洪漢

成化甲辰科兩王傳

弘治癸丑科兩曹瓊

弘治丙辰科兩王言



弘治壬戌科兩魯鐸

正德辛未科兩奎

正德辛巳科兩王朝用

正德丁丑科三張淮

嘉靖丙戌科兩張守約

嘉靖壬辰科兩高節

嘉靖戊戌科兩章煥

嘉靖辛丑科兩陳善

嘉靖乙丑科兩陳王道王三錫李學詩

萬曆丁丑科兩楊起元

萬曆甲辰科兩張銓一大名人永樂

司參政一

沁水人以御史殉遼俱乙亥正月二十八日生科第  
子女皆同亦一奇也參政前守兗州有登岱詩後姜  
士望使君重沁水勒詩于石不知其悞

崇禎丁丑科兩陸自岩

崇禎癸未兩王曰俞

武生進士

工部尚書劉麟廣西按察副使楊成俱武生第進士

進士異任附鄉舉



松陽王景科進士

程宗官翰林編脩

成悟

官

俱瀾為內侍

成化壬辰科進士

黃謙官工部主事荆籍善醫

後除太醫院判

成化辛丑科進士江寧梅純以定遠縣知縣免歸改襲孝陵衛指揮使歷中都副留守

隆慶辛未科進士宋儒以貴州土官子冒籍定州選

庶吉士改禮部主事生免襲麻哈州戴同知

天啓乙丑進士安岳張任學以監察御史巡按河南

求改武階討賊遂改軍都督府署都督金事河南

總兵官

建文元年河南解元祥符張信以兵部右侍郎改錦衣衛指揮同知終四川都指揮使

景泰元年山西貢士澤州侯爵以父進征苗功表錦

衣衛正千戶

成化

貢士王宣襲武功左衛指揮僉事

弘治己酉福建貢士楊瑛以虹縣訓導汀洲衛指揮同知

四川貢士青神余寘以父子俊軍功襲錦

衣衛正千戶



隆慶元年丁卯福建貢士蔡夢說襲龍巖所千戶  
又閩縣林觀事 文皇於潛邸累功至錦衣衛都指  
揮僉事嘉其舊實命署禮部郎中奉使朝鮮 仁宗  
即位勅鎮陝西宣德初召還仍掌衛事以金吾署文  
部尤奇

### 重舉御榜

洪武癸酉科吉水曹秩舉江南鎖榜同輩謂之改名  
高乙酉又儒士登科矢志不仕  
永樂六年候官鄭瑛以儒士荐應天癸未進士坐違  
例謫武當山督役至十五年丁酉復荐湖廣

景泰四年順天解元廬陵羅崇嶽冒香河籍被革丙  
子復舉江西丁丑進士歷兵部郎中

仁和汪諧竄籍順天舉景泰癸酉科被革還浙舉  
成進士歷禮部侍郎

會稽陶大順竄籍順天舉嘉靖癸卯被革重奉浙江  
戊午科成進士歷副都御史

萬曆乙酉科北榜餘姚胡正道冒籍革奉知改王國  
昌舉南榜官郵縣教諭

又洪武三年詔開科內云仕宦已入流品及曾于前  
元登科并曾仕宦者不許應試而是年福建御榜闕



縣陳信林文壽五元進士再中式信之懷安學文壽  
長樂學建文元年福建鄉魁第二人莆田林泰元閩  
縣知縣大建文初并詔容有之開國始事不應沮格  
殆不可曉

### 優免廩生

舊制廩生斥退者仍追廩米甚苦之成化九年北京  
提學御史閻禹錫引考察斥官為比免追送之

### 莆田科甲之盛

莆田自洪武庚戌至嘉靖戊子凡五十二科鄉舉千  
一百一十一人甲榜三百二十四人狀元二人探花四  
人會元一人解元二十五人宋時進士九百七十餘  
人諸科特奏名凡六百四十餘人大魁五人宰輔六  
人

### 原始

鄉報急足始嘉靖 其昔奉子自脩青袍後官給  
不知所自

選歷科程墨始万曆庚辰錢塘錢穀、歸豐寰膺貢  
官曲請知府  
會試房刻始万曆壬辰

### 臚傳



鼎甲臚傳訖出長安左門京兆候迎謝恩畢宴堂上  
南向京兆北向席特盛用太常樂仍謝恩出京兆送  
歸私第奏別狀元同鄉官京朝者例邀京兆撫之榜  
眼搽花不預故事御批一甲三人卷用玉管筆折卷  
在中壺殿左  
康吉士到院閣臣送入錦衣衛宴宴亦太常樂

### 程錄稱臣

鄉會試錄序皆稱臣外省則否以西京輦下外省則  
考官所自序也萬曆初上摘去以問閣臣欲罪之江  
陵具言其故乃止後各省錄序俱稱臣

### 六預御房

武昌教授陳規子瀾永樂丁酉應天今考癸卯及宣  
德丙午預考江西福建調荊州又預考江西福建正  
統辛酉又今考應天凡六預御試

### 三氏學

國初立孔顏孟三氏學設教授司教授一學錄一學  
錄即孔氏裔為之正統甲子始命宗生聽學使考入  
棘成化元年許三年貢太學

### 學宮祀顏子

兗州滋陽縣儒學祀宗聖顏子之神與天下各學不  
同 陋巷志



廣文彙例

天啓丁卯杭州府教授饒日梧求計偕教授後九品  
例不會試曰梧謂之初授受秩吏部給遷現在也上  
官不能會被劾去

崇禎癸未八月許應天府教授晉江何九雲會試俄  
登第

補榜

崇禎庚午浙榜仁和尚觀法、字填補向未有也初  
潘生館尚氏冒姓尚觀升補諸生是年同雋主考黃  
道周嫌其昆季以觀升改觀法觀升支訴京師觀法  
除名先是隆慶庚午山陰諸葛一鳴讀書山中見人  
展一牘云天榜也問以己名曰尔在下科一鳴求增  
入許焚楮幣虔謝果秋授謂前事誣不足信及計偕  
見前人曰若累我蒙譴矣一鳴不聽礼闈懷挾被革  
事相去一甲子遠相類觀升少年誕肆屢困有司遂  
悒、不自得以死

進士

進士不可太少不可過多太少則雄州劇邑不能充  
而無所彈壓過多則不相貴盛而塞舉貢之路嘗見  
鄒孚如著議以為甲乙不甚相遠請每歲御試計偕



即奉廷對間擇其甚淺鮮無當者置之使仍就鄉試  
而其存者即盡以甲次授之官席凡用其盛銳之力  
不使疲精神于帖括無用之技且使上不以資格待  
士而彰瘁明士不以資格自負自泥而驕怠不作又  
可以省公車數萬之費其論博矣狀士子學有深淺  
才有高下譬諸草木區以別矣甲科之設所以廣厲  
鼓舞使天下之士精進勉力而不能自己前人立此  
良有深意周禮命鄉論秀士升之司徒曰選士司徒  
論選士之秀者而升之學曰俊士曰造士大學正論  
選士之秀者以告于王而升諸司馬曰進士王者豈  
故為是煩得哉重爵祿辨官才如不得已用人之道  
也士取其秀豈專盛銳哉今之諸生即秀士也應舉  
者即選士也舉于鄉者即俊士也進士即升諸司馬  
者也進士之名來自成周定自祖宗惡能廢諸蓋  
請以後會試每房取正榜十人再取一榜二十人正  
榜合之一百八十人一榜合之三百六十人正榜則  
上親試而分之甲仍照選賢一榜則請以六十人任  
州以二百人任縣以百人為博士長其京官則盡以  
陞任不以初除凡揀選就教等項一切除去舉人五  
科不第皆不得再就試一榜有不願就者錮之終身



此法比之孝如所議庶几不甚扞格 馮時可

### 先正流聞

宋濂攻吾

宋潛溪先生集有送東陽馬生序云自幼嗜學家貧無書每借假歲書家手自筆錄天大寒研水堅手指不能屈伸勿之怠錄畢走送不敢逾約既冠趨百里外從鄉先達執徑問道先達德隆望尊門弟子填屋室主侍左右俛身傾耳或遇其叱詫色愈恭不敢出一言俟其欣說則又請當其往師負篋曳屣涉山巨谷中窮冬烈風雪深數尺足膚皸裂不知也至舍四支僵勐媵人持湯沃濯以衾擁覆久乃和寓送主人日再食无滋味之享同舍生皆被綺繡戴朱纓宝飾之帽腰白玉之環左佩刀右佩容臭煒若神人而已緼袍敝衣處其間無怍色云云噫先生攻若如此讀一過寸陰動渠凜凜在目

### 周壽誼人瑞

高皇帝召耆老謁見崑山周壽誼居首年百十六歲賜宴及鈔幣按壽誼生于宋而鄉飲于洪武六年其六世孫震正德中令鄱陽出人瑞卷士大夫題咏盈



尺上海陸子淵先生深以編脩使饒跋其卷曰三代而下惟宋失天下為元罪惟元與最為事變嗟乎能夷人數百年宗社于強弓健馬之間而不能禁一老坐覲其子孫之復覩天日何其快也若壽祖公之壽足以繫吳亡之故豈淺鮮哉且手挈華夏之祀以還華夏之主于克華夏之日何其奇也公六世孫震字世享以名進士筮士鄱陽令嚮往耒艾是能輔昆華夏之道以昌公之壽者而又不獨為壽而已矣世享其懋之哉

### 唐伯逸

南昌監生唐伯逸洪武七年住仙居典史嘗謂取民財如取鷲鷲股上肉誠心愛民一塵不滓仙居縣志

### 鄒傑復姓

洪武九年六月科給事中鄒杰于東閣奏曰祖孫福謙陝人也出守嘉興元與亂航海舉家溺于登州戶附餘板得活傭于登人鄒義時年十四養為子冒其姓今貢成均進用乞復姓孫氏許之諭母忘鄒氏

### 賈魯斥佛

廣西宜山賈魯洪武辛丑貢士授崖州奉正改瀘州性不喜浮屠訓子緇約輩皆業儒諭以沒後當依家



礼母作佛事否则必祸汝汝後魯卒子迫于姻党召僧  
设斋事讫焚楮忽飛烟焚其室 平泉府志

录宏言事

钱塘逯宏弱冠時以郡诸生言時政得失 上說之  
試秋抑賦稱旨賜歸後選貢終松江訓導 錢塘縣志

周魯章策筮

新喻周象章文瞻洪武末奉明經召為選部主事不  
就 上賜策筮令歸教民稼穡目号明農隱逸 臨江府志

蔡新童婢

崇德蔡新父為人醜死新誓報奮擊之下獄十三年  
家童阿小年十五禿髮稍識書籲天求白主寃積麵  
作餌携之乞食至京擊登聞鼓歷十三疏始得白初  
阿小北去家僕婢二人謀逸婢攘臂曰主母笮之恃  
吾二人若可去吾當終事之日刈草二百觔半供紡  
半爆之待風雨即奉女不啻也永樂癸卯新奉于鄉  
官臨淄令厚贖其婢年至九十二 崇德縣志

徐樞

松江徐樞叔拱太医院判宣德元年省墓 上聞其  
老詔出宮人陳氏偕內官陳福表亨給事明年致仕  
後沒三人皆從葬



于謙

于少保有寄內弟書云薄俸五錢

地師某云少保祖墓當奇貴不可言少保即馳書其子令遷葬另一緘俟遷葬訖啓視子冕得書移葬如命始啓緘則述地師事也不半載遭禍今書稿藏于家張元祐說

李秉夢迎駕詩

土木之雉李襄敏送征脫歸進戶部郎中夜夢作詩送揚鴻臚善迎駕天恩寵渥作監梅迎後上皇出紫臺群潛踪歸朔漠六龍回駕入蓬萊明日召語

同官次年八月而驗曹縣志

尹恂尹直兄

尹相國文和直作兄恂墓志銘云以靖州衛更任順天湯山草蕩大使廣東迴岐巡簡司巡簡成化元年正月十六日禦下死夫尹氏歷城人吏賊役必遠隸靖州又最下秩且戰沒不求卹先輩雖寄貴於戚屬無私厚其戚屬亦無望其私如此今隸入科第戚屬借粟監例貢輒思丞倅京幕羞以吏進矣故錄之以存古道

楊宣



浙江按察使豐城楊瑄成化中築海鹽捍海塘堅壯  
有碑不存邑人仇俊卿曰昔呂梁碑磨泐可認者止  
三十六字人皆惜之想見禹功而楊公之勤一字無  
存感更為深自不能泯當知繫人心者不在碑之有  
無万曆乙亥僉事晉江陳詔來脩塘入楊公祠不揖  
背像而坐亡何詔曰作公語云我堂官也汝敢無礼  
我将殺汝尋疾作禱之始愈海鹽縣志

### 王恕

王端毅冢宰日有御史李具巡按閩中酷刑殺人至  
三原斥公名而詈之後罪人多罪當大辟又御史韓  
雍值點郊齋入部堂中道呼公名時議輕薄當斥公  
奏具雖酷無私可免雍直而有才可起遷從之崔銑  
洹詞  
端毅配盖無人继張氏文氏並贈一品夫人按成化  
四年南京御史楊智等劾南京刑部右侍郎王恕不  
顧名節託本部郎中黃鉸娶故刘指揮妻文氏為继  
室云夫以端毅之賢言動不苟臺拜風聞断不足  
信

### 王存忠

仙居王存忠成化丁未進士歷御史 知府無錢  
市靴詩云分付兒曹休指望好将芒履印蒼苔其清



苦如此仙居縣志

### 楊守陳故宅

楊文懿故宅在鄞縣南二十里鏡川初未登仕至公兄弟俱顯接籍蓋七人有野叟獻詩曰昔年曾向此中過門巷幽栖長薜蘿令祖先生方振鐸賢孫學士未登科將軍曹氏墳連壘賣酒王婆店隔河今日重看新第宅烟波後棹聽絃歌公嗟賞不已謂叟曰此詩誠我家傳也當珍藏以貽後人欲厚幣酬之叟固辭而去

### 楊循定論

揚南峰先生作子胥鞭屍論夜聞山中鬼哭曰腕可斷筆不可改

### 包德懷嫁友人女

蘭谿通判鄭瓘溫鄉記鄉先達包侍郎德懷在京與同鄉胡主事文善主事疾革往訣主事止一女以託侍郎曰諾既主事與妻相繼沒於京邸侍郎抱歸其女囑其妻育之如己女後女長擇婿祝氏將嫁侍郎居與主事相去二十里其故宅猶在乃先令人以竹簾分隔其所事為三間已處左妻與女處右中設主事神位至日併祭告嫁事命女拜已侍郎長號慟哭



然後行品聘遣嫁奩具皆備金華府志

### 周廷芳

蘭州周廷芳小泉守墩卒也一日讀太學有悟遂究五經篤信力行恭順侯吳請教其子对以往役則可往教則不可志節高峻言不空夸呂涇野集

### 周鑑

周鑑字孔明麻城人正統乙未進士授御史出按江西有大孝士陳循子不法鑑論之死遷雲南副使九年不遷鑑所至汰墨理枉仍開寶泉壩積水溉田多至數万頃後考績入京行江中舟覆幸亡恙陞山東

按察司致仕還鄉人布政李正芳僉事董應珍並有雅望邑令立者老堂凡大事輒咨此三人也

### 陳恪冰清玉潔

歸安陳大理恪以方伯家居歲歉饘粥不給存者謂冰清玉潔孝宗題此四字御屏

### 邵寶絕巫

無錫邵寶國賢知許州弘治癸丑五月鄭州某鎮地陷若干丈水溢民爭禳之六月許州小趙鎮有巫言龍骨出土中誰言禍福邵以惑衆毀其骨督率江西携試牘歸家久而紙敝穴地瘞之



吳翰詞

吳翰詞字子脩應山人嘉靖庚戌進士知東陽縣清約節愛不附权势民愛之拜御史任事不避艱險按雲南采卓然當時是嚴嵩勢張甚御史報命不勝賂翰詞遂乞告杜門結友性耿介方直一介不苟燕居整肅宗人亦不敢近旧居數椽比卒歛以湫溫今東陽雲南皆有祠

潘墳

淮安潘中丞墳 丁卯奉于鄉郡守趙公俊書聯取功名富貴屬對墳曷氏少司寇虛齋葉贊通而見之歎曰終出門便教以功名富貴墳聞教悚服

蔣信

蔣信字卿實武林<sub>陵</sub>人諸生時貧甚郡守憐之令捧詔屬邑例應得津贈信卻之王守仁龍場之謫道武陵從學然自有所見不盡主其說貢南雍祭酒湛若水俾主諸生教事嘉靖戊子奉南榜壬辰登進士歷官兵部員外郎四川僉事貴州提學副使以征苗奉檄即往湖北議兵餉不及辭御史謂擅離職削籍歸不問生產闢桃園精舍與郡中子弟講業其教人大抵主慎獨篤論脩行明理通世務在桃岡十八年年



七十七卒臨終賦詩歸去枕岡十八年歌游多在萬  
桃間萬挑于我浮雲耳願借西風吹上天投筆而逝  
世稱道林先生所著粹若干卷

劉大夏格言

劉尚書東山先生曰財貨須務農服賈凡力得者獲  
用其餘易致之物終非已有子孫視之亦不敢甚惜  
况官貨悖入者乎

李東陽佑歌

李西涯飲陳都憲德卿魯司業振之邵太常國賢崔  
郎中世吳何郎中子元等酒半李曰國賢吳人振之

楚人聞皆善歌、以相和可乎遂出近詩數十首俾  
歌之陽春堂集

陳察御史騎驢

常熟陳察明遠任御史按蜀乘驢布按皆跨馬減其  
驢從

按御史出巡日騎馬後乘輿不知起于何時或成化  
後事浙有奉子王化大帽見按臺某、呵之問所起  
對曰即起於大人乘轎之年

魏庠聽旁塚

崑山魏庠子秀紉賢任光祿典簿其廳事旁有荒塚



邑令郭楠造而問故對曰其子孫欲售之久矣予之  
直彼不以治生而棄骨於水火故寧存之令歎曰杜  
氏之墓在西階古人之義也不意今日復逢於君咨  
嗟良久而去歸有光集

清吏張守約

張守約守彥博岳州人嘉靖丙戌進士知華陽縣歷  
崇德遷南許事寺正擢知淮安淮安素難治守約遣  
孥歸單車携二蒼頭之任闢園植蔬自奉儉約禁絕  
官市常俸貯之帑間出以賑困乏性嚴峻蓄家人少  
息二蒼頭日啖脫粟數合鶉衣拮据憤恚不得逸一  
日乘守約寢刺殺之僚聞變急來視守約息僅屬瞑  
目語之故遂死檢所遺惟二敝篋中書數束敝裘  
數襲而已衾褥惟幄咸綴沔汙裂靡堪御者二蒼頭  
竟伏法

朱良育不受封

吳縣朱良育績學不第膺歲貢子鴻漸進士官主事  
貶封不受竟明經沒

杜了翁言行

廬山老儒杜了翁 曰道在論語言忠信行篤敬  
求之四十年未有得或曰道豈言行盡耶曰言行君



子所以動天地也若外言行而講道吾不願聞時王陽明先生倡學東南了翁不至

熊鳳文<sub>不</sub>選司

熊鳳文以推官行取不踴選司太宰許進曰推官能不詘滕文選令爲御史肯畏強禦乎竟拜御史

桑桂移風社

平涼桑桂成化

貢士官大名通判廉靜好古與

同邑彭會趙天錫倡移風社序曰平涼山水秀拔人習淳朴業惟耕讀確有古風比年喪亂不古俗信浮屠誑惑於始死及七七百日期年除喪飯僧道作水

陸大會寫經造像云爲死者減罪生天受諸快樂不爲者必入地獄剉燒舂磨受無邊苦是以貧者弗獲慎終惟備神馬楮幣齋粿疏果經資之費力不能逮則淺土經年虫蠹鼠穿富者忘哀作樂談經餽金飾備備器務爲繁勝傾家破產迷惑不悟殊不知生含血氣知痛癢剪爪剃髮而灼刈之已不知苦死乃離形腐於黃壤與木石等神則飄若風灰雖剉燒舂磨將安施乎然浮屠所謂天堂地獄者蓋以勸善懲惡耳世人親死而禱浮屠是不以親爲君子而例視爲積惡有罪之小人何待親之薄耶縱使其親積惡有



罪豈賂浮屠所能免乎此則智者所共知而愚夫滔  
、奉信風靡無已柱等生長是邦讀聖賢書浩歎頹  
風思與易之相爲立禮社名曰移風嗚呼風不可移  
也所不可移者人心耳人心雖爲頹俗所染而天理  
之在人心終有不能泯者能以吾心之天感彼之天  
則澆必轉淳邪可變正魯謂風不可移哉凡我同志  
敦崇禮誼毋懷彼此毋間嫌隙凡遇鄉隣朋儕之喪  
務爲天理開導法語匡直斷以朱文公禮制爲準熄  
佛老尚哀戚貧者喻以義富貴制以禮其間古今異  
宜斟酌輕重一求合乎中正黽勉戮力人心忻動舉  
知爲美始而正一家之風終而正一國之風何患禮  
之不復古哉雖然士君子立身進則有功於君退則  
有功於民奚獨喪禮耶患難相助疾病相扶道義相  
尚志行相勵過失相規使行業齊於古人芳聲耀乎  
當時而天下之風亦可移矣夫子勗哉

韓昌

韓昌洪洞人世醫昌精其術不計貲施藥先貧後富  
嘗見御者卧道中憐之診其求傷寒爲移煥室藥之  
汗愈乃行資以粥米洪武初避兵岳陽山中遇異人  
授以秘術遇疾不俟診視望之而決生死時稱神醫



孫肅七歲誤吞針釘昌曰此兒不死母憂也三年而出他日且生貴子後釘果從脇下出已生文官戶部尚書

毛中丞里居

陽信毛海隅先生思義以南京督儲都御史致仕呂涇野先生相問公歸邑居乎曰然茆屋數間對縣學呂曰父宦何尚茆屋自官主事來俸餘一二十金歷三十年婚子四嫁女二又親喪久外未治室也呂曰公歸亦何樂曰予師張先生尚健友人董某姻家王某並尚在與割雞漉酒以熙餘生耳涇野集

景賜孝感

上元景司業伯時賜母陸太安人晚瞽數年所至求醫卒得金針於京師復明省庭萱倏大如杯初司業涕泣樹萱曰萱花母療三年不花至是花赭

胡松抄書

滁州胡柏泉太宰少負無書時借抄手輯名臣奏疏置枕曰經理天下在是矣

鄭慶祛蝗

嘉靖九年進士長樂鄭慶有章知滁州夏至滁及秧有蝗自西北來蔽天日丘陵墳衍麻沸所至未黍輒



殫民男婦奔競蔽野君簡勤敏吏民十數輩部分之  
令各詣蝗所打捕張幟提金舉火開塹又嚴爲禁防  
俾勿擾蝗爲哀其冬下令國中曰蝗善滋土必遺種  
茲不掘害將奚極其發子毋俾流毒於我茲土得亡  
筭明年喙果生息至蕃徧野復令毆捕如往年法加  
審諸庶人在官者悉罷遣如初僅留門子一人侍又  
下教曰有能捕喙斗者官與穀五升石者與五斗以  
是人爭捕得喙數百石蝗倍屣種幾殄絕有秋當其  
時雖不能微怨謾而潛膏隱澤其被與要<sub>甚</sub>不<sub>甚</sub>矣<sub>州</sub>  
志談遷曰崇禎辛巳嘉興亦募民捕蝗予穀竟升合  
不給

嘉靖丙午延津大蝗有司遣人捕之廩生周宦恐人  
不尽力乃自白於人有能捕蝗一石者即與錢百文  
人爭捕之不旬日以錢百千買蝗千石邑境蝗不爲  
災延津縣志

### 王勅雲母

歷城王祭酒竹泉勅少得道術後督學河南試諸生  
見白雲出山急遣人十數里外視雲落處掘得白石  
如雪歸切片煮爲腐甘美非常味曰此雲母也

### 徐階論士

徐文貞公曰欲觀士大夫名節但不聯姻富室不接



衽山人便是端莊之士 馮元成集

林思承致仕

莆田林思承官淮安同知致仕所親止之曰公旦夕金紫矣思承曰心苟知止一命有餘若其無窮三公不足

唐樞

歸安唐樞一菴先生論博施於民而能濟衆重能字蓋人亦有施而不能者政不善也

今人但知顏子不校難及不知一犯字學他不來弟子請曰何謂也曰顏子持己應物決不得罪於人故人有不是加他方說得犯若我輩人有不是加他必是自取所謂夫人必自侮然後人侮之也何曾是我輩未湏學不較湏先學他犯字 李樂見聞雜記

唐順之

唐荆川先生論易文有吉凶大象獨言吉此聖人示人直入聖道路也

高拱知人

高中玄相國署吏部日戊辰進士選秀水沈思孝等八人分令廣東俱日矚得之並歷侍郎其一中丞沈山先生說



張尚書學顏僉事時賫捧入都相同一見喜曰今日  
得一督撫矣錢御冷說

張居正急才

張太岳編脩時本院公譙演千金傳奇至蕭何追信  
凝視久之同列以專注譖之荅曰君臣將相遇合之  
難如此毋得草、蓋江陵意自有在非同戲謔

山陰吳允環洲出高文襄之門以器識見重時輟諮  
訪呼為吳學究蓋水滸傳中智多星也俺荅孽孫那  
吉初降文襄以同江陵以問允荅曰可受之有喻於  
此如麵二石作一大饅首須大釜大籠文襄意遂決

後文襄罷江陵斥其黨獨允不廢或媚江陵刺及  
允江陵曰吾固悉之但難其代累遷少司馬而速把  
亥擾薊鎮江陵語冢宰為我致吳環洲能出鎮乎允  
聞之曰某効塞上久犬馬猶暫息之相公猶未忘我  
耶江陵得報曰否、此原環洲意可再質之冢宰告  
允允謝曰往疏雖及此第薊鎮戚繼光遼鎮李成梁  
兩大帥未易節制須尚書銜江陵曰不可第往勿憂  
不尚書也允出鎮薊遼事定果進尚書終江陵允無  
纖芥之嫌錢御冷相因說

浙江缺督學選司以某人擬江陵弗肯選司卻康



請問曰某沁水劉東星乎東星在浙藻鑑得名歷總  
河工部尚書張藐山先生說

徐階李春芳陸樹聲

青浦慧日寺落成少師徐存齋階倣東坡解帶事奉  
世廟所賜蟒衣一襲付僧圓實留鎮山門因賦一  
絕單衣露冷宿曇華悞館宮袍傍帝車拈向山門君  
莫笑細看還是旧袈裟萬曆丁酉大宗伯陸平泉樹  
声年八十有九出衲衣一襲手書偈曰解組歸來萬  
慮捐尽將身世付安禪披來戒衲渾無事不向歌姬  
為乞緣

嘉靖丙午李文定春芳將入秋闈宿句容寺題

壁年、山寺聽鳴鐘匹馬西風憶遠公他日定須留  
玉帶題詩未可看紗籠及入相歸解玉帶留鎮

姚弘謨迎母

秀水姚少宰少孤母改適登第後迎養於家  
袁洪愈貧宦

長洲袁安節清介絕俗雖善嗽貧不屬饜每市覘佐  
酒可竟斗許門生嘗餉十金輒三分之袖其一乘月  
步贈窮交其貧都絲此坊王元美留竟夕俄接家報  
中款元美問之方負進二十金見迫即代償之以尽



其惟後解南太宰荐元美自代元美起南少司馬嘗  
戲曰吾生卒此二十金用得着喻叔虞說

余有丁家祭

覲縣余相國文敏父永麟幼穉時育于小江里余氏  
後鄉舉歷蘇州通判生文敏既貴當贈三代莫知所  
自出不得已贈永麟所後父憚之文鏜而命子孫家  
祭自蘇州公始祀司義起也

文敏少從宦蘇州崑山歸有光名將師之不果嘉靖  
乙丑文敏以編修分闈拔有光第二

沈思孝在戍

万曆丁丑沈比部純父劾江陵奪情戍神電衛游某  
山剝蘚見石刻翠巖亭三大字旁題謫仙三百載此  
樂有誰傳鐫宋某年月日因推今日正三百年也巡  
臺徐時可欲辱之示期閱武純父短袂衣橫矛踞罵  
於演武堂遂不至總督臨武刘堯海檄高州同知刘  
石令以戍見純父應役中道止之環召時總督長樂  
陳瑞得報方啜茗失甌碎地責中軍曰城內有謫臣  
何不我告亟通幣起居且致賀必求面純父行迫不  
往遣蒼頭報謝賜茶中堂語次泣下姚叔祥說

戚繼光



戚少保鎮薊門駐三屯營最久經畫周詳有祠總兵  
尤繼先之任不拜祠 除夕公庫災獨題梁及銀  
牌存牌重五兩題梁年月少保所記也繼先款戚公  
神人刑牲以祭

馮少墟規鄒南臯

鄒南臯元標居鄉好言事操月旦長安馮少墟先生  
嘗戒之絕不與聞一事

申時行李庭机薄殯

吳縣申文定相國捐館屬其子太僕用懋曰先人殯  
並非川木勿貽我媿

晉江李文節相國捐館門人蔡太守善繼议用川木  
李夫人曰相公一生清節囑身後棺止直六金不敢  
背其治命

李庭机鳩工

李文節宗時語李湘洲祭酒騰芳曰國家工役切莫  
先估計估計皆內相大臣為政彼但索已橐故一倍  
至二三十倍吾不先估計且孟浪起工彼雖日有所  
需然不能計成數多少工止而彼散矣更無積聚錢  
俟彼分贖

趙大華



萊陽趙大華任鄆陵令邑民以不紡績大華勸諭夜  
行潛聽有紡織聲以良民勤紡四字識之次日呼至  
賞棉花五斤自此得紡之利及今永賴

李騰芳

李湘洲曰每見士大夫一捐館舍其子孫往往向人  
稱外侮人亦為之傷世態之矣涼歎人情之惡薄予  
以為不然君子生則人敬沒則人思彼寂寞於生前  
而榮華于身後為人尸祝姐豆者何人哉人必自侮  
然後人侮之向使恃位挾勢欺凌侵奪人無奈何直  
待其子孫方與覆筭此所謂悖出悖入出尔反尔而  
稱外侮非矣

張臣感慟

麻城梅衡湘中丞目楨筮仕固安總兵張臣過邑彼  
宿將逐虜棒槌崖殪數千人時繩其冒功公獨加敬  
張驚問公荅曰棒槌崖之捷從來未有我敬子以天  
下豪杰非以其官也張不覺大哭伏地歎曰某血戰  
一生天子不知大臣不錄今公獨知某雖即刻死  
公前不恨

王汝訓散貲

王侍郎弘陽本富室以父防盜晨夕不安勸散其貲



於親故十去其五父得夜息侍即後益貧授徒里中  
自給室不能牖填輪通照農具雜陳了無官緒 張藐  
山先生悅

### 唐文獻

上海唐柳所先生署翰林院篆沈四明當國移檄求  
印輒稽之雖四明不快然無以奪也內計時有所去  
留並未嘗請命錢御冷相因說 唐謚文恪所謂  
易名之典仍犯其名何也宜如陳莊請文例易之

### 陳滄孝杖

淳安諸生陳滄父性嚴事之甚謹廬墓三載奉廢母  
如嫡撫庶弟孤姪晚歲手杖成孝字山陰王思任題  
孝杖堂

### 顧憲成寡欲

無錫顧涇陽先生少時讀卷心莫善於寡欲反之寡  
欲莫善於卷心最有味

### 衛一鳳辟狐

陽城衛桐陽大司馬前守青州有樂婦崇於狐聞聲  
堂上曰尚書正人也義不敢近

### 鄭繼之

襄陽鄭鳴峴太宰留意品鑒典銓時殆八旬於士流



素履口誦不爽

彭應參

万曆甲午光山彭侍御按浙夙裁峻厉不畏強禦烏  
程董尚書份 范祭酒應期並怙勢扞綱繩其悍  
奴范至自徑董嗾其婦吳氏訴於朝詔逮侍御後放  
歸

詹景鳳

詹中岳任南京吏部司務凡部曹謁總憲私第例趨  
左門惟銓卽於儀門外延於別館詹謁右都御史海  
公瑞獨拱立直馳中道抵門騎閭而言曰敝曹統領  
縉紳闈左右門以奔走人而奔走人左右門如躡統  
何其復徇海公事詹切責之

許弘綱責子

東陽許少微總憲還里鄉人送柴問之云例也召責  
其子私權杖之

葉向高講學

葉臺山相因見鄒南阜先生論孝曰公講孔孟予只  
講閻羅王鄒問其故曰不佞老矣填溝壑之日近苟  
有欺君悞國傷人害物招權納賄等事於閻羅王殿  
前勘對不過者皆不敢為鄒笑而是之



李九我相國晚戒文筆福清欲效之李曰子效我殊  
難我面嚴冷人不敢強子而善無以謝其求也力不  
能兼可廢詩耳

吳道南

崇仁吳文定相國語嘉善錢太史二如井曰若初入詞  
林須記三事不擬拭目不受門生不出游廣保名節

竇子偁

竇子偁可揚按察兩浙剛毅敏決雖婦孺知其名遷  
右轄以御史沁水孫居相荐之時方指居相東林党  
魁也歷官守法不附一廉如水竇自是往謙解官去

不復出子偁萬曆壬辰進士

徐光啟

華亭徐文定初以右春坊右贊善兼  
史監軍出倉卒特授僕從不備自募人肩輿  
道監察御

楊瀚

陽城楊瀚神現傾偉方曆  
舉於鄉宰寧遠為盜  
藪治尚嚴細道不拾遺調良鄉赤縣衝瘠其治如寧  
遠而稍馴之民犯博者褫其衣給驛卒自題其門帖  
曰門如市心如水一塵不染提得起放得下百事敢  
為奏最限乙榜量移南京大理寺  
評事在時為右



遷尋致仕素善酒嘗飲邑令張文運張連浮大白款  
曰令君可人

馮氏義僕

華亭馮御史恩次子 可家幹馮良託以篋鑰 可  
沒子大夏蕩棄其家依妾金陵十餘年不歸良每歲  
收田租易金即篋藏之不移一錢良久覓主歸以所  
積万金還之大夏遂為富人後大夏沒諸藏金為他  
房瓜分良又不取一錢人稱其厚良子三皆諸生孫  
明玠天啟壬戌進士歷御史良原趙氏

葛寅亮督學

錢塘葛屺瞻大理前督學湖廣每行部謁孔廟輒命  
諸生講學次第數十人默定優劣有講曰之為人節  
聖人撒手是道賢人尚差一地位故拳服膺葛大  
賞之

丁賓老不忘孔林

嘉善丁清惠尚書年八十八崇禎庚午三月特北謁  
孔林償宿老

朱國楨秀才氣

丁清惠與烏程朱平涵相國善謂其居台鼎猶秀才  
氣象相國笑曰原是老秀才近來庶幾葉臺山無閣



老氣

朱氏世改革相固不殖產曰我何敢忘祖父改革守藏時事乎

沈演四友二老

歸安沈何山尚書作四友二老固身與王太宰永光畢司徒三才李宗伯騰芳曰四友與張總憲延登曰二老俱万曆壬辰榜崇禎初起家

董其昌

華亭董玄宰宗伯坐部堂上朝鮮貢使謂為異人夏給事子暘使琉球歸求董書貽其來使

錢士升

嘉善錢塞庵相國先號御冷曰士大夫居鄉止宜杜門不聞一事若曰欲作好事便開罪端蓋身非有私而目緣旁入安能預察而尺中其際耶

好人之所惡，人之所好，是謂拂人之性。若好人之所好，惡人之所惡，亦拂己之性。

經正則庶民具，史熟則名位出。以上俱面說。

陳組綬結客

武進陳伊庵官兵部

結壯士千餘人皆漁

陽大俠時勞以金帛及卒或欲收其客為列校客曰



我等傲于義為陳君效死豈肯仰文吏臭息耶哭其  
喪而散

陸夢龍

餘姚陸參政夢龍好談兵先是黔中閱軍令七校各  
魚貫進身坐貢院門禁闌入初軍多更番適應至是  
術劣第七軍高拱北稱四百人閱試止五人立斬拱  
北先後汰萬人

張燁芳

山陰張燁芳曰人而無友不如有仇亦足祛人眉  
宇間竅悟氣

按燁芳居隣陳都諫尔翼都監燁

熾時大不能堪俄都諫以党敗燁芳成進士嘗演魏  
忠賢諸劇陳隔听亦不能堪燁芳官給事中被謫壬  
午補翰林待詔道林臨清值北兵匿於道院奪其裝  
得進賢冠徑尺令諸人戴之俱不合獨宜於張被殺  
贈太僕寺丞

吳麟徵家訓

海鹽吳忠節家訓曰莫道作事公莫道開口是恨不  
割君双耳朵挿在人家听非议莫恃築基牢莫恃打  
算備恨不鑿君双眼睛留在家堂看母廢  
熟諍經書明晰義理兼通世務世乱方設八股生活



全然冷淡裹柔根之計安穩着數無如此者詩酒聲  
技非今日事

柯起鳳不負丞

休寧縣丞柯起鳳四川

人以廩生薦存不卑其

戢才守自厉遇事敢斷凜若神明臺司委決無虛日  
聲出長上為各司理所嫉搆之去郡人祖送傾市  
竟任不移一錢吏部

鄭三俊嘗追訟其事

王朝堂死孝

流寇陷太康諸生王朝堂以父中丞

樞見斫拊

棺拒罵被殺棺得全

菴贊

諭幼儒勅

太祖高皇帝諭幼儒勅有曰蓋於馬退山茅亭記見  
柳子厚之文無益也柳子厚之兄司牧邕州構亭於  
馬退山之巔非勞人而弗成既成而無益於民是害  
民也略不規諫其兄使問民瘼之何如卻乃咏亭之  
美曰因山之亭為基無雕椽斷棟五采圓梁以青山  
為屏障此雖無益文尚有理其云白雲為藩籬此果  
虛耶實耶談遷曰諫 聖諭得作文真訣矣存誠去  
浮根理資用今曲存於句字之間沿訛謾之習於又



体人品不相研切如五柳先生傳先生不知何許人也蓋淵明寓避世之意可一不可再而白樂天陸龜蒙輩效之則誕矣虛實之論誠如宸諭

宣尼遺筆

孔林石刻宣聖遺筆暑往寒來春後秋夕陽西下水東流將軍戰馬今何在野草開花滿地愁未盡仲尼有童款此作偽者真東家丘耶

顏子

國初朝鮮獻顏子以偽書卻之

海鹽秦駐山始皇碑

前賢灼，後聖懋哉始皇承天越受帝命業超上古殲周滅鄭雄靡餘六國是併功齊太古道深前王埒炎均昊美冠顓黃 靈方代敬構商堂縱聖凝神將記百 菴藹餘輝蜚聲萬禩梁天監二年八月二十三日右判史敬素立石 海鹽縣志 此碑史記不載而鄭亡久矣謂始皇滅鄭何也

偽書

毛漸偽三墳張昇偽元命苞孫定偽闕尹子阮送偽元經宋咸偽孔叢子徐靈府偽文子戴師愈偽麻衣子袁康偽吳越春秋



明崑山王逢年偽天祿閣外史海鹽姚士舜偽於陵子

嵇康真蹟

錢塘楊廷筠以御史督學南畿有兄弟爭嵇叔夜手跡弟請田三十頃易之致訟御史命立寶書堂公貯之

王大令洛神賦

王子敬小楷洛神賦顧凱之畫其下藏內鄉張康侯家購以五百金康侯甲申避寇金陵張藐山先生借觀

雲麾將軍碑

萬曆六年河南李蔭宰宛平構小齋發礎得唐李邕雲麾將軍碑，石蓋沒良鄉驛舍裂為柱礎可辨字百八十有九首篆存唐故雲三字蔭輦貯邑署名其齋曰古墨終戶部主事李邕書在蒲城縣西十五里李思訓墓上

百家姓

百家姓相傳宋人作故首趙南雍志有唐虞世南百家姓一卷

蘓子瞻判義



蘓長公外集有孟子義一首蓋宋以命題試士之  
應舉制義際如此題以佚道使民以生道殺民使  
民為農民曰是食我之道也使民為兵民曰是衛我  
之道也使民為城郭溝池曰是域我之道也雖勞而  
不怨也曰盤庚之民何以怨民可與樂成而不可與  
慮始蓋終於不怨也詩曰晝爾于茅宵爾索綯亟其  
乘屋來春播百穀可謂勞矣然民豈不思之曰上之  
果誰為之也哉若夫田獵之娛宴好之奉上之人所  
自為之者君子蓋不以勞民也古者水衡少府天子  
之私藏大司農不以給共養勞費共養勞費出少府  
為是也孟子曰以佚道使民雖勞不怨以佚道使民  
可也以生道殺民君子蓋難言之易曰古之聰明睿  
知神武而不殺季康子曰如殺無道以就有道何如  
孔子曰子為政焉用殺夫殺無道就有道先王之所  
不免也孔子諱之然則殺者君子之所難言也

大學本義稿

朱文公大學本義稿友人沈世洎嘗見之刪抹

朱文公集

慈谿謝象三 三賓 於亂時購宋板朱子集總十金亡  
何又得宋板朱子集文頗不同多世所未見 包長明說



心史鈇函

崇禎戊寅十一月八日蘓州承天寺浚胥井得鈇函  
重續啟之宋鄭所南先生心史一部外標大宋鈇函  
經內書大宋孤臣鄭思肖百拜封自元世祖癸未歷  
今三百五十六年按心史行世久矣想副本流傳不  
待胥井啟函也

宋濂

宋學士著作最富潛溪前後集在元季已盛行於世  
入明劉伯溫選定為文粹十卷門人方孝孺鄭濟  
等又選續文粹十卷皆孝孺與同門劉剛林靜樓璉  
手自繕寫刊於義門書塾丙戌歲錢謙益於內殿見  
之孝孺氏名皆用墨塗乙蓋遵草除舊禁也

道餘錄

姚少師廣孝別號述虞子摘二程先生遺書二十八  
則朱子語錄二十一則逐條析其謬曰道餘錄吳縣  
行人張洪見即毀其書自謂所以報少師耳

御史試荳芽菜賦

蒙城陳嶷薦賢良方正考選試荳芽菜賦嶷第一拜  
浙江道御史終按察副使賦曰南國之賓客於  
上國與北都主人論辨時事朔日請於主人曰子居



上都俛視八隅日覽天下之奇物亦知天下之奇味  
乎主人曰唯客何言與天下之味形類萬殊燧人  
作脩庖人之初曰哉曰鬱曰豢曰芻八珍甲四海之  
美五味極六合之腹猩唇豹胎之鼎熊掌駝峰之厨  
趙普製蠍之炙何曾鴛鴦之殊党家之羊羔美酒五  
侯之燕髀鯖餘歿吳中之膾鈞松江之鱸駕釀施蓼  
雪蛆侑姐簌蒲羞鱉芥醬滌驢至若橙黃而螃蟹實  
荻綠而河豚涪黃雀入幕之子烏雞咏栗之鷄加之  
以椒桂益之以油酥當嘉賓之既集命細君而當壚  
巨觥淺酌艷曲呶唔調嚼滋味既美且都客曰子惟  
知葷臊之為味而不知清楚之嘉蔬也主人從而改  
曰北山採蕨南山採薇秣菹萱堂北檐芹澗湄烹綠葵  
之嫩葉僂白蕪之芳蕤補羸杞移繁蕪磨菇縷分於  
淮術波稜寸斲於蹲跂酣糟子薑之掌沫醢新笋之  
絲梭魚孕子苔脯乳鬚輪菌九沸山藥三炊漢家丘  
嫂之鏢冰壺先生之藟至若錢塘之茭白商山之紫  
芝大宛之苜蓿二蜀之雞栖揀擇加精調餽得宜香  
聞爽臆味適舒眉當舉案之頃會稱觴之時飲此佳  
品喜溢厥頤頤醫桑之徒餓笑首陽之空飢視彼蔓  
菁何物蘿菹奚為客曰子若徒知異之為美而不知



近之為奇主人瞠焉語塞拱手噉嘻曰然則子所言  
美者請備言而述之客曰有彼物兮冰肌玉瑱子不  
入於淤泥根不資於扶植金芽寸長珠蕤雙輕匪綠  
匪青不丹不赤宛訝白龍之鬚彷彿春蠶之蟄雖狂  
風疾雨不減其芳重露嚴霜不凋其實物美而價輕  
衆知而易識不勞乎椒桂之調不資乎芻豢之汁數  
致而不窮數食而不厭雖以赫乎柱史之嚴每嘗寘  
之於齒牙驀矣憲臺之還亦嘗歎之而深入當乎退  
食之委蛇則伴其倉米廩食至於滌清觴漱清臆助  
清吟益清職視彼主人所陳者奚相去倍蓰而翅萬  
億也與主人聞而嘆曰得非市之所鬻葷茅菜乎客  
乃曰然主人曰美則遠矣毋語近而遺遠厭富而樂  
貧客曰子何見之晚也夫天下之味適口者為佳天  
下之士無欲者為貴彼之所云者非不口欲我之所  
卻者恐為心累脫若致之弗克則役之於心役之於  
心則為口體之累傳不云乎養其小者則失其大者  
大者既失雖羅五鼎亦惟取羞雖享太牢適增其醜  
語既客即揖謝于、而退

周叙脩宋史

正統末南京翰林侍講學士吉水周功叙叙請刪脩



宋史以畢先志許之功叙曾大父以立元鰲溪書院  
山長上書脩宋遼金三史推宋正統後功叙脩宋元  
同上元陶元素未就卒

莆陽物史

莆田周梁石瑛與黃太史仲昭同脩興化府志議論  
間有不合自謂莆陽物史

張元禎

張東白先生作文屬草每楮掌大作蠅頭細字或用  
故紙覆背書之

詩韻辨

華亭張東海先生弼詩韻辨曰韻書始於江左弊有  
因襲雖有覺者刀莫解正我朝始刊定洪武正韻  
一洗千載之陋誠万世之幸也惟詩家犹泥唐韻曰  
凡古詩之流可用正韻近体律詩惟用唐韻問其所  
以則曰律詩自唐始故也苟依正韻則曰落韻特遵  
今之制耳樂其寬耳試叩以唐韻冬東青清之屬何  
以異虞模麻遮之屬何以同則曰自有五聲七音輕  
清重濁於其間也噫是皆因襲而不察淺陋而無見  
口耳相承臆度妄語殊不知江左殊韻正坐不知七  
音之當解直據一方之所習故失立韻之本原也何



輕清重濁之分耶借曰唐詩用唐韻則騷詞用楚韻  
古選用漢韻耶唐韻襲類譜而作故梁韻也何唐詩  
而用梁韻耶唐韻至宋已加通併非唐之舊則宋韻  
矣又何唐詩而用宋韻耶正韻惟取諧協固寬矣唐  
韻之聲牙者亦得而押豈窄耶且作者何計寬窄也  
學士宋景濂所序慎重精密之至凡詩皆合用正韻  
且不待辨矣猶慮詩家習觀陰氏韻府群玉又以正  
韻定之則凡詩之不宜用唐韻又可識矣何淺陋者  
之因襲未復於正又唱傳妄說使高明者亦不得繇  
於正也或曰李杜蘓黃諸家者皆用唐韻人不知病  
蓋唐宋之世病在韻作者弗病也况雖在唐宋不依  
唐韻者亦多矣泥者弗知惟取諧協則傳會其說曰  
漏底韻出入韻猶韻書上平下平不知由編帙重大  
而分乃曰音有上蹻下蹻之異也上平始於東終於  
山之意也淺陋類此不足一笑泥者反以正韻為失  
寧免笑乎

李空同先生曰張東海韻辨東冬青清何以殊虞模  
蘓遮何以同夫冬東青清反切本殊而人自不殊虞  
模麻遮調協本同而人自不同顧歸罪韻者嗚呼人  
之蔽至此哉韻母子相生五音互之自然而成聲智



不能加愚不能損信如此言則冬江貞先虞尤不得  
通押而說不得說去哲不得哲去耶今人因前人云  
四声出於沈氏遂不復根究便立訓教人不知茲韵  
其來已遠沈特校定之耳

張東海自題像

隨處丹青寫我神故人相見問何人於今百草張東  
海只有元來一个真

司空圖

宋王禹偁辨五代史闕文云圖字表圣自言蒲州人  
有俊才咸通中登進士第雅好為文躁于進取頗自

矜伐端士鄙之從事使府洎登朝驟歷清顯巢賊之  
亂車駕播遷圖有先人舊業在中條山極林果之美  
圖自礼部員外郎避地焉日以詩酒自娛屬天下板  
蕩士人多徃依之互相推獎由是聲名藉甚昭宗反  
正以戶部侍郎召至京師圖既負才慢世謂已當為  
宰輔時人惡之稍抑其銳圖憤謝病復歸中條與  
人疏不名官位但稱知非子又稱耐辱居士其所居  
在鎮貽溪之上結茅屋命曰休休亭嘗自為記云  
以上梁史舊文按圖河中虞鄉人少有文采為鄉里  
所稱會王凝自尚書郎出為絳州刺史圖以文謁之



大為凝知入知制誥遷中書舍人知貢舉擢圖上第  
頃之凝出為宣州觀察使辟圖為從事既渡江御史  
府奏圖監察下詔追之圖感凝知己之恩不忍輕離  
幕府滿百日不赴闕為臺司所劾遂以本官分司俸  
之召拜禮部員外郎俄知制誥故集中有文曰戀恩  
稽命黜係洛師于今十年方叅綸閣此豈躁于進取  
者耶舊史不詳一至于此圖見唐政多僻知天下必  
亂即棄官歸中條山尋以中書舍人召拜禮部戶部  
侍郎皆不起及昭宗播遷華州圖以密迓乘輿即時  
奔問復歸還山故其詩曰多病形容五十三誰憐借  
笏趨朝叅此豈有意于相位耶河東節度使王重榮  
請圖撰碑得絹數千匹圖置于虞鄉市中恣鄉人所  
取一日而盡是時盜賊充斥獨不入王官谷河東士  
人依圖避難獲免者甚衆昭宗東遷又以兵部侍郎  
召至洛為柳璨傾阻一謝而退梁祖授禪以禮部尚  
書召辭以老病卒年八十餘又按梁室大臣乃至有  
如敬翔李振杜曉楊涉等皆唐朝舊族本以忠義立  
身重侯累將三百餘年一旦委贄朱梁其甚者贊成  
弒逆圖以清直避世終身不仕梁祖故梁史拾圖小  
瑕以泯大節者良有以夫柳璨為相巨僚多被放逐



為監察御史尤加畏慎昭宗郊禮畢上章懇乞致仕  
曰察臣本意非為官榮可驗哀羸庶全名節上特賜  
歸山其詔略曰既養高以傲世類移山以鈎名心惟  
樂于漱流仕非顯于貪祿匪夷匪惠特忘反正之朝  
載省載思當狗遯棲之志宜放歸中條山詔辭乃爍  
之文也時多以四皓二疏譽之惟僧虛中云道裝汀  
鶴識春醉野人持言其操履檢身非傲世者也又云  
有時看御札特地挂朝衣其尊戴存誠非邀君也

### 揚守陳

揚文懿書惟立所作許先生哀頌詞後

銘志之言多溢美予弟此作蓋眩於銘志之言也後  
有覽者尚論其世則茲人者難乎免於君子之誅矣  
言其可易哉

### 李夢陽論文

昔人謂文至檀弓極遷史序驪姬云  
檀弓第曰公  
安驪姬約諉夫經史懸殊經主約史主諉譬之畫者  
形容之也貴得象且如非驪姬食不甘味寢不安  
枕之類是也經者史之要者也曰安而食寢備矣自  
檀弓文極之論興而天下好古之士惑於是惟約之  
務為湔洗為犛牙為剡歎使觀者知所事而不知所



以事無由彷彿其形容西京之後作者無聞矣

李空同先生刻陶淵明集盡去評注曰青黃者木灾也大羹之味豈群口所還哉按古人注經史子外集不多及六臣注選千家注杜尚矣其以批點行世者蘇老泉之於孟子劉辰翁之於李杜為得其繁萬曆中晉江李贄所閱著藏書焚書等刻導煽輕誣末年吳興凌氏閔氏專刊硃批時雖紙貴灾亦何極舒芬與友人論文曰六經未可以文法摹擬也書禮序述即事見道風雅詠歌以聲和律魯何章法句法不類之頌耶易始伏羲不知六畫奇耦其句法章法果安在耶春秋仲尼所筆削也簡者一字繁者僅三十五字其句法章法果安在耶故今之論文者動稱六經則亦前人誤之耳愚嘗以六經當以道論不當以文論

李夢陽何景明

李何裒然四傑之首冠冕當代人無異喙間有微文未加點壁近常熟錢牧齋選明詩論李何最嚴不啻輸攻矣雖非定論錄竢公據

獻吉生休明之代負雄鷲之才倘然謂漢後無文唐後無詩以復古為己任信陽何仲默起而應之厥後



齊吳代吳江楚特起北地之壇坫不改近世耳食者  
至謂唐有李杜 明有李何自大曆以迄成化上下  
千載無餘子焉嗚呼何其諄也夷考其實平心而論  
之由本朝之詩沂而上之格律差殊風調各別標舉  
吳會舒寫性情源流則一而已矣獻吉以後古自命  
曰古詩必漢魏必三謝今體必初盛盛唐必杜舍是  
無學焉牽率模擬剽賦于句字之間如嬰兒之學語  
如桐子之洛誦字則字句則句篇則篇毫不能吐其  
心之所有古之人固如是乎獻吉曰不讀唐以後書  
獻吉之詩文引據唐以前書紕繆挂漏不一而是又  
何說也國家當日中月滿盛極孽衰粗才笨伯庶運  
而起雄霸詞盟流傳為種二百年以來正始淪亡榛  
蕪塞路先輩讀書種子從此斷絕豈細故哉後有能  
別裁偽体如少陵者必以斯言為然其以是獲罪于  
世之君子則非吾所惜也

仲默初與獻吉初復古學名成之後互相詆謫兩家  
堅壘屹不相下於是低頭下拜王漢陂倒前徒之戈  
遂逸粗浮薛西原分北軍之袒則一時之軒輊已明  
身後之玄黃少息矣予獨怪仲默之論曰詩溺於陶  
謝力振之古詩之法亡于謝文靡於隋韓力振之古



文之法亡於韓鳴呼詩至於陶謝文至於韓亦可以  
已矣仲默不難以一言抹殺者何也淵明之詩鍾嶸  
以為古今隱逸之宗梁昭明以為跌宕彰抑揚爽  
即橫素波而旁流干青雲而直上評之曰溺于義何  
居運世遷流風雅代變西京不得不變為建安太康  
不得不變為元嘉康樂之具會標舉寓目即書內無  
乏思外無遺物正以暢漢魏之飈流革孫許之風尚  
今必欲希風枚馬方駕曹劉割時代為鴻溝畫宋元為鬼  
國徒抱刻舟之愚自違舍筏之論昌黎佐祐六經振  
起八代文亡於韓有何援據吾不知仲默所謂文者  
何文詩者何詩也昔賢論仲默之刺韓以為大言無  
當矯誣輕毀歲為膏肓允為篤論矣獻吉兩書駁何  
矛盾互陷獨於斯言了無諍語弘正以後偽繆之學  
流為種智後生面目偏背不知向方皆仲默繆論為  
之質的也

### 江河伏流

泰州儲平甫洵正德辛未進士歷福建按察僉事輯  
華除錄博採諸難諸巨題曰江河伏流平甫卒門人  
私謚貞文子

### 常倫逸詩



泌水常許事倫題槩山大雲寺壁宿此非一夕游此  
非一朝山夫頗解狂夫趣時儲斗酒來相招殿前長  
松十圍大吾欲絕粒栖雲巢字大如斗今存許事集  
不載

王璜雲中歌

濬縣御史王璜正德辛巳進士雲中歌八首一曰小  
王子時打圍時自稱北狩產龍姿墩上老軍莫相信  
英皇元不納胡姬

胡瓚

彰德胡瓚嘗咏時苗還犢事任中如有子君欲付何  
人亘詞

徐霖

武宗在臨清召江寧徐霖授教坊司官不拜乃授錦  
衣衛鎮撫久益幸至呼其字子仁進必敝袍遂賜斗  
牛襲衣至南京嘗夜過其家從容惟燕四更乃罷

前李攀龍

濟南李攀龍止白雪樓集偶友人處鴻爪集西帙云濟  
南李攀龍于鱗著亟諫之則常州人官太僕在  
正德時非歷下也曾參殺人之誤良不虛耶

兩京賦



訓導 彭大雅柳州通判常熟桑悅御史江寧余光  
貢士盛時泰南京刑部郎中臨川師机立作兩京賦  
光奏付史館賜鈔千貫安福李孝士時勉慈谿陳侍  
講敬宗立作北京賦教諭 聶鉉作南京賦

### 兩皇明通紀

嶺南梁億東莞陳建各著通紀

### 張邦奇

張文定邦奇作贈太監雲奇傳云奇洪武間以內使  
守西華門時丞相藍玉居第去門不數十武一日  
詭言其第井中醴泉涌出請 上臨觀而選壯士表

甲伏屏幃間以俟奇知之將上爰云 云按此胡惟庸  
事文字宿學不宜悞或梓人之訛

### 修志

林烜修福州府志人物有邪佞正宗人不及 國  
朝孝子割肝療親者二人去之烈女如科甲例每行  
二人其斥割肝者曰使人割之耶抑自割之耶人割  
之則世未有肯無故捺刀而殺人者自割之其人已  
死矣又安能內援五臟辨其所謂肝者而後割之耶  
甚哉其妄也又福清林榮初則仁歲貢兵部尚書本  
朝列卿年表未載



平涼趙浚谷 時春 嘉靖庚申作平涼府通志官司人  
物美惡備列藝文僅記銘若干首無詩

王道書壁雜帖

順渠子曰吾于古人有四恨焉孔子曾見老子而孟子不得見莊子此一恨也孟子得見子思子而荀卿不及見孟子又從而非之此二恨也楊子雲與鄭子真嚴君平同時同處且知二人之賢而不能相隨以隱此三恨也二程親見康節而不能傳其先天之學此四恨也宇宙間有此四大欠事而古今人皆未嘗說破若以為當然者然此又恨外之一端也

王慎中

王遵巖先生作晉江楊角山墓志銘戶部主事李績父也志述績之言吾楊姓也世居安仁鄉之鈔舍村以力農本業自給吾父早孤而媾于陳城居也遂居于城之東隅陳母故李毅齋公某之甥也毅齋無子故吾父育于李而為之子祢李而妣陳也鄉人之敬愛吾父者知為李角山翁而不知為楊也惟吾父始配陳某知之而繼室張氏謝氏與吾兄績亦不能知而績獨知之今將題名于阡作主于廟惑于所稱之姓先生其謂之何云云夫宗之必有別異姓之不相



為後也在禮記之矣李君雖欲狗翁之情其如禮何  
請志之曰揚角山處士之墓

先生作筭江潘翁墓志銘、作長論又古法之爰

國朝人物編

江都葛澗子常好積書撰國朝人物編自國初迄嘉  
靖數百卷人為列傳甚悉年七十餘友人私謚正學  
先生

夏惟訥

崑山夏惟訥好求遺書嘗秘一篋不以示人歿後啟  
視禿管數十枚手錄雜記百餘卷

唐覲

江陰貢士唐覲著延州筆記李肇鶚于民家屏幃上  
斗麥易之噫文人遺業類覲者何限安得尺肇鶚其  
人刊以問世耶

李于鱗王元美手抄

陳眉公曰李于鱗王元美在刑曹時手抄史記文選  
一部奉觥誦以記否為賞罰大泌山人批閱以及南  
北史皆有小識錄他經傳稱是

李于鱗閱史記

殷正甫士儂有李于鱗所閱史記于秦始皇本紀正



園河魚大上人頭畜鳴八字

沈懋孝長水集

王元美讀書後毀論

王元美所著讀書後四本捐館後公子吏部士驛于  
貨即擔中重得今行世又毀論十本係先生手書無  
副刻常熟錢牧齋乞于吏部者闕不示人辛卯九月  
書室突不存惜哉噫文人子孫如任昉李白許渾諸  
君子筆彫墨替無論矣有箕裘若吏部而遺簡灰滅  
他何望乎

余翔

莆田余翔宗漢嘉靖

貢士任全椒令有治才兩造

盈庭平決無停畧有羅氏鬻宅轉展數姓至武氏  
淘井得髑髏四具加釘焉呈于縣公彷彿夢人以羅  
擔屍過其前時羅氏父死久祝其子已七十自供父  
本牙僧正德間四客投店挾重貲父端午日醜殺之  
釘腦骨投井中羅子論辟其家竟絕後解任歸益肆  
力文章而游具不減盧家人生產不問

穆文熙焚書

東明穆小春憲副購書十餘萬卷疾篤尽奉所積焚  
之

謝陞季漢書



新安謝陞少連改陳壽三國志為季漢書予蜀正統  
魏吳世家按宋蕭常後漢書鄭雄飛續後漢書翁再  
蜀漢書元金華張樞陵川和經 明長洲吳尚儉立  
續後漢書

春雪詩

鄞县全天叙万曆 進士試館之先夢大父少司空  
元立

戒春雪詩勿用六出如其言獲選

無名氏詩

僕夫不識路躊躇路旁久寒風吹衣襟落日照馬首  
吳中無名氏作蘭溪吳孺子極愛之謂深得古致

明雋

漢州李尚寶先芳選 國朝燕趙秦晉齊魯河洛淮  
揚藩獻之詩附以蜀曰明雋吳越荆楚不預焉東阿  
於文定公序曰自二南以下十五國風皆江以北地  
也降而春秋吳越之歌吟乃出降而戰國荆楚之騷  
賦始傳故江以南之聲則歌吟騷賦之流而風之餘  
也非始音也原音之始以北先也 按李尚寶初善  
王元美後元美送于鱗游改嚮移好故明雋之外吳  
越荆楚有以也然所選多靡豔舒曼

宗登春



宋山人登春讀書嶧山厭薄交游乃作一小戶非旬  
旬不能入名曰狗洞荐紳先生過訪者輒難之惟濮  
上李伯承往來其中趙州強居仁集李伯承遲山人  
濮上館于清平閣山人日啖狗脯飲白酒夜誦楞嚴  
經念伯承殷勤間與倡和援筆草就四座傾倒

### 北雍刊史

新建張洪陽位司業刊二十一史糜工部六萬金有奇  
李湘州集

### 陳子陞修史

南充陳文憲相國時修正史列聖本紀皇后本紀建  
文景恭以實錄附載崇禎紀有待

郊祀廟祀典禮樂律天文曆法宗藩季校選奉職官  
經籍賦役貨幣漕運河渠鹽法軍政兵制馬政刑法  
郡國九邊凡二十二志  
揚徐滁陽三王傳 高祖之十七藩 成祖之二藩  
仁宗英宗各四藩 憲宗之三藩 外戚 洪武之  
功臣諸臣建文諸臣永樂之功臣諸臣洪宣諸臣正  
統天順諸臣景泰諸臣成化諸臣弘治諸臣正德諸  
臣嘉靖諸臣隆慶諸臣又理學文苑循吏高逸孝節  
亂逆權倖方技四夷列傳類二十六



志粗畢丁酉擬列傳六月三殿災輟業又南充前卒  
四明沈一貫殊不以為意非其始議也

西泠社

万曆丙戌八月歛縣汪道昆鄞縣屠長卿隆輦集西  
湖之淨慈寺仁和車明卿餘杭徐桂為地主倡西泠  
社

孫冕

孫冕字文中江西德化人歲貢正德間任北通州訓  
導善詩畫嘗和李西涯春興詩八首今錄其二山館  
悠々依峻坡別來應是兩年過鹿麋昔日游偏好風

雨他鄉夢更多松下小軒閑雨菊月中荒徑掩雲蘿  
歸來若待顏顛白其奈品花咲客何其竹垣向裡闌  
新池徑曲門迂去每遲鳥弄落花人未到魚吹新荇  
月先知天邊客夢何時醒江上歸舟此日移喚起巢  
由作賓主不知身在昔堯時

爭詩

夜月烏啼白門柳隔江人唱後庭花武康吳允兆永  
嘉何无咎各爭為己句餘杭徐茂吳桂曰句未佳何  
爭為

喻應益



新建喻叔虞憲副楓谷先生均子也咏滕王閣萬壽宮各四首

飛閣崇臺勝地苗層岫遠水檻中收萋々自綠玉孫  
草歲々空生帝子洲烟樹尚含羅綺怨風濤不散霓  
絃愁漂零莫縱登臨目門掩斜陽獨倚樓其一芳洲  
草樹碧纖々醉倚臨空意未厭山翠逼江雲入戶春  
聲出谷鳥窺簷花憐綺陌飄歌扇柳近紅亭颺酒帘  
千古繁華流水尺獨留明月上朱簾其二梅風杏雨  
柳烟開滿眼芳菲祇自哀客子臨高曾作賦游人攬  
思獨登臺于今殿閣盤空起依旧雲山隔岬來不識

王郎風送別誰憐伯璵更言才 其三 關市烟塵黯未

通蕭條旅泊散江風龍河蜿蜒滄波上雉堞參差晚  
照中昌邑旧城葭莢渡南唐廢址水烟空芳時士女  
應多恨遠莫還歌大小東 其四滕王閣

百疊青山磴道盤丹臺深鎖赤闌干堦前柏是當年  
樹雲裡家犹日日壇漢祀祇令歸太祝宋皇曾此拜  
祠官無勞更表洲沙識潮落空江鉄柱寒 其一九柏  
歲徒偃翠苞亭々十里辨烟梢雲深珠樹栖歸鶴月  
滿霜潭泣老蛟風殿香浮炉影細星冠夜集珮声交  
野人掃地齋心拜芳渚青蘋藉白茅 其二 玄功自昔



滿鄉邦飛劍雲中氣尚双三洞絳霞飄羽蓋五溪瑤  
草映芝幢金丹鷄犬歸仙島鉄鎖魚龍卧楚江里社  
年々誇禱賽九天時擁百灵降 其三 白袷青鞋称短  
衫採芝幽涧荷長鏡乍瞻丹竈窺金穴細讀玄文叩  
石函天豁神臯用廣漠樹盤仙嶠出岷巖雲房玉磬  
松闌月未到蓬山已隔凡 其四 萬寿宮

王穉登

萬曆癸丑元旦吳縣王百谷卧疾吟迎春詩一首即

逝

馮元成論文

馮文所先生曰古之文簡今之文繁古之碑碣志銘  
苟無閑繫則不書如緩急親党不過曰待以奉火數  
十字一二語耳今則連篇累牘曰某也婚某也葬某  
其事而称之數其人而記之瑣々屑々如甲乙簿何  
當哉憶予居常所為緩急人者一月或至數十事使  
他日子孫欲為予記載則且至數十冊簿豈理也哉  
唐以來韓昌黎最為大家其志銘等文具在寡々僅  
一二百言耳然其時且以碑墓祀之至于今或一序  
數千言或一傳方言荆州先生所謂山河大地不能  
作架子誠有味乎其感嘆也是故君子之文寧損無



益寧慎無濫寧拂人子孫無違人月旦

周玄暉

崑山周復俊子籲南京太僕寺卿有館于木人涇之  
旁著林雜記涇林類記孫玄暉万曆丙戌進士常任  
御史左遷補電白令放歸著涇林續記始奉筆赤蛇  
墮研刊成怨家張氏增飾宮掖一二事孽于縣令陳  
祖苞撫按奏上致 宸怒逮下刑部獄卒人多寃之

陳植之

武林布衣陳植之 雖業醫苦吟好學歛縣吳克德  
符摘其佳句如踈鐘四壁靜微雨一燈明移花春徑

雨看竹午窓風繞舍田疇熟遙村砧杵連王門字自  
好客舍缺空彈河朔追狂飲滄浪起浩歌因贈之詩  
曰昔賣名山藥女子識伯休孝先尋教授大有童蒙  
求簞瓢在陋巷朝夕僅能謀上有白頭母啜菽代  
庶羞下有黃口兒擁絮視輕裘子身同鰥魚牧犢為  
好仇苟非真有道疇能堪此愁自吾不相見十年幾  
再周時、卒曰業隱若對前修重逢憊愈甚每語無  
怨尤依然曳屣強歌仍自酬感贈不遇賦沉思莫  
一抽申之貧士咏庶接古人游異時高士傳真隱定  
見收



中秘書

晉江謝肇淛在杭為水部日福清葉相國直閣求閱  
秘府書潛隨入翻閱僅抄刻後村集三十冊

收書法

南充陳元忠相國子陞好儒書平湖沈幼真太史懋  
孝勸其據類書注中所引証之書覓篇目所不經見  
者日月標記令書賈時、博求之無意中忽得奇書  
又據天下書目考其版籍在諸路者時、馳尺一託  
交游間如目搜羅期得乃已自戊辰至甲戌七年元  
忠以此法得其奇書三千部及家艱寄書京師勲戚  
家半失去

纂書

開國事略本湖廣行都司經歷蔡于壁之龍飛紀畧  
卓氏藻林本吳興王氏所輯嘉隆以來諸公掠美者  
頗多噫仰眠床上看屋梁著書千秋萬歲誰傳此者  
幸傳矣又為宗齊立所據惜哉凡纂書有三化質得之  
可也陰得者次之最下則蹠跖

厄書

藏書佳事也闔省不數家、不數傳如浦江義門鄭  
氏八万卷燬于火義烏虞侍郎守愚參政德燁父子



按藏數万卷署曰樓不延客書不借人後蘭谿胡孝  
廉應麟賤值得之今亦佚尽太倉王元美書最富再  
傳而失開封中尉睦摯之万卷堂會稽鈕氏之萬卷  
樓吾寧祝侍郎以函之萬古樓武康駱侍御駿魯湖  
平馮孝廉茂遠常熟錢宗伯謙益諸家非流散則妬  
焰矣噫縹帙湘函何預天曹事徃、被厄不能久錮  
設灵威文人之秘牒玄夷使者之珍符貯姬媵而儲  
二酉概如此厄天上司書吏地下修文即亦寂、難  
堪矣楊循吉既老散書親故令蕩子爨婢無復看手  
是或一道也

續藏書目卷之六十四

錢宗伯好儲書尤善較訂唐蒐博引一編中粉墨丹  
黃曾見錯書有所疑悞千里之外託人研攷其購藏  
甲於東南亂後撰 明史凡二百五十卷辛卯九月  
晦甫就越後日見烟火始作見朱衣者無數是非不  
得其平遂以熒惑掃之隻字不啻六一異也

### 文瞽

正德中鄙縣王簡討九思敬夫失官老而喪明四方  
求文口占授之人疾書不給  
萬曆末秀水陳季士懿典孟嘗晚喪明詩文酬應如  
故出謁公府侍兒牽其裾即揖讓進退動如禮



按藏數万卷署曰樓不延客書不借人後南谿胡孝  
廉應麟賤值得之今亦佚尽太倉王元美書最富再  
傳而失開封中尉睦挈之万卷堂會稽鈕氏之萬卷  
樓吾寧祝侍郎以函之萬古樓武康駱侍御駿魯湖  
平馮孝廉茂遠常熟錢宗伯謙益諸家非流散則妬  
焰矣噫縹帙緗函何預天曹事往々被厄不能久銅  
設靈威文人之秘牒玄夷使者之珍符貯姬媵而儲  
二酉概如此厄天上司書吏地下修文郎亦寂々難  
堪矣楊循吉既老散書親故令蕩子爨婢無復看手  
是或一道也

錢宗伯好儲書尤善較訂唐蒐博引一編中粉墨丹  
黃曾見錯書有所疑悞千里之外託人研攷其購藏  
甲於東南乳後撰明史凡二百五十卷辛卯九月  
晦甫就越後日見焮火始作見朱衣者無數是非不  
得其平遂以熒惑掃之隻字不啻六一異也

文替

正德中鄙縣王簡討九思敬夫失官老而喪明四方  
求文口占授之人疾書不給  
萬曆末秀水陳季士懿典孟嘗晚喪明詩文酬應如  
故出謁公府侍兒牽其裾即揖讓進退動如禮



唐府輔國將軍字決五歲喪明逆師畫掌識文字日  
耳記十言著名獻錄辨疑碑各一卷

華亭唐汝均仲言五歲目盲父元抱膝上授詩好吟  
授博通經籍注唐詩解五十卷援据該博著編蓬姑  
葭等集齋使揚崔旌其序曰耳季淹通指俸刊其書  
嘗遇常熟錢謙益所酒間誦子虛上林諸賦杜白諸  
長篇不遺一字留校杜詩時有新義如解溝壑踈放  
之句云出于向秀賦秘志遠而踈吕心放而廣忘前  
人所未及也

### 鍾惺譚元春

鐘譚詩行于世孟津王鐸宗伯曰如此等詩決不富  
不貴不壽不子

### 洪範明義

漳浦黃石齋道周著孝經集傳又奉命纂洪範明義  
四卷戊寅被謫即進呈云臣攷篇中有錯簡者三訛  
字者三錯簡如五紀三德敷言而在後威福建極敷  
言錯而在前訛字如晨為農式為忒羗為極之數皆  
伏晁之所不稽鄭孔所未說宗元諸儒稍參其端  
明吳諸儒未免厥緒

### 蔣德璟日記



晉江蔣八公相國性嗜書留心經濟有部即使掄閱  
語之曰彼處馬豈頗多宜注意部即初不以為然至  
則果如其言所著日記

爭妾詩

崇禎癸未楚撫宗一鶴敗沒妾金陵陳氏以色替為  
門客王屋所聘貴陽謝參政上選先娶致訟新安貢  
士程奎詩歌舞叢中度歲華一朝忽散抱琵琶前身  
定是烏衣燕不在王家即謝家

山城曲

十七八正少二次明少年，少如春艸，榮一霎然  
焉，武藏州四圍無山，島月出惟青草，月沒還青州  
山城者日本也好事有譯其曲見鄭以偉猶矣稿

永和宮詞

揚州明月杜陵花夾道香塵迎麗華，日宅江都飛燕  
井新侯，閨內武安家，雅步纖腰初召入，鈿合金釵定  
情日豐容，盛鬢圓無雙，蹴鞠彈碁，後第一上林花鳥  
寫生猶禁本，鐘王點素毫，揚柳風微春，試馬梧桐霜  
冷暮吹簫，君王宵旰無懽思，宮門應半傳封事，玉几  
金牀少宴眠，陳娥衛艷誰頻侍，貴妃明慧獨承恩，宜  
咲宜愁慰，至尊皓齒不呈微，索問蛾眉欲感又溫



存本朝家法修清燕房惟久絕珍竒荐勅使惟追陽  
羨茶丙人數減照陽膳維揚服製擅江南小閣妒烟  
沉水含私買瓊花新樣錦自修水遞進黃柑中宮謂  
得君王意銀鑲不妬温成貴早日艱難護大家比  
來懽咲同良姊奉使龍樓賈佩蘭往還偶失兩宮懽  
雖云樊媼能辭令欲得昭儀喜怒難綠紉小字書成  
印瓊函自署充華進請罪長教主憐含詞欲得君  
王愠君王內顧惜傾城故劍還存敵体恩手詔玉人  
蒙詰問自来階下拭啼痕外家官拜金吾尉平生游  
使多輕利縛客因催博進錢當筵便殺彈事使班姬  
才調左姬賢霍氏驕奢富氏常涕泣微聞椒殿詔咲  
談豪奪灞陵田有司奏削將軍俸貴人冷落宮車焚  
永巷傳聞去玩花景和門裡誰陪從天顏不憚侍人  
愁后促黃門召共游初勸官家佯不應玉車早到殿  
西頭兩王最小牽衣戲長者讀書少者弟聞道君王  
吝定陶獨將多病憐如意豈有神君語帳中漫云三  
母降離宮巫陽莫救蒼舒恨金鎖雕殘玉筋紅從  
此君王慘不樂叢葦置酒風蕭索已報河南失數州  
况驚少子傷離落貴妃瘦損坐匡床慵髻啼眉掩洞  
房葦蕩湯温冰簟冷荔枝漿熟玉魚涼病不禁秋泪



沾臆徘徊自絕君王膝  
苔沒長門有夢歸  
花飛寒食應相憶  
玉匣珠襦啟便房  
薤歌無異塋  
同昌君王欲製哀  
蟬賦珠筆詞臣有謝莊  
頭白宮娥暗嘆嗟  
庸知朝露非為福  
宮草明年戰血腥  
當時莫向西陵哭  
窮泉相見痛蒼黃  
還向官家問主王  
幸免玉環逢喪亂  
不須銅雀怨  
具止自古豪華如轉轂  
武安若在憂家族  
愛子雖添北渚愁  
外家已葬驪山足  
夜雨椒房陰火青  
杜鵑啼血濯危門  
漢家伏后知同恨  
止少當年董貴人  
碧○殿淒涼新木拱  
行人尚識昭儀塚  
麥飯冬青問茂陵  
斜陽蔓艸埋殘堦  
昭丘松檟北風哀  
南

思陵長公主挽詩

內春深擁夜來莫奏電  
裳天寶曲景陽宮  
井落秋槐貴主徽音美  
前朝簡命光鴻名  
垂遠近哀誄著具亡  
托体皇枝貴承休  
至善祥母儀惟謹  
肅家法在矜莊  
上苑穠桃李  
瑤池小鳳凰  
鸞章青綉從  
魚笏紫縹囊  
沉燎薰爐細流蘓  
宝盖香襖期陪袂  
水蘭館助條桑  
綠綰芡蘭佩  
紅螭薤葉璋  
錫封需大國  
喚仗及迴廊  
受冊威儀定  
傳烽羽檄忙  
司輿停鹵簿  
掌瑞徽珩璜  
婺宿明河澹  
薇垣太白芒  
至尊憂咄吒  
仁壽涕彷徨  
鄴邑年方幼  
瓊華齒正芳  
艱難愁付託  
顛沛惧



參商文葆憐還戲勝衣泣未遑從容咨傳母倥急詢貂璫  
傳箭聞嚴鼓投籤見拊床內人縫賜甲中旨粟支糧  
使者填平朔將軍帶護羗寧無一矢救足慰兩宮望  
盜賊篝火關山蟻潰防逍遙師逗撓奔突冠披猖牙  
燾吹看折梯衝舞莫當妖氛纏象闕殺氣滿陳倉天道  
真蒙昧君心顧慨慷割慈全周体処變重宗潢胄子  
除華鉸家丞具急裝勅須離禁闥手為換衣裳社稷  
仇宜報君親過勿忘遇人當退讓慎已日行藏 周  
母磨笄刺宮娥掩袂傷他年標信史同日見 高皇  
元主甘從殉君王入未央抽刀凌左闔申脰就干將噫  
血彤圍地橫尸紫籞汪絕吭甦又咽瞑倦微揚裹  
褥移私第霜胸進勺漿誓肌封斷骨茹戚吮殘創死  
早隨諸妹生猶望二王股肱羞魏相肺腑恨周昌賊  
遁仍函谷兵來豈建康六軍務面慟四海遏音喪故國  
新原廟群臣日奉常賜圭陳獻翟題奏載輻輳遜偪  
賢妃冢山疑望子岡御哀生父老主祭失元良訣絕  
均杯土飄零○各異方衣冠羸博莖風雨鶴鶴行浩  
劫歸空壤浮生寄渺茫玉真畚下髮甲伯勛承筐沅  
水餘堯女營丘止孟姜君臣今世代甥舅即茲嘗湯  
沐鄉亭秩家門殿省即淒涼脂粉磴零落綺羅箱宅



枕平津巷街通少府墻畫閑偕妯娒晚坐向姑嫜偶  
語追銅雀無聊向柏梁豫游推棹柳勝跡是梳粧齒  
菖鴛鴦扇茱萸鸚鵡觴大庖南膳廠奇卉北花房暖  
閣葫蘆錦溫泉豈寇湯離新獅首炭甜食虎睛糖壯  
麗成焦土榛蕪拱白楊麋游鷓鴣覘苔沒鬪鳩坊荀  
灌心惆悵秦休志激昂崩城身竟隕填海願難償命也  
知奚憾天乎數不減累歎床箒語即定寢園傍半休  
先從父遺骸始見娘黃泉母子痛白骨弟兄殤夙昔  
銅駝泣諸陵石馬荒三年修苻藻一飯奠嵩邱寒食  
重來路新阡宿草長溪田延黍稼隴笛卧牛羊朽壤  
穿蝼蟻驚沙起鳩鷓病樗眠廢社衰草折寒塘列刹  
皇姑寺馱徑內道場侍鬢稱練小像刻沉香玉座  
懸珠帳金支渡法航少兒添畫燭保媪伴帷堂露濕  
丹楓冷星稀青鳥翔幡旌晨隱々鈴鐺夜鏘々控雀  
攀龍馭駮麟謁帝閭靈妃歌縹緲神女咲徜徉若霧  
迷槐市雌霓繕建章歸鄰思五廟沙漠淚三湘柔福  
何慚宋平陽可佐唐虞淵瞻返日蒿里叫飛霜自古  
遭兵擾偏嗟擁樹傍魯元馳孔亟苒季負倉黃漂泊  
悲臨海包含耻溧陽本朝端閩閩設制勝巖疆處順  
敦恭儉時危直紀綱英聲超北海雅操過東鄉新野



墻松直招祇祠柏蒼薤歌雖慘澹汗簡自輝煌謚號  
千秋定銘旌百襪彰秦簫吹斷續楚挽笑滄浪

盧岐巖

長泰盧岐巖嘉靖甲辰進士終貴州按察使初為戶  
部郎與汪道昆同舍有遺脂香油于汪者汪問在古  
何云岐巖曰唐人謝賜口脂豆澤此二物也宴席有  
糖獅象復問于古何云曰漢光武禁猊糖不許高大  
此是矣

王九思謝榛袁宗道

鄆縣王九思漢陂集自序曰余始為翰林時詩李靡  
麗文体萎弱其後德涵敵吉道予習其易為敵吉  
改正予詩者稿今尚在也而文由德涵改正者尤易  
然亦獨余也惟仲默諸君子亦二先生有以祭之顧  
余頑鈍不能勉副其意故今老且朽矣而于所習詩若  
文者竟亦無所得焉是則可恨也

謝榛詩家直說曰作詩勿自滿若識者詆訶則易之  
雖盛唐名家亦有罅隙所謂瑜不掩瑕是也已成家  
數有疵易露家數未成有疵難評 袁宗道曰時有  
古今詩言亦有古今人所詫為奇字奧句安知非  
古之街談巷語耶方言謂楚人稱好曰党稱慧曰禡



稱跳曰跣稱取曰挺予生長楚國未聞此言今語異  
古此亦一証故史記五帝三王紀改古語送今字者  
甚多疇改為誰俾為使格姦為姦姦厥田厥賦為其  
田其賦不可勝紀左氏去古不遠然傳中字句未嘗  
肖書也司馬去左亦不遠然史記字句亦未嘗肖  
左也今日逆數前漢不知幾千年遠矣自司馬不能  
同于左氏而今日乃欲兼同司馬不亦謬乎空同諸  
文尚多已竟紀事述情徃徃偏其真尤可取者地名  
官銜俱同時制今却嫌時制不文取秦漢名銜以文  
之觀者若不檢一統志幾不識為何鄉貫矣且文之  
佳惡不在地名官銜也

### 失婢詩

攜李陳詩教起唐人失婢詩集句楚客停橈欲問誰  
顧况流鶯上下燕參差李商隱春樓不閉歲蕤鎖韓  
翎長路多逢輕薄兒耿諱應為能歌繫仙席鄭谷只  
緣幽恨在新詩步非烟今朝鏡郭花容徧李涉別有  
傳心事豈知白居易

### 廣孝錄

邑人周珽青羊善画葡萄晚輯廣孝錄若干卷弘光  
乙酉夏疾篤夢人語以待廣孝錄成遂蘇亂時失其



二卷後年卒

續哀江南賦

嘉興沈世涵作續哀江南賦有序

粵以甲申之三月盜弄乾樞神器無主帝既醉于釣  
天人或腥于毳幕中吳道銷窮于三擅厄運之極古  
今未有歌臺走麋鹿之踪過市尽髡鉗之客晨省旅  
鴈辭玉塞而凝雲私等銅仙望秋城而泣雨昔士衡  
入洛之日仲宣登樓之年並在亂離咸有著述謝眺  
釣渚之賦思江海之無波潘岳閔中之時憫荆榛之  
載道雖復顰輸浣女步媿瑟人盛衰之感同斯來軫  
誰非秦地空相桃花詎有高巖遙尋芝艸冰魚未絕



徒懷挾兩之心執燕猶蘇不謝雕梁之憶鏤鎖既沉  
木葉再落吳言往吊追賦斯篇日月如馳人間何世  
夷門日冷魏市成墟易水風悲秦筑罷擊惟雪衣之  
委羽曾侍先皇若供奉之捐生堪差朝士薰年累日  
悵切南冠飲恨吞声私修漢臘薄羨秋滿柳箭春搖  
恐菊水無延歲之方桑滄非可俟之畧夫霸孫啓祚  
尚揚赤壁之靈弱宋遺都猶報朱仙之捷亦各控帶  
數州綱紀百載豈有蘆薜荻筏竟浦浮江代馬胡鞞  
凌波滄水烏孫千騎控淮水而鳴犄翟泉雙鵝指吳  
都而扇翼五凌冠鷓鴣矣華風万里纓纓此為戎俗

二三俊乂徒懷死衛乘輿之誠百萬義師竟少同我  
藩籬之具豈昔之龍盤虎踞者佳氣尽于此耶是知  
崖山執節終靡信國之旗大海揚波必覆張戾之艇  
天意人事不禁臨風喟愴者已世誣山雌辨色將遠  
謝乎樊籠爰居避風曾何情乎鐘鼓豈希黃絹之題  
聊比嫠緯之恤文博之枕流漱石竊有志焉子山之  
垂露涌泉瞠乎後也賦曰

臨江舉以四望氣行結而懷憂伊天步之艱難兮神  
悅、而凝愁昔高后之作京兮實祚土於鍾丘控方  
塘之白水兮枕震澤之清流封狼胥以為鎮兮琛沒



羽而為州湛盧宵飛而吳宮兮樓船朝濟而漢福敷  
軍實于長州之苑饗戎旅于武昌之樓黃旗雨轉紫  
蓋雲浮剪相珪以錫燕更奕葉而遷幽于樂都之麗  
康兮乃陪服于南亩華實徧野紅粟方舟引陂泉而滋  
灌注兮指翼軫而帶女牛歷三百而無事兮不識夫  
鮫函之与屬錫雖有祿被之媒孽雀蒲之嘯聚不旋  
踵而夷囚于是士女游冶族姓繁富玉樹挺于王謝  
朱輪侔于顧陸老成奕世典型似續銘勒燕然旌懸  
月窟烽火息于漁陽兮貢葡萄与天馬時既泰而將  
此人娛安而忘苦家築夏后之臺戶涉周王之圃烏  
轉送歌花濃雪舞風涼清談而袪名卿尹党釣而造  
禰武帳絕韜于瓦豹之絃罷奏于鄒魯腥鮑爛而是  
求兮白馬沉而何補既而燕厦將焚魚鼎日沸閭左  
有揭竿之呼嚴闕無折柳之蔽 天子方履端門而  
御平臺召百官而延多士期弱艸之凌勁風假垂螭  
以行淫雨請纓則終軍彈劍則馬武出玉闕而論兵  
晏蘭池而旁午空杼軸于二東兮犹呼康而未正尔  
乃宮鳴野雉星落天狐夏箭不能殪仙芝之灵秦鉄  
不能禁驪山之徒彼小醜之馮陵固蔓延而滋多逞  
其鴟梟之性鼓其鯨鯢之涛野烟炊断白骨——



丘枯一二秉鈞握樞之佐方留以自固曾莫肯肯焦  
慮而歟圖墨更熬其膏殘兵密于篋虺毒吹熾豺牙  
橫厲黃巾大呼銅馬如蚊戰已及于觀門群工猶候第  
而夜嬉橋山之弓不歸笈陵之盤日出草木為之飲  
血神人于烏憤涕江表藉司馬之靈奉神皇之胤  
值天地之睚刺画江淮而宅崑四海喝々臻響扇影  
咏南音之碩懷芳願觀中吳而昭淑景帝不悔亡淫  
荒是逞金鞭未收于傳舍鉄杖已投于晏寢方採佳  
麗以實椒宮構迎風以連結綺元宰無東山之望牧  
伯非睢陽之擬第折鼠首而蠅營兮恣苞苴而成水

火地折天崩鼓卧旗仆鬼同謀于曹社帝醉錫以秦  
土翳上將之披猖各飛揚而跋扈既主器之沉淪乃  
不耻乎降北單于置酒而長圍截橫江而竟渡立馬  
于吳山之巔射麋于蘓臺之泚羨靖國之捐軀独名  
存而禍酷爰有河橋魏將之符関路田文之客拭玉  
長旃尋盟許国思坐硯于時变亮国仇而莫塞青瓦  
之艦未浮乳燕之舟  
喟魚甲之潛去聞鶴唳而  
不得聞曹空懸浙釣寡色日冉、而虛逝兮思拳  
而弗釋紉冤心以為鑿兮編愁若以為臆奚我逢此  
厄辰兮刻著志之靡適掩柴藿之荒扉兮浮雲惜而



送日服纓纓而推結兮別無亂瓦之與蟪蛄于是胡  
風曉白清笳夜驚控弦洞庭之浦校陣彭蠡之陰餘  
艤烟散

戈既揮于漢卑守無聞于壽春精

衛啣石而遇矢文鯨夜死一而觸兵曩時冠帶衣履  
之俗莫不輸金繒于穹帳謝簪笏于危庭遙瞻巫壘  
目海陵荒臺月窅右榭風平馳鳴春草駱汗芳葵書  
尺灰于秦劫劔已化于豐城若乃金柯霞震璫葉雲  
靡別豔姬于楚幄墜宝玦于城隅悲有雍門之瑟客  
無報韓之錐玉笛碎而人往雉裘委而身糜溘朝露以  
同尺積為怨而難舒至如李陵空幕王衍排墻吊影奪魄

名隕心愴慙鹿尾之刻玉羞鴈足之裂璫求牽犬兮  
故理咏落月兮北梁華榭云覆金穴何常顧白日以  
無色入修夜之不揚若夫二京學士五都游子脫畧  
公卿跌宕文吏驅征馬而不前傷搖風之四起似輕  
絮之颺然類若鱗之失水鬱鬱青霞之奇志独快抑而  
誰語况復君涉江波妾朔交河望子吟而不返兮放子  
去而煩多哀拍留声于文姬新箏寫恨于羅敷紫  
臺夢香江南草枯感別離之万狀淒雨散而烟哀更  
有孤臣危涕烈士墜心死懸馬革血洒乘塵霜張其  
志日貫其精厉節于歲寒守如石之物貞慕稽卞之



遐躅渺翩、而結纓彼闔門之殉死、實鉄中之錚、  
原金陵之始禍、蓋蕭牆之內、起上游、悞楚甲之乘天、  
整遂胡馬之濟十五國之亡、忽焉十六王之宗不祀、  
漢老想司隸之儀、南人望壽皇之址、痛麥秀于穀墟、  
泣山河之異主、朔弓學月、心膽寒、朔刀疑雲、骨  
肉凜、以赴死、殤魂游于鳳凰之臺、鬼火亂于瀟湘之  
渚、蒼雲則七量合圍、海潮則三日不至、歎東舟之已  
膠、何南風之不競、雖復荆有七澤、揚沮三江、魯無  
泃水之捷、屢效石頭之降、河方堅而騎斷、楫未擊而  
雞荒、冤霜暑、落憤水、秋長天之所、廢其何以、昌昔天  
下之一家、倚南東之籬蔽、自付託之庸邪、奉江淮  
而全棄、信辭、御而哀、賦、兮、機入落、而營、著、聊、僧、偈、以  
娛、憂、兮、覲、江南之變態、

補豔骨行 及京

至元初江浙平、草阿魯只班子婦、以乳死、歸骨于其  
鄉、西湖北山僧黃老、老人作豔骨行、事載邵衣、聞臨  
安雜志中、今其辭亡矣、嘉善、及京、補之、留山中、以貽  
好事者、

彩珠天上隊、華月掌上珍、万里陰山雪、一枝瓊樹春、  
陰山直北飛蓬、逐海上、迤東晴沙、蹴烏孫、公主恋玉



門漢家明妃厭金屋麗人獨立寄庖地深閨長卷旃  
裘族名花宝幄白晝寒異香錦幕清夜燭長白山頭  
瑤草暉鴨綠江口蜻蜒飛瀾氏始得得不得秦王求仙  
祠未歸朝辭名王聘莫卻翕侯婚膏髮名璫潤慵珠  
暗袖温門庭設蘭泥壁戶塗椒蕊屏 映于飛憲選  
中連理簫美未離秦鵲填初度水一雙翠羽鳴三五  
金波始翠羽金波夜後朝銀笙錦瑟曉連宵吳宮鬪  
艸吹香佩魏苑彈碁拂画銷千金舞買青衣笈百琲歌  
徵小史妖嬌歌艷舞懽不足握槊藏鈞戲相促填門車馬多  
貴巨綠鞦丹韞座上賓記与容语试公子罷就婦飲真天人  
盈、天街北皎、婺女津一朝甌腸秋風起十萬控  
弦紫電指將軍開府浙江頭夫婿承恩官舍裡携家  
過、入蕭関金僕如抽壁玉弓鳳子冠摇碧條脫尢  
媒鞦媛青連環南園徵书棘西園晏赏闹園中桃李鬪  
春妍湖上清明放鷓天宝马香過烟岫寺錦帆花出  
画橋舡歸來明月蓮花炬醉照華堂燕子窠夢中小  
匕不知愁画裡真、自起糝紅荳新声翻唇栗青琴  
素手辟篁篔磬塵尢女拂照骨戚姬驅黃波賭射嬌  
分鏡蹙翠争驍泥占骰長夏成陰綠樹好瑤階手種  
宜男草侍兒私语记紅潮入月停煎賀房老玉杯金



盤索即持綉圍珠屏不自支水晶齒齒葡萄夜玳瑁  
梧桐摘袖時嗔啼頰怒重聊鳳熊走空相嬌自茲  
卧起如翻水逐令服食同迴飆初就增城館未整政  
君翹冰挑雪汁琉璃餅火枣霞獎琥珀盃西池玉母  
覈仙方南岳夫人降鳳凰車鳳車何歲旌雲璈正香  
冥羸海風冷、聚窟香烟、温明秘器賜東園南方  
楮甲寇浪魚軒雪肪紫錦桃花洞玉匣珠襦青鳥青  
珠照青閣桃花桃浪吊拖箔鴻都道士訪太真上林  
神君見宛若南枝越鳥啼北風代馬嘶紅顏一旦化  
旅魂國俗由來重歸國六丁朝煉形三官夜考魄玉  
棺啟視儼明粧丹唇含笑露幽芳芝焚蕙剪爨蘭新  
鶴取螭飛駕鳳麟鎖子九霄烟磨尼五色露金膏百  
和拾空青錦疊千隼晨宝璐大招遙送塞北山選日  
發引江南路傾城靺鞨足貂蟬導馬貌貅足鼓蕭璽雲  
車洒神灵雨素李花簪士女髻徑梁後徑梁渡梁後  
渡遼山空水歷平野劇帳毳庐扶騎馬已矣哉魂  
歸來雪積晨寄穴冰天夕渡築臺夙姨掩袂慟月姐  
濕纓袞服匿承肌酪留犁荐乳酪珠琲酬送使繒綵  
齋輿臺黃金千百鎰都護跨驄回





東林雜俎義

彤管

孝慈高皇后無子

宮人戴氏書

恭恪惠榮和靖皇貴妃鄭氏

端氏

孺人范氏

何夫人紫金掠

會稽范氏二女

婦人生鬚

安妃姚氏

沈瓊蓮

孝節烈皇后

妙錦皇姑

金滙出妻

項襄毅胡婦

女化男



國家圖書館, NATIONAL CENTRAL LIBRARY, TAIWAN, R.O.C.





貞女節婦解

莖婢再生

張安人拒白花

韓烈婦

秦昭奴

陳氏遺荒詩

吳江張烈婦

錢塘劉氏女

命婦能詩

文婢

義妓陳氏

蘇州義姬

難婦

秦良玉

忠順夫人書

彤管志餘

志怪

技餘

石續

節雲翁種牙方

張雷王八十

牟康民

萬曆末方士

蔡鼎

薄子班

柳敬亭張南坦二傳

土司

雲南

貴州

空玄

佛說

阿羅漢

阿育王舍利子

達磨石像

宋濂前生書華嚴經

佛牙



觀音夢感經

寶金和尚

智慧菩薩

憨山和尚

密雲和尚

僧佛日送雲

像不惹塵

僧誑

神樂觀歲給

桃林老道人

張福

高古峰

道士火遁

荀道人

烟鑒

栖相末路

矯偽

匿喪

豪橫

奢侈

藏經

僧娶妻室

達觀和尚

關頭陀

僧大香反史詩

祖師像

求履僧

張真人印劍

張三丰

道人題壁

馬自然求載通志

呂仙自序

麻城道士

天主教明教附

於炫

貪暴

侵地

點猶

織昔

國家圖書館, NATIONAL CENTRAL LIBRARY, TAIWAN, R.O.C.



偏嗜

凶逆

緯候

五行

子日

制日代日

上巳

火節

市日

天門

風

雀餉

江南二十八景

男產

鷄腹小兒

大明門黑氣

集異

名勝

石經山石經

二郎山石彈

滄蕩

雄日

上戌上丁

立春

黃梅雨

中秋十六日

朔望行香

月

工兩辨

雷

日本小曆

人疴

飛簾

鳳陽鼓樓

金甯山朱書

石鏡山



陰陵山

天台山仙女

玉華山

伏龍山

孔子山

成山

東浮山

銅鼓山

飛來峰

六真洞

燕子巖

鷺公坡

四道三谷

仙人籬

永義鄉

謊粮墩

憂懼石

東陽石

天涯海角石

文石

齊雲山善惡

仙居山蝌蚪篆

雲黃山

玉泉山

太山

青山

羅浮山

金陵岡

回雁峰

燕子洞

七盤坡

楮兜崖

大庾嶺

天花里

仁義鄉

沁雪石

中丞石

望夫石

雙魚石

僧化石



鳳凰石

松花石

石木魚

石田

地鏡水影

甜土

里牛

佛蹟

城郭氣

劉炳文海舟紀程

東林雜俎義集

彤管

孝慈高皇后無子

孝陵亭殿

太祖高皇帝高皇后南向左淑妃李氏

生

懿文皇太子秦愍王晉恭王次皇 妃 氏生

楚王魯王代王郢王齊王谷王唐王伊王潭王又次

皇貴妃 氏生湘王肅王韓王瀋王又次皇貴人

氏生遼王又次皇美人 氏生寧王安王俱東列碩

妃生 成祖文皇帝獨西列見南京太常寺志 孝

闕索石

石簫

石樹

水晶管

五色土

田名

苧蘿村

佛光

古赤壁

鹽官談

遷孺木著

國家圖書館, NATIONAL CENTRAL LIBRARY, TAIWAN, R.O.C.



陵園人俱云 孝慈高皇后無子其如志中而王翕

洲先生最博核其別集同姓諸王表自 懿文 成

祖外秦愍王 撫 晉恭王 桐 周定王 補 俱母 高皇后

楚昭王 損 母昭敬太元妃 胡氏 齊庶人 搏 母定妃 達

氏 潭王 梓 俱 達氏 出趙王 杞 母 氏 魯荒王 檀 母 寧

妃 郭氏 蜀獻王 椿 代簡王 桂 谷庶人 摠 俱母 惠妃 郭

氏 湘獻王 柏 母 順妃 胡氏 肅莊王 撲 母 妃 卽氏 遼

簡王 植 母 妃 韓氏 慶 瑒王 梅 母 妃 余氏 寧獻王

推 母 妃 揚氏 岷莊王 揆 母 妃 周氏 韓憲王 柏 母

妃 周氏 潘簡王 摸 母 貴妃 趙氏 安惠王 摠 母 妃

氏 唐定王 控 母 賢妃 李氏 郭 靖 棟 母 惠妃 劉氏

伊厲王 擢 母 麗妃 葛氏 吾 季 編 諸 書 俱 同 抑 未 攷 南

太常志 耶 享 殿 配 位 出 自 宸 斷 相 傳 必 有 確 據 故 志

之 不 少 諱 而 微 與 玉 牒 牴 牾 誠 不 知 其 解 或 曰 宋 史

杜 太 后 生 世 邑 王 光 濟 太 祖 太 宗 秦 王 廷 美 夔 王 光 贊

而 廷 美 傳 云 母 陳 國 夫 人 耿 氏 非 杜 太 后 也 鴟 鳩 之

德 均 愛 七 子 可 以 知 高 皇 后 矣 而 高 皇 后 無 子

可 諱 他 王 母 以 諸 書 及 太 常 寺 之 志 較 之 多 不 合 楚

魯 代 鄆 齊 谷 唐 伊 潭 九 王 同 母 亦 奇 高 皇 后 遺 履

藏 奉 先 殿 脩 寸 組 雙 鳳 首 級 大 珠 歲 六 月 六 日 曝



之

女官黃惟德南海人洪武廿年選入宮命為司寶初  
名阿妹永樂初賜今名信任蓋隆宣德七年乞骸南  
歸 皇太后命留及為詩賜之皇明列聖御寰宇偉  
烈洪謨冠千古重惟仁化本家邦內廷百職需賢良  
咨爾惟德女中士自少從容知禮義一從應召入皇  
宮夙夜孜々勤乃事昔時黑髮今如霜歲月悠々老  
將至九重聖主天地仁欲使萬物同陽春體茲德意  
賜歸去乃心感激情忻々嶺海迢迢千萬里潞河官  
棹春風裡賜衣宮錦溢光輝親戚相迎人搃喜々爾  
富貴歸故鄉我心念爾恒不忘彩筆題詩意難盡目  
極天南去雁翔其姪女即大學士梁儲母也亦累贈  
至一品夫人同時有葉女官者番禺人少有淑質通  
列女傳洪武廿四年間其孝敬選入宮擢為女官因  
召其父碧山弟祖道詣闕賜宴俱授錦衣衛鎮撫賚  
以幣復其家又有王司絲者番禺人永樂二年選入  
宮為女官時年少權妃方見幸特推同輩之愛固辭  
曰臣妾嫠婦也安敢克下陳哉 上重之從其意司  
絲有文學能詩蓋采昭容之流而持操過之所作宮  
詞至今人猶傳誦



洪武二十年詔選民間淑女入宮分司陳六高陳二  
妹字瑞貞仲裕女也貌端莊而烏入見使並六高事  
陳善六書曉大義精女工嬪嬙皆師事之人稱為女  
中君子二十四年命為司綵賜歸省仍給祿眷甚家  
閨範嚴肅人罕見其面而有司候饋皆辭卻之文  
皇即位以司綵熟知無故召復原職年四十以病終  
于官遣中使護喪歸葬

永樂中賢妃崔氏順妃任氏昭儀李氏婕妤呂氏美人  
崔氏俱朝鮮國王李芳遠所進權妃穆粹善吹玉  
簫見幸永樂八年浚征、還至臨城薨謚恭獻芳遠

驛送妃父永均至食光祿大夫祿尋遣歸正德中卒  
賻賜有嘉白金米布權妃薨時後司綵王氏作宮詞  
瓊花移入大明宮旖旎濃香韻晚風贏得君王留步  
輦玉簫嘹唳月明中蓋指權妃也

### 安妃姚氏

憲廟安妃姚氏嘉興人家貧習緝緝貿市日無忤視  
嘗盥見醜水中日月雲霞五色扇夾侍甚怪之應選  
入宮髮素種、不盈尺登舟過平望一夕髮長委地  
今地名曰八尺後進位安妃生壽王妃弟福圓拜錦  
衣指揮同知子錦孫承勳累歷千戶

嘉興府志

今秀



水太子太保工部尚書姚思仁即姚妣後按宋陸游  
入蜀記過平望二十里曰八尺則前說殊謬且麗人  
之選法必應圖玄夷之髮其光可鑒安事種、為也  
宮人戴氏書

戴氏湯溪人選侍坤寧宮三見御弘治十年太監竇  
某來賂宮人手書寄問母弟安否離別思憶之情凄  
然滿紙令其書其存并有宮中小畫等物

陽溪縣志

### 沈瓊蓮

弘治間女孺士沈瓊蓮字瑩中烏程人寄兄詩疎明  
星斗夜珊、玉貌花容列女官風遮鳳凰天樂近雪  
殘鷓鴣曉樓寒昭儀引駕臨丹宸尚寢薰衣藝紫檀  
肅、六宮懸象魏春風前殿想鳴鸞又宮詞十首  
香霧濛、罩碧窓青燈的、燦銀缸內人何處教吹  
管驚起庭前鶴一雙  
倦把青絨繡紫紗閣針時後卜燈花明朝太后長生  
誕可有思波遍及麼

萱蔻花封小字絨寄声千里落雲帆一春澆不尋芳  
去高疊香羅舊賜衫

天子龍樓瞥見粧芙蓉團殿試羅裳水風涼好向西  
坐專把書經教小王



晚臨鸞鏡整梳粧高髻新興一尺長花影鎖窓人下  
直開籠自放雪衣娘

明窓棊几淨爐薰閑閱仙書小篆文晝永簾垂春寂  
々碧挑花映石描裙

海東青放渡遼烟天上群鸞得自專救諭鷹房高索  
價聖王廿載絕游畋

御柳青々燕子愁萬條齊水弄春柔東風不與閒人  
贈誰去江南

尚儀引見近龍床御筆親題墨瀟香幸得唱名居第  
一沐恩舞蹈謝君王

翠絲蟠袖紫羅襦偷把黃金小帶舒中使傳宣光祿

宴內家學士作新除

右沈氏董毅碧里雜存載其一云送弟溥又誤為周  
氏吳興藝文補載藝文八首

恭恪惠榮和靖皇貴妃鄭氏

鄭貴妃父承憲貧甚以女許孝廉某為妾臨別悲慟  
孝廉聞之遣還不責聘鄭感甚脫隻履予孝廉矢報  
已入宮大得幸念前事忘其名命小璫售隻履于市  
索直若干無應者時孝廉計偕聞而往合其履妃泣  
告於上非若人妾不及執中拂矣亡何孝廉謁選得



善地歷

監運使

張道濬說

貴妃生福王常洵有

如意之愛上書其名於金盒屬妃藏之約他日東宮之徵也辛丑十月皇長子受冊東宮貴妃不憚持盒泣訴上啟之書字俱蝕嘆曰此天也殘卷菴相同說

端氏

天啟初選宮南都以於氏端氏應並入內偶啖麵端氏一箸於氏再箸嬖其續出之於氏尤妍麗

孝節貞肅淵恭莊毅烈皇后周氏

周皇后父奎寓京師奎微時寄食為人筦庫元配生子繼繼丁氏生子某一及后後廢中宮以鑑從長不

許初信王選婚終安布素雖得袷服念其父貧輒

資之初不意閔睢之咏也既信卽入正大位后生東

宮及定主貴妃田氏生永王悼靈王貴妃漸寵謀奪

嫡一日永和宮婢於金後猊下誤觸定王田氏

居永和宮中宮弗善也上嘗召貴妃一例御鳳輿小

璫昇之是日昇以宮婢上問故曰小璫多恣肆無狀

問其實曰聞坤寧宮小璫狎宮婢故遠之耳上色動

即搜其處大得狎具蓋宮人各侶其璫所謂對兒也

上驟怒立謹諸小璫司禮太監請少寬之如三

殿下何小璫某年十八美姿制時傳中宮命於外家



幸不值中宮因懟恨成疾嘔血有老宮人謂曰田氏  
宮中獨無對兒乎亦可搜也果大得狎其上疑始釋  
都督田弘遇聞之大恐嗾貴妃上章引咎上意解令  
省警例閉中門從旁出且以章示中宮示無嫌也其  
章出御史湖南劉興祥筆蓋弘遇所囑云貴妃省警  
亦屢矣壬午貴妃薨明春弘遇進其少女年十三見  
寵欲即進封司禮太監某言貴妃以選入非外進也  
乃止賜珠簾等有差亂後走天津珠簾猶存今為朝  
士某妾

崇禎庚辰上因皇五子之變特命各郡縣崇祀九天

仙母廟

以上俱宮闈

孺人范氏

臨江府志范氏清江人博通經史洪武初召為女史  
授孺人為宮中姆師一日高皇問前代何后最賢  
家法何代最正對曰惟趙宋諸后多賢家法最正命  
錄進更誦聽之凡降內制多范為定詔賜歸老於家

翁氏女女師

晉江御史翁慶巡按四川不避權貴又勅往武夷山  
獻玄武神眼珠賜一品服亡何坐累下獄慶無子長



女詣闕上書請代 仁孝皇后召入宮留之三月為  
宮中女師人以比緹縈

林淑圓

莆田林淑圓按察使林時之女時觀政刑部坐累下  
獄發北京營建淑圓年七歲擊登聞鼓訴冤仁廟監  
國矜其幼飯之釋時從任陝西封左臂和粥愈母疾  
長嫁西安左衛指揮使費銘年七十

妙錦皇姑

徐中山達第三女妙錦 文皇帝欲娶為繼后女不  
可因不嫁人為尼嘗論革除事謂建文君嘗坐殿上  
以待燕王至苟不讓則死之何必自焚竄每語遜國  
事未嘗不痛哭也

玄君

正一真人張氏母妻封玄君

何夫人紫金掠

左軍左都督何文輝夫人豐氏常入內呼為媳婦賜  
紫金掠一个玉響杯一隻玉掠髮釵一副至今為家  
寶紫金掠溫潤水蛇毒將此掠水解毒點記文輝子  
儀衛指揮使

郭真順



郭真順潮陽人遭周伯玉明初官兵下嶺南指揮俞  
良輔征諸寨未下者伯玉居溪頭寨真順遮道上詩  
良輔曰將軍開國之武臣早附鳳翼攀龍鱗烟雲慘  
淡蔽九野半在捧出扶桑輪前年領兵下南粵眼底  
群雄盡流血馬蹄帶得淮河水洒向江南作晴雪潮  
陽僻在南海濱十載不斷干戈塵客星移處萬里外  
天子亦念遐方民將軍高名邁千古五千健兒猛如  
虎輕裘緩轡踏地來不減襄陽晉羊祜此時特奉明  
主恩金印斗大龜龍文大開藩衛制方面期以忠義  
酬明君宣威布德民大悅把菜一莖誰能奪黃犢春  
耕萬壑雲霓龍夜卧千秋月去歲壺陽戍守時下車  
愛民如愛兒壺山蒼々壺水碧 至今歌咏之欲  
為將軍紀勒績天家自有麒麟筆願為壺民歌太平  
磨崖勒畫韓山石良輔覽大悅一寨得全

### 金澆出妻

戶部尚書金澆妻董氏永樂七年妻先董英暇其在  
李譜書盜其家物浚澆 知搜得出官械英決斷妻  
亦遣嫁

### 會稽范氏二女

會稽范氏二女居賀家湖正統七年生好讀書姊適



江氏匝月而寡次許傳氏傳天二女并志別業垣園  
其室并田十畝種獲有時父率傭以入否則閉戶相  
對引溝灌田凡三十年共卜塋止水墩以遺產祠之  
今過者道穢輒得祟 會稽縣志

### 項襄毅胡婦

項襄毅大司馬 忠 初以刑部員外郎從駕土木陷  
中飼馬與胡婦善扶而南走四晝夜食盡胡婦度不  
西活乃併糧自殺項得入宣府後祀婦家廟

### 婦人生鬚

弘治六年五月應山人張本華婦崔氏生鬚長三寸  
見寶錄

嘉靖癸丑青浦黓黓鎮有婦人忽生髭鬚時縣差以  
事攝其夫茂壁間窺之以為男也夫亦無獲携婦以  
赴邑市聚觀甚衆明年遂有倭變 青浦縣志

萬曆二十一年嘉興包彥平館華亭余塘宋氏其鄰  
侍姬鬚長五六寸二十餘莖時年六十自三十三歲  
始生鬚拔去仍出至五十歲而止 包彥平集

### 女化男

正德七年平涼府太平橋下女子高四姐櫛予故廬  
居化為男子生鬚名高雷今六十餘有二子 趙時春



崇禎戊辰華亭莫氏女化為男子遂儒服裹中庚午  
嘉興屠用明見於陳眉公座上既去眉公指之曰此  
即莫氏女變男者

貞女節婦解

靜寧州曹氏聘於王守仁未嫁而守仁死曹氏聞之  
慟哭不食遂縊死趙中丞時春駁曰在家從父女與  
未婚之夫胡死哉自經溝瀆耳作貞女節婦解未娶  
曰士未嫁曰女納采女家受之氏名通焉曰聘未有  
夫婦也士奠雁女家受之父命之東家母命之惟庶  
母及門內施鞶申之以父母之命姆奉登車士御輪  
焉先婦而待諸里門至則揖以入共牢而食合卺而  
醕成婚禮焉故曰夫婦始易士女之名也婚昏也陰  
陽交際之時人道取焉是同生死故婦從一而終曰  
節也聘而未嫁非婚也女非婦也待姆而行、不踰  
閭以順父母故曰貞、者順正而固也女德也故婚  
姻之禮不脩則貞女不行、則非貞矣士未迎父母  
未命姆弗待也而奔以哭士而事其親於律無服而  
強持服闋哀生於情、生於禮此之何禮而於士何  
情也不脩禮而行謂之奔褒奔婦則逆義違親命則



傷孝是宜為國大禁今取之而占節婦同論甚非禮也故曰大不可

按浚谷先生持論太苛予傷曹氏之志語曰陷水可脫陷文不活特錄其文以告淑媛母伴曹氏重枉也

### 葬婢再生

嘉靖初南充劉氏婢么女父嬖之母妬臨葬推入之三年後葬母開穴么女伏棺上不死出言與其父處如恒時若夢中無少苦

### 張安人拒白花

泉州張守化贈君婦陳安人卒棺之前和發白花重樓數朶高大可半尺香如蓮

### 韓烈婦

萬曆庚寅五月癸亥德州韓承業婦王氏殉節初承業沒戊子孟夏誓殉之七日不食姑強之食糜遂絕鹽茹每晨哭燃香誦佛不絕聲居二載忽治葬留偈几上趺坐室左戒人無近俄口出火下垂色白如輕雲鼻流玉箸良久火遍體金色焰至數丈光達數十里而香火盡遺骨如生所坐土結蓮花千朶事聞撫按為立祠表門

### 秦昭奴



定遠合肥間有亭曰響道旅店之東房萬曆末秦昭  
奴題詩二首序曰妾本燕人初依表兄李內官處撫  
育教訓頗習詩史年十八嫁為江南士人側室雖愛  
有所鍾而分制於嫡春燈秋月獨宿多愁長途旅館  
孤衾更慘夜深滴淚和墨成吟亦以寫斯幽怨云爾  
逐日一程又一程風沙拂面鬢雲輕鴛鴦有伴非吾  
伴愁向孤衾數漏聲 其一 日長途馬上塵雀人薄  
命怨青春小星千古稱賢淑坐對寒衾淚滿巾 其二  
後書秦昭奴記時某年月日也跋曰昔王昭君遭胡  
曹大家能文而寡妾文不逮曹而境未遇胡而有夫  
無夫咫尺胡越意頗似之用取小字以識深愁後之  
文人君子倘憐而表章之君施恩不酬妾感且不朽  
昭奴又記 熊人霖南榮集

陳氏遣荒詩

萬曆戊子金陵嫠婦陳氏作遣荒詩年來水旱作災  
屯疾疫家盡掩門兒女莫嫌全食粥眼前不死亦  
天恩

吳江張烈婦

吳江諸生張士柏娶沙溪陳俊女士柏夭遺女三歲  
其兄士松利婦產以鄉人徐洪義子張程字之婦不



聽乙亥十二月既朔群黨夜突入脅婦往死拒之不  
克士柏從孫女故適徐氏因迎於家越六日陳訴縣  
侯德清章日灼日灼杖其媒徐義以婦爭之強刑其  
指拳曲不受遂圍婦謂在徐洪宅連夕無可白也已  
婦出獄忿甚丙子三月訴按臺不得理四月既朔訴  
離臺於松江離臺欲下吳江令婦計迫即自刎郡人  
義之厝東禪寺旁道祭相望日灼竟憂死徐洪等各  
伏罪

### 錢塘劉氏女

錢塘江滸劉元輔女字諸生吳嘉諫未行年十九夜  
嘗度簫隣人張阿官故亡賴聞聲依和又偵女貌夜  
躍上樓穴窓逼女、大呼賊元輔驚起繫阿官髡之  
未及旦阿官兄子養忠知其故糾黨斬門且鳴金號  
於衆曰元輔實以女張而又穿之女聞之大恚自經  
訟於郡守光山劉夢讓而阿官謀於訟師丁玉蘭賂  
元輔以女承污則罪不死郡守疑之陰訪其女故潔  
得元輔私狀阿官論如律初嘉諫弔其女剃眉投盂  
水中不散謂焉子也拊屍大恸而丁玉蘭忽白晝見  
女自搏叩頭立死上虞倪尚書元潞傳劉氏不言善

### 命婦能詩



福清林鴻官饒部郎中婦朱氏能詩嘗作詩勗鴻年十九卒鴻終身不娶

仁和陳德懿南康守敏政女適都御史李昂通達往典尤工詩詞有集四卷

當塗鄧賚貞國子監丞濮婦封孺人博學能詩有士齋集三卷子韶弘治丙辰進士官編修

仁和楊文纒工部員外郎應獬女為餘姚孫陞繼室能詩子鉷編修蒲封夫人詩稿附文恪公集行世

### 武定橋烈婦

永樂初誅建文遺臣以妻女發教坊配象奴有一婦題詩帶間赴武定橋河死詩曰不忍將身配象奴手提麥飯祭亡夫今朝武定橋頭死要使清風滿帝都或云此松間謝氏婦也

華亭王鳳嫻進士張本嘉妻本嘉知宜春卒官艱辛自誓撫其子女間舉子鄉為懷慶同知封孺人有焚餘草燹燕道晉行世

上元倪岳家宰婦氏有集

翰林陳沂繼室馬間卿能詩書法蘇長公善山水白描橫幅年近八旬不廢吟咏有芝居集

楚女畹蘭和新嘉驛女子詩二首驛舍題詩今尚存



斷烟荒草鎖重門多情況有千秋月夜、墻頭照墨  
痕一 碎壁沉珠最可憐墻頭題恨墨猶鮮妖魂欲問  
歸何處不化鴛鴦化杜鵑 二

鄆縣陳東官河南提李副使婦董氏少宰紀之女能  
詩凡后岡稿成轉共評定今董氏詩不傳

吳江沈宜修字宛君副使沈琬之女工部郎中葉紹  
袁妻生三女其仲季蕙綢小鸞並工文墨中庭之咏  
不減謝家嬌女之篇有適左氏二女並未字而矢宜  
修亦早世紹袁彙所著曰午夢堂集行世

吳縣范允臨官福建叅議婦涂媛字小淑工詩文有  
絡緯集

三水文氏翔鳳之姊遠葛 有君子亭詩賦三百餘  
首手抄書六十卷少寡自誓作九騷九篇詞誦典雅  
稱其風烈

三水文翔鳳婦武氏粗識字翔鳳稱其能詩有文武  
合刻武恭人後繼鄭氏翔鳳齒踰艾婚夕翔鳳大書  
顛鸞倒鳳於室中鄭氏能詩甲戌翔鳳得風疾壬午  
春卒甲申鄭氏事李自成今沒入范文程家

麻城王銍龍御史鳳韶女適劉守蒙十一年守蒙矢  
忍死事姑誓不踰閭父疾篤欲見之不歸寧也少讀



書過目輒誦老而詩益工年七十九日不見字猶使  
甥輩讀書坐側聽之李贄侶龍潭庵高談佛乘風動  
四方銜龍獨不往欲索寸札酬荅亦不許其春日詩  
挑花暮雨烟中閣燕子春風月下樓出閨永夜燈前  
泪孤枕頻年夢裡愁秋月詩霜飛衾薄紅綿冷雲歛  
天高綠樹寒病起詩對鏡面黃如菜色看書目眩似  
花生

海寧朱淑貞尚室鄉祚之女適周濟官光澤教諭幼  
聰穎博極群書年八十卒有靜庵集十卷

相城張秉文官山東布政司婦方孟式字如耀能詩  
庶辰濟南臨秉文死之孟室投池中以殉少讀書有  
婦德有紉蘭閣前後集八卷

鄞縣金文貞適王  
子登進士官副都御史封太  
淑人有蘭庄詩集

漳浦黃道周官禮部尚書婦  
氏工文翰

朝邑屈安人適韓邦靖詩文唱和如良友邦靖早世  
安人後十四年而沒有女異上書康海乞叙其母詩  
從之

### 女士

太倉薄少君庠生沈承婁承有雋才而夭少君哭詩



百首踰年值忘辰耐酒一慟而絕

天台貢士裴致忠妻潘氏涕碧天道人有碧天稿其  
題批源洞曰千年老樹萬年山洞口仙娥自玉顏劉  
阮當時那得見浪傳浮跡在人間一天接青山路萬  
重仙家洞口白雲通聽殘一夜溪頭雨流出桃花幾  
片紅二

黃安人遂寧人尚書珂之女為修撰楊慎繼室慎戍  
滇南博通經史工筆札携之戍滇南後慎奔父喪安  
人留于蜀應家政閨門肅貌詩不多作慎有詩答婦  
又別和三詞皆不及也

寄夫詩

雁詩曾不到衡陽錦字何由寄永昌三春花柳妾薄  
命六詔風烟君斷腸日歸日歸愁歲暮其雨其雨怨  
朝陽相聞空有力環約何日金鷄下夜郎

黃鶯兒詞

積雨釀春寒見繁花樹、殘泥塗滿眼登臨倦江流  
幾灣雲山幾盡天涯極目空腸斷寄書誰無情征雁  
飛不到滇南

劉雪瓊山西臨縣人孝廉趙紹之妻有水雲居詩自  
署曰籬石搵花居士



莆田黃幼藻字漢宮蘇州同知儀之女適林恭卿沉  
靜知禮易沒竭力奉姑所居不蔽風雨近歲罕雨年  
三十九所著有柳絮編

蘭溪舒大猷萬曆  
筆書字落紅滿楮

貢士婦陸靜專工小詞以脂

閩縣儒士鄭坦妻節於字德和坦卒刺雙耳自誓詔  
旌其門萬曆中嗣子雲錫貴贈宜人有風教錄

山陰王素娥能詩文善女紅適胡節、死于燕娥誓  
無他志年四十一卒

陸卿子吳人尚室御師道之女適太倉趙宦光宦光

棄家廬墓與卿子偕隱寒山卿子能詩文有雲卧閣  
考槃玄芝諸集

李玉英錦衣千戶李英女父死弟承祖幼繼母焦氏  
有子謀奪廢毒殺承祖出其妹桂英而誣玉英以姦  
指其送春別燕二詩為証論死玉英奏辨 世宗察  
其枉得釋

### 文侍

吳人陳寬孟賢侍姬曰梅花居士掌文墨

華亭王一鵬訓導善畫居泖上俱侍姬供筆墨

直閣尚書

張天駿有青衣

善書



金陵史忠虞翁侍姬何玉仙能書繪解音律號白雲道人

閩人周玉簫武弁方輿妾與上議撫紅夷忤大帥係獄七年遣玉簫玉簫誓死不去及爭解詣闕遇國變又不得歸玉簫感慕痛沒有詩一百三十首行世

妬內

都督蕭如董夫人楊氏才而妬無子不容納蓮如董與長安張生善言及嗣息悵然曰吾殆絕矣張曰將軍當置別館於此送之果得子補諸生娶婦楊夫人尚不知也

義妓陳氏

萬曆乙卯楚掾某狎姑蘇妓陳氏傾索姆厭之陳私留掾身托疾他避求里中豪貸掾得嫁之而所携索頗饒竟不累掾也歸楚後同掾謁選北道鄱陽湖同舟徽人窺陳色藝間許掾千金掾以情告陳，嘆曰君裝薄果進其千金可耳俄千金具別掾更鑿徽人舟望掾帆發漸不復見拊膺嗟喟投水死明年掾還渡湖中感陳設祭俄風晦舟沒

蘇州義姬

蘇州姬某乙酉國變語所善客以死事俱狎笑之中



秋買棹召客泛太湖皎月空明鷓鴣首甚遠忽顧影  
感嘆置觴投深流處不及救

難婦

不盡悲蛾向碧紗誰道馬上撥琵琶驛亭空有歸家  
夢驚破啼聲是夜第一日、牛車道路賒偏身塵土  
向天涯不因薄命生多恨青塚啼鶴怨漢家二驚傳  
縣吏點名頻一、分明漢語真世上無如男子好看  
他髡走也驕人三後跋云吳中羈婦趙雪華題在郟  
城縣李家庄旗亭壁間  
宮人廣陵張氏通崇德縣石門鎮題壁四首或云投  
河死身隨劫數送奴愁聽胡笳聲可哀柔腸已是  
如針刺况值蕭、夜雨來一淚闌日、鸞鳳忽被  
干戈出盡堂前質那經羅帶口可憐魂夢繞家鄉二  
繡鞋脫却換宮靴女為男粧實可嗟扶上玉鞍愁不  
穩泪痕空逐馬蹄踪三  
野店來憐我故鄉生死別花枝已向別園栽四  
妾本武陵女也所逢不淑再罹干戈臘月甚寒挾之  
北上終日坐破車中噀、筋骨欲脫寒風慘烈塵沙  
眯目塞馬悲鳴淒其欲絕真蔡琰車中明妃馬上所  
不能彷彿者幾欲自經念妾本良家流落至此曾每



魏里曹生訂終身交子顧才士必不棄予死之無名  
何如忍以相待已復念此乃又強食偶送將士閱省  
錄知曹郎已鄉薦旦夕公車至此恐謂妾已死遂爾  
捐棄故乘暇竊書此詩令知薄命妾猶然西湖月下  
心也嘗妾與曹郎晤時六橋明月十里湖山澄波渺  
然萬籟蕭寂妾吹簫忽悲泣曹郎奉酒灑天曰勿憂  
終當貯汝以金屋妾改顏謝曰無媒妁何以先是曹  
郎嘗懷一扇妾甚愛其扇上詩為桐山方生名玄成  
者作有云蒼壁倚千尋空江自古今浪翻丹 合廟  
枕碧流深茅句妾賞其北京高逸是時曹郎即出此  
扇曰汝佳此人詩此人吾好友海內名士即以為媒  
妁可乎妾拜受之至今數淚死不去袖中又聞此生  
亦登鄉薦倘曹郎不及見此萬一桐山生寓目焉謂  
妾尚存亦不負當日以齊長公待先生意也西湖薄  
妹宋娟和泪書 風動空江羯鼓催降旗飄颻鳳城  
開將軍戰死君王繫薄命紅顏馬上來 一廣陌塵沙  
滿鬢鴉北風吹雨落鉛華可憐明月堂篔引几度穹  
廬伴暮笳 二春風如繡綺如烟良夜知心昼閣眠今  
日相思渾如夢美來可恨是蒼天 三盈 十五破瓜  
初也作明妃別故廬誰散千金效孟德鑲黃旗下贖



文妹四南莊勝處妾常憶借問軒車早晚遊美景難  
忘竹廊下好風爭奈柳橋頭五冰消見水多于地雪  
霽看山盡入樓若待春深始同賞鶯殘花落却堪愁  
六妾命如朔風飄然振落葉不入卽羅幃乃逐塵沙  
陌妾本良家兒流落平康劫十三上秦箏十五好筆  
墨樽前柔歌声泪濕江州褶人謂妾顏好妾謂多生  
孽武林遇曹卽心知不徒說忽爾天地崩遂令山川  
別一為俗子羈再為干戈泄噫、大車中塵土滿鬢  
髻又犄那一羊裘斂肌冷如鐵畫則強歡笑夜則潛  
哽咽誰為文姬哀文姬犹返闕誰為明妃怨枕得封  
馬鬣而我薄命人終當染燐血所不卽就死心為曹  
卽結曹卽爾多情豈忘西湖月曹卽爾多智豈不諒  
我節曹卽爾任俠忍妾妾虎穴曹卽爾多交、豈無  
豪傑媒妁扇上詩顛沛不忍徹忍死一相待悲酸難  
再說人聞桐山生風流當世傑爾既善曹卽何不一  
救妾丙戌秋金華陷婦某俘入杭州行營庚寅六  
月其夫跡之以五十金贖不許遞至百五十金終不  
許婦凝泪語其夫曰第藏其金天下多好婦何我為  
其人益至二百金終不許婦某間引刀自刎營卒怒  
剖腹搗其陰俄雷震死



新樂縣南閭旅壁題曰妾本淮上弱質僻隨而無心  
戊子遭兵變滿之狂丈夫以我北去壬辰後扶我南  
征過此偶遇之子盱衡之間情溢于露氣出于蘭鳴  
呼此誰氏之美也嗟余薄命感而賦此 北去南來  
空自猜編愁為 几時反妾心最慕漢天子自將單  
于不敢來一造次相逢若有私目成那復畏人知胸  
中歷々不然事可得懸床說與伊 二

冬兒

良鄉妓冬兒善南曲入外戚左都督田弘遇家弘遇  
卒都督劉澤清購得之以教諸少四十餘人其最姝  
麗者登兒也甲申澤清欲傾二王存否冬兒請身往  
田氏援之遂男飾而北知二王已絕遂南澤清鎮淮  
安書佐某無罪殺之收其妻澤清降北攝政王贈宮  
女三人皆嘗御者澤清不辭而嬖之亡何內一人告  
變攝政王錄其家及所奪書佐之婦澤清供書佐有  
罪故殺之婦明其非罪且云澤清私居冠角中謂事  
若迫不如反耳澤清誅冬兒下刑部尚書湯 睿飲  
澤清所侑酒故識冬兒因曰爾非劉家人遂免籍更  
嫁吳駿公作臨淮老妓行臨淮將軍擅開府不闔身  
強鬪歌舞白骨何如棄戰場青城已是成灰土老大



猶存一伎師拓枝記得開元譜  
終嚙輕喉便泪流樽前訴出飄零苦  
妾是劉家舊主謳冬兒小字唱梁州  
翻新水調教桃葉撥定鴟結授莫愁  
武安當日誇聲妓  
杜娘絕藝傾時世  
戚里迎歸金犢車  
後來轉入臨淮第  
臨淮游侠起山東  
帳下銀箏小隊紅  
巧弄射棚分畫的  
濃粧球仗簇花叢  
縱若房老腰肢在  
若論軍容粉黛工  
羊侃侍兒能走馬  
李波小妹解彎弓  
錦帶輕衫嬌結束  
城南挾彈貪馳逐  
忽聞京闕起黃塵  
殺氣奔騰滿川陸  
探驕誰能來薊門  
空聞千里追風足  
消息無憑訪西宮  
兒家出入金張屋  
請為將軍走故都  
一鞭夜渡黃河宿  
暗穿敵壘過侯家  
妓臺似訝詞絲竹  
祿山裨將帶弓刀  
醉擁如花念奴曲  
倉卒逢人問二王  
武安妻子相持哭  
薰天貴勢依椒房  
不為君王收骨肉  
翻身上馬過南兵  
迢駐淮陰正拔營  
寶劍幾曾求死士  
明珠還欲致傾城  
男兒作健酣杯酒  
女子無愁出曼聲  
可憐西風怒吹折  
山陽樹將軍自撤沿淮戍  
不惜黃金燬海師  
而施一舸東南避  
奔壽急浪大於山  
張帆換舵無歸處  
重來海口豎降幡  
全家北遁長淮去  
長淮一去幾時還  
誤作王侯第  
看拔者到門停奏伎  
蕭條西市嘆南冠  
老婦今年頭總白



淒涼閱盡興亡迹已見秋槐落故宮  
又看春草生南陌依然絲管對東風  
坐中尚識當時客金谷田園化作塵  
綠珠子第更無人相憐只有樓頭月  
長笛聲  
欲斷魂

秦良玉

山陰朱燮元總督雲貴川廣石柱宣撫司女土官秦良玉雅度侃議儻從俱美少年朱公子壽宜訪之酒間微諷良玉咲引南來山陰公主云陛下後宮百數妾惟駙馬一人以答

良玉屢勸兵討逆天啟辛酉永寧宣撫司使奢崇明叛據重慶厚遺良玉求助良玉斬其使提兵進攻多斬獲

忠順夫人書

萬曆千九年七月六日欽封忠順夫人即三娘子上經畧總督鄭洛書曰蒙差通官韓大友等齎書到帳分付我輩知之回套之事我恨不能即連登程奈因頭畜疲弱不能起身每想老夫人宣大督鎮之日曾受無窮恩典時刻思念惟天可表因沱河失事一節實首反背皇上洪恩有負大人擡率將華夷大事一日有失幸蒙老大人枉駕河西多承俯就其事乃



不幸中之幸也今蒙老夫人書諭由扁都經過奈恐  
懼漢唐生事彼此壞名節本上會同吉囊由肅州邊  
外於川底行走已差人稟知四月起身我思肅州邊  
外路途遙遠况老夫人在彼多有勞苦意要從鎮羌  
經過耻愧不敢開言如肯憐憫暗賜一音我自為主  
意彼此方便我目前西海之地因為失事致將我自  
愧未敢計些項之物今備絲銀十兩万望老夫人神  
力轉買各色梭布八十匹茶篋八斗白綾汗巾五十  
方硃砂二兩硫黃煬硝四兩砂礪十個涼扇十把書  
柬紙一百張若肯賜發我世世不敢有忘謹具此啟  
再拜又銀六兩買梭布十匹餘銀買茶大廟堂鄭老  
先生大人臺下

彤管志餘

彤管自宮闈淑媛外無可述矣義妓難婦非法也蓋  
傷其志閤其遇耳豈足語風教哉更有流聞似不欲  
棄併附之以資嗚喙

嘉興某善射道山東遇女子單騎行却接其矢反射  
之者三女子呼曰君無相若當下馬少有所語曰  
吾閨人多矣願事君奉箕帚某逆之挈婦作孟子湖  
慕容久之入燕不返沈天生比部嘗識其人



甲申九月友人趙昌齡出杭之滂金門至剡園見題  
壁云芙蓉花發蒲堤紅畫道芙蓉勝妾容昨日多從  
湖上過行人何不看芙蓉

金陵卞荆璞同女寓武陵西湖上作西湖過雨詩重  
雲負我買名湖博得蒼烟入畫圖柳去六橋春色斷  
雨來三竺遠山無滄桑變換塵歌歇人事淒涼風月  
孤我欲才情寄蘇小西陵珍重舊時鑪荆璞能書咏  
第其人不足道見于寄情蘇小矣

志怪

萬曆庚寅山西隰州有民婦居山中日汲澗水忽聞  
鳥呼曰山要開山要開日呼於耳婦不以為異一日  
飛集肩上而呼婦歸告其夫曰明日若呼當應之  
曰開便了果呼果應山旋崩出藏經一部皆宋歲繕  
寫者卷末書與因村吳國院造紙墨如新聞諸有司  
散各名山構李王大同等朝五臺亦隨往捧誦而歸

魏文紳

沙縣魏文紳官知縣善禱雨其術用大蝦蟆一隻作  
火字四十九道納之腹中立壇瘞之山上三日向雨  
至暴雨震電雨罷於瘞所失蝦蟆所在但不敢嘗試  
一日即龍硤立壇二日後大雷雨天明視之前池水



皆涸魚無大小各剖為二文紳懼逆不沒試

技餘

石續

東昌其宦牡丹下噴；有聲坎之得物日焚；不食  
而息曹縣石續曰此視內古帝王墓中物壙氣見矣  
亡何某公卒究戴守錢某毀壇城壩淫祠像臂流血  
駭之續曰蝙蝠血也時仲冬搜得數斗

曹果志

節雲翁種牙方



國家圖書館, NATIONAL CENTRAL LIBRARY, TAIWAN, R.O.C.



嘉靖間閩縣節雲翁遇異人得種牙方患者飽食後  
吞藥七丸復漱末藥湯諸牙立下以生鼠去皮和藥  
搗爛依牙之序逐枚蘸鼠種於原孔至死堅如少壯  
或老人牙脫以他牙種之亦如生成

張雷王八十

沁水張雷操術甚秘嘗元夕同友觀燈揚州旦即還  
舍暑行求瓜濟渴主人不出袖出碎紙俄大鬼相逐  
斫其蔓主人大悔則辟大鬼於袖瓜蔓如初後遇蛇  
當徑方呪徑蛇宛轉間瓜角俱出長十餘丈雷擊立  
死恃術不戒觸忌神物也

王八十善召鬼能攝肴酒待客已未嘗沾也或夜致  
麗人如李夫人帳中所見予之即滅沒所經墟墓言  
逝者貌飾俱令文某求其術約齋三日俄私脯方符  
呪被雷震裸灼雪中以友誤我几謹死卒亡子  
沁水  
縣志

牟康民

內江牟康民少年抱異術不知所從授方曆唐申正  
月投牒於巡按御史黃破吳之碑云明年辛酉九月  
蜀變方作方伯朱公能平之今聞其入賀万壽乞留  
任待極以極我西人其另擇賣捧者方伯朱公益在



轄山陰燮元也之皞故好數享年十四補諸生高等  
累奉不第泛豫章術士游年四十五聯弟至是覽牒  
而異之方伯當入賀見之皞於夔州勉留之不得益  
朱母夫人明年八十便道無壽也之皞嘆曰蜀人無  
福請後期朱曰今秋入賀訖因歸省明年正月進觴  
三月當看花錦城矣之皞許之瀕別以此馭是望明  
年春朱轉左轄赴蜀出黃陂訪之皞里第時之皞按  
蜀坡過其里餞朱於郊出康民所投牒授之曰事甚  
異君至蜀當物色其人而朱未即信迨九月重慶之  
變亟遣司掾劉養鯤武聲華馳訪康民山中距內江  
邑三十里郊舍三楹不受徵第曰有朱使君在何患  
成都百日之圍可堅守也及圍解又徵之辭曰年生  
不足今朝人凡警輒叩輒驗朱進也撫浚憂去己巳  
三月拜總督之命開府黔中康民先寄札云使君重  
蒞黔蜀誠地方之幸八月安奢俱請從此造福十年  
但乙丙年罡星正照燕都仲冬金人內入畿南白骨  
如麻天下漸擾又云燕京旺氣已盡戊寅入大劫倥  
惚三十五年民不聊生丙子十月又札云康民心已  
厭凡世遠遁深山不浚再候明年丁丑八月使君刻  
度不淮當乞休綠野以保餘齡否則戊寅之春將返



撲還真耳少師疾跡康民不知所徃先是地撫劉漢  
儒李使何閏中招康民署中補諸生藁食日長卧語  
多不效乃放歸康民自稱又采子所著兵機纂等書

萬曆末方士

孝感程雲閣大司空註云萬曆末倭方士京師言萬  
曆當四十八年泰昌一年天啟七年崇禎十八年甲  
申夏程始述於人第疑崇禎差一美明年五月弘光  
皇帝出奔甲午都人推立王之明云故東宮也教封  
中城獄神為王仍稱崇禎十八年事尤奇

蔡鼎

矣

矣言在下頁以故柳汝學張至垣二信又以此故亦可呼為善身不亦教

國家圖書館, NATIONAL CENTRAL LIBRARY, TAIPEIN, R.O.C.



永春蔡鼎無能諸生也好孝坊著坊蔡等書博通象  
緯來長安出入塞上為大司馬幕府客然不能用也  
既久之乃南還其友人南雄推官泗州黃廷才於壬  
午預廣東秋闈語同事羅定知州上海包爾庚曰閩  
人蔡鼎近言崇禎曆不十八年國運中絕其怪妄如  
此時並嘆之明年癸未秋鼎游金華時金華令江陰  
徐調元合樂饗之演浣沙傳奇見勾踐青衣渡江鼎  
輒哭徐令慰藉曰戲耳先生毋自苦鼎曰事即見之  
矣欲求青衣渡江可復得哉奉族北轅今日之泪殊  
不能禁徐令退後以請鼎曰予燕中望氣三年氣且



竭昨歲宿蘆溝橋三夕諦觀天象竟無可為洒泣去  
之金陵有王者氣揚州鎮江多氛祲蘇常杭嘉等耳  
金華禍在不日恐千人不足殄也徐公私詫異之居  
無亡東陽許都

減數十人明年燕災又明

年災始追憶其言

長明說

薄子狂

矣入薄子狂性敏悟書不再閱能縱橫成文嘗意製  
木童令司啟閉奉客盤匹靈動如生共議北方屯田  
田不必開井但相土高下去沙五尺置乾草仍覆以  
土經日啟視其燥濕探水脉開池以省利倍屯政奉

空玄 附天主教

佛蛻

釋迦佛真身在錫蘭山國

無量壽佛真身在廣西全州

吳康僧會真身在海鹽金粟山寺明初移南京天界  
寺

梁番僧智藥三藏真身在韶州月華寺

唐長丘和尚真身在錢塘西山法相寺

湘潭縣湘山有唐僧真骸至今存土人祠禱輒應 顧  
麟息園存稿



阿羅漢

真臘國天竺僧僑陳如自西域來主其國至其酋姓  
斜科名賢多思那者目漸強盛嘉共嚴從簡殊域周  
咨錄曰杭州淨慈寺裝羅漢像五百以僑陳如為首  
今觀陳如特夷狄之主耳但教人事佛實非所謂白  
晝昇天降龍伏帝有諸佛靈異者也今乃崇奉香火  
以為尊神則其誕漠可知矣

目連石塔

永年縣城二十里目連村有寺一小石塔為目連和  
尚墓

阿育王舍利

鄆縣西五十里鄆山晉太康二年沙門慧遠感從地  
涌出阿育王塔其狀青色似石非石高一尺四寸廣  
七寸露盤五層四角挺然中懸金色小鐘不盈三寸  
舍利綴於鐘下圓轉不定其光搖曳若即若離隨人  
隱見繞塔四周但是鏤空諸佛菩薩金剛聖僧八部  
等像神王聖蹟非人力所及梁武帝造木塔籠之今  
名廣利寺萬曆丙子平湖陸家宰光祚瞻禮初見舍  
利大如芡實已如彈丸已大如瓜最後大如車輪五  
色變幻光彩射目壬子泰和郭孔泰孔陵瞻禮舍利



初現若黍米已如莛如蓮子同觀者或見如新麥兩  
角垂綠、綴以北珠或見如葡萄色或見如批瓣或  
見如金蓮花瑞相種、不一又秀水朱侍郎大啟禮  
拜見如菜豆許色熒、如水晶踰頃忽微紅色次早  
諦觀之無有也弘光初奸僧竊舍利去今綴以珠無  
異

### 達磨石像

嵩縣少林寺達磨面壁處崑山魏恭簡校督學河南  
以面壁石兩影石不同謂其妄命登封令侯泰鑿之  
今影石如故雖鑿不為損

### 玉石佛像

弘治間慶雲縣人掘地得玉石佛像二一北齊天保  
八年造一武平六年造座上皆刻造佛文字併興造  
各人姓名自北齊至今凡二千餘年而此像既沒復  
出物之隱見信有數存焉 慶雲縣志

### 寧夏銅像

寧夏古靈州城東北鐵柱泉旁有窟人莫敢入景泰  
間李某同一僕焚燈以入行二十步惟聞一石門有  
銅鑄佛像旁有二僧屍覆以錦衾其面如生而金貝  
之類環其左右忘取之將出風颺、燈息門閉鼓鉦



齊鳴李恐懼欲死盡棄諸物俄於夢窟匍匐而出明日集眾往掘之堅不能入機械如洛陽也 寧夏鎮志

### 宋濂前生書華嚴經

宋景濂先生、時母先夢僧云永明延壽手持血書華嚴經求借汝一空以完願後先生至蘇州半塘之聖壽寺恍惚前寺得經於藻井上則前元聖壽寺僧善繼所書、法如趙魏公端楷不苟八十卷如一多名僧題跋今在杭州赤山埠西六通寺中見馮祭酒夢損日記按宋慶曆八年張方平以端明殿學右諫議大夫知州事公為改清嚴一日游瑯琊山藏院歎俛仰因教徒吏取梯掖陟梁得經函、有書寫楞伽經半披玩忽悟前身故僧也寫未竟逝乃為終竟書書法宛然不殊號二生經時、為人誦經首偈、云世間離生滅猶如虛空華知不得有無而興大悲心後授蘇東坡東坡序之仍為寫刻浮玉山龍游寺中

### 藏經

國初重刻大藏經板留大報恩寺四方僧眾咸許摹傳見永樂十一年義烏王禎華陽教寺閣訛今南京刊板藏禮部僧眾非厚費三四百金不能得北京刊板在內府非特賜則奏請餘不能得



藏經舊刻六百三十七函持於永樂庶子正統唐申  
成萬曆初慈聖皇太后續刻四十一函起華嚴玄談  
會玄記至第一希有大功德聖記普陀山志

觀音夢感經

仁孝慈懿誠明莊獻配天齊聖文皇后嘗夢白衣大  
士口授數千言覺而記之自製序入大藏

佛牙

嘉定尚書徐太室學謨集云守荊州見孱陵二聖寺  
佛牙形模詭異香氣襲人其詩孱陵佛牙如掌大妙  
香伴供彌陀座三水  
文太青翔鳳集云見南京

西天寺佛牙頗疑其非寶蓋如來佛四十二齒若生  
長二寸博寸許則而齒如車輪矣此必異獸骨也予  
於南京天界寺見佛牙長二寸博寸許瑩潤如菜玉  
而竊謂太青所論大有理至孱陵佛牙如掌則又大  
於西天界二寺所供矣按佛國記佛有四牙廣半  
寸長半寸一牙在呵條國一牙在天上一牙在海龍  
王宮一牙在乾陀國王使大臣九人守保之月朝  
捧槃牙出夫牙廣長各半寸意得其真今所見侈矣

寶金和尚

國初寶金和尚碧峰者留千佛袈裟一襲於繫峙之



普光寺云人衣之則死草履之則枯嘉靖癸丑北  
入寇披於馬上馳驟往來亦未見有驗繁峙縣志  
和尚嘗上書求增建職司大理寺卿李仕魯言天下  
學校尚未建儒風尚未振而先為其端樹赤幟非所  
以垂遠也忤旨乞歸譴死

### 僧娶妻室

鳳陽大龍興寺即皇覺寺一曰於皇寺 太祖教僧  
律一曰有妻室僧人除前輩老僧蓋因元末兵亂流  
移他方彼時皆有妻室今已年老母論外其後進僧  
人有妻室者雖在長上輩比肩及在下諸人皆得凌  
辱亦無罪責今僧俱黨娶又無差累

邵武汀州僧道皆娶妻寺僧數百推一人削髮餘如  
民俗

雲南大理府山僧有妻子亦讀儒書

莆田林兆恩懋勛究心孝儒兼通道釋學者稱三教  
先生嘗詣京欲上章婚娶二氏弟子安溪黃本移書  
止之有曰即得行甚善顧此時詣闕上書者皆黃緇  
符篆者流吾師欲以婚娶二氏易天下不惟不足以  
明三聖人之道還使疑夫子兆恩乃止

### 鐵塔



當陽縣玉泉寺铁塔鉄鑊俱隋物

釋迦塔

應州治西佛宮寺遼清寧二年和尚奉勅立有釋  
迦塔高三百六十尺圍半之六簷八角上下皆巨木  
為之層如樓閣玲瓏弘敞稱寓內浮屠第一塔後大  
雄殿九間通一酸茨梁

周氏豐潤人宣德間生幼不如常長從釋教誓不出  
戶年七十餘坐逝隨吐火自焚得舍利數十粒其神  
向北而去人多見之

寶光寺泥丸拍

懷慶府城東北四十里明月山高峻舒豁山皆古柏  
無他木云元泰定丙申僧寶相創明月寺乃以泥丸  
拍子持彈弓四擊巖谷中今翁鬱成林障蔽天日者  
皆泥丸拍也明月寺天順戊寅賜額曰寶光寺

智慧菩薩尼僧

四川古城用曉師女生而不葷好誦經年十九或議  
婚輒面壁卧經旬不起常絕粒食柏葉成化五年從  
其父母送至江村口白馬寺接上自焚結跏坐滅曆  
暑不朽神顯靈異鄉人遂炒沙築其身裝塑成佛踰  
智慧菩薩持人多事之最有靈驗

四川通志



黃明立菩薩

臨汾泊庄村密洪晉女生崇禎三年二月生時母張氏夢鼓樂迎菩薩至其家後嫁遼王勳里人張閻道俄感疾三年不痊因還母家疾如故遂禮佛跌坐順治七年正月廿五日云得道八月望日云在神前考過受西方佛封黃明立菩薩命作龕置空地西向廿八日午刻云火光菩薩太陽真人俱來相助至期火光自七竅迸出烟高二丈餘有白蛾從火內飛出翩翻直上觀者數千人忽聞空中樂聲異香三日不散初指於村西立廟經始之日忽而壁上生柏樹數十株長二三寸許有跡在焉

達觀和尚

達觀和尚真可宿吳江村庵中旦語主僧曰昨爾婦訴冤宜自省其僧嘗少娶以冤死大辣異命即禮懺訖出佛前朱几火之主僧如其言朱几鏤以石得赤蛇則婦孽也嘗宿華亭徐氏所晚起語主人曰昨夕女婢訴銀壺之枉銀壺重十八兩三錢見在某室可覆按也因入其內指乳母床頂上果得壺如其重

吳中書說

和尚寓嘉善東門外景德寺時大悲閣地下葺之未



利云後自有人甲辰五月錢相國士升明經時夢和  
尚為祝髮加僧帽出法華經示之展卷亦先焚、寤  
後猶未知所謂違觀也先登外冬師化去已相國父  
疾迎醫於嘉興楞嚴寺前偶懋經房問法華經几卷  
曰七卷主僧出和尚血書法華經頃悟前夢道念始  
切其冬手書法華經一部及解相重修大悲閣得和  
尚自題像摹刻於石見記中又手書法華經一部相  
因自說又曰邑人盛懋相問秋闈事師曰老鶴窠頭  
立懋相不解曰待子來萬曆丙子登科  
神祖手書金剛般若經汗漬欲易之命曹內官問和

尚荅偈曰御汗一滴萬世津梁無窮法藏從此放光  
上大悅

### 懋山和尚

沙門德清於膠州勞山舊觀音庵地建海印寺德清  
初與內監張本善本奉太后懿旨齎藏經分散名山  
而寺上無名本遷填海印寺與之道士取義爾爭其  
地具奏下法司擬本以詐旨論死德清請成甯州寺  
亦毀師嘗注老子至天之道其猶張弓乎子思之未  
得乃借弓懸壁間忽悟張字与弛對時弣高而有餘  
弦下而不足祇歸無用及張而用之則抑高舉下損



辨補殖上下均亭可以命中天道全以動為用主施而不主受也

### 閩頭陀

萬曆間閩頭陀不知何許人能分身現形一日至菱湖鎮向小兒乞火置掌中即熾并其身骨俱燼

### 密雲和尚

密雲和尚住鄞縣天童寺法席甚盛猿啗圓瓜師嘆曰尊畜何不他食而必瓜之是及也明旦群猿卧瓜側而不啖

### 僧大香反史詩

周公正懼流言日王莽虛恭下士時決使當年身不死要留忠偽與人知

### 僧佛日送雲

仁和塘棲鎮僧佛日住黃鶴山已隱西湖之十八洞開法雨泉披榛數十丈見石壁鐫佛日字胡太史休仲胤嘉計偕登舟僧挈搯送之滿貯白雲啟則濛濛流泉於蓬擺之間郁勃：所謂祇可自怡不堪持贈又轉作一解矣

### 祖師像

國初禁中有祖師畫像八十八尊供牛首山之祖堂



萬曆甲申沙門達觀以新安丁南羽募之分送五臺  
峨嵋南嶽錢塘黃祠部汝亨臨之送天竺寺嘉善錢  
相國臨之送景德寺

像不惹塵

弘光初游姑蘇之北寺有不惹塵觀音殿像設如新  
按酉陽雜俎都下佛寺神像往往有鳥雀不污者鳳  
翔山人張盈言或有佛寺金剎鳥雀不集者非其靈  
驗也蓋由取土處及塑像時偶與辰王相符也

求履僧

嘉興李孝廉士晉有僧募履命僮索之僧咲曰果履  
乎李未解僧問其衣何物曰紬僧咲曰羊盾席皮李  
色駭僧曰能從我游乎曰請俟異日因入取履僧不  
復見

僧誑

南都有僧突達官前驅持撻之忽云打不得我建文  
皇帝的裔也欲啟其索又云中有內府勅問不得遂  
下僧錄司其僧猶端坐抗語因送禮部都下喧傳各  
衙門會訊莫敢誰何內一人強徒解索則法華經一  
部也蓋犯道畏責作此誑語

蒼雪上人說

臨川黃端伯司理杭州素佞佛瓢袖雲集有僧漢人



求開闢靈隱寺約某日回首須二岳合瘞司理如其  
言遣隸守之屆期夜挾办欲遣隸並縱去其隸予所  
識也

張真人印劍

廣信龍虎山正一真人張氏寶劍二玉劍一印四一  
白玉方鈕徑寸二狹幅朱文上帝舊書一銀方如玉  
世廟所賜一白玉雙螭鈕徑寸四闊幅文如小玉方  
國初所賜一金鈕如番蓮龜起雲雷篆今真人府燬  
器具存

神樂觀歲給

南京神樂觀歲給乾魚萬斤鮓三千斤米三千石小  
麥千石黃荳二百石芝麻五十石樂武生三百三十  
餘人歲支夏布三匹棉布三匹絹一匹綿半斤

張三丰

張三丰俗名猷字玄一號三丰又號斗蓬大呼籙通  
仙閣縣人又云羊城人七歲能奕即無敵十歲習儒  
業失怙恃長入番家華林遇至人偕棲三十年出山  
混俗歸闕補刑曹吏闕人未知也未几因劫獄連坐  
戍貴州平越衛同解將及境師浴於河溺焉明日自  
水出袖各司回文批帖解老探囊中原文已無矣始



神之受重餽而別至平越千戶張信少敏慧善奕師  
往較焉稱國手一日殘局終宵抗衡因記之各就寢  
張夢老媪汝碁骨如是而後勝辰起不數着而師負  
矣師大咲曰驪山老母大是饒舌錄是人知其異遠  
近播傳師將遠遊辭故人十餘家皆餞於一日席皆  
有師人愈異焉別張信曰吾為碁若父命信取骨自  
肩指岩窟密曰汝勿懼擲置之口中既入見石牛欲  
相啖畏而掛角出以告師曰大至樹戾斯亦足矣復  
授鉄推命往擊洞門石磴且曰擊不過一二推至斷  
而已張力不勝擊至七方斷見金魚飛去歸白之師

曰惜哉汝八口止存君一人十年後位至封侯十二  
年間當會於武當言訖而去永樂靖難信以功封隆  
平侯至十二年果教祭武當山見師山中石岩炊瓦  
釜形質憔悴破袖腐穢頽米飲為茶送一棗張不飲  
袖其棗而別下山視棗已長尺餘驚訝復上山尋師  
已遁矣追悔莫及師曩居平越高真觀今有祀斗亭  
浴池石碁局山中嘗有人聞磬咳声响振岩谷後移  
居武當往來天柱五龍南岩紫霄諸名勝洪武庚午  
拂袖長往不知所止 郭子章默記

按他書云張三丰遼東懿州人名君實一云室羅人



范達

范達河內人有奇骨讀書過目不忘成化間棄家從  
異人游遂為武夷山提點邑人某至武夷見達乘肩  
輿半神飄逸時從數十人與達語移時問其家事人  
其悉又數年見達童顏猶悉行步如飛不得近後名  
其故居曰仙人村

桃林老道人

正德時 劉閣剽盜漢中牛山之燕子嶺草庵有  
老比丘自稱元時人白首童顏問其年不記出度牒  
紙厚方可七尺字如紫引盤蛇蒙古書也對人跏坐  
又至桃林園澗繞草舍一道人年九十餘色不槁云  
採批實自給左右言其橐囊求餉明發稿二千人以  
金歸而復召此二人皆不知所往

朔蓬頭

朔蓬頭夏縣人如 ý 里朔德之遠祖也里界聞喜間  
就天溝上架木橋後出遊方外明正德中有道人蓬  
頭至橋邊云朔氏指其完墓故址且言村庵某處舊  
有確石掘二尺許得之且驚異居數日傭于張鳶種  
田忽不見

道人題壁



嘉靖初吳江平望鎮殊勝寺有道人題壁我自蓬萊  
跨鶴歸山僧不遇意徘徊時人莫解菩提寺三十餘  
年化作灰後燬於倭

張福

張福者淮陰藍徒也性悍恣不下人一日乘涼樹下  
有老僧同坐老僧忽拳手擊張一掌衆皆為僧危之  
謂此惡少奈何犯席口哉張默然僧又擊一掌不應  
至三擊則叩首曰我解師意矣僧曰爾奈至一庵與  
樹對坐旬日語張曰若有得矣須歸富貴人有善根  
者為外護若妻子請謝絕勿念也張歸舍其妻方與  
他少年淫媾其人自床投地請死張曰若有緣也無  
恐不知若有室乎少年對曰未有張曰子請遂以為  
妻又呼其子與隣老未有子者子之曰亟去無來迹  
我乃竟往投萬總戎鹿園萬問之曰若何能曰請為  
閹者司出入萬因置之門萬本大家男婦嘗數百人  
出入無忌張日危坐於戶至晚必報主人今日某  
出某入有戲豫無禮誦法者必告居三日萬氏門  
肅然無譁又數月萬知其惡確可託也命之守書舍  
司金錢出納則銖兩無爽有不經者必裁節之一日  
萬自外歸見張坐其所坐處呼曰若胡敢踞我坐張



起而對曰將軍胡無平等心也萬登座覺坐席熱如火心異之又一日萬自外來則張寢其床萬又呼曰若何乃爾則又曰主人何無平等心也萬登床覺床如火坑大異之時有吏部郎過淮得瘵疾甚萬以語張曰請為療之乃相與背坐吏部郎覺背如火熨也旬日而瘵愈遂往京去一日張請於萬曰小子修玄有微效矣請一靜室求一姬為伴萬乃呼婢數十人使擇張曰是皆不堪請將軍所幸姬萬難之已度其人非酒色徒也何難一姬以妨大道竟與之張乃挈一姬一婢入室鑿牆而飲進舍居八月以姬還萬詢婢曰彼日與姬對坐相去函丈未嘗近也姬亦素好道平日閉戶焚香掃地而坐每以悟真篇問張不答亦竟無一語也張自出閤則請主人白布數丈金二兩又書字一紙緘之與銀布同置一箱請以某日開萬如其言居亡何詣萬前曰小子歸矣叩頭而出萬望之不得使人亟走之其行如飛不能及已至故所遇老僧趺坐合掌而化萬乃開其所緘箱則上書曰小子以某日行請以布斂以金制龕主人親封之萬乃嘆惜恨失至人也居有頃前吏部郎自長安以請急歸來謁萬曰若知張福化乎吏部郎曰



我於濟上遇之談笑竟日胡適有此萬並周龜則僅  
有布在其腋不見矣萬諸僮嘗見之淮陰何萬本名  
將晚歲好玄每日靜坐守中張謂此有為法非無上  
道萬每叩其有別術不語但曰天下無有富貴神仙  
孰能棄三公而薦天下賢者以澤蒼生孰能棄萬金  
而施貧者以脫人於死孰能割恩愛塊然獨處而與  
虛白為對無是三者請勿語道少司馬許公孚遠亦  
識其人津人稱之曰世故有此異人也馮時可二氏  
餘談

馬自然求載通志

蓋官馬湘字自然世為小吏自然獨好經史工文學  
嘗徧遊方外至湖州醉墮雲溪經日而出衣不沾濕  
指溪水能令逆流唐太宗十年卒葬於其家東園明  
年東川奏劔南梓潼縣有道士馬自然白日上昇詔  
杭州發其塚止存竹杖今塚不存有石井在海寧縣  
西北十二里云自然斫鑿嘉靖戊午武進薛應旂督  
學西浙修通志意廢仙釋不錄七月二十四日有神  
降箕曰丹陽道人馬自然煩大夫幸無舍我薛曰欲  
入志乎曰遂不敢置

杭州府志

高古風



柳州東門高古峰 好道棄家游桂林蒼梧間簡  
率少文晚隱鸚州石室十年入廣州教人以死心孝  
廉李潔問上弦兌八下弦艮八之功曰亦用之或詢  
以歲里曰多事生弘治庶中終天啟壬戌九月年百  
二十三歲

呂仙自序

萬曆初葛守禮殿士德揚博王家屏諸大老會燕帥  
齋素求呂仙筮書本唐玄宗人名瓊字伯玉配金氏  
生子四甘美豐克年五十登第授縣不意有日月當  
空之禍凡我同宗觸之者滅予甚恐棄四子携妻山  
下築於洞僅兩口故更氏呂名岩字洞賓後妻亡孀  
純陽子

道士火遁

山陰王循季萬曆乙未進士是春讀書京師西山夜  
對燭俄閃爍有聲見人自燭出可三四寸盤走几上  
尋登坐則修一二尺如道家裝侍兒驚匿亡何又盤  
走地上儼然人也語王曰毋我避也且乞茗因共語  
鷄鳴而別漸縮如初入于燭明日訪京邸中貴云是  
日大內齋期或道士火遁也王終南海令其甥朱若  
一說侍兒尚存



麻城道士

麻城道士 以道術著黃州守某憂子婦困蓐布幣求療道士方象奕、畢語使者曰爾第去亡恙第胎衣中還我一碁子使者返果產胎衣中碁子在焉包令孺說

清河異人

萬曆七年十二月有異人經清河縣之唐家口坐而化偽傳為呂祖澄樂遠近喧動男女焚修者數千人大為地方憂時令向日紅入朝明年三月還任則衆已漆其屍而神之立廟日紅陽為祭文默約植一枯竹曰屍誠神三日生吾竹仍為廟否則不廟也故三日竹尚枯乃斂而瘞之偽言頓息然人竟不解其故或曰病也 清河縣志

苟道人

姑蘇苟道人不知其所自敝紹行乞歷寒暑如一冬月鑿冰而浴人咸異之嫌其姑不欲近而就問多驗弘光二月坐逝鼻垂玉柱尺許時予客姑蘇值華林朱尚書國盛國盛好養生家言云嘗就問道人誠異人也



烟鑒

柘相末路

嘉靖戊申年大學士夏言臨禍貽憲副吳學愚賢婦  
吾擇婿得汝門楣光矣患難賴汝扶持累汝受驚苦  
多矣無以為報但吾有志恢復河套實欲自盡犬馬  
之忠不虞至此今復何言今且死矣身后惟有平生  
奏疏詩文諸稿望子為我編校成書諸序并年譜尤  
借雄筆以賴不朽諸稿有文五卷一經手亦已囑之  
矣我平生大節賢婦所知得禍之詳賢婦所悉他日  
世有公論不能無望賢婦紀錄願留心留心千古之  
記也處分家事別有遺囑賢婦亦與但望教導諸子  
姪輩各宜守分仍道我苦處俾勿起爭端以召意外  
且以彰吾之過也遺言賢女安人我止有汝一人又  
不得一見而死千里遠來何以為情哀哉：：身後  
望汝歲時墓上看：奶：今不知生死何如又不知  
去配所否今不能作書或已死已去不可及也生離  
死別家散人亡可憐哉可憐哉勿復道勿復道汝夫  
婦各要和睦世上事汝今知之惟樂難得也 擲筆  
長逝勞形生何為忘情死亦好游神入太虛相併天  
地老 吳春山東按察副使



萬曆十二年故太師張居正子禮部主事敬修自縊  
遺詞四月二十一日聞報二十二日即移居室宅男  
女驚駭之狀不忍言至五月初三日立侍即至府初  
四日即差官提張敬修而審其中細微曲折之情不  
及多言但其大主意在屈坐先公以二百萬家貲又  
要我扳承天夷陵本縣三家要坐曾確庵家寄銀十  
五萬兩坐王少方家寄銀十萬兩坐傅大川家寄銀  
五萬兩他云依說便罷如不從則當奉天命事其間  
恐譴入之語令人膽破魂飛嗟此三家者皆怨仇  
禍患占張門同之以數十萬為寄何其甚哉或當事  
者處心蓄謀已定區區何能分解而威勢所逼只得  
欺天枉人送之夫數十萬銀吾意三家縱濫亦何能  
亦如此之積天上飛來之禍何愛片言之重只得送  
當事之意益料三家斷不能完結此事吾日後何而  
見之區區微衷不能自白恐後世以敬修為何如人  
品今又以母子叔姪恐團聚一處有串通之弊乃於  
五月一日又出牌追令隔別不得相聚接語而母南  
子北夫東妻西人懼會審之時嚴刑拷訊羅織鍛鍊  
後日事又大可慮者令函囚倉屋風雨蕭蕭青草鳴  
蛙無不助予之悲悼人非木石豈能堪此凌鐐告知



神明決一照而萬世不視嗟！人豈不貪生畏死而  
敬修遺時如此度日後決無生路孔子之聖也而死  
顏回之賢也而死況平日於生死利害審之熟矣今  
屈死黃泉勢不容已承家祀祖并奉祖母二母饘粥  
則有諸弟在予母袁受辛苦予妻素昏明善持閨內  
有古烈婦風吾此舉不能自保可憐吾幼兒女皆六  
歲 稚子言至於此痛心酸鼻不能終其說他如  
先公功罪與近遼潘誣陷事情則自有天下後世公  
論在敬修不必言也獨空坐二百萬又欲屈坐魯王  
傅三家三十萬欺天枉人不得已託言片楮度齒以  
代剖心此書送各司道一目非肯為此溝瀆之行也  
五月十日寫完以期必遂而夢兆稍吉不果至十三  
日各款差上司會審叔姪俱嚴刑拷訊逼勒扳扯他  
人亡慮數十家扳而合諸公意即首肯之不合其意  
者叫另開來合則從不合則夾打令人魂落無生氣  
嗟！此古今宇宙未有之情父母遺體生平眼不見  
刑具脆薄之軀豈能勝之各位上司奉命而來如得  
其情則哀矜而勿喜可也何忍遽至於此嗟！此數  
之莫可逃也即令扳各家倘臨時對理不驗何以見  
諸公而且諸各扳扯亦多人皆平日所未聞者吾輩



寧死豈能壯他人以解己之禍甚矣上天之愚弄人  
也而又使吾叔姪輩自愚何忍々々任巡按活閻羅  
你也有父母妻子之念何忍殺人媚人以如此之酷  
烈也今不得已而死明心萬分出於不得已若十三  
日拷訊口詞鄉里三尺童子憐之知之不必多言有  
便乞傳山西蒲州張相公說張門事已完結矣無煩  
掛念願他輔佐聖明天子於億萬年也

談遷曰讀夏氏張氏二書令人悽然以泣方其秉國  
之鈞百史震竦氣勢迴山嶽一朝失據步入西市諸  
子為因富者安在哉今貴溪江陵之論定矣功九而  
罪一敬修潛死亦知洪朝選劉臺之寃乎昔閔將軍  
沒後時在荊州玉泉山現靈有僧訶之曰顏良文丑  
頭安在敬修書成之日洪劉之寃案結矣立侍郎稱  
齊人之有聲望者懸貶酷拷貽楚患數年卒無子亦  
未嘗無天道焉

崇禎十六年五月

大學士周延儒放歸後見

徵知不利憂泣或請解於中宮賂嘉定伯周或十萬  
金或達之中宮以駕久不至奈何請授指東宮々々  
每晨謁至是啟曰近來久不見周先生何也上曰爾  
何自知先生曰父皇嘗稱用先生故知之上曰此非



好人今不得，揖先生。上心知其指，尋賜死。迨曙，錦衣衛同法曹至，私帥排闥而入，相國披裘起，裹絨巾，家僮見，耳目有異，各驚匿。求青衣未得，緹校脫而衣之，拜命飲。泣求筆墨，占句倉皇，不屬。使者促之，掣筆就縊。

狂誕

餘姚諸爨子相嘉靖己未進士，除兵部主事，以簡抗忤時，謫茶陵州同知。量移潮州通判，轉邵武同知。寬簡御下，勤於勸學。氓士胥悅。爨素淡，經季脫畧，自喜家居，惟授徒自給。後客嚴陵，大醉，股禡裸游，相江甌，噬其陰以死。

崑山王逢年游京師，為相國慈谿袁煒掌記。時飲於帝遣使回索，因諷之，怒曰：「爾時天登第，玄文拜相，乃牢籠天下士乎？」去之。逢年嘗偽稱漢黃憲，天祿閣外史隆慶初，逢年生事死。吳縣張憲翼，幼于太學生，能詩，好游，仕路狎聲妓，慕古稽阮之習。與友人張孝資，或紫衣扶妓，或跣乞市中，或歌或哭，獻翼贈孝資詩：「中年分義深，相見心莫逆。還往不送迎，抗手不相揖。荷鍾隨吾行，操瓢並吾乞。中路饋吾漿，携妓登吾席。蒿里聲漸高，薤露歌甫



畢子無我少雙我無君罕匹獻翼每念故人及亡妓  
輒為位置酒向空酬酢孝資生日乞生祭自為尸獻  
翼率子弟衰麻環哭上舍設奠孝資享之翔日行卒  
哭禮設妓樂哭罷痛飲曰收泪自是率以為常萬曆  
甲辰年七十餘攜妓居荒園中殺於盜後人皆惡  
而諱之

### 緯候

#### 五行

儀封王子衡廷相曰甲乙丙丁子丑寅卯大撓作此  
以紀歲月日時非有所謂甲乙屬木子亥屬水之說  
然亦偶爾宗之即以當年為甲子歲仲冬為甲子月  
冬至為甲子日半夜為甲子時不知經歷几子歲後  
人乃以五行分配之此半塗立論無所本始不待智  
者而後知矣且夫五行之氣無則已矣有之則一日  
之內無不全體俱在安有今日為木明日為火又明  
日為土為金為水乎何春止為木夏止為火秋止為  
金冬止為水乎何土惟旺於四季而餘日土氣即絕  
滅乎 答何粹夫論五行書

新都楊用修慎曰今之易卜以甲乙起青龍丙丁起



朱雀戌巳起句陳起騰蛇庚辛起白虎壬癸起玄武  
蓋不通理者遷就之弊戌巳同為土豈其分為二騰  
蛇為北方水獸何以移之中夾乎今定其次戌巳共  
起句陳而壬起騰蛇癸起玄武得其當矣何也北方  
之次於卦為艮有終萬物始萬物之意於方為北又  
為朔於人身為腎有左右於卦為習坎於器為權衡  
於物為龜蛇於色為玄黑於官為脩熙於四德為貞  
正而固亦兩事也於大玄罔蒙直首宜以配四時而  
冬兼首冥且壬為陽水以騰蛇之雄配癸為陰水以  
玄武之雌配不易之道也此誤千餘年矣卜之不驗  
豈不繇此

東粵李潔曰久晴遇丙丁必雨久雨遇丙丁必晴而  
庚申改之若遇丙丁而不變是謂日月不換丙乃天  
地之病故病從丙也北方滄兩百姓即請官吏祈晴  
仁政之先務也南方徃下太遲八風有二易緯以節  
呂氏春秋以方烈風多起於戌日而箕宿次之

### 雄日

甲子值單日為雄雙日為雌日中有樹似松者  
之林食其葉者身為金光

### 子日



正月上旬無子日大臣不安位 焦周說

上戊上下

李夢陽曰郊上辛社稷上戊孔子上下戊在下後故  
先丁如十日丁則一日戊當先戊而後丁以丁不常  
十故人鮮知一日之戊弘治間吏部主事楊子器上  
言戊送初十之丁則次戊非上戊也時無諳禮者竟  
寢不行

制日伐日

入山當以室日及義日專日者大吉若制日伐日必  
凶靈寶經哥門書云假如甲子日子水生甲木下生  
上也為義乙丑日乙木克丑土上克下也為制戊辰  
日上下無犯為專庚午日午火克庚金下克上也為  
伐丁丑日丁火生丑土上生下也為寶晉時拜官封  
爵用寶日上任用義曰 五雜俎

立春

立春日邑首甲糧長二人夜半於縣治前畫地植草  
如耕種狀值人畜即止以卜歲多驗萬曆中嘗共期  
候春田官呵之曰諺有之不種田時吃白米歲果稔  
成化元年崇禎元年並元旦立春華亭陳繼儒眉公  
搢帖歲朝春百年難過聖天子萬壽無疆



立春日望三素雲見修真八道秘書

上巳

三月己日始為上巳非三之日也

黃梅雨

周處風土記夏至前雨名黃梅雨杜工部梅雨詩南  
京犀浦道四月熟黃梅湛、長江去冥、細雨來茅  
茨疎易濕雲霧家難開竟日蛟龍喜盤渦南岸迴按  
玄宗幸蜀置成都府尹號為南京讀其詩梅天與江  
浙不異也今俗作徽字

競渡

黃州俗五月十八日有龍舟之戲設屈原像及祇候  
俱運機換服飾極麗金簪玉導費嘗二三百緡土人  
舁舟送之江中順流至其灣土人先泊舟掠以為常  
火節

雲南六月二十五日入夜家家束松明為庭燎雜以  
草花高大餘燃之殺牲祭祖老少圍坐火下飲酒達  
旦自官署都邑以及鄉村田野無不皆然謂之火把  
節又謂星回節相傳漢夷首阿南夫為人所殺誓不  
從賊以是日赴火死國人哀之因為此會一云孔明  
是日擒孟獲侵夜入城父老懼呼設庭燎迎之

海程



記或云弔忠臣王偉非也

中秋十六日

回明中秋宴飲以十六日初宋相史彌遠官臨安還家度節阻風至是夕始到遂沿為俗

九日

御袍重陽所服製為菊朵

大小清明

福建將樂婦化人以三月為小清明八月為大清明展墓者間小廢毋敢大廢

朔望行香

洪武十七年敕每月朔望祭酒以下行釋菜禮郡邑長以下詣學行香按朔望行香之禮古未有也北齊每月朔祭酒博士諸生展拜階下郡縣朔朝是時未藝今所謂香也然朔日行礼則始於此其後遂以朔望行香朱子曰謁宣聖焚香不是古礼捨香不當叩頭只直上捨香即出笏叩首而拜由是言之則宋亦然矣但儀節與今不同只行拜禮

東陽王嘉忠登海

縣志

天門

鄒洗馬德溥疾篤幼孫方六七歲同二三女童見天



門開空中有大白鶴背溱冠緋秉笏者兩翼金甲神  
扶侍了乃鶴飛欲下又旋轉再四頃頃入室不見僅  
白雲從庭左角自地反擔而去不旬日卻逝

姑蘇沈天字維僂人而事母至孝嘗語予曰萬曆癸  
丑七月三日露坐中夜俄天門開流光晃耀朱几上  
罇罍歷歷在目亟呼母出視母命拜良久而隱

戊子九月二十五夜漏且盡天門開有火龍自東向  
西北又一龍相接掉尾落數小星

月

崇禎己巳十一月

日邑人洛塘周氏出壘夜分

月中界畫如十字人皆見之

庚午七月六日有小星入月良久乃出自東而西去  
月二尺許竟不動

風

崇禎辛未六月庚戌臨穎有大風林氏杜氏等家伙  
俱飄半空銅鉄器碎盡甕器獨全

庚辰七月天津巡撫李繼貞閱武帥旗不風而動明  
年三月亦然且作笙簫聲見邸報

石尤風李義山詩貯石却

二雨辨



無錫卽文莊寶二雨辨曰雲興於山勃然滿盈既蘊而隆以兩者山雲也謂之山雨雲興於海倏然弥漫既翕而盛以兩者海雲也謂之潮雨海雲之雨乘風以行雷鳴則止山雲之雨挾雷以動風吹則散此其大凡也海雨夏少而秋多山雨夏多而秋少亦各宜之易是為變而無雷矣天台王子春云雨師屏翳風師蜚應雷師豐隆

### 崔觴

餘抗徐司理茂吳桂卒之歲甘露降於後園新安吳山人德符充曰恐是崔觴果應其兆

### 雷

嘉興吳太宰鵬家內樓雷震後凡金玉銅甕之器俱一細孔如粟

海寧轉塘徐氏有婢抱主人兒被震死兒雖無恙後若半年亦殤

姑蘇人某雷藝其袴外衣毫不損也

萬曆戊辰六月二十日福建平和縣東廟外陳孫家有兒在輿中雷震其輿而碎兒仆地活

天啟乙丑廣州濠弦里方氏婦張孀居元夕觀燈俄黑犬隨歸二月夜忽電光燭一室婦携孩幼坐榻犬



若懼甚依人時見數神若十四五歲童子無髮者環  
榻二三尺欲前踰時捕犬去之  
請剝辛卯四月九日蘇州張某雷焚其廩米如粉時  
米貴某索高價也

江南二十八景

華亭顧東江先生清云江南二十八景梨花滿放梅  
萼盛敷茶筍初肥枇杷相媚批把摘金楊梅獻紫牡  
丹闌色芍藥繁粧海棠曉睡薔薇畫青菱荷新發菱  
茨初嘗蓴鱸正美秫酒始釀稻花成雲麥風如浪鱖  
魚荐鮮紫蠓滿膏橙黃橘綠蒲長葦茂葡萄園千名杏  
園一色松花成餅桂子為漿蘭蕙列庭水仙置席鶯  
啼春樹鶯映秋波陸平泉曰尚有二景菜花如綺稻  
米如玉 馮元成集

日本小曆

弘光初有携日本小曆一紙來者並夷字首題寬永  
二十一年及大將軍等字彼遐裔何嘗奉正朔也

男產

嘉靖乙酉橫涇農人孔方產兒

佳句西樵野記

萬曆丁巳正月二十八日奉化縣後陽村男子張一  
產兒並活無恙張妻舒氏未妊同盧某負販或曰兒



之厚廬為之也 徐見可嘜墨亭集

大同中翰馬呈德婦萬曆癸卯孕庚戌娩身凡六年  
子三歲能誦詩書 見謝肇淛五雜俎

### 人疴

崇禎唐辰吾友王介人徂至徐州豆作人面如畫至  
於盈畝携婦見之  
太行山桑柳並生人三四寸裸而黑揭燈上口噴  
有声

### 鷄腹小兒

嘉靖二十二年太倉州塗松鎮 鷄剖腹

得小兒五形皆具 太倉州志

### 飛蓆

嘉靖二十四年會稽有物方長如尺牘飛空中映日  
作金色數鷹繞逐之有因劉朝忠祝曰果祥也則墮  
已漸近果墮則縣令古文炳草蓆也官命禳之 會稽  
縣志

### 大明門黑氣

崇禎己巳夏卜者周午賜語 賀中冷世壽曰黑  
氣象大明門久矣非休徵也及十月遵化失陷烽火  
偏於都門



鳳陽鼓樓

壬午鳳陽鼓樓忽攝去成平地太守往驗坐良久俄  
晦暝声如風霆樓復故節果錢光緒記

集異

丁亥八月晦是夕天上噓々有声如潮十餘刻乃息  
又是月七日午刻日旁見一星明日亦如之

十月松江黃浦鱧魚大上至妨穢

嘉善東門民家鷄翼生爪各邑多有之

江陰獲雉足如鴨

戊子冬至前三日薄暮鳳凰自海鹽過海寧向西北  
而去萬鳥從之約二十里斜橋趙氏蒼頭見之

庚寅四月六日有新龍墮蘓州許墅閨見邸報

九月十七日錢塘北高峰崩明日靈隱寺鑿土得僧  
墓

十月朔午刻日蝕既望日加吳東門外雨絮友人金  
蘭孫龍友舟行親值之夜月蝕

二十四日黑虹竟天起西南指東北若開闔者三  
辛卯五月二十三日大雨海鹽東門外漂一樹亘數  
十丈

七月寧波府有異獸兩角驢面馬鬣豕蹄尾短僅三



寸如鹿色黃自祖閏墮於老龍灣躍岬郡人驚逐越  
城而奔至湖西民家復逐之遂出西門走二十里獲  
於高橋送郡于轉至海道王尔祿覘者如堵皆莫知  
其名或云山羊以糞似之數日死人啖其肉味類鹿  
是日定海城獲一鹿亦以進  
八月大星墮於海

### 名勝

#### 石徑山石徑

順天房山果西南五十里石徑山峰巒秀拔故曰小  
西天隋大業間僧靜琬悞本教有難不能流通發愿  
募工鑿石刊造一大藏經積於此山以備其後至唐  
貞觀初僅成大涅槃一部法師卒其後人遞刊造餘  
部歷遠金始完一大藏貯於岩洞者七地穴者二洞  
鑿以石門穴鎮於浮屠自來兵燹不之及  
一統志

#### 硤石山

澤州城南三十五里硤石山高數丈頂平若砥從橫  
十餘步相傳慧遠隱此著涅槃經成擲其筆曰若疏  
義契理筆當住空已而果然因名擲筆臺



金窰山朱書

豐潤金窰山極險峻山腹石壁間宛如門扃而不可開上有朱書數行可辨識者惟縱有黃金人不見七字其書雖極力磨洗不滅人以為金窰所在

豐潤縣志

邯山

漢地理志邯山在東城下金地理志云邯鄲有邯山鎮即今城東代召鎮是也又水經云牛首水出堵山東徑即鄆阜即張晏所謂邯山在東城下者以今觀之東城之下不惟無水且無山矣然則三說何以云尔也嘗味水經之言謂邯鄲阜即為邯山此說深為有理蓋土高曰阜不必其崑然峩然而古人皆謂之山也夫求一阜於千百年之下能保其不為平地哉况山夷則水竭而邯山之下即有邯水亦漸、乎其漸涸也余覘浮鄉梁有所謂浮丘山者今亦漸為平地大抵皆邯山之類耳

邯鄲縣志

二郎山

遼東錦州城北三十里二郎山破石如彈丸可入砲而輕督師孫承宗戲曰二郎神好用彈想其餘物二郎神為清源妙道真君即加州守趙煜斬蛟者也未



詳何代何封稱為二郎

### 倚陽山

林果倚陽山桃花洞北奔高欢被兵圍于此期以桃花開兵解也而桃花果開園遂解後洞口桃花冬月盛開今不存 林果志

### 水神山

山西孟果東北十里相傳昔周世宗女秉性貞烈不欲適人潛于是山樹下涕泣渴而思水扣地得泉自溢于樹鄉人因立庙祀曰水神山

### 火山

太原何曲果西五里古稱火山軍山上有孔以草投孔中烟燭上發可以熟食不生草

### 呂梁山

永寧州東北百里呂梁山俗名穀積山每交城接界呂不常曰龍門未闢呂梁山未鑿河出孟門之上

### 石鏡山

寧國果石鏡山有石如鏡凡以鑑物黃巢寇宣歙過此照見其狀如狻猴大怒積薪燔之石遂無光久乃漸復 寧國府志

按石鏡山不一吳地記臨安果東五里石鏡山有石



鏡徑二尺四寸甚清具見人形狀

### 陰陵山

陰陵山今全椒縣東南二十五里九圍山云楚兵敗  
欲東渡烏江徑此每漢兵一日九圍其山石尚有斫  
劍跡有迷溝為田父詒處今三汊河有霸王廟所產  
艾草皆低頭為羽晒甲壓之云

全椒縣志

### 齊雲山善惡

休寧縣齊雲岩加靖中改稱山立玄天太素宮曰善  
山惡山善山為君惡山為夫人分祭則安合祭則福

### 天台山仙女

天台二仙女宋景祐中明詔採藥見金橋跨水光  
華炫目有二女戲于水上殆水仙洞府也

天台果西七十里明岩、西有泉蔽崖而下渙若垂  
箔寺僧亦用竹篴引之從高下墜號曰水索

天台果桃源干山萬山人烟斷絕其中古桃樹年深  
化為精魅嘗迷人宋王介甫夜坐梅月照軒憲讀易  
忽有一妹容顏姝麗見介甫自言知易遂相與談論  
畫前妙理寔能發人所未發介甫喜甚問得報司馬  
君寔來訪介甫出迎至軒中彼妹即隱身不出及司  
馬出彼妹復來介甫怪而問之對云妾乃此梅花月



之妖君寔正人妾不敢相見介甫

仙居山蝌蚪篆

仙居山果西四十五里險絕難升上有石壁刻蝌蚪篆文晉義熙中周廷尉領郡造飛梯以蠟模之莫識其義後守阮錄携衆往觀雲雨累日不見

仙居果志

雲黃山

義烏果南二十里雲黃山傳大士餒虎餘飯化為石青白而紫有陶氏居山下嘗資給大士遂視之曰它日以飯石琢數珠贖汝曹裔自茲授記惟此一氏家能之女已嫁則不能他人做做石即穿裂

義烏果志

傳翕義烏稽亭里人因取魚食嵩頭陀曰試自照水乃見圓光宝蓋即悟前因具開道場頭陀指山下双栲樹曰此可以結庵苦行七年忽三佛來自東方有金色自天而下集於其身迨是身嘗出妙香聞空中声偈梁武帝召赴一次入重雲殿不拜徑登宝榻每帝問答詔还山號善慧大士

玉華山

蘭谿玉華山庚寅七月忽裂二三里成潭又距十餘里曰橋下湖有巨魚如舟土人毒以巴豆不得

伏龍山



襄陽城西三十里伏龍山為隆中諸葛氏草廬也今  
有祠西北角符井頗宏敞明襄簡王墓處竟乏嗣人  
謂武侯之英爽可畏又南陽距城八里曰八里岡亦  
曰隆中岡勢蜿蜒如帶高僅數丈亦有祠嘉定徐宗  
伯李謨俱遊之謂襄陽可據宛人不能據而有之蘇  
子瞻詩誰謂襄陽野生此万乘師益指伏龍山云見  
宗伯集中

### 玉泉山

荆門州玉泉山有閔侯祠之下方二十步皆黑土相  
傳侯嘗任兵作書遺其子平書罷以硯汁擲地故至  
今土為之緇其青龍刀墜石罅中以手摩之輒動然  
役千夫之力不能奉也

### 孔子山

黃州東百里有孔子山相傳孔子適楚嘗登此山上  
有坐石草木不侵有研石每雨輒有墨水流岀  
又澤州南四十五里天井關石上孔子將入晉聞趙  
簡子殺竇鳴犢至此迴車轍跡尚存溪尺許長百餘  
步後人因立庙道左

### 太山

沁水張大埋五典度太山自山下至巔五千三百八



十四步五尺為步紆折皆在其中高三百八十六丈九尺一寸寔四里零八十餘步漢官儀云太山自下至古封禪處凡四十里皆安也有太山道里記迂馮生通太山云不甚高廣不知何以得名如此太山上秦始皇立無碑字或曰碑函或曰鎮石或曰表望或曰待刻閩人謝在杭肇浙親至其地云元君祠當公署中尚有斷碑二十九年疑即所刻石也其監片石為祠記表望明矣 五雜俎太山捨身崖在日觀峯下愚民往之捨身投崖邀冥福尚書何起鳴設垣墻示禁勒曰愛身臺

成山

文登縣南百二十里成山秦始皇造石橋渡海觀日神人驅日鞭之見血至今山石皆赤子謂山石色赤者多若天台赤城黃州赤壁堂亦有神驅而鞭之乎其造橋事容有之然亦不至望洋也 五雜俎按成山東召石山神人鞭石處見三齊畧

青山

曹果青山諸生和元嘗治園見瓦棺長丈許高五尺朽骸風滅瓦刻字莫辨儀送夾侍大僅尺朱沙斑剝意春秋曹先公遺塋和元於南京為予言



東浮山

山西平定州東浮山距城五十里即女皇氏補天處其煉石竈尚存石炭勝他產諸色石俱可燒明季士陸文裕深過其地得遺蹟問土人及季士大夫皆曰古跡寔然歲上元夜家置一鑪當戶高五六尺許寔以雜石附以石炭夜煉之達旦燭光上燭天為之赤至於今不廢是謂補天文裕語太宰喬莊靖字曰女皇察物宜前民用故置此以通昏黑之變輔烹飪之宜蓋曰補天之所不及耳

儼山集

崖山

太原果東有崖山天旱土人燒此山以求雨俗傳崖山神娶河伯女故河伯見火必降雨救之今山上多生水草

羅浮山

羅浮二山相合屬博羅果取道增城則近其上多奇植異亦有松尺許匝置數年植之復生有竹葉符每竹止一符乃篆書仁字色白浣之不脫五色鳥時集人肩上帝不噬人有王野人園花寔森茂春冬亡間遊人狂摘持歸即迷道而園原無定在也又有仙樂風月靜夜每聞之道士擬製今冲虛觀所奏頗得其



李潔

銅鼓山

貴州威清衛西四十五里銅鼓山諸葛亮南征於此  
獲銅鼓故云土人云山有洞藏武侯盔甲先代有可  
入處今石門蒸蕪人或臨之蜿蜒交集不可入每值  
陰雨聞者如銅鼓鏗然作聲

貴州通志

金陵岡

金陵岡在應天府龍灣相傳秦始皇埋金人於此碣  
曰不在山前不在山後不在山南不在山北有人獲  
得富了一國殆以此地氣盛誘人鑿之耳其愚黔首  
若此而亡秦者泗上亭長乎予嗟夫祖龍之愚

應天

府志

飛來峯

錢塘灵隱山之飛來峯元僧楊連真伽徧鑄佛像明  
嘉靖 太守福清陳仕賢以楊及却僧聞僧三石  
像斷其首瘞獄中獄疫寔誤毀佛像也近來有續其  
首以佛故亦多事矣

陳仕賢嘉靖壬辰進士

回雁峯

衡山回雁峯相傳雁不度衡陽然衡陽之南亦有雁  
但過此則漸稀耳或曰峯勢如雁翼之回

衡州府志



六真洞

山陽果六真洞元真人丘處机刘處玄譚處端王處  
一郝大通馬鈺

燕子洞

貴州平越府有燕子洞紫燕千百為群潛藏於此冬  
不北御洞口二丈其土疏而粘黑而肥土人用之糞  
田進洞口二里持炬至大洞源泉混、声如鳴金有  
時響声如擊楫時有黑衣人乘霧出入豈燕之聚精  
耶 黔記

燕子岩

林果燕子岩在炭場北秋冬燕子蟄其中 彰德府志  
七盤坡

藍田果東南有七盤坡古武關之地

鵝公坡

番禺鵝公坡每夙月夜集遠聽如鶯声就近則無有  
隸要堂集

櫃兒崖

四川桐梓果七暈溪之櫃兒崖、門有櫃相傳其中  
器物皆具者人嘗借用之後有失其甕甌者遂路隔  
不能達萬曆間刘挺引砲破其一角次日復完 蝶庵



存稿

石碇

渾源州南磁窑口石碇上有張君祥刻執扇風葫蘆人過之必暑熱即有風生

四道三谷

何景明雍大記予從入蜀漢道現之其西南曰褒谷從褒入南曰駱谷從洋入東南曰斜谷從郿入其所從皆殊旧志謂首尾一谷非是其棧道有四從成和階文出者為沓中陰平道鄧艾伐蜀由之從兩當出者為故道漢高帝攻陳倉由之從褒鳳出者為今運雲棧漢王之南鄭由之從城固洋縣出者為斜駱道武侯屯渭上由之此四道三谷關南之險阨攻取所從來固矣

長平坂

磁州城南三里長平坂廣袤八十里白起詐坑趙人於此

大庾嶺

南安府城西南二十五里大庾嶺磅礴高聳南接南雄唐張九齡開鑿新路兩壁峭立中路坦夷一日梅嶺以漢將梅鋗得名鋗送吳芮定百粵有功封臺侯



臺嶺即梅嶺也後因銅將庾勝兄弟居守又名大庾嶺、下舊有驛宋郡守趙孟適書扁有女子題壁曰妾幼侍父任英州司馬及歸聞大庾有梅嶺而乃無梅遂植三十本於道因題詩云吳江今日掌刑回上得梅山不見梅輟俸買將三十本清香留與雪中開宋藍官張九成明 張孟奇俱補植數百本

仙人籬

貴州城北八十里高崖之上相傳昔有黃冠結屋其上今籬尚存歷歲不腐

天花里

正統元年五月六日午刻鄞縣隱士虞德全家天花如雨飛滿庭中其形若米色若玉積湏尺許七日始化郡守鄒珞名其鄉為天花里

永義鄉

嘉靖壬子廣東尙寇作亂平之設廣寧縣有民馮世瑞納款立永義鄉居之

仁義鄉

繁昌果唐南陵地開元中於南陵仁義鄉置石碌場因其地產百姓輸納

捲簾庄



諸城縣北四十五里捲簾庄在漢王山西南地周五  
六里雖深秋疾冬亦不見霜諺云捲簾庄秋冬不下  
霜

### 一 謊糧墩

全椒縣西南五十里謊糧墩在芦陂澗東旧傳吳伐  
楚吳糧盈伍子胥以土為墩覆米其上故名今觀其  
形若布星列約五十餘所亦奇觀也 全椒縣志

### 魚隄

蘇隄在清河縣西南三十里延袤十里自德順廣宗  
界東相傳蘇治水時築也 清河縣志

### 博浪沙

博浪沙據史在陽武縣東南三里今在東門內開封  
城北亦曰博浪沙 陽武縣志

### 紅土

宣府蔚州衛城東南三十里太白山多奇山其紅土  
為印色傳為周穆王乘八駿游此馬斃其血化為紅  
土 蔚州志

貴溪縣龍虎山有五色土張真人以書符錄

河南新鄉縣東北近於衛河有紅土岡其地有兩水  
如血俗傳射血流漂杵於此



山都

汀州郡治初造大樹十餘其樹皆山都所居有三種  
下曰猪都中曰人都其高者為鳥都即如人形而卑  
小男婦自為配偶猪都皆身如猪鳥都人首能言聞  
其声不見其形人都或時見形當代木時有術者周  
元大能禹步為房術以左合杰索圍木而砍之樹仆  
剖其中三都皆不能化執而煮之牛鑊內

函書

鉄城

蔚州城洪武七年立甲於諸邊號曰鉄城周七里十  
三步高三丈五尺堞六尺址濶四丈堞口七百十有  
八門樓三各五間角樓四各三間俱高三層靖難時  
砲擊其一又回祿災其二後不復補昭臣節倣天變  
也

蔚州志

碗子城

澤州南九十里太行山絕頂今屬懷慶府河内縣群  
山迴環兩崖相夾中立小城隱若鉄甕徑行者河扶  
策徒行即原太祖肩石之處正統間寧山衛指揮胡  
劉鑿石平險以免推車之患

沁雪石

趙子昂鷗波亭前肩石二曰沁雪曰垂雲垂雲流落



雲間已不可攷沁雪石在常熟果署中有鐫字或云  
沁雪子昂妾也錢侍御岱乘邑侯女疾瘳巫言石為  
祟出之淨婦錢氏今在徐上舍處

### 憂懽石

永樂初尚書夏原吉治水江南立石嘉善西塘鎮福  
源宮前限水、止限下則懽過此則憂

### 中丞石

福建長樂縣十都有中丞石昔有為中丞者未遇時  
過此誓曰不為中丞不過此石後果然故名 閩書云  
長樂縣二十一都石上刊中丞二字

唐潘獨坐南歸憇此里人鏤之

### 東陽石

東陽縣石有青紅白黃其白者向北拱如遇朝廷採  
用先期鶴鶴畢集居民知天有大工 襄陽府志

### 掇刀石

當陽縣關羽祠有掇刀石傳武安屯軍祠下土方二  
十里黑如墨漬

### 望夫石

望夫石人稔知之肇慶府四會縣西二百里有新婦  
石夫為商不歸久望遂化石宋林小山詩瘦骨峻層



立海涓綠苔曾是嫁時衣江郎去作三衢客目折天涯竟不歸

### 天涯海角石

成都有天涯海角二石天涯石在中興寺故老傳云人坐其上則脚腫不能行至今人不敢踐履海角石在羅城內西北隅角高三尺以有廟今不存

### 雙魚石

涪州江心積石入水千餘丈夏漲不復見冬春如梁可游深處鑄有雙魚見則年豐唐宋元題名甚衆四川通志

### 文石

雲南點蒼山北麓石白質黑章膩若截舫琢為屏幃其最佳者蒼素分明山川遠近雲林晻曖若天生圖畫不脛而走四方好事者爭購之相傳李衛公平泉莊醒酒石即此也滇程記

### 僧化石

南甸州東十里昔有僧自大理至此坐化為石後兵燬止存其首土人祀之

### 鳳凰石

萬曆癸巳詔採雲南鳳凰石百餘有花草鸞鶴形者



然僅三四尺而止

閉索石

貴州永寧衛南二十里道旁閉索石云閉索南征鬼  
此石截道以戈椎擊之石破為二一留道旁一飛墮  
道旁因名落石今刀痕依然

清涼石

五臺山清涼石方九步相傳可容千萬人

松化石

博物志松本石氣石裂而受沙即產松、三十年更  
化為石

太和伯陳萬年家有木假山乃先祖所得以其狀奇  
巧置于庭一旦化而為石文理猶木形未几長女被  
選母天下求名公作詩

陸採覽勝記談

石箭

福建同安縣石箭長二丈五尺周四尺七寸見存又  
文王射於豐有石箭在同官縣文王山長二丈五尺  
圍四尺七寸見存

石木魚

南昌雙嶺下石木魚長二丈餘鑿六十八孔鐫古彌  
陀佛名



石樹

雲南普定進山四十里有玲瓏石樹一為桃綠幹紅  
花一為李青幹白花

石鏡

輝縣西北七十里侯趙川之中湖寺有石鏡半規能  
照山河人物之影俗稱透靈碑今昏闇云昔有上官  
欲昇歸至盤山頂忽闇乃復送至寺

石田

貴州城南二十五里相傳有隱士習黃白冲斧之事  
甚篤忽有道士從假牛耕石田種玉隱士與之方耕  
治隱士妻來索牛道士怒遂舍之至今石上耕治之  
跡宛然俗名鬼打耙

水晶營

盱眙果東南十里外延亘百餘里以接山陽相傳隋  
煬帝陸地行舟之道今皆軍民雜處農莊于其間遠  
而望之霧靄霏翕水光滉漾如瀚海停波而蓬嶼星  
列儼若帆檣往來飄泊每晨艷露其景愈鮮陰雨迷  
茫尤多变幻廝興皆知其名

盱眙果志

地鏡水影

濟南東七十五里東平陵城西北有陰地數畝天色



澄霽亦若雲陰迫視則無 齊乘

### 鹵城影

繁峙縣東一百里故福都周圍三百里有十步東南西三門其地多鹵故名鹵城俗傳霽雲霧中呈現樓堞門內似有人馬現則多雨豐年之兆人在西則見在東不見遠分明近則隱其東有齊城其隱見亦同今不復見蓋見則凶也

### 田目

區田

圃田種蔬果

圍田築作圍以繞田者

架田架猶笵也亦名蔣田

櫃田築土護田似圍而小

梯田謂梯山以田

塗田低水層潮水沙泥

沙田南方江淮間沙淤之田

雄田交趾謂腴土曰雄田

表田公用田樣田寧夏新志載食貨有表田十頃供總府進表之用公用田五頃供官軍藥餌各衙紙燭樣田四頃供祭文廟之用餘衛同



響地

寰宇記云萊水出襄國西北石井岡旁有響地圍百步人馬上行轟々有聲掘之有火出今無聲邢臺縣志

里牛

廣南府人謂里為牛地凡四十八牛

世經堂集

苧蘿村

華亭馮元成行可游石湖至紫薇村遇一野老年餘八十言此苧蘿村也西施生於此後有富人居此村曰何必尚循亡國女稱乎改為紫薇其家盛植紫薇耳石湖北有溪古名若耶溪吳亡後改越來溪世以浙東溪村名同此地目以西施為越所獻其室吳產也元成後問劉子威鳳子威曰然嘗見楊君謨奚囊手鏡載其事

佛蹟

山西繁峙之五臺山清涼石浙東定海之洛院山盤陀石形模俱不甚廣登陟維衆了無碍處任受人必不登牛馬跡

城郭氣

臨洛趙簡子墓上氣成樓臺

恩縣白馬營在縣西十五里相傳為唐時故鎮二三



里外夏秋間晨望如城郭掩映林木翳鬱日出即不見歲約數次

汶上縣西南周三十里每秋水泛溢一望無際遙視村落如烟波沓靄中又嘗有城樓人馬之狀出于水上謂之水市關亭在南旺湖中水際時見烟雲樓臺之狀

靈璧縣沫溝湖天色晦暝之際隱、有城郭狀霍丘縣大業陂天晴日霽陂中或見城郭之影東阿縣桃城舖、旁一丘高可數畝每陰雨後烟霧中隱、有市井車馬之形

嘉靖二十年景州城東八里舖平原曠濶每晨日出之時望見城郭巍然樓櫓俱備日高而沒不知何祥占書云曠野之氣成城郭江湖之氣成樓臺或者此歟

景州志

弘光元年正月十一日午刻河南滎澤縣東南三十里郭村忽現大城雉堞樓櫓畢具南北人共見而駭之總督張縉彥以聞謂天官書廣漠之氣成城郭今河南茫無人影誠廣漠之氣也

卽報

鉅鹿縣北十里許古鉅鹿之故址也今廢相傳侵晨霧露時城之規模隱、可見良久乃滅



海市

海市見於登萊然不獨登萊也凡海濱皆如之人不  
經值故無得而稱焉海鹽周翁家澉浦西門外嘗曰  
萬曆中於葫蘆山觀劇忽海上現城郭樓臺女牆內  
行人如織或負載或荷蓋可二十刻頽其一隅餘漸  
淪沒

浙江觀察中牟張天机石平嘗行部海鹽登城樓望  
見海中有浮屠高三十仞白雲湔、送之初謂絕島  
所未有之奇也已而石塘開沸人皆走且呼曰海市  
矣海市矣未几赤壁轟起梵城剝落若堵墻少間色  
變白危樓數十間涌出其際窓櫺玲瓏金碧如畫忽  
蒼烟飛來複閣盡沒而修竹萬叢松柏槎枿層城睥  
睨橫亘異狀烟盡樓脊盡出頓還舊觀乃有長橋出  
於水上隱、歷、車馬無聲樓船旗幟似有人隊介  
而立其餘若鼎若鈞者幡蓋者盤盂盂槍者目之所  
接手之所指蓋不可勝數而又倏忽盡矣石平為吳  
太史駿公述之見太史記中

劉炳文海舟記程

萬曆乙未浙帥劉炳文提舟帥送海道趨登州倭倭  
四閱月始至紀云乙未上元送台州開帆百里至金



鰲山高宗南渡避金處也歷老鼠嶼出琛門風遠猛  
烈兩礁夾起東西砥牛頭左堂西門尤為險阻而五  
嶼羊嶼昏山黃珠茶鹽兩山皆四面峻削絕莫繫泊  
飄遂空洋夜半颶祭船各壞散詰旦於靈門山聚合  
出金齒門因潮浮至箬竿山復依南由巖夜觸韭山  
船多破損收回五瓜山修船至點燈礁犯及亂礁洋  
為藏龍藪倏尔驚觸震蕩翻激水赤天昏危鬚捲水  
至半空而倒瀉船皆碎毀几為魚鯨出白馬礁過大  
漠坑依險而泊由浪擗頭轉歷升羅嶼得登普陀山  
旁倚金鉢盂儼然崎嶇出此渡橫水洋入五瓜湖移  
住廟子湖隨風逐浪直蹴陳錢山其下有太毒信宿  
而往而顏盡變且多患瘡疾及下八山浪崗馬蹟李  
壻魯峯皆砂石亂列其水有綠有黑有淡有辛有苦  
有臭有清徹見底鰕魚可數有淺灘如湖蛟虺鱗角  
顛著俄為颶風打出窮洋直抵倭國五島山轉經漁  
山假泊沙侯風息驅難山過鼠狼湖及上川下川鷹  
巢頭諸山再入西洋魯則謂之落滌船凡撤人十無  
一因乃乘颶而逐羊山上有圣姑礁盤礴巍峩宛如  
裝砌許山聯脉金山衛其拓林乍浦激浦延袤千餘  
里又皆控扼三吳者也復順流而東七了諸港岐分



錯雜窒礙莫前崇明果孤懸海外而大陰新安諸沙  
生聚甚夥福山直對三引沙傍通楊子江與狼山相  
望若東洲河七星港暨河口黃涇河不下十餘口海  
潮灌浸直達維揚轉而西行有三棹大橫深泝非予  
四口張方大樓滙水姜系掘港五港一望無山其川  
山窪川漁窪三寨窪狂瀾澎湃殊甚險剝水叙斑斕  
因號虎斑水僅得開山無舉可泊至射陽湖之雲梯  
關宿焉及風解纜自辰至申浪、頽波極目無際漏  
下三鼓得抵鶯山之灣問其程則餘五百里越明日  
胡風牽帆踴躍碧虛躑躅于黃混水鄉曰望吳洋依  
憑延真島此皆造未人跡不到之鄉但見靈鯁老鼇  
三五噴沫相逐大者方丈高厚六尺殼背亂纓長目  
帀口就矧舒伏迤邐於白山高公諸島登竹島之巔  
四顧廖廓惟東海所城甚迤其夜三面受風避入杜  
林山因陟雲臺山占三元修道上昇處也翌日西北  
作雲東南吼風互浪掀翻桅檣斷折凡三日夜不知  
疾行几千里膠瀉汙呷風雜少平餘波猶湧東方既  
白迸崖滴水之灣隸山東境上矣去安東衛僅百里  
涇史潮至開行二三日海天一色並無舉嶼可以停  
舟野宿洋飄如浮萍無定泊哉堂山至招溝塔埠杜



家港諸洋越日入膠港補繕壞船過東島依田橫之  
島夜泊福山島而山若有神上無草木中無穴洞而  
悲鳴有聲翌日至草島背去大嵩三五十里風濕渺  
漫海面逾賒僅有巨高島棘簪島灵井山依傍海陽  
所距咫尺莫能躋焉夜將半犁入魚網上採水不過  
十餘丈乃莫耶島也與遼東連界海運所經故道至  
聿青島明先山不半潮已達塔島泉取水相望佛山  
涛沫瀼瀼如一掛珠簾頃刻抵渚里去查山僅几里  
上有古蹟路甚崎嶇附葛板藤一步一蹶得造其絕  
頂焉其上復有南天門峴岼秀拔凌接雲際東隈一  
洞幽雅修潔昔王陽真人煮煉於此騎白鶴飛昇有  
雲光宮在焉旁多山茶名子心香馥襲人丹井碧泉  
崢嶸犄角天然雲房石室也登舟行於馬大背見一  
巨魚橫於亂礁上長百餘丈其脊如山口潤無鱗令  
人其脊總數百人僅開一肋肉不堪烹可熬油棟骨  
一節計千餘斤而肉內小刺亦踰尋丈潮迴日落携  
刺數根而西遇颶風至寧津所戍卒蕭條烟火不過  
百餘家西有岩石參差十數里乃西揚舍人之墓每  
每作祟覆雨翻雲秋則遠去掠人田禾春夏於此邀  
劫過船掣舵放舟越三百里遙望大洋突起數丈如



銀砌玉粧近如噴雪篩粉俗呼為白蓬頭者是也其  
山脉綿亘暗藏水底密迤成山鬱嶽凡百里皆雄崖  
劍峯萬里海濤衝注會集秦始皇造石橋渡海觀日  
神人驅日鞭之見血至今山石皆紅內有成山衛山  
此險道淺、宵行至威清衛所開泊劉公泊其島尚  
有居址似舊有遼人在焉不移時入大空島七多浮  
石即頑鈍砥礪浮水不沉轉入寧海州外洋盤旋落  
子嵩之裡若清泉寨奇山所又其扞屏遶迤福山果  
入丸山港至拷、島乃雲晴雨止轉泊八角山則見  
斜曛凝耀矾嶼烟冠始若樓臺錯列既若城郭周圍  
俄而人馬縱橫又俄而旂幟掩映出沒無定更換不  
常或告曰此海市也旁有長山島有黑島上多巨蛇  
產金沙少選抵蓬萊閣矣自浙遶齊計日四越月計  
程七千里由浙江達直隸延袤二千七百里自直隸  
金山衛抵東海所計一千八百里自東海抵登萊計  
二十四百里

謝肇浙州略



古赤壁

古赤壁嘉魚果北六七十里赭石雄峙即周瑜破曹  
虜雒陽時得遺鏃砂礫問北岸烏林曹所戍守也懸  
岸鏡額蘇子瞻署之曰赤壁其左就湮僅見與弟字  
嘉靖辛亥華亭莫如忠登其上記曰長公與鏡石稱  
與弟云者固嘗階子由來表赤壁所在章矣而賦作  
於黃州要以即事寓言不害為情之所托侯好古者  
之自定也

物產

五方之產名山多金玉嶺表多玳翠玳瑁豫章多漆  
荆南多丹銀齒章青齊多魚鹽  
金升宋時州郡金冶十一  
銀升宋時產銀之監三冶場天下八十四  
銅山四百六十七宋銅場三十五  
鐵山三千六百六十宋鐵務二十  
宋錫場三十六





棗林雜俎中集

名勝

黃河

河南北諸水源渟而暴漲每過發時浪高數丈排山倒岳杠梁舟楫皆不易施然其淺可立而待也故俗以徒涉為便許松阜謂孟子不知子產乘輿之事亦有理陸儼山外集

九河

保定地卑水自西北來者九曰蘆溝橋拒馬夾河瓠

國家圖書館 NATIONAL CENTRAL LIBRARY, TAIWAN, R.O.C.



遷孺米著





瑤胡良桑乾烏流白澗白溝是為北九河非禹疏九河也後雄縣而下匯於毛兒灣

### 運河

鎮江至杭州運河相傳隋煬帝鑿濟寧揚自聰游武進戚墅堰讀遺碑戚墅支河自六朝已有之此言必有所據夫使運道未通而先有支河此涓涓者將安所歸則知自古而然非自隋始也或因而濬之耳見玉堂薈記中愚按夫差鑿邗溝以達江淮能致力江北豈蘇常近地獨不通舟楫耶攻楚攻齊轉餉一二千里必非陸輓則運河為大差時無疑

### 鹽池

解州鹽池蚩尤所窟穴處平時淺沙歲九月九日先後數日嘗大風雨為化鹽之候披二十里之聚各儲草荐木屑竹枝樹梗敝履壞絮之屬一切雜投狂風一夕作凍明日視之滿地皆鹽華矣味甘鹹甚瑩潔始祭蚩尤之旗官收其半民取其餘無不滿志  
寧夏鎮城南北各三十里俱有鹽地其產不多官亦不禁不知于古何名河東邊外有花馬紅柳鍋底三池以境外棄今鹽池之在三山見者曰大鹽池在故鹽州地之西北者曰小鹽池其他曰孛羅等池最多



皆不隸大鹽池其鹽不勞人力因風而生原額三千二百餘引弘治九年延綏寧夏二鎮輪招馬匹尋乃奏章正德初總制楊一清奏如河東運司例每引收銀一錢五分增課五萬二千引

### 潮汐

招遠揚太史覘光曰地之有潮即在人有天癸之說也潮之理每歲升降于二八二八為一歲寒暑之分每月升降為初八廿三為朔望之分每日升降于朝夕為晦明之分八月潮生而天交于地二月潮生而地交于天天交于地而秋冬閉胎息之象也地交于天而春夏啟長養之象也天地男女一而已矣崇禎戊辰潮溢吾寧邑人望城外如火蓋陰火潛然之謂也

### 南亂北亂

平涼府沙棠川出崆峒山之後峽滙于崆峒之東麓曰南亂金佛峽水循府川而東至龍音寺出與崆峒前後峽水合而為涇過府城西北曰北亂詩注曰亂截流橫渡也

### 王窮寧汭記

涇州諸生王寧記曰汭水紀于禹貢廣韻汭音儒說



文泐从水从内訓曰兩水合流之謂也又曰小水入大水之名質其實雍豫二州有專名之者有通名之者專名者以義也通名者以類也以類通名如會于渭泐東過洛泐是也蓋渭自鳥鼠而東逝注出筭頭而北來二水至高陵而匯于河徑龍門東注豫州洛由熊耳東北入河既皆小水入大水且兩水合為一以故不曰涇渭而曰渭泐不曰洛河而曰洛泐由是推之則凡諸州之水類于是者皆不拘于定名而得通稱為泐也以義專名者注屬渭泐是也泐在華亭城東三里乃兩水合流其北源西出小隴山之馬峽俗呼北河南源西出隴山之仙姑峪俗呼南河北河環朝那山前蓋山有古朝那王廟其西西北有湫東去縣東三里而別稱為兩山南源環王母山、巔有古王母宮東去四里別稱為儀山俗呼為回頭山儀州寔以是名也儀兩兩山南北對峙豁開如門故兩水合而東流名之曰泐水也又二水交流而下亦專名為泐也泐匯為深潭、名合水、之北岍一臺高廣平夷荆榛瓦礫錯雜相傳禹王廟也北涉兩山之巔遙見東南隱、峰巒侵入太虛隴州吳山也沿泐峽、石三十里皆斷崖摧壁神禹䟽鑿之跡也峽行



十五里南塿有女神之廟扁曰抵汭元君土人呼底  
茹娘之汭讀為茹之孺同音廟東十五里至石堡汭  
北受紫卸水源出朝那湫山之陽而陰即為涇水又  
東五里至安口峴牛心山南受武村水汭至是蓋大  
北有斷万山白馬舖嶺柴卸而來南有五馬山白石  
櫃寺武村而至兩壁削立巉岩百仞束汭于中雪浪  
湍激徑行五里為屯城唐李元諒屯兵扼吐蕃者也  
屯東為崇信川汭水益大滌不可涉行旅皆袒而濟  
又東三十里北過崇信縣城崇信人曰汭水遠北又  
東七十里東過涇州過回山乃屬於涇弘治戊午督  
學憲副虎谷王公按涇州試諸生後乃涉水登王母  
宮寧從行王公東眺曰北流而濁者何水乎寧對曰  
涇也南流而清者何水乎寧對曰汭也公曰是禹貢  
雍州屬涇之汭乎周職方其川涇汭乎昔今劉有汭  
鞠之即吾過幽西行三十里涉一大河北入涇是何  
名乎寧曰靈臺之達溪也公曰朱子注汭鞠之即曰  
幽地日廣也試且廣求之斯地有百泉乎寧曰去華  
亭西北三十五里朝那山湫陰有泉百餘為涇源乃  
百泉也有溥原乎寧曰亭口靈臺之西汧陽隴州之  
北華亭龍州之東有廣原唐尉遲敬德破突厥郭子



儀破吐蕃之西原也李元諒開麥田千頃号曰良原  
今為溇潤原公又曰此與吳山南北乎寧曰正相南  
北公曰必茲西去百里外有兩水合流者始可謂之  
汭若其旁之乎寧計華亭至涇程一百三十五里果  
符公言還白之公曰朱子注詩言汭水出吳山西北  
者以名山而志名水旁汭沂流也今遂謂出隴州東  
入于涇今隴水乃沂入謂去涇遠矣且將置溇原于  
何地乎

趙中丞時春曰寧之論汭謂小水入大水是矣然達  
溪雖徑流靈臺源出武村西南遠門川諸水合良原  
靈臺諸溪以入涇皆汭也

禹穴

松潘亦有禹穴禹生于此其水見丹樞李徐道荆親  
見向予言之 陳眉公太平清話

呂梁洪

萬曆癸卯鑿徐州呂梁洪得唐尉遲敬德所題名相  
傳孔子觀呂梁非其處

鴈湖

廉州府城西北七十里鴈湖每秋冬有双鴈遊于其  
間為其罕有故名



月湖

寧夏衛月湖廣斥無水草遠望瑩然畢照俗稱古戰場也

醋溝

唐岑參詩鴈塞通鹽澤龍堆接醋溝郭緣生述征記醬魁城至醋溝凡十里

陰司溝

襄城縣北四十里穎橋鄭莊公見母處有隧道在焉俗呼陰司溝

八功德水

南京灵谷寺琵琶街側有池云八功德水余嘗過之則涸按八功德水見天竺國一清二冷三香四柔五甘六淨七不噎八除病

皇后水

武安縣西八十里太行山中有池夏涼冬溫世傳宋太祖下河東將引皇后入晉陽后病瘡掬此水浴之遂愈至今人稱皇后水武安縣志

冰至水

宣府懷安衛城西南三十里虎窩山崖水出盛夏結為冰柱至隆冬反釋



瀘水

諸葛孔明五月渡瀘：水即黑水非瀘州也其水色黑故曰瀘沉黎古志孔明南征繇今黎州路黎州四百餘里至西林蠻自西林南瑟瑟部三程至嵩州十程至瀘水瀘水四程至弄棟即姚州也金沙江在滇蜀間一在武定府元江驛一在姚安之左卻據沉黎志孔明所渡當是今之左卻也瑟瑟一作虱瑟西林今之邛部長官司也

愛陽河水

宣府愛陽山河在炭山西北二十里本牧地深二尺餘下有頑冰黑色者數尺水上有浮草性涼宜牧焉其地生黃花大如錢人馬蹂踐萎悴明日復生如新

石槽水

高陵縣青真現在縣東南二十里吳村西魏文帝嘗過此有石槽圍方不及二尋水常盈以飲隨駕馬千餘匹不減涓滴文帝異之主觀者對曰臣有飲馬珠在內故水不竭類首獻珠今石槽存

須水

崇陽須水須音會今寫作須讀作需訛

粉水



粉水源出房縣蕭何夫人于此漬粉鮮潔異常。

### 鶴川水

雲南鶴慶刀劍取麗江之古宗鉄濯以鶴川利可刺  
犀屈之可以繞指

### 龍潭

天啟丁卯立秋日天台石梁下忽龍潭忽涌金錢三枚  
各重一兩六錢面鑄太平通寶字攷縣志宋太宗鎮  
潭物也遂募塔曰聖祥

### 清池

滄州清池凍氷結花四散離披有松竹牡丹車馬人  
形等異狀詩云兩木曰甲皆佇立結氷池上盡離披  
出周府博平王錦囊

清池中蓮蕊取之研如泥凡繪圖寫畫光焰勝金色  
分上滄州志

### 化癭池

武安縣西柏林里有池周十八畝癭者飲之可化

### 珠池

廉州府城東南八十里有平江青臺楊梅池雷州有  
樂民池俱產珠

明時率十五六年或十年一株始得美珠迨者三年



一採俱碎小籓臬有司頗受詰責

嘉靖十二年採珠至廿二年復採僅隔十年海北道  
簽事翁溥嚴立採法四閏月方才封池用銀七十  
餘兩除織造螺筐起蓋廠房夫役俱役民不預造報  
者不下二千餘兩僅得珠四千餘兩所得不償所費  
尚且碎小區不堪二十四年九月又採如前知府  
胡鰲建議謂前採納至今僅隔一年螺珠未生從有  
一二生息俱係嫩小無珠恐復虛費又考洪武廿九  
年詔採珠至永樂十四年始復採又至天順三年詔  
採珠弘治十五年復採正德九年詔採珠則以為頻  
數矣嘉靖五年詔採珠其年十二月大雨雪池水冰  
結樹木皆枯民多凍死螺筐夜有火先人皆異之九  
年又採十二年連採此珠之所以少也正德九  
年採珠樂民池無珠

### 蘇池

眉州三蘇祠有二池過賓與蓮開並蒂必有登科者

### 舜井

舜井在歷城歷山下綠床朱甍婦子牽挽數十步不  
止也深十五丈左圓右方或棄物于井則從西出

### 倒井



諸城縣北五十城陽社井歆卧斜入如人攀倒而然  
泉甘冬夏不竭

### 聖井

邯鄲縣西北二十里聖井其水常溢遇旱取水祈禱  
有驗先明齋宿于庙次日詣

告詞又次日

與衆步迎城隍如聖井庙拜

潔者七人各

持新帚環井洗箕以箕揚水如飛兩狀仍各大声云  
東海老龍七个女刷子歎箕就雨如是者数次始淘  
井時大伐鍾鼓衆伏地號呼如哀如訴待新泉涌出  
取注瓶内仍徒步捧歸朝夕行香雨後送水入井謝

之邯鄲縣志

長興縣下若里陳高祖霸先故宅始生時井水沸涌  
以浴帝今井如故長興縣志

### 丹井

四川德陽縣江干有許旌陽丹井江水撼射井屹然  
不崩歲旱江竭井溢如故郭子章蜀草

### 柳翠井

仁和縣阜亭山柳翠墓普濟菴有柳翠井

### 肅府井

甘肅：王府有井嘗涸秋子果熟以牲禱井泉溢煎



果作紙味酸解濁化痰果盡復涸又酒泉倉無鼠曹縣  
藍亞  
中集

### 火井

臨邛縣火井夜時光映上照民欲取其火先以家火  
投之頃許如雷声火焰出通耀数十里以竹筒盛其  
光藏之可拽行終日不減井有二水取井火煮之一  
斛得水五斗鹽家火煮之得無幾也杜詩負鹽出井  
此溪女正指是井蜀井大都限于得鹽而此井獨吳

### 鹽井

蜀中鹽井始于李冰大都竹井：形大如竹僅可容  
竹也其鑿之甚難其入之甚深其汲之甚苦水出山  
石澹上鹽下有鑿至五六十丈而淡至百丈而鹽出  
鉄釘漕釘刮簡吞筒等器鐵悉甚備不比晉齊燕取  
水成鹽之易也四川通志

### 喜客泉

句容茅山喜客泉濶二丈深三四尺清泠見底客至  
拍手浩笑惟笑泉底噴沫如珠串埜：向人浮出相  
戒默然無言泉亦沉静

### 澹泉

海鹽尚胥橋北河中方丈許沸涌味淡蓋海眼也或



繩探之莫測土人沈氏偶篙中之反躍一木為梁又  
縣城西天寧寺有澹泉鄭端簡澹泉本此

### 酒泉

東昌在平縣西北丁家岡甘泉宜釀

### 肥泉

水經有肥如國地志有肥螺城其地在今東垣之境  
泉水詩曰我思肥泉茲之永歎釋謂衛女婦思肥泉  
為自衛而來所渡水今此水當在邢衛之間予徃徑  
是縣泉水又不多見也但覩其土壤沃饒優于鄰境  
肥之名其以是與陳棊廣平府舊志

### 膽泉

鉛山縣七里之銅室山有貌平坑石竅中膽泉流出  
浸鉄可為銅又鵝湖鄉去縣治七十里有溝漕七十  
七所取本地水積為池隨地開溝碎鉄鋪之浸染色  
變鍛之則為銅 德興縣北銅山下一名銅泉浸鉄  
數日類朽木刮其屑鍛銅 福建上杭縣紫金山膽  
水池亦如之宋游徑言膽水可浸鉄為銅者凡十一  
所古坑有水處曰膽水無水處曰膽王膽水可浸銅  
膽土可煎銅

### 婆之泉



廣西慶遠府思恩縣北五十里有水常隱不見遇行人渴飲呼婆則涌出飲足復竭慶遠府志

### 燕泉

柳州城西有泉春燕來水盈秋燕去水平故何孟春尚書号燕泉

### 聖泉

貴州城西五里泉出石罅匯為方池一日百盈石竭  
弇州錄名百刻泉郭中丞子章往觀倏盈倏竭偶雨  
集井溢僕夫趣歸言百舉成數也一統志稱聖泉長  
史劉汝楫記曰寓內名泉若湯泉火井瀑布釣竇諸  
類洎陸羽所品次靡可縷指特壤界色味稍殊而無  
潮汐惟漳浦蠟湖侯官潮泉鍾山應潮連州潮泉固  
亦消息有期而其地瀕海乃綠海為潮汐泉不得與  
也若池陽潮泉章貢三潮安寧海眼樂平鳳游荆門  
蒙泉柳州潮泉吾鄉龍驛潮井去海懸絕似與聖泉  
為伍第披潮候僅再至三至六未百刻消長別具  
一索籥者則聖泉之灵且異在別境寧復有此乎

### 桑落泉

桑落泉在臨晉縣東北七里唐改桑泉縣因縣有劉  
姓者工釀泉畔桑秋後葉落水清甚挹泉釀酒香色



清白若調漿王公庶士牽拂相招每云索即即及語  
為桑落也今此法人無知者

### 喊泉

武夷山喊泉當製貢茶太守禱畢大呼天子要茶泉  
即溢復呼太守要茶泉復溢否則涸按何喬遠閩書  
建安縣御泉一名鳳凰泉一名龍焙泉泉上供茶取  
此深僅二尺許有暗渠通溪泉日夜從渠出而舊志  
謂喊之則出造畢則造竭蓋神異其說以表茶羨矣

### 趵突泉

濟南府呂祖廟前趵突泉三穴並涌高數尺勢如隱  
雷沆水下流也崇禎己卯正月濟南被陷泉勢亦減

### 靈泉

岐山縣東十五里周公廟東西有靈泉相傳世治則  
出世亂則竭其出必風雨數日唐大中二年出賜名  
潤德後竭復宋雍熙二年復出金末復竭元至正十  
七年復出其後仍竭明弘治十五年九月甲子雷  
風必作澤震裂泉乃復出

### 溫泉

泉貴甘例至于溫異矣又並泉也一溫一冷猶是泉  
也倏溫倏冷不異之異乎博物志凡水源有石硫黃



其泉則溫或云神人所煖主療人疾後周王褒溫泉  
銘云白礬上徹丹砂下流乃知溫泉必白礬丹砂硫  
黃三物為之根乃蒸為煖流耳明廣陵御史桑喬曰  
雷火所灼其氣亦硫豈以雲雷之中而亦有硫哉蓋  
極陽之氣也夫溫泉者亦極陽所聚蘊隆焚如五行  
變化莫所不至蕭山之壘有涼骸焉可云其下有冷  
石耶愚深服其辨而溫冷交換又所未解故聖人之  
不論不議也概一見統志間有遺採偶彙之似終未  
盡

北京

順天府昌平縣西北二十五里湯峪山下有溫泉又  
東南三十八里湯山下有湯泉四時常溫浴之愈疾  
導化縣西北福泉寺山下寬平約半畝泉水沸出溫  
可浴

真平府平山縣西四十里溫泉

阜平縣西北八十里湯池俗傳昔有吳王經此欲浴  
池水忽熱王惡之旁即有冷泉噴出至今兩泉一溫  
一冷

順德沙河縣西北七十里湯山下湯泉可愈疾

永平府撫寧縣東北七十里溫泉浴之愈疾望之熱



氣氤氳

延慶州西北三十里佛峪山下有溫泉

保安州城東十五里溫泉

萬全都指揮使司宣府城東六十里湯池山有溫泉  
愈疥癬又西南順聖廢縣東二里溫泉下流半里滲地

赤城堡龍門鎮

宣府城東  
百四十里

北鄉赤城寺側山根涌出

暴熱而流有一冷泉浴之愈疾

雲州堡寶濟鄉暖湯一處出泉凡七十二眼

南京

應天府上元縣東六十里湯山湯泉六穴以煮豆穀  
終日不熱草木灌之愈鮮茂劉宋江夏王義恭銘曰  
秦都壯溫谷漢京麗湯泉炎德資遠液暄波起斯原  
又府城東北四十里水同一壑冷熱相半熱可淪  
雞中皆有魚、交入輒死民引熱水溉田一歲再熟  
府東南鴈門山上有溫泉可浴

江浦縣西三十里湯泉一名香泉其泉有二相去百  
餘步南唐韓熙載記其泉能蠲除疾疹又溧水縣西  
南香泉同

廬州府巢縣東北十五里半湯山有二泉名半湯池



一冷一熱合流其初冷熱仍異數里之外始相混魚  
自冷魚自冷泉觸熱則亟回

舒城縣西南七里湯泉冬夏常熱可以烹茶

英山縣東西皆有湯泉四時沸騰不竭

安慶府望江縣菩提寺北司馬龍井冬溫夏冷可以  
愈疾 皖公山上湯泉四時如湯可浴

徽州府歙縣西北百二十里黃山第四峰有泉沸如  
湯常涌丹砂浴之能愈風疾

和州北三十五里平疴湯泉其色深碧沸白香氣襲  
人愈瘡疥太子泉即湯泉之一梁昭明太子嘗浴此

含山縣永興院半湯泉

山西

太原府定襄縣東北二十里聖阜山有溫泉龍朔中  
嘗賜錦幡李治有碑記

遼州東八里溫泉冬寒熱氣上騰五六尺 沁州南  
一里暖泉隆冬不冰

孟縣北百二十里溫泉有三穴一穴出盤石中尤熱  
舊經云北齊濟南王有疾於此沐浴遂愈其水南注  
滹沱河一出縣東二十里名溫池泉

孝義縣西九十里高唐山之側溫泉靈液淡、和氣



如董徑嚴冬積雪不冰

大同府治東北火井南北七十步廣減尺許深不見底炎熱上井常若雷霆以草爨之則烟騰火發又東北去火井五六尺湯井廣輪如火井熱勢亦同以草內之皆沾濡露結故俗以湯井為日升井

靜樂縣東十五里北山下石縫中溫泉流入碾河

蔚州西三十里暖泉夏涼冬煖可資灌溉

崑崙州城南山下溫泉其穴數十引為水磨

永寧州城西崖下溫泉湧出南流與川水合

寧御縣西南百里暖泉村其泉有氣又名牛尾泉西

北流入黃河

五臺縣東南四十里有溫泉東流入清水

山東

兗州府曲阜縣南七里溫泉

沂州東北郟城縣西北供有溫泉

青州府安丘縣南七十里溫泉

登州府城南七十里溫泉又棲霞縣艾山寧海州嵒山

福山縣西三里奇泉自石孔出味甘冬溫夏冷

招遠城東二泉並出一寒一溫

寧海州東四十里龍泉文登縣西七里湯泉又東北



六十里溫泉皆寒溫二泉並發

萊州即墨縣東四十里溫泉烏墮輒爛旁有涼泉  
遼東都指揮使司溫泉凡六一都司城南五十里一  
城東南五十里柳河一西南七十里鞍山一曹庄  
驛東十五里一寧遠衛東南二里一廣寧前屯衛東  
北七十里

### 河南

河南府城南溫泉冬溫夏涼又新安澗池嵩縣俱有  
之

南陽府城北二十五里紫山有水冬夏常溫曰陽谷  
裕州歷山七峰山各有泉冬煖

汝州西南六十里溫湯泉有九眼東南流注廣成澤  
可療疾唐武后嘗幸此有溫湯碑又有寒泉南流  
汝寧府固始縣西南山中溫泉其熱如湯其色綠  
商城縣南溫泉能已瘍疾  
涉縣西北三十里溫泉今淤塞不存

### 陝西

西安府臨潼縣東南二里驪山溫泉下乃鑿也秦始皇  
皇於此砌石起宇漢武加脩飾唐時建溫泉宮  
藍田縣西南四十里石門湯泉 武功縣太乙山有



水沸涌如湯可療百疾

鳳翔府寶雞縣太白山下溫泉可治百病世傳清則疾愈濁則無驗

平涼府北城之間有溫泉即古柳湖也深數尋溢出灌溉諸園圃冬煖不冰趙時春平涼府志曰平涼府為州者二十而羸為泉而冬不冰者以數百而冰者不與焉

鎮原縣鹽池東有泉冬溫又有泉可植蓮皆東入高平鄉

隆德縣城東百步溫泉出石穴寒夏不冰萍草冬青下有廢蓮池圍可二里

靈臺縣保巖山之陰溫冷泉半溫半冷浴之愈疾靜寧州城東三十里乾禮川有溫泉

固原州北五里有煖泉冬弗凍

延安府治南泉有七眼味甘冬溫夏冷遇大寒流溢不凍甚濟居人

甘泉縣南四十三里溫泉山下有溫泉

陝西行都指揮使司永昌衛城西南三十五里暖泉二穴湧出四時常溫東北流入水磨川

寧夏靈州守禦所西南一百餘里山東滾泉自地涌



出高大許其沸如湯

寧夏韋州暖泉在鹽池西南

浙江

金華府東陽縣東南四十五里夏山上有池冬溫夏冷

台州府仙居縣東南二十里黃赤湖脩廣皆數丈水四時如沸夏飲寒浸毛骨冬飲則如湯相傳宋時嘗有龍出沒云

桐廬縣北十五里神泉冬溫夏涼病者飲之或瘥祈禱多應

江西

南昌府寧州西黃龍山下冷煖二泉相去數尺奉新縣九仙山湯泉涌出道間一溫一沸

南康府建昌縣西八十里湯泉愈瘡疾

廬山主簿山在胡朗廟南數里山下有溫泉穴口圍一丈涌出如湯沸冬日恒熱

建昌府新城縣東四十里溫泉有硫黃氣浴之愈疥癬

撫州府臨川縣城西三十里溫泉中有伏石分為二流其陰水差寒其陽水常沸



吉安府龍泉縣湯泉凡三一縣西百里一新田院側  
一朱砂礮下

袁州府宜春縣城南三十里有溫泉、有魚投以生  
郊即熟

贛州府溫泉凡九在信豐者一在寧都者二在安遠  
龍南者三皆溫如湯而寧都尤熱

九江府德安縣三十里廬山下湯泉石池五南一池  
極熱手不可探北四池稍溫浴之有硫黃氣

湖廣

武昌府蒲圻縣南五里湯泉冬夏常沸

襄陽府光化縣南五里溫水舊有一泉其水溫煖今  
寒河常存

房縣東湯泉中有朱砂

德安府應城縣北六十里京山有溫泉淵靜如鑑聞  
人聲則湯奮發其熱可燂雞又應城西五十五里玉  
女泉其泉熱沸

隋州城西百二十里大洪山西北有煖水

蘄州城北百四十里泉沸如湯有硫黃氣

岳州府平江縣北九十里幕阜山有溫泉三穴

長沙府攸縣東六十里溫水泉冬溫夏涼又縣東百



二十里有暖水石泉宜冬浴

衡州府耒陽縣平陽五都有二泉其水春夏溫和秋冬滾沸

永州府零陵縣溫泉

常德府桃源縣西北百二十里湯泉常沸又有冰泉人曰陰陽泉

柳州其寧縣東北五十里石中山其巔有鴈池冬月溫燠鴈嘗食息其中柳州城北二十里平地泉涌出如湯沐之愈疾

桂陽縣北三十里白芒溫泉胃風者浴之多愈

宜章縣東二十里溫泉池又縣西六十里有桃花湯其水冬夏常暖

### 四川

成都府新都縣溫泉冬月未至數遙見白氣如烟

順慶府儀隴縣火井天寒焰從地出

叙州府富順縣火井

重慶府城西南百六十里溫湯峽泉自懸崖而下涌出四時騰沸如湯 合州東五里溫泉

夔州府開縣三潮溪冬熱夏涼又縣南溫井冬夏常溫



漳川州蓬谿縣西二百里官館鎮之北伏龍山下火井地窪若池以火引之有聲隱々發地中少頃炎熾夏月積雨停水則焰從水上水為之沸而寒如故冬月水涸則土上有焰觀者至焚其衣裾也又邛縣西八十里火井博物記云井深二三丈以竹木投取火後人投燭井中火即滅絕不復燃

邛州城南火井夜時光映上照民欲其光先以家火投之頃許如雷聲焰出通天光數十里以竹筒盛之拽行終日不滅井水有二井火燭之五斛水得五斛鹽家火燭之無幾也州南有火井巡簡司

東川軍民府西南三十五里湯池水出石竇中熱如沸湯清徹如鑑

四川行都指揮使司溫泉二曰寧番衛城東百四十里曰越嵩衛城東二十里四時溫暖可愈疾 都司北七十里熱水池四時常熱流入溪河合瀘水接金沙江

### 福建

福州府城東崇賢里湯泉味甘而性和熱甚硫黃氣謝肇淞五雜俎云吾郡城內外溫泉共十五處汀州府城東四十里湯泉



興化府莆田縣城西南大溪中湯泉有三穴如井熱甚漢時胡道人棄丹於地水遂溫浴之多壽以上見一統志而莆田又錦江西桃源溫湯池又上杭橋西北岼溫泉潮退可浴餘縣搜附於後

南安縣城山溫泉有四三熱一溫

德化縣湯嶺湯泉出焉

永春縣湯泉二一在湯邊一在登瀛橋北

安溪縣湯泉穴

大田縣湯坑湯熱可浴

沙縣熱水池其水夏冷冬溫

永安縣湯池六熱水口苦竹村上村池仕洋湯池溫湯池龍峰湯池

上杭縣溫泉云小拔湯

長汀縣南何田市湯泉周數十火熱能熟生名無垢

泉又一在縣南安仁院石竇涌出可溉田

清流縣溫泉三池溪嵩口北原可以熟卵

連城縣溫泉

永定縣湯泉三大洲湯泉出地中下洋湯泉出石壁

李田湯泉熱能熟物旁有溫泉可以和之

龍溪縣溫泉舊西廂城址下



漳浦縣梁山南北兩麓各有溫泉

龍巖縣溫泉在塗潭社四時可浴一在小溪社熱氣尤盛

南靖縣溫泉四永豐里二歸德里一清寧里一

長泰縣湯泉二平和縣溫泉二清寧里新安里

寧洋縣湯池

廣東

廣州府清遠縣東九十里湯泉有石如錢出泉熱可熟物

韶州府城東南五十里湯泉能熟生物每霜雪時泉

氣上蒸赤魚時見人不能獲又曲江縣西北四十里

泉有三穴四時沸涌可以芘烹又樂昌縣東北四十

里溫水冬夏常溫愈疾又乳源縣西北二里石穴中

溫泉又靈君山周山嶺溫泉二

瓊州府感恩縣北七里溫泉夏冷冬沸能愈風疥瘡氣

高州府溫泉三曰府城北一百七十里曰信宜縣治

南曰石城縣北五十五里

廣西

柳州府來賓縣西北一百里雙泉冬溫夏涼



象州東三十里温湯泉其水常熱可熟物  
萬州城西温泉

雲南

雲南府安寧州北十里湯池雲南温泉非一此爲甲  
色碧如玉可鑑

臨安府治温泉每春莫郡人浴三日謂祛時疫又西  
北四十五里及建水石屏阿迷三州通海河西嶺岷  
蒙自四縣俱有之

鶴慶府城東南温泉每歲三月浴之愈瘡

麗江軍民府通安州阿失村有温泉

廣西府彌勒州西十里阿欲部山下温泉

蒙化府城南甸尾山下温泉相傳蒙納奴邏母病浴  
之愈

尋甸軍民府南五十里温泉俗呼熱水塘

沅江軍民府城西北十五里温玉泉石間迸出如湯

北勝州温泉二曰州城枯木村曰州南沙田村

馬龍他郎甸長官司北五十里徹崇山温泉其熱如

湯

金齒軍民指揮使司城東二十里哀牢山下有石狀

如鼻二泉出焉一温一涼曰玉泉又城西二十里虎



障山下溫泉

隴川宣撫司湯泉從石罅出為河熱甚

貴州

貴州普安州溫泉有二一在城東南八十里一在樂民千戶所西水溫可浴

水異名

芑水厓也芑之言內也水之內曰隩水之外曰鞠  
詩芑阮之即阮與鞠同九阜九折之澤也水隩曰溇  
隩重瀛也水之夷上洒下似之許氏曰岸上面平夷  
而其下為水洗蕩齧入之也水中高地曰坻水草交  
曰蘆水會曰流一曰水外高有瘞埋之象

營建

山陵

孝陵應天府朝陽門外鍾山 懿文太子祔墓於側  
世稱東陵 孝陵後有小阜曰大山萬曆間金壇于  
玉立欲治墓以科臣論止空其穴後誠意伯劉孔昭



葬其父蓋臣

孝陵享殿 太祖高皇帝孝慈高皇后左淑妃李氏

妃 氏皇貴妃孫氏皇貴人 氏皇美人 氏右

碩妃生成祖文皇帝

孝陵道中觀音閣後壁瑪瑙石高大餘衡丈有 尺

光潤如玉出青龍山永樂間採置

長陵昌平州城北天壽山自紅門進御道凡二十餘

里舊名東祔子山永樂七年卜建賜曰天壽世傳燕

山竇氏舊居無據千峰萬壑交鎖周密崖峩森翠後

視高山數十重來龍跌斷明堂平澗羅城諸小阜尤

密匝祔葬十六妃

獻陵在長陵右祔葬四妃

景陵在長陵左祔葬七妃

裕陵去昌平二十五里獻陵之西祔葬十八妃

茂陵去昌平二十七里裕陵西北祔葬十四妃

恭陵在茂陵西無妃祔

康陵去昌平三十五里恭陵之西九龍池環其前松

園繞其左

永陵去昌平十八里長陵之東南規制巍嚴如長陵

而巧麗過之俱襄陽白石兵部員外郎餘姚駱用卿



所擇祔葬妃三十嬪二十六

昭陵

定陵在陵大峪嶺徐尚書學謨議擇時通政叅議梁子琦等難之為輔臣申時行王錫爵等所斥崇禎初尚書姚思仁督理多朽石寧無罪地脈哉吾寧陳典郊以給事中巡工言壽宮五室中三間待馭四隅維以鉄索各大銅缸注油左右室通門侍中宮及嗣帝所生母升祔神廟閱壽宮自坐石室飲酒慶陵

德陵石橋高不五尺長不五丈砌石無甚費而耗二十餘萬金享殿寶城尤不貲且陵地窄甚僅當兩山之脉在永陵左沙相距不百步也蔣德璟云

德陵窆日石梁中斷諸臣亟培土不敢以聞諸陵明樓有碑題宗

皇帝之陵稜恩門內有碑俱無字閑以木柵

思陵在紅門西三里典諸陵隔河諸陵俱河北思陵獨河南即故皇貴妃田氏園也

候氣室

順天府治有候氣室每立春先期五日奏遣欽天監



習占候者二人往設瑄實反如舊法占畢還奏

槐廳

全州蔣相國冕治第南門外巨槐一曰槐廳

明德堂

天下泮宮俱明倫堂獨應天府學明德堂以宋文天祥手書故

梅熟堂

鄞縣東北三十里大梅山護聖寺漢梅子真舊隱也寺有梅熟堂先是梅甚巨稱為梅龍孫權伐而三之一會稽禹廟梅梁張僧繇所畫龍飛去者有梅核半可容粟一斗正德間盜失

六老堂

南康六老堂因五老峰祀宋守朱元晦曰六老

來玉堂

王元美弇山園中堂成適汪伯玉至名曰來玉董玄宰倣之樓成適陳仲醇至曰來仲

瞭鷹臺

南海子方百六十里殿旁瞭鷹臺臨三海子渡以七十二橋

銅雀臺



曹瞞臺於鄴水峽西門豹祠相近今水中隱三臺  
址蓋銅雀金鳳玉井云二臺久沉一臺址稍高

### 厄臺

陳州厄臺孔子絕糧處崇禎時流寇佯齎諸生其上  
圍斬之又遺厄也

### 主人臺

潁州東二里岳廟前元末每旦彩雲騰覆明吳太  
祖嘗幕其上天下大定雲散土人呼主人臺潁州志

### 鶴臺

崇禎甲戌湖廣松滋縣得石碣晉羊叔子所書鶴臺  
二字

### 摩旗臺

全椒縣西北四十里宋將焦光贊結寨於焦山上營  
壘皆石砌高數尺圍可二里許東有搖旗墩北有摩  
旗臺雨洗後嘗出甲葉鉄鏃之類石窖中米麥至今  
猶不腐全椒縣志

### 梳粧樓

皇城北苑中有廣寒殿相傳遼蕭后梳粧樓成祖  
定鼎北京勿毀以垂鑒戒萬曆七年五月四日樓傾  
梁上金錢百二十文云至元通寶則樓初於元初非



遼時物矣 張居正雜著

六相樓

四川達縣本宕渠故地洪武庚辰進士柳州曹嗣宗  
承達縣脩六相樓祀唐李嶠劉晏元稹李適之韓滉  
宋張商英嗣宗終廣東按察僉事

瑞光樓

鄞縣南二十里櫟社元末永嘉高則誠明避亂寓於  
沈氏樓作琵琶記夜按拍而歌蠟炬二枝相隔光忽  
交合遂名瑞光樓遺址存

四雨樓

姑蘇廣福山周天球治園有四雨樓桃梨海棠各栽  
一面謂海棠濕透臙脂雨梨花一枝春帶雨桃花亂  
落如紅雨其石臨水對山曰珠簾莫捲西山雨

朝天宮

南京朝天宮古冶城也後殿黃垣據高垣之上 太  
祖嘗更衣於此俗傳蓋其下非

鐵柱宮

南昌鐵柱宮東南隅方丈甃池作石欄鐵柱微露乃  
石耳非鐵也陸儼山豫章漫抄

雙魚宮



錢塘洪侍郎瞻祖游江西王皇山寺見石盆中金魚  
八枚游泳必雙異而問僧謂僅四頭因登席聳視果  
然平視又如前僧曰此名雙魚宮乃旌陽真人所遺  
仙蹟遊覽志失載

### 白塔

泗州白塔初來安縣北六十里白塔寺路通盱眙有  
磚塔一座雷擊掣其末三層遺在泗州境伏虎山今  
存半塔創始雷掣俱不知其何年月

### 鎮河塔

涿州桑乾河中以前有塔名鎮河塔嘉靖元年塔崩內  
有古錢皆飛空如蝶自後河水不時泛溢涿州志

### 應州木塔

應州佛宮寺木塔四層六簷八角高三十六丈遼清  
寧三年田和尚奉勅募建塔後殿九間通一酸茨梁  
洪武元年四月八日塔頂佛燈連明三夜 文皇帝  
北征幸其上題峻極神功後 武廟巡應州題天下  
奇觀 應州志

按佛法佛菩薩塔高十三層辟支塔應十一層阿羅  
漢四層餘隨品級減之此八種塔並有露盤佛塔八  
重菩薩七重辟支六重四果五重三果四重二果三



重初果二重輪王一重凡僧但蕉葉火珠而已後世  
建塔不原佛制聖凡相濫化謬至多

### 虞仲

太伯逃荆蠻自號句吳從歸百餘家立為吳太伯太  
伯卒無子仲雍立是為仲雍傳三世至周章武王  
克殷大封同姓封周章于吳封其弟虞仲于周之北  
故夏墟列為流侯是為虞司馬貞曰夏墟在河東太  
陽縣據志書平陸即古太陽縣至唐開元始更今名  
其廟為太伯明矣或者謂太伯仲雍以次而傳至周  
章是為南之吳虞仲始受周封于夏墟是為北之虞  
然則虞祖虞仲曷以廟太伯哉曰不然武王大封同  
姓周公于魯召公于燕叔鮮于管叔度于蔡及神明  
之後封止一國一祖而受二封者惟于太伯見也武  
王之意以荆蠻吳夷其禮鄙俚不足事太伯而報其  
德再封于虞得處先聖王之舊都且邇中畿之地得  
用中國之典禮其于太伯之德庶幾乎報矣明初夏  
縣王翰平陸縣太伯廟記

### 妬女祠

平定州東九十里承天鎮俗傳妬女介之推妹也舊  
經云介山氏之廟唐武后幸河東道出祠下懼致風



雨欲開道以避之狄仁傑曰一人行幸風伯清塵雨  
師洒道何妬女之避遂止其役駐蹕祠下風停雨息  
孟母故宅

榆次縣古城西南隅蓋孟子鄒人其母并人也其地  
有三徙鄉

### 藺文

榆次縣東南四十里相傳藺相如所居故里當秋深  
地獨無霜五穀登衍人異之

### 姜女手跡

曲沃縣西南三十里侯馬鎮南河西堰中世傳姜女  
托堰哭夫手印于堰至今土雖屢傾遺蹟猶在

### 殘苦廟

介之推從重耳出亡追者甚急之推以其子林代死  
重耳入晉之推妻及林妻尋推聞焚死于綿山俱投  
井死鄉人即其地立廟祀之曰殘苦廟在曲沃西關  
外

### 瓜子纏

翼城縣東南五十里北陽阪下曰瓜子纏相傳老子  
食瓜處子落皆成石瓜子其形宛然

### 大禹廟



龍門大禹廟俗傳食豕肉詣廟必風壁畫精工吳岐  
山周公廟壁畫並稱

秦伯廟

平陸縣秦伯廟

南岳廟

衡州南岳廟古松百餘株銅香鼎甚巨不可圍抱銅  
鐘重九千斤有大祭則鐘聲先振

御題祠山廟

廣德州北五里橫山張真君廟 明初高皇帝南征  
過之題曰天下靈英第一山白雲為闕石為閔將軍  
幸得來瞻此暫解干戈動笑顏

江神廟

湖廣鱖魚鎮江神廟有神木江夏賀相因逢聖歸楚  
木出於江蒼古挺拔鎖以鐵索

白起廟

武安縣西關白起廟正統間縣丞李昇以起殺降挾  
詐遂毀其廟

長平驛

山西高平縣古長平也耕人嘗得遺鏃如綠玉長平  
驛即元平章賈魯宅堂三楹梁柱俱桑木甚巨賈氏



齋猶存

煖鋪

都御史葉盛巡撫宣府於沿邊孔道設煖鋪即唐人邊鋪也

鉄柱

雲南大理府趙州東南九十里白崖城蒙氏建極十三年四月鑄鉄柱名曰建極又鑄鉄笠覆於頂土人號天尊柱歲貼金其上祭之邀福

吳言書院

去陳州百里曰互鄉介頂城上蔡間今更曰潔己鄉立吳言書院

水廠

蘇州水廠十有六清人始至問廠何為曰截水者謂伏兵也焚其五始悟

魚骨橋

海門縣禮安鄉以大魚骨作橋長丈八尺有奇元至正中潰入江萬曆戊戌隨沙漲起召四場民獲之廖令移建儒學前色黝黑有鉄釘痕毫無朽蠹揚州府志

廣濟橋



潮州廣濟橋宣德間知府王源建歲權稅萬餘金

皇過此橋

崇德縣皇過此橋以宋高宗南渡過此故名見縣志

萬曆

橋北沈望雲伐竹得磚葬石刻宗寧宗姑

墓駙馬黃氏鹽官人始知為皇姑子橋

倒流橋

當陽縣北漳水上倒流橋相傳曹操追劉先主張飛  
據橋大呼水為逆流魏人不敢迫承天府志

萬安橋

泉州萬安橋俗呼洛陽橋長三百六十丈萬曆

丹陽姜志礼守泉州修萬安橋得石刻曰同節來脩

即公號也又鄞縣蔡錫永樂癸卯鄉試入胄監仁廟

以學行授兵科給事中出守泉州欲脩萬安橋發石

刊曰石頭若開蔡公再來檄海神遣醉卒自投於海

若有神擊之者俄易書一醋字必八月二十一日酉

時也事載錫家傳中今廟像皂服行人過焚草履一

鞞

福州臺江大橋長百餘丈

仙橋

雲南白崖川獨木橋十餘所木大如指長三尺或五



六尺巖險不敢着足樵人捷足過之亦不損折其木  
非常見之材每望夜一易不知其因明日但見新製  
曰仙橋

楹帖

直也如弦縱道邊夫復何憾比而得獸雖丘陵亦奚  
以為顧清

靜亦靜動亦靜五臟克消夫慾火榮亦忍辱亦忍平  
生不履於危機翟臺

徒有寸丹於帝闕竟無尺素達權門翟鵬  
堂上雙親壽朝中一品家嚴訥

無毀無譽三代直道而行知止知足四時成功者退  
申時行

財不求贏敢為子孫益過位嘗隄分當思齒角難兼  
陸光祚

節義重丘山始不渝終不渝功名赴流水寵不驚辱

不驚

嘉靖三十二年沈丘教諭山陰符鵬

世多君子扶皇極天放閑人養太和鄭伸

偶爾謝上天富貴歸來作平地神仙中丞王磯

頭上青天一天點浮雲淨盡度前白日五更夜氣流  
行訓導楊傳芳子起元



天無私地無私日月無私風不出雨不出寒暑不出  
沈思孝

得音嘗自笑無音使誰知鄧以讚

凡事再思斯可矣與人三反何難焉都諫武安宋之

洋水樂饑讀天下書不談天下之事康莊擊壤生聖  
人世願為聖人之氓朱鴻謨

出入起居得罪天地時十常八九子臣弟友有可對

聖賢處有無二三吳先生富梅日來

見故人而一笑自有餘懽念平生之百為亦無可恨

李廷機

居深山之中隨俗所使生聖明之世與天者游鄒元

養其氣以剛大尊所聞而高明李騰芳

少作書生未見升堂入室老為廟祝粗知掃地焚香

李贄

試看階前皆樹玉莫嫌腰下未橫金

天上圖書分冊府雲中雞犬半仙家王思任

誤攻文字身空老起販魚鹽計已遲陳元素

人前屋漏日裡雞鳴

每思於物有濟恒媿為人所容陳龍正

自拋官後睡常足不讀書來老更閑祝以幽



質在能還雅菴成可讀書先存一府君

### 鐵牛碑

濟南府儒學內有碑高三尺刻曰鐵牛碑：旁地露  
鉄錐不五寸就側四掘終如故或曰此鉄牛鎮七十  
二泉者

### 宋文貞公碑

沙河縣宋文貞公璟碑斷沒土中正德丁丑縣令方  
思道治鉄二百斤貫而續之今存不甚剝蝕

### 毛文龍碑

平遠總兵官左軍都督同知毛公功德碑天啟四年  
七月朝鮮立奮忠贊謨立紀明倫靖社功臣輔國榮  
祿大夫兼議政府左贊成判義禁府知書筵春秋館  
成均館事弘文館大提舉藝文館大提舉金寶撰通  
政大夫行曹參議李瀟書崇政大夫行兵曹判書兼  
同知成均館事金尚容篆嘉議大夫平安道觀察使兼  
兵馬水軍節度使平壤府尹巡察司李尚奇立石碑  
文不載銘曰噫、往歲羯虜造盤礮我清邊鯨吞豕  
突急莫之遏堞壘無堅全遼右壤彌難搶攘啟墟腥  
羶公時憤切忠膽激烈齧牙張拳獨立一叫捐義為  
號趨者爭先曷投曷倚俾賊顧忌以掣以宰謂我共



濟克協大計鷁首東偏獲醜復鎮軍聲始振天討行  
焉出入遼瀋形格勢禁罔或恣前恫疑縮頸不敢西  
逞關防類全瞻彼擬島洪濤淼漭處得其便洋津妥  
帖履坦不跲就竟如天激以忠義其歸如市累々連  
連曰公父母開口望哺餘喘其綿匪公是任吾其左  
袵長城屹然得人死力功章寵錫褒詔頻宣神旗豹  
尾以隆閭寄節制其專大業未了際見其故四海望  
延吾言不失有特史筆有賁凌烟擬實載石先最其  
績竚壽其傳

吳安縣岑山右漁峰之仙巖寺有創修木碑係天順七  
年其聲撲々如古琴其文斑剝斷連亦如古銅琴文  
錢塘黃汝亨貞文云目中所未見

### 定霸城

保定有定霸城宋楊延朗所築金時以其磚他用獨  
其土存嘉靖中霖雨潰其西北得人骨數十具植立  
土中髑髏各戴兜鍪旁侍兵伏石刻云活築愔工百  
戶徐瑾一行兵役見者竦然長安客話

### 軒轅陵

平陽太平縣東三十里上魯村東汾河內有石棺以  
鉄束之隱現不同世傳以為軒轅棺云



顓頊塚

晉初烏程得顓頊塚又衡山崩見顓頊塚中有營丘  
圖九首鳩杖見顏真卿石柱記 濮州東北相傳顓  
頊建都於此有帝塚故名

鮌墓

郟城縣北七十里羽山即殛鮌處有鮌墓

高陵

會稽城南數里禹陵窆石高可六尺形如椎堅栗青  
色而澤有白脉隱起甚細如絲絡偶撼之則動而不  
可拔也今戊子夏毀於盜三千年神蹟頓失其重聞

晉者惋惜

唐堯土階

唐堯土階故里在臨汾縣城南十里帝姓伊祁氏故  
里名伊村、築土堡宛然茅茨土階之蹟唐堯氏陵  
在臨汾縣城東七十里部行里俗謂之神林又謂之  
神陵高一百五十尺廣二百餘步旁皆山石惟此地  
為平土深丈餘後有河一道俗呼陶唐飲泉馬有金  
春和二年碑記相傳唐太宗征遼曾住蹕此山因謁  
堯陵遂塑己像明嘉靖間知縣趙統重脩陵東原祀  
丹朱西祀唐太宗統撒太宗像每歲祭丹朱拊享升



堯諸臣之上竊嘗考舜巡狩于湘其陵在九疑禹會諸侯于塗山其陵在會稽惟堯之巡狩不見經傳此陵為堯陵相傳自古無疑也然明初詔下訪歷代帝王陵墓山東、平州有以堯陵聞者至今載之祀典而在臨汾者反遺何也豈昔之搜訪未至耶抑詔下之日而臨汾尚屬元耶邢雲鷺臨汾志

堯年十五封唐侯二十登帝位壽百十有八歲 帝王世紀云堯葬濟陽城陽西北是為穀林呂氏春秋曰堯墓穀林皇甫謐曰穀林即城陽堯都平陽于詩為唐國由此觀之城陽即今之平陽也濟水出王屋山在平陽東南今之陽城晉尚屬平陽郡雖去平陽郡百餘里而臨汾東元村所出有澗泉至今相傳通濟源茲言夫豈無據况濟多穴地伏流千載而上陵谷代焉知堯之時臨汾非濟源耶今堯陵在臨汾東南視王屋山實合之陽城西北古曰穀林而今堯陵俗名為神林尤一驗也後人乃謂山東、平州濟水在焉而遂以堯陵名何耶

### 關龍逢塚

安邑東北三里有雙丘相傳夏大夫關龍逢塚土人云關雲長其後裔云



齊桓公墓

崇德蔡新令臨菑夢貴人緋服傳驕而至揖曰公行去邑當以東壁遺金贈公晨起解舍東蕪圯坎其地增砧中空如下天狀掘石版曰齊桓公墓規制深廣石室若王者之居屍色如生器具皆黃金旁金山銀山各一蔡取其山燈缸將滅為添油加築不三月罷官崇德縣志按史記桓公屍虫出於户安得云屍色如生也其厚塋或有之

衛靈公墓

相傳衛輝府治後衛靈公墓古有紫金碑雷轟之又觀城縣東南四十二里高苑縣東北二十五里亦有墓

雙娥堆

蘓州承天寺門外雙娥堆為吳王夫差愛姬從孫武子學兵法為隊長笑而見殺此其墓也東北小池衡不過二丈長不過五丈乃錦帆涇故水偽吳張士誠所浴

李牧墓

平陽太平縣西五里孝子村趙將李牧墓其子李榮廬于墓側稱孝子墓



陳仲子墓

長清於陵仲子墓張令文龍命徹孔廟大美一孟及  
東栗享之長清縣志

介林墓

介之推子林墓曲沃縣南三里河底村

王翦墓

王翦墓富平東四十里每六月朔望墓若海市狀城  
郭依然車馬交錯關中塚墓記

鄭玄墓

臨晉縣三十里至今荆棘不生狐狸不穴

青塚

荆門州青塚土人哀昭君招魂而墓因名實在大同  
城西北五百里古豐州灘西六十里

孫嵩墓

安丘縣南四十里孫嵩墓元人于欽作齊東寓宿太  
虛宮夢趙先生入謁曰聞君脩齊志僕有良友墓安  
丘其人節義高天下今世所無也請載之以勵衰俗  
欽覺而語梅仲昇以為鄉人趙伯善共訪之伯善愕  
然及閱趙岐傳始悟為孫賓石也齊東

嚴子陵墓



尉氏縣東二十里蔡寺堡有嚴子陵墓

### 司馬遷墓

韓城縣南二十里芝水之南西麓有漢太史令司馬子長之墓：有古柏墓土嘗開土人見柏根懸其棺因磚封焉子長自叙云五世皆葬高門今去芝水數里又西北五里姚莊村有蕪武墓：柏俱南向

### 高陵

蘇州盤門外三里武烈皇帝所葬孫堅曰高陵妻吳夫人子長沙桓王策皆附焉元至正二十三年崑山盧熊公武與同郡沈微君伯熙父訪之微君因言予向魯過此聞又老言地屬沙湖金氏墓上有木如蚪龍然每陰雨若見物操舟蕩漾之狀人或逐之不見尋伐樹掘地得金舡長二尺許其怪遂息

### 黃耳塚

松江府治南七里普寧尼寺有晉陸機黃耳塚機入洛有快犬為傳家問後死人義之埋此今殿西北隅有土隆起古木盤覆即其處也 明袁海叟詩恭養有恩終不背文游何事獨相欺

### 郭璞墓

唐乾符間衢州刺史季穀置砦龍山得二石長六尺



許取置文會閣前宋淳化間郡守慎知禮移植於此  
積土為峰歲久遂訛傳為郭璞墓有傳璞言五百年  
後太守為吾守墓紹聖中郡守孫賁知非璞墓發之  
得二石移置堂中宣和中郡守高至臨復移歸故處  
相傳峨眉山正對府治謂不利於郡故置此石以厭  
之因培土為峰而名以小峨眉云 日藝衡傳

### 太康瓦券

萬曆元年會稽倪光簡塚地中掘得杯及瓦券二曰  
大男楊紹從土中公買塚地一丘東極闕澤西極黃  
滕南極山背北極於湖直錢四百萬即日交畢日月  
為証四時為伍太康元年九月十六日對共破剪民  
有私約如律令 玉茗堂集 按今墓側買土立券古人  
已然矣

### 張賓墓

內丘縣南十三里趙張賓墓周圍皆鉄高三丈餘廣  
十餘畝石勒厚墓以報賓也

### 李太白墓

當塗李太白墓有祠葦如筆竹葉皆有金星

### 寶峰寺古墓

弘治癸丑春泰和羅鶴子應讀書城南寶峰寺見司



礼少監胡善治掘墳寺後山得古墓有墓志僅元和四年數字明白棺槨俱無惟胫骨尚存其長過今人十三古人多長大者後世氣薄故生物短小

### 南漢劉氏塚

廣州城東北亭洲有土穴耕人梁臺過之投石空作聲乃納以雄雞夜鳴知無恙於是發之數金人各重十五六斤正處金像二冕坐若帝后各五六十斤地若金蠶沫貝築之鏡一光照白日硯一硯池玉魚游動他珍異亡筭先携鏡歸光動隣舍急碎之隣人覺而爭往遂聞官盡搜盡之內棺掘毀稍存骨齒墓碑隱隱可讀南漢劉氏塚也

陳子壯練要堂集

### 瀧陵阡

吉安永豐縣有龍陵阡即歐陽公墓祖父處國朝間忽失處落廣信永豐縣人怪之後又還吉安永豐縣時有謠曰吉安豐移廣永豐二字適相同人民城郭依然是只少當年六一公

### 蘇文忠墓

郊縣蘓文忠文定二公墓文忠卒常州嘗愛郊之山移葬此後文定卒亦葬焉明萬曆甲申有盜發之縣令濟南張篤行加封樹焉去墓半里有廢塚石半



露按之則文忠之曾孫婦亦掩之俄夢文忠遣青衣  
致謝問文忠公何在曰在臨汝至彼可相見也後篤  
行以事至臨汝會得先生墨蹟一卷大異之恍悟前  
夢石識其事 邠縣志

### 琴操塚

臨安縣玲瓏山琴操塚殘碣東坡居士書萬曆十七  
年被發

### 方臘祖塋

嚴州響山前為御象右方臘祖塋處後毀其石

### 鐵棺

泰興縣南華廢寺有鐵棺長九尺二寸前後狹相傳  
宋建炎間薛慶嘗遣其徒撼之中有物相觸鏗然聲  
以鐵槌擊數百不損鼓鞞溶之不液乃止 揚州府志

### 劉刺史墓

義烏縣南東平山有宋平昌刺史劉公墓陰慶戊辰  
長至日裔孫尚恭重脩墓碑掘數尺見墳臺、上有  
碑方尺許刻晦翁卜墓數云天聖戊辰墓此丘蔭十  
八紀出公侯子、孫、垂不替繩、武、永無休五  
百四十年損十六七歲裔孫修戊辰戊辰新一石  
重修重修千八秋秘書郎朱熹書刊石呂祖儉為之



記記難具載其要云右數八句為卜刘公之墓天聖  
六年十月三日卜墓東平山先塋之原公諱豪字有  
閑裔出漢光武封太孫於烏傷因除因家縣治南遂  
為烏傷人逮晉寧公萬章始為王官唐曰珊者翰林  
學士南門刘氏非他族比公以文學遷平昌刺史致  
仕曾孫輝熿同登乾道進士第游東萊梅菴二先生  
門故晦菴卜其祖墓之蔭有裔衍家昌千載之久乎  
因識文略而納墳臺上以俟後日之驗云按天聖戊  
辰年數良是而長至又恰戊辰仍孫刘公仕龍在宋  
贈武節侯修墓孫果十六七歲吁數亦奇矣

義烏縣志

### 黃元菴墓

山東陽穀縣景德鎮有黃元菴其墓靈異土人患瘡  
毒挿花於墓祭之即愈

### 蕉花女墓

長清蕉花女塚女最孝母疾思麥時未登女向麥泣  
移時麥黃奉母得愈今塚旁麥先稔田畔有  
御製碑上書孝經長清縣志

### 張王墓

福建興化縣丁溪草堰間有張王墓相傳張士誠父  
沿海民竈咸以正月望前聚禱因而彼此構鬪或鬪



勝則一年大利即至死傷毋許告訐近有司嚴禁之  
稍戢

孫一元墓

孫太初墓上有挂瓢堂墓碑李夢陽撰劉麟書

鄭曉墓

海鹽鄭尚書墓在勾塍山先是尚書報法削籍其墓  
從庶人禮隆慶初復官贈謚終不改其舊予嘗拜墓  
下歎先輩素風也

邵灣古墓

壬辰春海鹽邵灣山祝氏宅後有積土坎之得古墓  
各磚刻曰永安六年歲在癸未九月十日造辟日造  
五官郎中山義尉丹陽楊 磚面俱有雲雷紋穴頗  
深廣左右有羨門予往訪之始徵古製

虛糧塚

新野縣東三里近衛河邊亂塚相連數十傳聞前代  
屯兵之所曰虛糧

器用

研

王官谷西山有秦王研：大如碾盤無口下如尖底



禮春秋秦敗晉師於王官谷時所遺者司空圖記見  
穎州東六十里古夷陵也舊志古列國之君丘壟土  
傳夷陵縣掘地得碑作研堅潤穎州志  
俞侍郎士吉奉使得研上篆永樂二年旁書海東瀆  
磔說楷

### 古鐘磬

太原交城縣西南汾水上金大定中汾東山岍崩得  
古墓有鼎十餘鐘磬各數十鼎大者幾三尺凡十有  
二其中寶物猶存鐘小者僅五寸許大至三尺凡十  
有二蓋音律之次後世之制以厚薄而此以大小其  
制度皆周器非秦漢以後所作今器不存而墓址猶  
在

### 琴

高陵魏氏唐鄭公之後藏有遺琴後訟失之呂涇野  
禮科公署有書室琴懸壁間係舊物李樂見聞雜記  
正統末籍太監王振玉琴長三尺餘

四明沈嘉則豐對樓詩集云吳仲足携族子德望所藏  
銅琴示我為賦銅琴篇 九字蓋予平生耳目所未  
親記 青銅合體黃金相軫以白玉排鴈行絲彈蜀  
繭啼鳳凰誰其作者古帝王按圖考識題大唐璽文



雙篆鳴玉方玄宗協律精宮商豈當在御樂且康伊  
昔抱至置我牀青天拂匝開錦囊白日倏忽相低昂  
翡翠照噪琉璃光丹砂點漆流星芒纖指觸絃響  
嗶嗶蒼梧飛雲顏不揚見者黯々頎而長延陵考國推  
本章高孫寶秘十襲藏明珠大貝俱尋常荒墟對經  
千霜鬼神呵護不敢傷天地不得闕厥良復使人世  
窺虞唐我欲薦之登明堂九原誰再起師襄夔孔同  
室國祚昌皇帝萬歲永無疆

### 仙針

蒼梧人梁大用遇異人授以鐵針三枚并針灸書遂  
為名醫永樂中郡守羅觀訪其子孫止存一針以進  
於朝

### 鐵塔鐵鑊

當陽縣玉泉寺鐵塔鐵鑊俱隋物 青州域內  
寺三鑊大者受四十石次受三十石有釜受八石似  
甕而有耳寺原孟嘗君宅

### 金斧

臨潼縣南一里驪山綿亘而東五十里東有金斧山  
石鑄中有金斧抵之則動取之不出

### 石杯



青田縣五色石杯巧工琢造歲應上宮不啻千百民甚苦之古人拔茶樹桑以茶且累民况石杯於器無益有一製必貽一害在司牧者念之耳

### 鐘

大名府譙樓鐘云魏太武物守潔則磬宏否則咽滯前守惡之棄置通衢且半裂樂龍蒞任適旱祭而懸之扣之不揚護不憚夢大衆誼於鐘所乃再扣之聲宏裂處尋平

正統中河決滎陽東昌水中大鍾二范縣令鄭鐸得其一款識承安四年

曹縣城門四各有鐘相傳鐘懸則大水遂寘之崇禎戊辰四月盧令柱礎不聽盡懸之果大水乃徹曹縣志歐陽脩歸田錄太常所用三朴編鐘皆不員而側岳後胡瑗改鑄編鐘遂員其形而下垂扣之掩鬱而不揚今見南京神樂觀編鐘形不甚員

### 鼓

鄞縣東鄉金尚書忠故居石鼓二萬曆乙卯石中如虫齒聲翻視之石多蝕搜得石蟹一螯足尚動觀者異之

成化初韓襄毅雍南征平大藤峽賊斬峽之大藤中



空鞞革為鼓置參府前聲甚震兵使其移於行臺扣  
之無聲歸即如故

### 圍花鐔

崇禎元年四月湖廣通山縣三都水衝出古銅鐘重  
十八斤周製也有圍花鐔三字聲極清遠

### 唐鏡

唐鏡背有字云花發無冬夏臨臺曉夜明見鄭以偉  
山上山稿

### 辟塵鑪

錢塘縣西山龍井寺辟塵石鑪不知所自來近失去

### 張三羊食器

張三羊嘗居潁州迎祥觀遺像一食器一容斗許暑  
貯肉不腐混元衣一久而如新好事者易其領輒敗  
冠一質古有摩雲態潁州志

### 天啓改元

魏元法僧 蕭莊南詔晟豐祐先已用之人太和舊  
志元至正戊戌紅巾徐壽輝陳友諒陷江西下吉安  
春和稱天啓則天啓之號前代已四見矣

### 銅法馬

萬曆間春和人掘地得銅法馬形如月鑿十字重四



介天啟三年造背鑄吉安路郭尚書子章攷梁王琳  
立永嘉王蕭莊稱帝改元時不稱吉安亦不稱路  
自元始豈天啟間造法馬至元始續刻吉安路耶

### 貢金

楊升菴滇略曰語云金生麗水今麗江其地也其江  
曰金沙源出吐蕃經鉄橋寶山永寧北勝以達東川  
江澗沙泛金麩雜之貧民淘而鍛焉日僅分文售蜀  
賈轉諸四方其稅屬之土府漢不得有也朝廷歲貢  
滇賦金五千其直可分緡皆蜀賈有力者先期受直  
於官而走四遠衰入之間有逃且死者累及姻族拮  
楊累：至於黔巫瘴癘十死一生又不具論也  
雲南銀礦共二十有三置場委官歲約二萬緡然脉  
有盛衰課隨盈縮

### 窖金

薊州獨樂寺額相傳李太白書萬曆間重修得窖金  
上覆以錢石刻唐安祿山物並入官

### 銅冶

海內銅山四百六十唐鑄於陝宣衢信銅冶九十六  
宋鑄於諸路銅冶百三十有六歲課至五百四十九  
萬貫韶州永通一監歲造八十萬貫



紫石英

諸暨縣東五十里烏帶山產紫石英嘉靖中縣令黎秀命父老凡上官來取者皆引至他所使無得因呈曰合浦之珠以吏貪而徙暨產石英乃自本職到任數採無得此不職之效也採者以息久之遂迷其處紹興府志

鐵獅

滄州鐵獅周世宗北征契丹駐此地有罪人善冶輸金鑄獅鎮城贖罪高一丈七尺長一丈六尺夜被州人種去尾腹鐵至今缺之

銅獅

雲南都司公署前大銅獅二極瑩淨無點班

關將軍印

景泰中安州二田夫得古金印曰壽亭侯印知州楊集上於朝南宮集

弘治間都憲河間張汝器

開漕河於揚州得古

印四一壽亭侯印一鎮江府御前住劄都統制印一鄂州筦內觀察使印一都巡檢使之印皆蟠螭鈕制作古雅程篁墩敏政過淮陰汝器質之曰韓世忠嘗為鎮江府御前住劄都統制岳飛嘗為筦內觀察使



都巡檢使亦宋官

萬曆末烏程沈相因漕得漢壽亭侯玉印印中空可貫組下刻關羽之印玉質蒼古捨西湖孤山廟中嘗見之

宋徽宗崇寧五年倣秦璽虫魚篆作璽方四寸有竒蟠紐方璽上員下方名鎮國寶

天啓四年九月四日磁州東八里臨漳縣務本封村漳<sub>河</sub>北岍田夫邢某見岍崩得玉璽以呈河北道張夢鯨重百二十兩方各四寸面厚一寸二分蟠紐高一寸八分篆受命于天既壽永昌是璽其至元所獻不同豈徽宗十四璽之一乎又熊翀所獻陝西璽亦同木牛

成化二十一年戶部左侍郎蔭慶李衍總督陝西邊備兼理荒政發廩賑饑作木牛取牛耕之末耜易製為五曰坐犁曰推犁曰擗犁一抗活曰肩犁可山耕可水耕可陸耕或用二人多則三人多者自舉少者自合一日可耕三四畝作木牛圖之布

### 遺印

永樂間應州掘地得金錢縣印應州本漢館陰縣後改名金城縣今儒學舊縣治也



天順七年

得行軍萬戶之印

成化六年蘭陽縣得軍差副總兵之印尚書戶部郎中之印背鐫天興六年行宮禮部造

弘治十六年河南府得銅印三百於壞垣俱元物詔毀之

正德末銅仁府得勒金長官司印篆文八畫

嘉靖二十年廣平府推官王克日督民於清河縣浚城濠得古印六篆可識者二曰都將領印曰達魯花赤之印上之巡撫藏於庫

隆慶三年六月豐潤縣掘得玉璽田縣稅課使印

萬曆二十八年隆慶州永寧縣人築墻得古印為金左丞完顏綱物綱與元人戰於縉山敗績失之見金史

### 遺印

崇禎甲戌南昌得統軍元帥之印謂太祖物推官李嗣宗以太祖初稱統軍右副元帥見皇明通紀非也予按龍鳳年丙申三月我克集慶徐達湯和為統軍元帥二公並至南昌必其所遺



戊寅三月十四日滋陽縣浚井得管軍萬戶府銅印  
旁鐫中書禮部造龍鳳五年六月入薊州得古印  
己卯十一月甲戌固安縣甃井得鎮遠軍節度使銅  
印背刻宣和四年十一月少府監鑄

藤舩

南夷舩俱縛以藤用松膠和漆塗之永安州歲辦松  
膠若干張岳交事紀聞

空青

空青是黃石子大如拳諦視之層裡沉之有青色匠  
氏以金剛錐之之滴翠水如漿平湖沉長水太史見之

荒銀

南夷中多用荒銀

琥珀

萬曆甲午詔雲南布政司取琥珀二百斤一時騷然  
永昌府努舊貯二千餘斤悉以上供搜括數年竟不  
能充而正民破家亡笑

祖母綠

孕婦吞祖母綠易產仍出自兒手山陰白洋朱氏驗之

青鳳子

青鳳子狀如鸞子石色甚青瑩婦人佩之能令好顏



色新安楊不棄得之水濱中賁易以千金內為禁中寶重

### 蓬萊閣石鏡

登州蓬萊閣石鏡過形畢照崇禎壬申孔有德兵亂徑  
火稍晦近聞復明

### 緬鈴

緬鈴相傳鵬精也鵬性淫毒一出諸牝悉避去過蠻婦輒喙而來  
合土人束草衣簪花其上鵬翮之不置精益水上採之裹以  
重金大僅如豆嵌之於勢以御婦人得氣愈勁然夷不外售夷  
取之始得滇人偽者以作蕪蕪形裹而搖之亦躍但彼不搖  
自鳴耳滇程記

### 榮植

### 古木

通都交區巨材連抱匠石積其斲下十不壽一谿谷  
昧深壠坻曷阨木雖專其年民無得而稱焉亦未始  
幸也今採之徃牒據其見存者或病一漏萬固所不  
免矣

### 北京

京師杭城內西苑之大高玄殿古檜一松四並金時  
植嘉靖中封松指揮使其俸米專飯孤貧

皇城西顯靈官之靈官祠古柏二霜披一枝折而不



殊二百年葱々焉國子監古松並元許衡植  
京師外城天壇柏榆錢凡榆春錢天壇榆之錢以秩  
山川壇偃松以夙拔橫枝距地不三尺楮以木人通  
行其下

內城成國公朱氏園右堂古槐云四五百年物身大  
于屋半間頂嵯峨若山

極樂寺剔牙松數株班剥若鱗大可七八圍

萬壽寺松二高數丈合抱

外城大慈仁寺報國寺鏗松二其右尤奇幹數尺枝  
橫數丈

外城左安門外常公寺西府海棠二樹高尋游人最  
盛寺南觀音閣蘋婆一株高五六丈花時鮮冶

京城西北十里靈通觀古柏一徑大十圍

京城外二十里承恩寺戒壇松二古木大矯過報國  
寺

大功德寺古木數十章半朽腐大可七八圍

石徑山石壁古柏一長尺有咫根無寸土萬曆初

上過之御書靈根古柏

盧師山清涼寺隋仁壽中盧師自江南來居崖下崖  
上一柏產石面長尺不凋不榮是盧師手植



西山妙高峰下法雲寺銀杏二大數十圍

香山乾家寺有松十株皆數百圍

壽安山卧佛寺古娑羅樹二根盡出累癭露筋右抱  
三人有餘

仰山隆恩寺松一

潭祐山京城西北八十里潭祐寺諺曰先有潭祐後  
有幽州則潭祐最右矣今枯拓長不能丈其枝晚發  
後凋者也拓枯而不朽

昌平州天壽山古槐相傳竇禹均家物樹中枵可布  
三四席今稱竇家槐按禹鈞周之諫議大夫也故居  
在薊州城東而此槐係之竇氏莊或其餘裔耶

薊州西北盤山東至古松一

平谷城東延祥觀柏不知所自始元至正丁亥真人  
立長春至盤山過觀中見枯柏曰憐惜：去後柏  
仍葉茂至今為觀東北十五里漁子山世傳軒轅氏  
陵或曰軒轅臺

房山縣北馬鞍山松二其枝覆十餘丈

涿州西南十五里樓桑村漢昭烈帝故居道右大桑  
高十丈層蔭如樓其蔭百畝其椹為珍餽桑側古廟  
唐乾寧五年立並列閔羽張飛像先主王者服張飛



亦涿人城西五里有張氏洗馬禫樓桑村南三里鄜  
亭鄜道元故居也 靈椿寺椿其影每日中天雖日  
月東西略不移動 文安縣城東靈集寺後古檜並  
峙云漢人所植

保定縣柏塘有古柏數圍倒植河中如橋旅渡迄今  
名柏木橋

任丘縣北三十五里莫州城又東北三里扁鵲墓有  
古樹數株

寧津縣北三十里曹氏莊藥王廟前大麻子樹不知  
植於何時嘉靖七年居民伐樹掘地下得石刻云迺  
南大麻子下斬蘆剛、蘆頗子也樹自戰國時有之  
矣

行塘縣西北三十五里柏山古柏大數十圍柏上鉄  
環相傳實建德椽以繫馬者

雞澤縣儒學一槐有兩枝末合為一幹或以為連理  
清河縣龍王廟左右槐枝幹曲卷下垂至地若龍爪  
狀人謂之龍爪樹宋太祖嘗避暑其下解衣覆上其  
性遂下生有惡少輩利其財而伐之斧斤方加而疾  
作遂止傷止赤津淋瀝後漸生根葉繼生成樹無復  
龍形矣今堂與槐尚存



開州

古桑園可十丈云三代物

陽和衛有武宗手植桃

遼東廣寧衛醫巫閭山有北鎮廟柏甚古

萬全都指揮使司龍門衛西十里大松山有古松永樂中駐蹕其下

南京

皇城西華門外舊丞相府有五穀樹一株兼五種為穀豐歉之徵其年麥熟則樹發麥芽黍熟則生黍葉五穀皆然

魏國公徐氏西園括子松元時物

永慶寺即鉄塔寺古梅唐時物

鍾山西徐達墓有松一旁結大球如瓜最奇絕

石灰山百福寺法堂前有奇樹

弘濟寺府東北四十五里娑羅樹二永樂中太監鄭

和携自海外

牛首山弘覺寺文杏一唐懶融大師手植園可二丈

經火猶活山東北鄭太監墓紅萱樹

祈澤山祈澤寺攝山棲霞寺各文杏二天朝時物俱  
數人合抱



溧水縣東南三十三里仙杏山其巔有杏林及仙人  
跡句容縣茅山有許旌陽手植植

蘇州閶門外三里半塘寺銀杏大五抱新安潘之恒  
曰龍樹

陽山晉柏一幹如龍鱗大四圍

光福山：茶一圍可六尺

銅晉山顧氏園寶珠山茶一可合抱 司徒廟古柏

二又 文杏 其一圍三人

洞庭山角菴山茶一蔭餘四季秀筌云角里先生  
手植又黃家堡古桂

常熟縣虞山致道觀七星檜梁天監中張道裕道陵

十二代孫手植今存其三其雷震風劈者尤詭異餘  
皆後人補植

華亭縣北二十五里余山五代朱承進墓有垂絲一  
株甚巨

華亭縣 北禪寺宋時回先生過之手植樟于雲堂

去後數年樟瘁回復造焉問樟公何在取歌中藥一  
丸瘞根下樟復榮葉俱顯歌痕始悟呂仙也

亭林鎮 縣東南三 陳侍郎顧野王故居墨池旁古松

云野王手植



鐘賈山壽安寺西陳氏墓垂絲檜二徑餘四尺崇鬱  
壯茂蓋數百年物上海縣西北十里靜安寺陳朝植  
雙檜於殿前宋政和間媚臣朱勛圖以進徽宗欲携  
之暴風雷忽碎其一今殿右尚存元成廷珪詩香骨  
自來生左紐苦心未忍棄前朝

明心寺

縣西南六十里古檜二宋元豐間植

江陽縣西三十里申浦李札墓有巨樹三人合抱產  
果曰雞距子以形似名也止此一本又揚州寺

餘天下所無

宜興縣保安寺垂拍連數抱而中剖

玉女潭

縣南三十五里張古櫓一株根柯鬱蟠礪礪

如石唐獨孤及詩曰思瓊樹指此

善卷寺

縣西南五十里古檜蕭梁時物

鎮江府城西南七里招隱寺銀杏樹圍五人  
云齊梁物

丹陽縣東北三十五里徑山寺銀杏圍七人相傳晉  
時植半枯半堅遺子揚州府城隍廟

揚州府城隍廟銀杏一當門圍四人

興化縣木塔寺黃梅初治殿賈人以木筏載梅植殿  
旁胡僧坐其下忽不見殿成梅日盛偶一占年東盛



則上河豐西豐則下河豐俱盛俱衰亦各念雀啄則  
有虫鼠之耗通州治西為靜海廢縣之遺址有文杏數  
章大可四圍

淮安海州大海中大松相傳三代時物其狀奇異

休寧縣西四十里白嶽山宜男宮古松一直香爐峰

又石門一楠其大數圍

寧國縣廣教寺柏黃蘗禪師所植寺有異行僧樹即

開異花數色

銅陵縣五松山舊有松一本五枝蒼鱗老幹

蕪河縣儒學相泉寧中時植

滁州御琊山城南十里歐陽文忠祠西一梅云文忠

手植又御琊寺舊開化寺銀杏大數十圍高十丈

豐山滁州城西南五里太僕寺公署雙柏大十圍高

數丈

全椒縣西北四十八里龍檜山有檜如龍形故名之

蕭縣東南六十五里天門寺有天枣花實如酸枣可

食每四月七日其實皆熟次日即空

太原山西晉源神廟有古柏



代州城西四十里斷影樹漢文帝當迎立時猶豫不  
皮黛綠云十年物



決逐日游移卧于樹下日過樹影不移今樹已朽而其地建白楊廟即此樹也

夏縣城南二十里柏塔山古柏千株有一柏奇瑰磊落獨大于衆稱曰柏母 如意里戒定寺古柏一其

身五圍根盤八圍上九枝俱似龍形中空處生一塊大兩圍枝屈曲如蛇盤旋于柏枝九龍之上

五臺縣五臺山之圓通寺去三珠泉百步有七寶珠樹高二丈許幹上七枝復合為一垂葉四下

代州東北五十里墓側有古柏五十餘株名郿都柏

趙城縣東八里媯皇陵在侯村松柏圍二丈餘者百

餘株媯皇廟前古柏喬偉內一株于幹中寄生一木

大如臂俗呼為時節樹柏貫四時彼獨隨時發謝者奇之

猗氏縣城東北二里仁壽寺大柏四株都御史何東

序扁曰萬古凌霄稷山縣東北十五里高渠村古柏一大七圍蔭畝許有力者每欲取之輒有龍蛇雷雨之變

蒲州東南三十里首陽山伯夷叔齊墓古柏二其一  
大二十圍高二丈餘次殺三之一幹上交相倚

聞喜縣儒學相傳為高桐宮地古柏十數株其大連



抱其枝扶踈多癭其葉細而稠大異凡柏

霍州東南三十里霍山中鎮神廟古松數株高數丈  
枝東向棧枒詭怪如青幢鉄幹

沁水縣東九十里磕山大雲寺白松三圍二丈 明

許事常倫題壁宿此非一夕游此非一朝山僧頗解

狂夫趨時儲斗酒來相招殿前長松十圍大<sup>我</sup>歆絕粒

棲雲巢此詩不見集中

大同左衛玄帝宮老榆盤鼎日葵日茂根無所繫挺

生于大鉄爐之上相傳為神榆

汾州府治西仙槐樹久朽如剗舟金皇統中有異人

出貨藥枝樹復活因號仙槐

大同渾源州恒山之紫芝峪古榆數千章其最大者

名雙離樹相傳張果老所繫榆也

蔚州北三十里蜚狐口兩山分張皆北向石總無膚有

青松高不數尺產其骨

應州城南小石寺古龍松合抱平頂色極蒼翠相傳

異僧手植蓋唐宋時物又城東南文殊寺有古松霜

皮蒼翠枝幹如龍

嵐縣北四十里雙松山上有雙松 平定州西二十

五里上有古松：下巨石盤踞數丈



靈石縣東三十五里綿山介之推與母隱此文公縱  
火焚之不出同母抱樹而死其樹名黃節惟此山獨  
有大小俱半榮半枯後人即其地立廟祀之天旱禱  
雨多應宋神宗封為潔惠侯迨林人家清明節三日  
不敢舉火廟中有牡丹數本枝幹碩大不知何時所  
種每開時花皆紅色惟白花一朵開無定處土人密  
識其枝明歲即易他本人以為神不敢輕折春時花  
開四方觀者不遠數百里

山東

長清縣東南九十里方山靈巖寺古柏漢時物三人  
圍之不盡

泰安州北五里泰山御帳坪北一松奇詭元方煥題  
曰處士松 宋真宗駐蹕亭松二秦始皇避風雨其  
下封五大夫者也生石隙中不甚大幹膚龍鱗是千  
年上物 東嶽廟文杏一圍三人中空未枯枝葉蔽  
芾 廟左漢柏五漢武帝時植四皆連理其一最巨  
延禧觀唐槐一大如文杏亦中空半枯

新泰縣門內靈槐元省縣入萊蕪而枯後三十年復  
縣槐榮



曲阜縣西北八里孔子墓孔子手植檜在廟門北高  
五丈餘圍大有三尺晉懷帝元嘉三年枯存三百年  
隋恭帝義寧元年復榮歷五十一年唐高宗乾封二  
年又枯歷三百七十四年至宋仁宗康定元年復榮  
金宣宗貞祐二年兵火漸盡歷八十二年元世祖至  
元三年芽於東廡額址間 明洪武二年己巳凡九  
十二年高三丈餘圍四尺弘治己未被焚今直幹含  
生不朽不摧 子貢手植楷四丈五尺圍一丈今枯  
株瑩中樹千數皆異種相傳弟子異國人各持其方  
樹來種之不生荆棘 縣東二十里防山顏子墓石  
楠二大可三四十圍每冢子生樹生一梯冢子沒樹  
枯一幹

鄒縣東南二十五里嶧山孤桐夏禹時物久枯萬曆  
戊子其左生枝王思任過之尚檻其半崇禎丁丑詹  
鍾玉過之無存或以桐芽數十簞之縣門外孟子廟  
古檜三高數丈徑十餘圍枝盤曲如龍

曹縣定清寺有枯桐一僧伐之止存朽根萬曆辛卯  
有道人手持木尺禮佛趺坐根上曰此樹由我再生  
索水噴水僧不顧也夜半道人歌曰木有根芽根無  
枝人有眼兮眼無珠我來梧樹活我去人不識人不



識真可惜上天下地游八極翻身跨起雲間鶴  
吟飛過蓬萊側旦起失道人所在越三日  
祭萌逾月枝葉扶踈圍大五六尺許遂成茂樹

陽穀縣東北四十里孟母廟大槐  
四宋元祐時植  
息縣西北五十里四女祠漢漢歷亭傳清家富無子  
生四女誓終養同植一槐今槐存不甚大或後人補植

臨淄縣西北二十里郵亭古槐十株高五尺許相傳

宋太祖微時過此嘗掛袍其上曰矮槐

黃縣東南二十里萊山寺西北有古木唐初物

棲霞縣濱都觀枯松相傳每百年長一枝

即墨縣東南六十里勞山上清宮文杏二凸處可隱二人

### 河南

鄆陵縣西十五里井羅墓七棗環植皆合抱

延津縣 石婆固東唐尉遲敬德造東嶽廟殿

後酸枣樹一株合抱高數丈歲久不榮挺並時立旁

產一株甚茂云敬德繫馬挂策其上按延津古酸枣

縣也宋時改延津家宰李戴有記



密縣東五里天寶宮白松世傳黃帝三女兒歲俱辟  
家學道後十七年歸省一夕同逝合墓于此明年塚  
上生松一株三幹：白如雪大四十圍高八尺丈膚  
理瑩澤指文隨起或曰民間女學道不成人仙去墓  
白松下 縣東北二十里脩德觀古檜殺白松十之  
一偃蓋左紐銅文 密縣志

新城縣陘山鄭子產祠前古柏一陳根之上多生禪  
葉青々可愛

滎陽縣東七里槐一奇甚世傳漢高祖為王時繫馬  
於此金趙秉文詩滎陽縣東千古槐人言曾見漢朝  
來不知幾覺南柯夢直到如今喚不回

襄城縣南五里首山西巔有樹一株名金花樹俗呼  
澁樹大可十圍枝葉穠蔚數十里外可望及之崇禎  
唐及枯死或以此樹閔一縣之盛衰戊子於舊根旁  
復生二株

又縣北二十里徐君墓有樹相傳季子挂劍處曰林  
樹

林縣城隍廟銀杏樹圍二丈高七丈老幹扶踈翠葉  
蒙密 縣西二十里娑羅樹其蔭及畝今樹斃迹存  
西寶巖黃華寺古槐蔭數畝 覺仁院獅子峰其



下漏天炭有異木折幹倒植野人曰交加木 爭秀  
峰西慈明院偃松二

磁州黃花谷內仙母塚大樹九後漢仙人王津墓母  
於此

輝縣西北七里蘇門山百泉書院右白楊十四株大  
可蔽牛殆數百年物 縣東二里道旁連理樹兩椿

同根一雄一雌下有雙塚微露其磚未知所墓何人  
西北七十里侯趙川之平羅社為蘭相如墓有古

銀杏一株  
濟源縣西八十里王屋山北天門古松十數

偃師縣達磨菴三花樹以凌霄藤附檜而生 六祖  
手植柏

方丈寺古槐高十丈圍三丈宋文彥博詩五品封槐  
今尚存第未知封何日也 縣西北比干墓有木大

三圍中空身根半存上枝茂密剖心之生氣猶在  
登封縣北十里嵩山中嶽神廟門內古柏殆二百

絕頂白鶴觀古松一亭：如蓋 縣北三里嵩陽觀  
古柏三高止三丈圍六人石刻漢武帝封大將軍次

圍可四人封次將軍又次可三圍俱怪偉明喬字曰  
意天下之木殆未有甲于二木者表洪道曰漢武至



今千七百年柏在當時已受封殆殷周間耶  
新安縣西二十里王喬洞、石皆土所成具木葉之  
形洞上二木化石而復生枝葉與凡木類云昔仙人  
大丹成土木皆化為石

郟縣城北十里溝古鈿期莊也山上一黃棟係手植  
十餘年柯葉茂盛人損之輕則傷畜重則傷人

新野縣北二十里張門村黑麓廟前有古楊數株俱  
大數圍採青者伐樹血出遂止跡存

華山華陽神廟門內老柏合抱無枝葉亦無膚僅枯  
幹二丈餘古水孝日宣勸石曰青牛老樹謂老子西

來繫牛處也又北三丈許老柏空腹有鳥啣槐實墜  
其中生槐幹且合抱而柏朽裂半存嘉靖間州守某  
以鐵索合槐柏束之相傳張飛立馬看槐處見於壁  
刻

陝西

藍屋縣終南山老子紫雲閣下繫牛柏：下石牛卧  
焉又南四五里說經臺古柏一俗說樹死老子針之  
活

咸陽縣北十五里周公墓模木其葉春青夏赤冬白



冬黑

鄯縣南八里淨土樹俗傳西域鳩摩羅什憇此覆其  
履土中出此樹三月開如桃花八月結實狀如小棗  
殼中皆黃土

華州南少華山蒼雲嶺古松五號五將軍今四株圍  
數人高數丈

成縣東柯谷唐杜甫姪佐居此所居後為寺有樹稱  
子美樹

涇州王母廟前有古木數株不膚而滑莫知其名  
空同山中峰寺北半里古松六

靈臺縣至定寺左離山唐牛僧儒別墅有銀杏連抱  
數圍根結二畝 廊州北開元寺有白松奇右 明  
張著詩葉墮銀釵細花飛香粉乾山門煙雨裡渾作  
玉龍看

安定縣南六十里神木山古樹千株樵採不敢入人  
以為神又縣北七十里高柏山有古柏  
中部縣北黃帝橋陵多古木

神木縣西十五里楊家城內神松二  
涼州衛東三百十里松山上多古松

莊浪衛東百二十里大松山、多大松又東北百里



小松山

浙江

錢塘縣西山上大竺寺長生僧舍梅二並合抱  
西溪永興寺大綠萼梅二

海寧縣東北四十里洛塘故廟銀杏一圍三人唐許  
遠手植華而不實枝向西北

臨安西五十里天目山斷崖塔院大杉一又華蓋松  
高七丈中峰大師悟道處西南中峰塔院大杉一  
本二幹化城寺側一松根在崖下頂高走路僅二

尺許俯視如蒼蔭可三畝牧童戲其上不動  
觀音崖檀樹長丈餘懸崖外歷三十年不加長下覆小觀  
音座僧云禱雨輒應

餘杭縣西南十八里大滌山洞霄宮大杉二相傳唐  
昭宗景福二年閻丘先生以孟携自天台者圍二丈  
高三十餘丈葉雖凋減枝益堅  
徑山寺門古松  
可蔭十畝又木蘭一並奇古

於潛縣南四十里牧嶺古松盤錯奇怪有兄弟各欵  
頌于有司夜憇其下質明相顧而悔各息因名木長



官

昌化縣西北六十里千頃山龍湫西一娑羅樹初夏  
花開香聞數里

嘉興縣東三十六里圓通寺銀杏二唐時物

海鹽縣城南永祚寺銀杏二數百年矣天將雨輒出

雲雨霽雲復歸

縣南十八里秦駐山廟前飄松一斬而復生不由栽

種董穀碧里雜存

歸安縣東

震澤普濟寺古柏數千年物能為神

長興縣東南大雄寺陳高祖故宅也梁天監中手

植檜今中裂為四枝垂蔭半庭堅如金石

鐵佛寺

有六朝銀杏樹

湖州天聖寺六檜云齊梁物

德清縣西南天寶橋西左顧亭孔愉放龜處二大枯

木可千年挺立不朽

安州吉鳳亭鄉岳武穆將壇一橡樹大數圍莫敢犯

紹興府天衣寺有舞松一株相傳為晉人手植

高橋 有古樹一本五大幹倒卧橋側

項里 項羽所避處有廟古樹圍二人

秦望山 府城東南四十里古松一



雲門山寺城南三十里盤古社木大數圍晉唐間物

曹娥江府城東南七十里曹娥廟古檜二又山茶

樹千年外止加供把之半根如奇峰有折取一花者  
其手自縣于樹因勒石示戒

餘姚縣九里宋石將軍廟樟樹可數抱岳林寺

古柏縣南二十里桃花嶺下有大桃樹約

數圍

新昌縣南：明山月峽古松唐人植

天台縣桑洲驛古樟圍十人天台山萬年寺古杉

十二各百圍相傳羅漢所植羅漢嶺古檜十圍大

數圍歇脚寺牡丹二本高丈許每放五百餘花

華頂峰石罅有木衣花時一蛇盤其上至落實供大

士乃去號為護聖資福寺怪松大數圍高不四五

尺枝葉翻舞於水面舞狀類鳳根盤類龍萬曆癸巳

摧于溪水天台山菩提樹相傳西天梵脩遺種花

葉如柿結子為珠十百中必一二顆如羅漢云佛頭

云他處所無也楓樹嶺上古楓高二十餘丈大可

數十圍其中空可容數百人

永嘉縣象浦驛古樟圍十人石羊山穴中枯木狀

如石羊色如黛赭平陽縣西南昆山絕頂二古木



冬夏常青

建德縣橘山相傳絕頂有羅浮橘一株熟時風墮得者云仙山橘

桐廬縣東五十里采陵釣臺崖上香木一株高丈餘圍三寸許歲長一寸太監黃敬採買江浙一日欲犯之不能得

蘭溪縣

古柏

明太祖駐師其下

黃湓大

溪古檀一其大合抱高十數丈歲春夏溪漲始發葉如漲後不葉必復大水

真覺寺後智者大師塔上松不下數百年偃蹇如虬龍

東陽縣南六十里淮炭山道旁有巖可容數十人旁有連理木其大百拱

浦江縣東明山之梅花泉有老梅如龍橫蹲泉上

開化縣

銀杏一巨甚其實泛幹上壅腫處

剖出云胎生銀杏取其旁幹接地本仍實於枝

麗水縣南十里白雲山麗陽廟古樟靈根千年不榮不稿柯萌時出殿外

雲和縣大杉嘗徑圍之合十凡丈徑六丈四尺遠望百里外



江西

南昌府孛應廟古槐唐崔隱士手植 翊聖觀二松  
相去五尺合為一幹名為義松

西山咸通寺古娑羅樹其下貯樓三楹白枯木樓

許旌陽手植檜

建昌縣北五里冷水觀壽松一名挂劍松相傳許遜

挂劍於此甚怪屈宋寶慶初知縣曹幽亭其側曰千

歲靈根 縣治南壽樟初邑人李左司公懋仕於朝

高宗嘗問樟公安否對曰枝葉婆娑四時常青項安

世作壽樟亭記

鉛山縣北十里鸞湖山唐義公道場手植羅漢松一

九江府城南二十五里廬山白鶴觀大松徑丈餘

山西大林寺寶樹二一如盞一如塔葱鬱異常

德安縣崑崙山元陽觀牡丹根株連抱云玉仙所遺

彭澤縣南陶狄二賢祠有山茶大盈抱二月三日祭

時花特盛好事者分種之竟無一活 縣南四十里

仲芳湖上狄梁公廟有柏八株不膚相傳公被誣滅

死貶彭澤令囚三百人值除夕許還家五日就獄其

踰期者一喪母一風阻事聞天后異而釋囚因率男



女五百人祠之柏八章相傳因劈餘枝所生

建昌府城西南十里麻姑山殿後七星杉圍三二丈

高切雲漢橫列七株故名

撫州府城東北清遠鎮禪居東山有壽樟一幹圍三

尋

清江縣署古松五

安福縣東三十里福聖院唐仙女吳彩鸞來游手植

二樹曰羅漢柏歲花東實縣西百里神楓形如神

面目歲旱封以泥則雨

<sup>高</sup>安縣署有偃松城西南四十五里集仙觀古柏三

許真君遜手植有丹井

萍鄉縣檀樹五容以六十偃貨之將伐一夕生龍鱗

遂輟縣治南寶積寺羅漢松黃山谷手植

萬載縣六里慈化寺普菴道場也倒栽松圍可三

人根皆在上枝幹下垂枯枝如鉄風霜不摧青翠歆

滴

墨潭下陂有六樹同本各四五圍離立可置二席

### 湖廣

武昌城西南黃鶴山仙棗亭多棗有一樹半榮半枯



云古仙所植

漢陽城東北大別山太平吳國寺有柏俗傳禹治水時所植其根盤曲直至柏泉寺井下因名今柏根尚存

襄陽城南七里峴山有晉柏其柯幹如鉄石

均州南百二十里太嶽太和山古杉大十圍者至成

林 榔梅相傳真武神折梅枝寄榔樹上仰天誓曰

吾道若成花開果結竟如其言今樹存

華容縣觀音寺玉蘭樹高十餘丈遠望如玉山

荆門州靈鷲山祖師洞深數里有樹數株葉如冬青

實如红柿可愛名曰仙果 觀音崖娑羅樹大二十

餘尺 太陽山寺娑羅樹一 東嶽觀銀杏二大可

數抱嘉靖三十五年代其一

巴東縣署萊公柏寇準為令時手植三株

岳州西南洞庭湖君山上崇勝寺古銀杏大可數圍

腹中半焦僧云此秦始皇樹

衡山縣西二里靖居巖有羅漢果樹 西三十里衡

山絕頂有千年松鄱縣康樂鄉神農氏陵有二杉一

榮一枯大十數圍高不能測根節如鉄石乃異人所

植莫敢剪伐又龍瓜樟亦數十圍



武陵縣德山寺古桂二各六十數圍

寧遠縣南六十里九疑山舜廟北煉丹觀蕭韶祀林  
兩峰間有松穿石曰而生枝柯拳曲如伏龍狀又沙  
樹十二其大七八圍次五圍縣官某嘗鋸其小者大  
風雷死三人

沔陽城北紫陽觀有三色桂宋徽宗嘗賜金牌曰圓  
通神靈老柏張柬詩亭古柏不知年天寶以前耆

舊傳

郴洲城北郴江口曹王寨山其嶺有石若鼎在大石  
罅中歲久石合兩耳出石外有柏樹偃生貫石耳中  
桂東縣東五十里萬王城內富桃李就啖之味甚甘  
而不可携或私藏之必失歸路

四川

四川布政司公署故漢宣主遺宮柏二百本堂前古  
桂一圍四人花時日掃數斛 成都城內西南江濱  
廟有六樹傳自隋唐高十餘丈圍約三四尋挺直如  
矢無他柯幹巔上生枝葉若棕櫚狀膚龍鱗而葉龍  
尾實大于棗歲仲冬有司祭而始採 諸葛武侯廟  
古柏圍四尺唐末漸枯不敢伐宋乾德五年丁卯五



月枯柯復榮

灌縣西北二十六里灌口山有古樹圍八九丈上有  
寄生木亦大數圍云秦物土人稱紫柏 縣西南五  
十里青城山天師粟似粟而小獨房可治風寧相傳  
張道陵手植七十株在上清宮 牡丹高十丈歲周  
一甲始花

彭縣玄妙觀桂二四時清陰覆地十餘丈 西浦園

寧觀大楠木蔭車數百仙人蘧君手植

羅江縣吳氏瑩有柏圍數十尺中空外曲若蒼龍狀  
枯而復榮

蒼溪縣東南三十五里雲臺山有大柏中空可坐數  
人亭其側曰魁柏 劍州西八十五里延福寺有巨  
木一雙羊色白時來其下近則香

廣元縣北張道陵祠有伏鬼井道陵植杖井旁今為  
喬木

梓潼縣北十五里七曲山文昌祠二晉柏大幾三抱  
富順縣甘氏園木黃葛衣石而生方條忽拱

永川縣有松化為石今尚有斷節及根

銅梁縣南五十三里巴嶽山木連樹高五六丈葉如  
椴楠花如蒸蒿出山則不植



重慶城東北二百八十里溪上有古木盤屈如交龍  
曰交龍

涪州荔枝灘荔枝十八株猶唐所進楊妃者今存其  
二園可四人

夔州府治東白帝城之西有木如桂高三丈相傳公  
孫述樓榭斫之出血枯而不朽

眉州治西南三蘇祠古榆一相傳蘇老泉故居所手  
植至今榮茂 文廟紫荆二宋時植

嘉定州治東九頂山允說峰下大楠三株其麓清音  
亭異柏四曰葉細如剪曰扁仄如片曰垂絲如柳曰

蝟刺如毛 洗墨池松四偃蓋如車輪 海棠有香  
其本合抱

峩眉縣楠木坪石楠文杏各大數圍高十丈餘又山  
半有老僧樹初枯而中空有僧坐化其內樹復活

大邑縣西八十里鳳皇山有紫柏十圍根盤巨石上  
號騎鯨柏

邛州有變色木芙蓉花先白次練次緋次紫號文宮  
花唐學士院有之 合江縣南五里榕山上有天符

葉如荔枝長而有紋如虫蝕篆不知何木或以為刻  
真人仙蹟



納溪縣楠木洞二楠大不盈數寸高丈餘葉亦扶踈  
雖千年如弱植

江安縣三清觀松二高十數丈

黎州安撫司廳東梨一高九丈圍九人州人取其枝

以接菓相傳唐僧三藏游西域經此植梨杖處云他

日州治在此果如之 城東十里龍池祠內枯槎三

株如龍形觸之則風雨暴至

### 福建

福建布政司後堂有大樹合榕樟纏生鬱然于雲曰

### 嘉樹堂

福州壺江在海上多烈風而白崖之上有椿一株翠

蓋亭之榕葉槐身經年無鳥跡雖風作不脫其葉三

年結子如紅豆曰仙椿

閩縣東十里東山之松塢有松宋初物錢昱題松身

曰景德偈神仙心幽道亦玄僧閑出來世松老不知

年

侯宮縣雞籠山西為鳳岡並種荔枝大者十圍高三

十丈皆閩王之密知所植 城北一百八十里雪峰

山蘸月池旁有古杉閩王之密知其雪峰大師手植



皆數十圍又雪峰道場有栲樹藏樓三楹曰枯木樓  
羅源縣山路旁石炭下覆古樹虬枝蒼蔚其上石刻  
蘇舜元才翁所賞樹石

永福縣東北

里方廣巖徐君壇古杉高與巖齊

仙人福州徐登東陽趙君炳倒植花林莊登埋棋子  
田中涌土成塾植牛杖其旁旋生枝葉今老樹尚存  
晉江縣城北雪山宋時泉州治在其麓宋韓國華為  
守生琦於此生時泊前榕樹悉花々如攀枝今樹尚  
在又城東鷓鴣山承天寺塔植榕樹絕無矢污榕根  
盤鬱無復侵出石蘭外者

南安縣西九日山延福寺有無名木宋時木也而莫  
識其名也王十朋詩一木蒼然老更奇肯將名喚世  
人知我來不具知名眼深愧平生未學詩 福泉山  
有徐道菴：前櫟木合抱紹興三年水出其中或以  
瘡病永春縣樂山東臺有橘一本橘實隨人取實袖  
歸即笑蛇蟻人號東臺仙橘

泉州城中承天寺菩提樹一本大十餘圍高數十丈  
建寧行都司元平章陳友定舊署多大樟皆十許人  
合抱一樹中空可坐五六人槎枒下垂偃如岩洞不  
知為樹也 城南三里開元寺瓔珞松二



建陽縣西北七十里雲谷道中有數松詭異石碣曰  
戰龍松朱晦翁書崇安縣圃宋令趙抃手植梅邑人  
碑之銘曰召有棠菜有柏清猷梅碑以石

浦城縣

村中銀杏一株世傳仙人擲樹枝於上

其枝垂下生每果熟樹身腫成大塊破之可得二三  
斗多至石餘形視凡果差小味則同尤溪縣西南百  
七十里分枝嶺界泉之德化上有大樹南北分向分  
縣境

歸化縣羅漢寺有樹名羅漢結子如嬰兒

莆田縣福平山鳳山寺前有大木乃甘棠赤榕檇樸

三木合為一幹蓋其初為食二樹之實遺矢一樹中  
若寄生然久之合為一樹矣輪囷蔽虧參漢連牛東  
西望不見

仙游縣楓亭驛荔枝樹六株皆參天味最甘 大旗

山石瀨有一樹婆娑如榕園有大故樹輒先悴人名  
知國樹

漳州鎮海衛榕樹幹大如一間屋蔭三十餘丈 翠  
屏山之麓有大小二洞：口桃二株不根土壤對峙  
石壁上高不及三尺歲結碧桃數十顆

光澤縣會仙岩石斗岸上有朱桃熟時即墮人莫能



得

平和縣三平山樟樹云唐義中禪師初入山卓錫而立化而為樟今尚存

福寧州龍泉菴榕樹其中可盤坐五六人枝稍寄生大可數十圍

### 廣東

廣州城內光孝寺菩提樹梁天監元年梵僧智藥三藏自西天竺移植今圍數抱高十餘丈經冬不凋葉之筋脈細緻如絹廣人每用此為燈為花

南雄府城東三里三松臺其地隆然高阜上有松三株蒼翠如蓋

寧遠縣九疑山沙樹十二其大七八圍次五圍縣官其嘗踞其小者大風雷死三人

湖州府治東金城山韓文公植一木今不識其名但稱韓木士人視其花之疎密以卜登科多少去祠十餘步種之輒死有題文公祠云韓木有情空谷煖鱸魚無種海潭清是也

### 廣西



桂林府南門榕樹一唐總管李靖所植歲久根蟠分  
而為二

貴縣城內陸績井 乾和中刺史劉傳古植橘一株

慶遠府城北山大巖唐仙人陸高臣嘗手植桃榴於  
左各一又淨瓶植榕樹凡二十四葉至今不凋

橫州馴象衛旆指揮園鉄樹高三四尺幹葉紫黑葉

小類石楠周年乃花：四瓣紫白色如瑞香累月不  
凋嗅之草氣 王濟曰詢手鏡

雲南

雲南府城西南三十里太華山寺山茶八株高四五

丈香閣前古椿圍二丈蒼幹入雲千餘年物 府城

南昆明寺山茶

安寧州西岍曹溪寺曇花一樹相傳自西域來扶疎

百尺綠葉白花移葉他種終不復活 溫泉側有無

名樹僅四五尺蟠根石崖四時不凋亦不長楊用脩

有瑤草蟠千歲之語今距用脩百年矣形質如故不

知其何木也

江川縣北二十里隍龍鄉有古樹不知其名春茁葉

自南則旱自北則雨自東自西則風雨時木忝登四



園並發則饑饉旱澇驗之不爽亦不知昉於何代也  
太和縣上關和山之麓有樹七八丈葉如桂花白色  
每朵十二瓣應月數遇閏加一相傳仙種更無別本  
土人名其地名之曰和山花

白崖川

菩提樹高四丈

臨安府

荔枝二樹並合抱

武定府城西五里獅山上小池旁羅漢松一大數十

圍霜柯鉄幹世所罕見

金齒衛城東北八十五里瀾滄江其南三十里萬箭

樹段氏時蒲蠻出沒徑此過者射其樹以厭勝之至

今猶然高丈餘鋸如蝟刺

貴州

貴州金雞驛東十餘里松樹山石如臺高數十餘  
尺上五松自今以來至今不改柯  
馮元成集



談遷曰余輯古木在今者據地志及文士紀咏耳秦蜀閩粵滇黔中地多深阻歷代採木輒致異村而歲文攷獻自恨儉誠為寸朽貽笑鄧林也

穀

秬稻宋大中祥符五年求之占城分給江淮間者耐旱早熟

江西建昌府產銀珠米宋時太守沈造嘗獻

金華香秬梁開平中赤松壇道士周獻赤松澗西

秬米於錢武肅王曰此實仙種三秋穗重香濃止五

十區鼠則野狸逐之雀則蒼鷹逐之王密遣張思敬

往視果然遂賜紫衣錢帛明初沿宋制歲貢香米

三十石太祖曰我訪知民間擇圓淨者用黃絹袋

盛貯封護進呈今後同秋糧送納不須歲貢勞民自

此遂絕金華府志

平涼番麥一曰西天麥苗葉如葛秋而肥短末有穗

如稻而非實如塔如桐子大生節間花垂紅絨在

塔末長五六寸三月種八月收平涼府志

襄城縣土產苳大麥米大麥亦可釀酒漢書揚州有

桃花米即今泰州紅也為下品

米豆雷州府思靈島出枝葉似柳花如烏豆一種之



後數年生實淮南子豆之美者有米豆

四川山峽產雲南稗一曰鷹爪稗以形似名亦播種畦植與五穀爭植東南所無也

竹

杭州餘杭縣之洞霄宮竹葉採之或不露骨云無骨

箬

嚴州越王竹聞人聲則縮入沙中

延平府建津西山有朱竹數頃按朱竹世未之聞元時宋仲溫在試縣卷尾以朱筆掃之故張伯雨有偶見一枝紅石竹之句管夫人嘗畫懸崖朱竹楊廉夫題曰網得珊瑚杖躑躅篔簹谷明年錦棚兒春風生面目蓋畫中朱竹不謂實有之也

鄱陽人言山中產異竹高十餘丈其徑盈尺截而為筍徃々得泉甚井山人亦多壽考陶安學士集

袁州萍鄉縣羅霄山晉葛洪脩煉處壇生二竹風動如掃人謂之掃壇竹又岳州平江縣幕阜山一名天岳山上有仙壇瑞竹同本異幹隨風掃地名為掃壇竹

均州西南薤山孤竹三莖三年一筍生一筍甫成則一竹枯代謝不已



茶陵州真仙洞有竹節長一尋徑數尺名曰雲英  
衡州衡山高年竹

廣州增城縣東南二十三里猗山產娑羅竹園三四  
尺性至堅土人取以為弓

惠州羅浮山有巨竹十圍節長二丈曰龍葱竹

平樂府平樂恭城二縣出筴竹可作衫充暑服

峽州宜都縣飛魚口產紅竹大者不過寸許鮮明可  
爨

有竹斜節如龍鱗山園中間有之不多得

### 長蕒

浙江象山縣東南百餘里大海中蕒山產大蕒徧地  
為然

四川邑梅洞長官司南八里昔有人遺蕒種山頂蕒  
長丈許四時茂盛民多食之

### 彭侯芋

福建連城縣蓮峰山產彭侯芋葉人如盤冬夏不枯  
過年子落崖下人難取以火劑亦不能熟舊傳彭  
侯所種

### 耳蕒

耳蕒俗名紅山蕒也徐玄扈相國曰近年有人在海



外得此種海外人亦禁不令出境此人取諸蘇佻入  
汲水繩中遂得渡海因此分種移植略通閩廣之境  
俗名著諸蔓地生形員而長味甚甘山諸為考蓋中  
土諸書所言諸者皆山諸也今番諸撲地傳生枝葉  
極盛若於高仰沙土深耕厚壅大旱則汲水灌之無  
患不熟閩廣人賴以救飢其利甚大 農政全書

朱諸產呂宋國被野連山不待種植夷競食之萬曆  
中閩人移蔓以歸種之數日即榮瘠鹵沙岡皆可植  
糞之加大泉人資以充飢何鏡山先生 喬遠有番諸  
頌

### 荔枝

弘治壬戌沈石田有白菊顧氏種荔枝成樹詩云常  
熟顧氏自閩中移荔枝教本經歲遂活石田使折枝  
驗之翠葉花々然不敢信也以示閩人良是因作新  
荔篇

按吳地荔枝難種往聞吾西湖馬太僕三才墓含有  
荔枝樹垂實為俗子伐去偶見沈氏詩後人獨不為  
繼美耶

龍眼荔枝二種廣東止于韶州至南雄則無福建止  
于福州至延平則無大都近海之郡則生不近海不



生閩俗女子將嫁男家先一年送荔枝紅

獨本蔥

馬湖府產獨本蔥宋真宗罷獻

羅漢菜

南昌西山羅漢菜因靈觀尊者自西域持生菜如豆苗蘄州三角山亦出雜以葷即無味

人參

遼陽東二百餘里山深林密不見天日產人參採者以夏五月入裹三日糧搜之最難或迷徑斃人

萬曆中遼東李都督如松嘗餽某侍郎一本重十六斤形似小兒海鹽姚叔祥說

地黃

懷慶地黃蓋藉濟水畦灌而肥也不知密縣東北一帶旋生實繁苗時懷人用青蚨買去每斤值五六文耳計其所獲敵鬻十金而饒

密縣志

龍芽

大同府城南山出龍芽

琪樹

琪樹垂條如弱柳結子如碧珠三年子乃一熟每歲生者相續一年綠二年碧三年紅綴條上璀璨相間



產天台桐柏宮石橋寺處

佛手柑

佛手柑一名飛穰鈕洎母孫瓊與定天人書此中果有胡桃飛

薔薇露

薔薇露出大西洋國花如牡丹花露晶瑩芬芳襲人  
澤体膩髮經年不減

大內衣子

大內衣子多異物歲一閱視出之於廷有衣子長五六寸  
潤稱之不知何地所產其衣當大于屋此古來史冊所

未聞也袁貴妃父祐說

玉堂薈記

文林郎

濟南文林郎果本草云出渤海如李如林擒其樹自  
河中浮來得之者為文林郎故名

不灰木

檉子經野火燒死根不灰色白類龍骨

諸城縣志

萬曆己丑春諸城東鄉人言廬山東麓崖塌出龍肉  
又曰龍骨無數邑人驚愕後識者曰不灰木也其長  
莫竟滿澗皆是色白而軟非木也可以燃燈類於龍  
骨故訛傳耳齊地記曰東武南城東南有廬水側



有勝火木方俗音曰檉子其木經野火燒死炭不滅  
故東方所謂不灰之木也

君子樹

君子樹似松曹奐樹之於階廣志

木威

廣西宜州木威似栝櫟葉間有實穰生似橄欖廣東  
蓋號為烏攬邕貴間謂波斯橄欖其葉兩廣人用作  
雨衣柔靱密緻勝青油也

血樹

血樹似芭蕉葉如血根幹如黑色高者七八尺惟雲

南臨安有之

鐵樹

橫州馴象衛殷指揮園鐵樹高三四尺幹葉紫黑葉

小類石榴周年乃花四瓣紫白色如瑞香累月不  
凋嗅之草氣王濟日詢堂手鏡

塔松

峨眉山塔松狀似形而葉員細亦不能高重之偃蹇  
如浮屠山頂尤多

椿實

鉅野縣郊外紅樹一株蓋椿實也與餘者不同揚士



聰靜遠堂集

椿木實香可嗽

陰揚

海鹽橫山崔孝廉培元家所事前二柏殆百年專左  
花右實予聞而特過之真奇種也按陳繼儒太平清  
話南渡時高麗進陰陽柏二株僅二尺許高宗以賜  
王陶：種之永懷寺高與殿齊每歲左花則右實右  
花則左實

紅豆樹

南京牛首山東北鄭太監墓有紅豆樹

順棘

長清縣豐齊鎮北古城棘刺皆順而不鉤世傳宋藝  
祖微行過此長清縣志

藜草

山海經曰大魏之山其陰多鉄美玉青璽韜焉其狀  
如著而翫花而白實其名曰藜眼之不大可以已腹  
病今亦存其名耳併美玉青璽皆烏有也密縣志

羅漢樹

福建歸化縣羅漢寺有樹名羅漢結子類嬰兒

松羔



秦地松樹彌望山中尤多其小者曰松羔以木稱羔  
與羔羊之羔義同 楊士聰玉堂薈記

### 金剛纂

天目山金剛纂樹長不滿三四尺多屈曲雖春夏亦  
無葉每觸其枝曳裾不前夷緬固有是種相傳剉其  
末以漬水必毒飲者立死 安吉州立志

雲南大侯州產金剛纂其色青狀如刺桐性最毒

### 赤藤

赤藤產面甸朱色可為杖

### 孝陵海棠

孝陵海棠獨結實外香中酸

### 指甲花

指甲花五六月開花細而黃類木犀中多須蘂香亦  
絕似葉染指甲其紅過於鳳仙稽含南方草木狀胡  
人自大秦國移植南海 日詢堂手鏡

### 婆樹木花

婆樹木葉似海棠又似楊梅花紅白色三四月盛開  
備紅紫白諸色叢葉並蒂大可尺許出四川峨眉山

### 木蓮

峨眉山木蓮四季葢莖若續



旱金蓮五臺山出瓣如池蓮較小一周而色如真金  
挺生墮地相傳是文殊聖蹟也

### 娑羅樹花

天台山娑羅樹花一名鶴翎出華頂峰以多經風霜  
樹不高大樹數十枝十餘頭六七葉經冬不凋  
花如為藥香如茉莉唐天寶初安西道進娑羅樹

### 唐婆鏡

唐婆鏡一名羞天花一名顏垂蓮本草所謂鬼白也  
其花背日與蜀葵相及

### 蒼菊花

牛首山鄭大監 強 墓蒼菊花

### 滇茶

御史鄧諫論滇茶十德色之艷而不妖一也樹之壽  
有經二百年者猶如新植二也枝幹高竦有四五  
丈者大可合抱三也膚紋蒼潤黯若古雲氣罇壘四  
也枝條黝糾狀似麈尾龍形可愛五也蟠根獸攫輪  
囷離奇可馮而兀可藉而枕六也豐葉森沉蒙茂七  
也性耐霜雪四序常青有松柏之操八也次第開放  
近月方謝每朵自開至落可歷旬餘九也所入瓶中  
水養之十餘日顏色不變半含者亦能開十也



昆明池山茶見吳人葛一龍四憶詩

玉女花

沁水縣韓王村玉女祠有樹每歲再花春赤秋黃人不之識張大理五典載之縣志中大理長孫都督道濬遂名曰玉女花蓋今人耳目短隘或他處有是花具其名未可知也曹縣青山之土神祠縣志云樹古不知其名卻秀才元謂南人過之云撲也夫撲為下材猶隔澗識况其他乎孔林之楷子貢所植即吾鄉黃棟嫩葉可茹俗名茶娘也予年五旬因過丹陽摘芽同舟人語及有省否則終身不知措為何木矣

勞山白牡丹

膠州勞山明霞洞宮白牡丹一本非近時物豪家匡民移去而匡氏敗有白衣人見夢于道士曰我今來矣果舊坎復蘖至今存匡氏之種萎高相國說

延安府膚施縣南四十里牡丹山曰花原山多牡丹樵者以為薪又縣西牡丹川牡丹特盛又宜川縣東二十五里牡丹原

沈萬三牡丹

高京都察院河南道署中牡丹單紅為國初沈萬三物



延州紅

延州杜甫川西三十里曰花原頭其山高五里輪二十里千餘年來土人種牡丹幾徧至折為薪故名花原牡丹譜所謂延州紅也

海棠

大足縣古昌州也海棠獨香故又名唐國唐有大足年號郡邑以元號名者種：如仁壽崇慶之數郭子章蜀草

金蓮宰相花

南京雞籠山五顯廟金蓮宰相花一曰優鉢羅花開必四月八日至冬而實如鬼蓮蓬去衣其核中則金色佛一尊

紫金蓮

登封縣嵩山法王寺紫金蓮開中秋一月云神仙說法時從地涌出移他處即稿

轎頂花

隨州大洪山有炭花菜轎頂花他方所無李維楨大洪山記

普舍樹

施州普舍樹四時開百種花惟覃氏子教歌舞其下花乃自落



素馨茉莉

陸賈南行記南越五穀無味百花不香獨有二花不隨風土而安謂素馨茉莉也

特產

閩中紅茉莉蜀中紫繡球楚中紅梨花燕中黃石榴天台黃海棠白海棠白紫碧桂花白玫瑰洛陽黃石藥皆特產他地所無

益都方物略記有赤鸚芋止言可終歲不言其花予里佃人偶種得花開以日中花成條若鏃小粟香如蓮色如百合亦若葵而稍淡先有臺如荷色之花旋而臺破見鄭以偉詩中

袁石公盛稱湖湘萼菜美不知湖湘無萼皆送西湖採去以湘湖水浸之萼菜經宿則愈肥凡泉水湖水皆可浸不必湘湖也今人但知湘湖之萼又因石公言謂非湘湖水浸不佳皆耳食者耳見李涪芳集中萼菜歌

廬山紫芝

晁元咎雜叻集舊說廬山有紫芝田百晦人莫得見偶于開先棲賢林中步兩日各得一枝正紫如玉云云噫紫芝可值所少晁元咎其人耳



木瓜

木瓜出汲縣爾雅曰楸木瓜也衛人所賦木瓜即此  
為藥

溧陽為藥芽代茗飲曰瓊芽先朝進御見黃潛集中  
不出官菊

宋徽宗藝菊有小朵銀色者不令分種于外禁中名  
曰不出官菊譜所謂御愛菊也

菊實

盛弘之荆川記穰縣芳菊被崖水極井美菊莖短葩  
大太尉胡廣恒汲飲此水又收其菊實傳植京師穰

縣今內鄉縣 黃寶

菊譜

趙峻谷先生 時春 菊譜序曰菊之為華冬培根春藝

苗夏分植中夏而迄中夏再取其肄又植之終夏而  
止至秋大盛伐其條肄以培其花迄秋而成初冬而  
大斲其美既欲其久存或苦覆之中幕之蓋終一歲  
之勤焉其名著于月令殮于靈均紀于本草于南陽  
陶潛籬之杜甫叢為幽人騷客染發詠至宋人譜之  
而大備色之殊者或如墨或崇及尋丈色品繁身宜  
隰及圃陳中者宜原野下者蔓衍丘陵皆華而不實



其植以根枝蔭之根成而暢乃見晦其白面內莖作筒外瓣單者香并宜醇酒卻風恙養老壽本草杜甫詩所謂井菊也開以伏日而色紫緝結子即種而不根黃世號六月菊今吾郡及鴈門西河高山多有之菊之替也華之不振而灌栲者或萬數僅如大小錢但可釀麪不足稱也受培植而藝工者子其身保其葉翹然上生其端有微葉乃參之而又子其枝保其葉條然扶搖<sup>其</sup>端有微葉又參其巨莖而伐其細莖參三以應陽九亦菊性也率以微葉冒端者為微否即聲<sup>藝</sup>糾者必密於此故花大及二寸餘小者猶當十錢參三之而不可遏者或至再倍身洪大者如小指可杖卑者猶二三尺高率及人肩眉菊之最盛者也糞必熟薄而亟數均平之既以三五日陽地以涼溉陰地以溫溉溫泉洪河之波溉最良之獸之腥尤宜溉酪之陳油之瀋尤宜糞分植而未根黃宜陰或冒之樹蔭之溉以葉舒為微拳既溉之或以壺水如針孔者兩之俟可肄宜務諸陽皆上品也其下者亦居陰寒冬除其霜霰或曰此北方平原法也寒甚失陽上品花或瘠南方炎洲有雪乃開或至中冬大抵菊雖凌霜耐寒亦稟中和之氣為糞生米汁輒生虫腦麝



六畜之賤藝工動作之疏率能敗菊于法當除

黃中央土正色菊本黃上品大黃菊 正黃金鶴頂

黃幅赤心二品畏寒雪冬覆之 赤金盤 黃赤 玉繡球 淡

黃黃鵝毛御愛黃 俱千葉黃葉 中品大煉黃 黃幅額

焦佛面金 俱千葉 峰窩黃一名 金荔枝一名萬卷書 大

金錢草黃 金簪頂 一名遠枝嬌幅單額廣下品 硬幹黃

赤南方火正色絳紅紫以淺深別也非如服之間色

也上品絳紅袍 正紫 紅鸞毛 海東紅 早紫俱千葉初紫

晚作茄花色 中品狀元紅 一日舊朝服初紅晚黥黃

下品金眼回 單黃幅黃筒額

白西方金正色凡色白者皆靚潔而香菊為甚皆可

釀酒入藥上品平白 雙幅黃額半 青心白 千葉額微青

白鵝毛 千葉細尖 白蜂窩 即耳菊 銀鶴頂 單白幅 淡黃

金盞銀臺 單白幅 正黃筒額

粉色得人乏正色清且麗者也上品銀鶴頂 紅額白

幅荔枝紅白額幅漸作淺深大粉息千葉 中品玉蘭

友小粉息千葉 虞美人 雙幅粉黃筒額 八月菊粉翻

十葉八月蜂窩 粉幅筒額



蘭

蘭有紫黃碧三種又四川霧中山產赤蘭曰冬蟬黃  
蘭曰玉蘭紫蘭曰金蟬

宋末鄭所南畫蘭不根土曰今日此土非我有也雖  
憤語而天台山產風蘭鹿角蘭俱不土而活

宋政和五年正月密州產蘭彌漫山谷或附木石或  
出平地有一本數十花層疊高大餘五色咸備密縣  
蘭有蒲蘭線蘭各種保定縣志

棉花

潁州志紅棉花青棉花俱間產



高貢兗州厥貢絲厥篚織文揚州厥貢島夷卉服厥  
筐織貝註謂兗地宜桑織文者綿綺之屬卉服令木  
棉而織貝為木棉之精好者曰桑絲曰木棉惟兗與  
揚之島夷作貢彰矣古之所謂綿者絲綿也古之所  
謂布者臬布也故唐人税法每丁歲輸絹或綾施共  
二丈綿三兩輸布者麻三斤宋林勳作政本書匹夫  
之貢惟絲與綿非蠶鄉則貢布麻天以綿而繫之絹  
以布而繫之麻則綿為絲綿而布為臬布也明矣元  
學士王盤序農桑撮要之書云木棉種于峽右輟耕  
錄云閩廣多種木棉紡績為布蓋木棉出南夷西域宋

元間始傳閩陝至時乃盛

茅

芑茅產沅江一莖三脊  
瀛州青茅草可為蓆

河南新鄉縣魯色村仙茅世傳西域僧所獻唐明皇  
服之有驗至今江南人呼婆羅參  
嚴州釣臺地止生白茅無他產即漢詩乾坤留節氣  
草木顯清風

仙草

雲南蒙自縣有仙草葉圓枝細其葉乾之一二年醜



以泉井或氣呵之復鮮茂如故

### 不死草

柳州產苴草俗呼不死草狀如茅高一二尺食之令人多壽暑月置盤筵中蠅蚊不近物亦不速腐戰國策楚人獻不死之藥即此

### 真山洞草

茶陵州真山洞深十里許有草一本枝高三十丈狀如芭蕉

### 觀音篔觀音燭

延平尤溪縣之雙峰山生異草二種一如婦士束髮篔名觀音篔一如樺竹可灌油照夜名觀音燭

### 俱那衛樹

俱那衛樹高七八尺枝脆葉狹而長花紅根似玉簪花而小魯師建閣中記南方花有此地所無者闍提茉莉俱那衛皆出西域盛傳闍中北地雖植莫能活也

### 夢花草

綏寧縣產夢花其莖如藤其花黃白叢條如綫有時昔得夢而遺忘者紐之即寤見一統志嘉興邑公制先生汝楫令綏寧嘗訪之土人不知也



虞美人草

四川雅州和夷壩生虞美人草歌曲其草自舞

羅漢條

衡山天掌峰生草兩莖相纏垂頭如條俗呼羅漢條

通靈草

成化時邑人孫璋守潯州斷藤峽有茗大藥治金創  
撲損神效徭人珍之孫歸種而萎弘治十年三月忽  
生後圃孫曰思之二十年不圖復見名通靈草今不  
傳或有之無知其名者

相連草相離草痴漢藥

貴州清浪衛山間產相連草苗婦于高山長歌連日  
歌淫心蕩有草飛來入懷置衣袂間令人相思欲死  
相離草投飲食中令夫婦參商又草名痴漢藥淫婦  
以食其夫如醉夢絕無妬心 徐尚書良彥隨風錄

茶

國家歲貢宜興縣芽茶百斤內二斤上南京禮部

六安州芽茶三百斤

廣德州芽茶七十五斤

建平縣芽茶二十五斤

浙江長興縣芽茶三十五斤納南京茶出顧渚即芥



茶也近時僧大方製法剪去尖末號大方茶按宋朱長文吳郡圖經續記茶長洲縣生洞庭山者與金時蘄州味同近年山僧尤善製謂之水月茶以蒼為名也頗為吳人所貴

嵎縣芽茶十八斤

會稽縣芽茶三十斤

永嘉縣芽茶十斤

樂清縣茶十斤

臨安縣茶二十斤

富陽縣茶二十斤

慈谿縣茶二百六十斤縣西南六十里宋寶祐間丞相史嵩之治墓建開壽普光禪寺其山頗產茶殿帥范文虎因置茶局進貢元明皆仍之

麗水縣芽茶二十斤

金華縣茶二十二斤

龍游等縣芽茶共二十斤

臨海等縣芽茶十五斤

建德縣芽茶五斤

淳安縣茶五斤遂安壽昌縣各茶三斤

桐廬縣茶二斤分水縣茶一斤



江西南昌府芽茶七十五斤

南康府芽茶二十五斤

贛州府芽茶十一斤

袁州府茶十八斤

臨江府茶四十七斤

九江府茶百二十斤

瑞州府茶三十斤

建昌府茶二十三斤

撫州府茶二十四斤

吉安府茶十八斤

廣信府茶二十二斤

饒州府茶二十七斤

南安府南康縣茶十斤

湖廣武昌府芽茶六十斤

岳州府湘陰縣茶六十斤

寶慶府邵陽縣茶二十斤

武崗州茶二十四斤

新化縣茶十八斤

長沙府安化縣芽茶二十二斤

寧鄉縣茶二十斤



福建：寧府建安縣芽茶千三百六十斤內探春二十一斤先春六百四十三斤次春二百六十六斤紫笋二百七十二斤薦新二百一斤按何喬遠閩書建安縣鳳凰山之麓曰北苑所焙茶最知名曰社前次曰火前又次曰兩前火前謂寒食前兩前謂兩穀也鳳凰山旁曰壑源曰沙溪皆產茶之地而壑源為冠崇安縣茶九百四十一斤內探春茶三十三斤先春三百八十斤次春百五十斤荐新四百二十八斤計天下貢芽茶共四千二十二斤而建寧茶品為上宋元時所貢必碾而揉之壓以銀板為大小龍團

明初以重勞民罷造龍團惟採其芽以進

自貢茶外產茶之地各處不一頗多名品如吳縣之虎丘錢塘之龍井最著攷南宋蘓州茶額六千五百斤元無額明納錢三百十九萬三千有奇惟吳縣長洲有之

成化三年奏准南京供用庫歲用芽茶坐派池州府二千斤徽州府三千斤葉茶徽州府二千斤蘇州府二千斤滁州二百斤徐州二百斤廣德州三百斤南京戶部志

四川茶園十株取一微茶二兩茶四十斤易畚人馬



一李文忠以茶五十餘萬斤易馬一萬三千五百十八匹今茶課本色十五萬八千八百五十九斤係石泉建始長寧等縣并建昌天全烏蒙鎮雄永寧九姓土司辦納

陝西茶課今五萬一千三百八十四斤係吳安紫陽石泉漢陰西鄉歲辦

陸羽茶經曰杭州下蘓州又下建州未詳郭子章曰今三州名甲字宙豈山川清淑之氣當竟陵時未茁為茶耶

宋貢茶首稱北苑龍團而武夷石乳之名未著至元設場於武夷遂與北苑並稱今但知武夷不知北苑矣明朝不貴閩茶即貢亦備宮中浣濯既盥之需貢使數賣金抵京買而納之即閩其採辦皆迨半產非武夷也迨平人呼製茶者曰碧豎新茶下崇安今例致諸貴人黃冠黃苦於迨呼盡斫所種武夷真茶久絕

### 金絲煙

金絲烟出海外番國曰淡巴菘流入閩粵名金絲烟性燥有毒能殺人天啓二年貴州道梗借徑廣西始移其種葉似薤長莖採而乾之刃批如絲今藝及江



南北崇禎十六年勅禁私販至論死而不能革也

### 經劫草

茶陵州雲陽山有草高三十丈一本千枝一枝萬葉  
百年而開一花已開不謝陰卷晴舒名曰經劫草

茶陵州志

### 曠動

#### 獸異名

獸之異名者曰舍利能吐金曰龜岷能化虎曰魃白  
虎也一名素威曰騰虎也曰蝮蛇似狸長百尋曰象  
輿其背可坐曰獬胡似獼猴曰飛遽天上神獸也曰  
曠：能知生死飲其血則見血曰猾裒音如斲木曰  
山獐其行如風見則大風曰辣：狀如羊一角一目  
曰吉量文馬乘之壽千歲曰跡踢曰屏逢皆左右有  
首曰鵠蒼異犬也曰驚帆者快馬名曰飛燕馬也張  
平狗亦名飛燕曰觥觥者一角也能觸罪人曰倉光  
水獸也一身九首善覆舟曰破鏡惡逆獸曰不來狸  
也曰叩：距虛此有獸也曰花鵲王鐸卑脚犬也曰  
天鹿即天椽純靈之獸曰舟端日行萬八千里曉四  
夷語曰齋幽隱獸也能辟災害曰鷄斯散互生駱紂  
馬也曰茶獸首兩頭鹿也曰瞿摩帝牛也曰駢駢詎虛



類曰蒙貴狀如獠而小善捕鼠曰贄者出大秦國似  
狗多力獷惡曰虬蝮水獸也曰白囊踰輸山子皆駿  
馬各山子又名五明又名叱撥曰野子即騰駢也

### 禽魚異名

鳥之異名者曰畢方能銜火作灾曰駮驥驚雉也曰  
屬玉似鴨而大曰鴝鵒似鳧而脚高皆辟火灾曰庸  
渠鳧也曰焦明似鳳曰帝江山神鳥也能歌舞曰  
鈎星衣毛為鳧脫毛為衣能收小兒魂曰鷓鴣者出  
基山如鷄三首六目六足三翼食無臥曰瞿如白首  
三足人面曰橐蜚者冬見夏蟄服之不畏雷曰鷓鴣  
者出小侯之山食之不瞋目曰鴟者出女几山雄名  
運日雌名陰諧曰鴝鵒斑鳩也曰鴛周子規也曰頊  
羸鷓也膏中瑩刀曰春鉏鷺也曰鷓鴣如鷓一名鷓  
鷓一名嬰羿人射之則銜矢射人曰希有崑崙大鳥  
也曰暎啁楚鳩也曰螭蝮即鳩也曰晨風鷓也曰博  
勞惡鳥即鷓也又名伯趙曰商羊兩禽也曰鷓、比  
翼鳥也曰謝豹杜宇也曰訓狐怪鷓也曰鷓河澤鳥  
相視而生曰阿濫堆驪山鳥也明皇取其聲為曲又  
作鷓濫堆曰迦陵頻伽妙聲鳥也曰僧婆鴈也曰秦  
吉了能言鳥也曰鷓鵲出條支國高七尺解人言曰



乾罽鸚武也曰脰鳥燕也曰鷓山鳥也曰鷓鷯水鳥也曰鶴鵠即青鳥也曰批鵠即鷓鷯也催明鳥曰康鵠九頭鳥也曰韓朋鳥雙飛即韓憑夫婦所化曰漱金鳥魏時昆明所獻吐金屑如粟鑄之可為器曰冠鳧石首魚所化水族之異名者曰鯨鮪狀如蚪斗曰鰩鰐有橫骨如鼻前所擊無不中斷曰鱉魚似便面堆常負雄而行曰蝟似蝦益人顏色曰鱣魚如圓盤口在腹下曰三螻似蛙蛤曰蚌江似蟹而小曰蛭蝮小螺也曰珠蚌腹中有蟹曰水母有智識魚耳目曰龍鯉一角陸居曰文魼狀如覆鉢曰螭螭大龜也曰吉吊龍卵也龍生二卵一為吉吊其脂其治聾曰地甲龜也一名神屋曰芘羸紫色螺也曰活師即科斗也曰仲明鮪魚也曰鱖刀鱉魚也曰魁陸蚶也曰神人魚鮓也其膏可為燭曰水唐如小兒鱗甲如鯢鯉好在磧上自曝曰元緒神龜名曰彭越海中小蟹也曰儵鉢者浮陽魚也曰鯨以目魚也曰鯢鯢即鳥鯢魚腸也曰鮫魚之生母也凡諸魚欲產輒以頭衝其腹曰印類魚即東坡詩通印子魚也曰禺揚州魚也又名解隄曰沈虎之頭魚也曰潛鹿之頭魚也曰奔鱒一名濁嬾婦所化曰白髮魚出滇池曰妾怪魚



也出博白曰鯢如鵲而十翼捕之可以禦火曰燕魚  
魚也出福州曰蠶蟬也曰百足亦蟬也長九尺四螯  
煎為膠謂之螯膠出善苑國曰黃臘即橫魚夜有光  
如燭雖為炙不滅曰骨雷鰐魚也一名忽雷能化為  
虎曰螳螂傍海大魚其溺甚毒曰係臂如龜入海捕  
者祭之則出馮時可釋該

龍

龍生九子蒲牢好鳴囚牛好音螭吻好吞朝風好陰  
睚眦好殺負屨好文狴犴好訟狻猊好坐霸下好負  
又博物志憲章好囚饕餮好水螭鰲好腥蠃

蚺好風雨螭虎好文采金猊姐椒圖好閉口蚺蚺好  
立陰鰲魚好火金吾不睡皆龍種也

嘉靖初海門縣牛渚潭產龍無數傍崖近水處皆龍  
窟舟過其下亦不傷人偶黃龍起揚氏射之中一目  
黃龍遂以揚氏舟挾寘山巔迄無害餘數十舟沒覆  
嘉靖七年寶應知縣聞人誣以射陽湖水患奏開月  
河試築紀功方類地祇舉事二龍戲水上鱗角畢露  
眾懼而寢時大雨繞四野獨不及工所咸稱其異以  
上揚州府志

南昌熊太僕 以比部郎讞獄永平大雨三日雨



中若列千萬炬自西北至海及霽有大木三十長十大  
遺永平城下土人曰龍王採木數十年一見

諸城縣海邊人家有室女及笄者夏雨以手掬簷

溜後手右拇甲內若有紅線寸許作盤屈之狀年餘

不滅亦無所苦女伴戲而恐之曰得非龍乎明年夏

雷雨女出其手於窓外忽震雷砰訇從窓間起有龍

出拇甲中騰空而去但甲今裂餘亡恙

沁水張志烈銓以御史巡視隴石茶馬某地巨魚半

露人腐食之家俱漂沒忠列子道濬說

陽城縣劉村劉氏夏雨跣坐拇指裂動項之破膚而

出長三四寸騰雲頓長數十丈指微痛不覺張藟山先生說

峨嵋山泉為龍穴游人至僧鉢盛之如蜥蜴尹伸曰

此下方蛇醫何龍也僧指示首爪特異僧舍有碣昔

有蜈蚣入釜者頃刻雷電大作晝晦諸僧不知所為

老僧曰得毋煮龍子乎亟發釜出之立霽

伏牛山泉游人祈龍現形可三四寸鱗角蜿蜒盛鉢

中云佛受記以上臨海縣王恒叔游記

曹縣苗家寺佛像指出龍財三寸條數尺首向佛歛

忽透空數十百丈赤光閃指今佛指痕存曹縣郝開宗說

平湖徐在中以工部郎中分司張秋張真人舟過侍



見清麗徐時謹之真人曰先生可自重此某地龍也  
不信命進盤水侍兒忽入之即雷雨萬曆己卯行人  
謝杰使汎球航海颶作大雷雨有龍三掛于舟上見  
其頭角一長年曰此來朝璽書急挾杰起書免朝示  
之退<sup>即</sup>

崇禎丙戌沁水曲底村山崩露龍骨首如五斗盎角  
長三四尺齒廣寸許爪甚長人多拾之藏於家

龍三停似自首至膊、至腰、至尾皆三停角似鹿  
首似駝眼似甲項似蛇腹似蜃鱗似魚爪似鷹掌似  
虎耳似牛

龍涎香出蘇門答刺國其國西有龍涎嶼峙南巫里  
洋之中群龍交戲其上遺涎為國人駕獨木舟伺採  
之每一斤值其國金錢一百九十二枚准中國銅錢  
九千文嘉靖三十四年下戶部取香百斤徧市京師  
不得下諸藩司採買廣東購每斤以千二百金僅得  
十一兩進內驗不同姑存之亟取真者廣州獄囚馬  
那別的貯有一兩三錢上有黑褐色密地都密地山  
夷人繼上六兩白褐色細間狀云黑者採在水白者  
採在山皆真不屬尋有密地山高再上通前共十七  
兩二錢五分次年進內辨驗是真許留用自後夷船



聞上供稍、換來定價每兩售百金龍涎之為用也  
入香合和能收歛腦麝清氣雖數十年香味仍在焚  
之翠烟裊空不散或言涎沫有三品曰泛水曰滲沙  
曰魚食泛水則輕泛水面善水者伺龍出隨取之滲  
沙則疑積多年氣滲沙中魚食則化糞散於砂磧惟  
泛水者可入香用又魚食亦有二種海旁有花若木  
芙蓉者春夏間盛開花落大魚食之若腹腸中先食  
龍涎花嚙入久即漲悶昂頭向石上吐沫乾枯可用  
惟糞者不佳

蟒

爾雅蟒者大蛇也蟒無角無足龍則具角足今織蟒  
俱龍非禮見弘治元年都察院左副都御史邊鏞奏  
禁

蛇

京師西山潭拓寺有青蛇二歲四月八日僧函示大  
衆施錢手摩之祈免死

梧州火山有蛇廟佛鑪上蛇時纏之大小不等少則  
百餘多至四五百枚盜賊不服予蛇撚之是盜則噉  
否則絕不傷人

天啓初福清葉相因向高應台道淮陰苦清口涸禱



於金龍大王廟或作神語此地屬張將軍當問之若  
外河吾當護送夜果水漲達清口是日蛇附於柁薄  
莫升柁樓忽不見相國勒記廟中

崇禎

大旱其縣有三蛇金背白腹長三四尺餘

有司設酒殺祭之一蛇躍上臺案吸酒盡頃臾不見  
陳者公集

脆蛇出崑崙山聞人聲即自寸斷人伺其斷鉗取之  
須寸各異處待風乾入葉若少頃無人聲寸寸動躍  
仍續而蛇也主治色勞以驚疑喪膽惟此可續命本  
單方書不載 玉鏡新譚

石魚

蘇東坡曰倦游錄云隴州地名魚龍出石魚掘地破  
石得之多鱗鯽之形鱗鬣皆具一如描畫魚龍古之  
陂澤也豈非魚生其中山積塞久土凝為石遂留形  
迹耶

萊陽聚溪出魚鳥石云魚淤沙中久之化石

文太青集

飛魚

國初杜侍郎寅彥正云有人航海得飛魚於黑水之  
陽其長二寸顯兩鬣各廣長寸餘張為兩翅海風發  
作從波濤飛集舩上如燕雀既止則不能飛意者爰



居海鳥亦此類與莊周所謂鷗化為鵬者荒誕也

五色魚

隴州魚龍水潭深不測產五色魚俗以為靈莫敢採捕

狼山魚

崇禎元年八月十三日狼山兵人喻棠布罾於港夕得魚可三尺巨首細尾體甚重投筭筭中忽太息曰我遊自海上乃受制乎棠駭之即移歸漸縮作鮓三其尾棠懼擲殺之

鮓魚

雲南百夷中有大小益貢江產鮓魚食之日御百婦故夷性極淫貴賤俱有數妻山中又有穿薑餅一刀圭終身斷絕人道土人以飼牝馬不宜也滇程記

鯢魚

四川通志榮經縣生鯢魚狀如鯢有四足大首長尾聲如嬰兒綠木弗墜

通州鯢魚

通州人葛原六魁梧豪俠人也以衣布獻鱗魚百尾時用法嚴或阻之原六笑曰爾不上食父母耶君猶親也庸何傷及至上召問之曰魚羹何如對曰臣未



進不敢嘗也 上大悅命賜酒食仍還其一曰勞汝  
勞汝其後歲進至九十九尾著為令

### 畫魚

重慶府龍門山寺吳道玄畫魚籃觀音池魚五色類  
籃中物相傳俛失之魚水頓竭既獲即如初陳周蝶  
蒼存稿

### 石花魚

保德黃河之鯉肥美甲天下產處僅三十里以食石  
花而肥曰石花魚

### 銀魚

寶坻縣銀魚每歲霜降銀魚自海汴流而上縣設六

廠各漁父戶百七十人每歲中官下廠督捕進貢七次

### 鯽魚

南京中貴居胡惟庸故府每歲於玄武湖中勅賜打  
魚三日名餛魚滁州城濠產鯽歲進一千四百尾以  
元日冬至分進留都 南京後湖濠州河並產鯽

西寧衛西五百餘里青海方數百里數有魚皆負黑點  
一名卑末羗海漢末王莽諷卑末羗獻西海地置郡  
此即

### 蛙

峨嵋山天樂池中有蛙游人鼓掌則一鳴群蛙次



第相和將終則一蛙大鳴群蛙頽止宛然一部鼓吹

玉蟾

陽城李瑛從宦葭州署後圃見白蝦蟆甚大如瑩玉呼家衆視之已失所在

蝗

蝗腹下有梵字自初利天梵天來西域作天壇禳之  
酉陽雜俎

江中魚化為蝗而食五穀者百歲為鼠述異記

營蟬

環慶無麥秋大梁無榮無寒蟬然寒蟬營北京有之

矣地之異耶冷使之耶李夢陽集

金蠶

無錫鄒迪光金蠶說畧曰金蠶閩中有之形似蠶色黃其說不見於說書閩人云蠶所在有金焉或過而拾其金蠶必與俱之家若不令與俱輒營之然綠足而上撲之復起旋撲旋起迨及身手膠手掣足瞠耳窒鼻兩目眊眩類無色澤四支百骸倘恍若失而死迫矣即不與俱而還其金亦由首企踵適然下地而不然者果死矣既已之家必倍其金以嫁於道路乃出否不出也而所居家日殺一人亡論親疎怨德觸



之必死死必其日所首觸者其毒蓋高於飲食盤飧  
間故閩人有不知而偶拾其金以歸及已知而苦無  
金倍送者或雖知且有金而性貪以忍者往、育是  
蠶云 蠶儀樓集  
蟲中北海所無獨西南有之閩廣滇貴延綏臨沅俱  
有閩字從虫謂金蠶也 五雜俎

### 野蠶

夢溪筆談禹貢萊夷作牧厥篚檠然史記作禽然爾  
雅曰檠山桑顏師古曰山桑之絲其韌中瑟琴之絃  
蕪氏曰惟東萊為有此絲以之為縉堅韌異常萊人

謂之山蠶爾雅又云椋桑蠶讐田椋蠶棘蠶染蠶玩  
蕭蠶今萊陽之山蠶細蓋椋蠶也枚乘七發野蠶之  
絲以為絃殆所謂蠶蠶而韌堅者歟 文太青文集

永樂時山東進野蠶絲製衾薦太廟群臣稱賀今東  
齊山<sub>谷</sub>有之與家蠶等蠶月托種出蟻蠕、然即散置  
榭樹上榭樹初生時猗、不異柔桑聽其眠食、盡  
即枝、相換樹、相移皆人力為之彌山徧谷一望  
皆蠶其蠶壯大亦生而習處野風日雨中不為嚴然  
或傷水暎畏雀啄野人飼蠶必架廬林下手長竿逐  
樹按行為之察陰陽禦鳥鼠其稔也與家蠶相後先



其穰者歲三收春夏秋也蠶大者二寸非黃非白色  
類土淺則黃壤深則赤填墳如果羸繁寔雞、綴木  
葉間又或如雉雞殼也蠶食柎名柎食椿名椿食椒  
名椒蠶之小者作蠶堅如石大才如指在深谷叢條  
間不關人力樵牧遇之收曰山蠶鎌不加染黠而有  
章欸不易色宋王禹偁小畜集云野蠶自成蠶經密  
為山紬此物產何許萊夷負海州一端重數斤裁染  
為襲裘云云讀是詩則宋時未始珍也且曰裁染不  
幾於潦方竹杖乎

### 鳳尾

正德中武陵陳洪謨守漳州之三年海上田者見大  
鳥飛過遺羽一於水涯長七八尺五色炫煥眾以為  
鳳尾來獻命藏庫中後鎮閣來取荅以焚棄陳洪謨  
字宗禹弘治丙辰進士兵部左侍郎所著高吾詩集

### 碧雞

歙縣許文穆相國國孝廉時讀書宣城石山寺中偶  
見二青鳥飛鳴移時乃去僧曰碧雞也傳聞唐李翰  
林自蜀携來者我明惟舒梓溪狀元一見因出所  
藏圖卷示之許作碧雞篇綴其後

### 雞足山異鳥



賓川州雞足山有金雞泉日有異鳥飲之鳥來必雙  
至二十雙而止四時皆然鳥無增減水無盈縮

### 石燕

零陵石燕相傳能飛、即風雨唐詩石燕拂雲晴亦  
雨是也謝鴻云向在鄉中山寺為學見高岩上石有  
如堦狀者因筆以記之石為烈日所暴忽有聚雨過  
石即衝起往、墜地蓋寒熱相激而迸落非真能飛  
也五雜俎

### 朱鷺

密縣志紅鶴大如舒鴈羽白而竊朱聲最濁食魚巢  
樹疑漢朱鷺此也

### 海鷗

正德末有鳥黑色大如象舒翅如舩蓬飛入長安門  
內大樹上啖人鷗如拾蛆虫然數月方去人以為海  
鷗也

### 石鷺

萬曆唐子七月山東任縣城浚河於石中剖得二小  
鷺大如拳能行動一老工曰三十年前曾得一

### 白蝙蝠

李太白集荊州玉泉山多乳窟中有白蝙蝠飲乳水



而長生其大如鷲

### 鶴

萬曆庚寅夏臣謨入朝偶見苑中五色鶴異之有詩  
山東泰安州甘露寺林鶴受記每六月朔去臘月朔  
來巢

遼陽多鶴嘗千百盤空列仙傳所云遼陽鶴不虛也  
淮安海州產鶴於濱海雀葦之區捕者深入必折葦  
記徑或得其卵蒸置故處七蒸七伏曰剖為杯注酒  
氣形而上如鶴

### 鶴

鶴有長水石故能於巢中養魚而水不涸鶴取礬石  
周卵以助煖氣

### 鷓鴣

弋陽汪少宰偉嘗赴中官席飯僅半甌香滑而膏異  
於常產問所出則蜀中歲進其米生於鷓鴣每尾止  
取二粒放去來歲仍可取也

### 鸚鵡

萬曆三年乙亥黃克晦北征道出九江同知洪樂鄉  
告曰元年癸酉正月二十五日中使自西域取二鸚  
鵡歸一紅一白毛羽鮮麗蓋人所未覩者自言踰蜀



始得之至楚而穆皇已賓天矣有詩紀感

### 沙雞

萬曆間京師市上有鳥大如鷓鴣毛色淺黃足五指有細鱗如龜紋名曰沙雞云自塞外至者其味亦似山鷄五雜俎

沙雞西北邊鳥也騎數擾沙雞無止冬月薄莫群飛過都如風斯陣後飛止江北食未稼鳳陽守臣奏異

鳥崇禎七年陳子壯南宮集

壬申沙雞入京每來則有邊警蓋古突厥雀也丙子入宣府舉朝未聞上從宮中傳諭本兵始知其事

楊士聰玉堂薈記按唐高宗甘露元年秋鳴鵲群飛入塞人呼鳴鵲突厥雀南飛戎馬必至已而泥孰匄反至春群飛出塞多墮靈武間死視之無首後泥孰匄亡噫以古準今昭若左契矣

### 綠鬃采雞

諸暨有貨藥毒人者問於郡曰汝欲其必死乎抑可尚解也曰吾者甚怒今稍解矣曰前與者綠鬃也不能殺人姑緩耳爾怒耳其人悔謝而去是年母雞抱卵三日羽毛變五色頭距易狀徧邑人來觀曰鳳鷓也恐非地方利夜縱之長山上錢德洪有綠鬃采雞傳



鷄

鷄昏鳴俗所忌也崇德曹廣遠思崇禎庚辰登第其  
家鷄昏鳴詰朝捷至 元氏長慶集云元和十五年  
奉宣令採同州雙雞五聯各重四斤頻年採取一聯  
不獲自臣到州詢問採捕人等皆云二十年採得一  
聯不獲自臣到州詢問採捕人等皆云二十年採得  
一聯雞耳昨旬日之內併獲兩聯斤兩輕重悉符詔  
旨今同州雞無聞止稱恭和雞萊陽鷄

鴉

廣東無鴉又四川龍安府鴉至四月終有鳥群啄之

鴉俱匿影華亭包長明守羅定所說

羅雀

桐城在遺直 光斗萬曆庚子離館里許有白雀巢因  
飛集環數百雀江南老人指示土人曰此魏科之應  
左即登鄉榜飛去丁未會榜又來巢榜發又飛去後  
官中丞歸被逮公子往宿壽州居亭誇言羅有白雀  
視之左翅有黑點仍庚子丁未巢館園者問其羅日  
曰三月二十九日即中丞被逮日也為嗟嘆購之隨  
身至宿州羈宿公館未發中丞聞狀曰白雀為羅命  
也夫錄其毛羽為虞人所損附歸善飼俟其滿籠之



中丞父甚愛護七月二十四夜忽遇猫害中丞父慘然知為指搨鎮撫凶聞果二十四日也

### 牝詭

衛輝府治前石獸曰牝詭說文云此獸其性忠直

### 桃拔

西域諸國烏弋有獸名桃拔一云符拔似鹿長尾一角者或為天鹿兩角者或為辟邪安息有大鳥爵其頸似鷹身蹄似橐駝色蒼舉頭高八九尺張翅丈餘食大麥曾以大鳥卵獻漢即此鳥卵也條枝亦有大鳥卵如甕大月氏出一峯橐駝謂脊上有一峰也

### 毗耶

瓊州臨高縣西市毗耶山有獸似犬里人呼為毗耶裴休

峨眉山有獸送客呼以裴休則應

### 騰豻

廣東肇慶府西北十五里騰豻嶺以產騰豻故名騰豻沐猴類頭正方貌類人髮長尺餘嘗覆面欲有所覘輒搖頭以兩手披之一名騰豻

### 獅

天順中西蕃獻獅子道死獻其皮錦衣衛指搨僉事



喜信使其人上書求通使開西域

西苑獅日食一羊西域胡人主之白布纏首帶衣綠  
支正三品料

### 鹿

南京靈谷寺 太祖手書第一禪林鹿百十為群其  
懸銅牌者因初所畜

### 犬

雲南縣南二十里山目山寺有木犬貴客至木犬自吠  
俗說犬豕獨產不利爾雅犬生三獾二師一獠豕生  
三豨二師一特郭璞注豨生子嘗多故別其少者之  
名又致富奇書犬生一子其家三年內大發

### 羊

山西羊有八角至四角六角為常  
松潘出六角羊土人云羊與鹿交故六角

### 白兔

虎鹿兔皆壽千歲滿五百歲者其毛色白  
萬曆中有船商自暹羅携白兔歸閩售四百金每季  
而育其種日蕃蓋另一類生即色白崇禎中浙直徧  
有之直三四金

### 鼠



詩相鼠有體人而無禮陸璣云河東有大鼠能人立  
交前大脚於頭上跳舞善鳴相地名按地志相州與  
河東相隣則知相州有此鼠詩人蓋取譬焉  
密縣開陽山周圍三里產香鼠惟經人行之路則抱  
蒿莖棘枝而死或樵牧者偶遇之亦不能多得  
黃花鎮禮鼠色如貂毛淺冬聚榛實於穴作歧穴貯  
之多至三斗其榛實皆美倍常山氓多掘取之鼠失  
榛實牝牡皆笮脰樹枝懸死若鎰鎮將閱之雖厲禁  
不能止

麟

麟爾雅釋麇身牛尾馬蹄一角春秋所獲麟也大麇  
一角牛尾即漢武郊雍所獲麟也不角者麒麟宋仁宗  
嘉祐二年交趾所進二麒麟牛身象耳狗足魚鱗所  
食草木皆中國無有

豪彘

山海經華山西七百里曰高山出豪彘今平涼美高  
山六盤是也豪彘狀如彘毛似刺蝟而大可以為簪  
黑上白下甚美斃之能射物以自衛嘉靖以前多有  
平涼府志

馬



平涼苑馬寺主二監七苑馬政

開城苑荒熟地三萬六千四百七十頃四十三畝縱一百二十里橫八十里碑標二十九樹額軍七百人原馬并駒二千六百三十八匹

廣寧苑荒熟地二萬五千八百八十頃五十三畝縱五十里橫一百里碑標十五樹額軍五百人原馬并駒千二百五十六匹

黑水苑荒熟地萬一千六百二十七頃九十六畝墾民地相交碑標十五樹額軍二百七十六人原馬并駒一千四百匹

安定縣

七匹

清平苑荒熟地二萬五千九百一十頃三十一畝縱七十里橫四十里碑標二十二樹額軍五百四十二人原馬并駒二千四百七十四匹 万安苑

武安苑荒熟地二千九百五十七頃四十三畝額軍四百四十六人原馬并駒一千九百四十九匹

長樂監轄廣寧開城黑水安定四苑靈武監轄清平万安武安三苑共牧地十七萬七千餘頃馬一万四千餘匹牧軍三千三百餘人田重牧輕皮肉收銀三兩有奇按制先定州縣田稅後以隙地為牧本自相



間嘉靖三十一年平涼通判嘉定陳應祥舉籍平固  
以壯皆為牧地民村落室廬皆廢為牧 平涼府志

滁州種馬每免馬一匹人丁十丁田三百畝騾馬一  
匹人丁十五丁田四百畝各領養外十丁養牛一隻  
額分犍牛牝牛每群一匹定價本色馬二十兩折色

馬十八兩 滁州志





東林雜俎 和集

出冥

東岳

博物志東岳主召人魂魄其始不過謂東岳屬木為魂蓋以五行象類言之耳非有他也昧者不察遂謂人死魂皆歸東岳神將治其生時善惡而罪福之

文昌

俗言南斗注生北斗注死故以北斗為司命而文昌者斗魁戴匡六星之一也俗以魁故祠文星以祈科

監官談遷撰

東會里木氏



國家圖書館, NATIONAL CENTRAL LIBRARY, TAIWAN, R.O.C.





第目其近斗也故亦補文昌司命云傳會甚矣至以  
蜀梓潼神為文昌化身又可笑也五雜俎  
梓潼神清河張氏老之子名亞字儒美周後七十三  
代世為大夫未嘗酷虐吏西晉末丁未歲二月三  
日生載化書廟在劍州梓潼縣  
梓潼縣有善卷祠一曰惡子民歲上雷杆十枚歲盡  
不復見云雷公取去

### 三官

三官之名古不經見始見於張魯傳中魯以三官教  
行於蜀之鶴鳴山凡人有所祈禳則書其事狀為三  
一焚於山上謂達於天官一瘞於山下謂達於地官  
一沉於水中謂達於水官其祀日以正月之望為上  
元節祀天官七月之望為中元節祀地官十月之朔  
為下元節祀水官後安人撰為三官經謂陸氏子娶  
龍女生三子俱有神通一天官一地官一水官

### 羅者洞

枝江縣西南羅者洞即春秋羅子再遷之地居民罔  
知託以神怪楚紀

### 靈濟昭烈王廟

廣德州城西橫山有祠山廟神吳興張渤也一云武



陵龍陽人生西漢末游蒼雲之間自長興之荆溪鑿  
河至廣德功半遁於橫山人祀之夫人李氏廟在州  
東二里曰昭妃廟

象山縣志唐末忽有一石香爐立而附於人曰吾姓  
莊名穰祠山昭烈大帝也當廟食此山以福斯民衆  
驚訝教諭梁宗明率衆立廟祀之今日莊穰廟噫一  
祠山昭烈也姓名互異如此

### 崇善王陳頊

錢塘阜亭山下為半山祠崇善王會稽陳頊晉時使  
卜斷臂不屈卜壯而歸之歷任四州食邑會稽莖阜  
亭山有女弟避寇山洞不飲乞食絕粒死屢有靈顯  
或曰碧霞元君碑云弘治時遣使祭之 穰宗禱祠  
茲山

### 支明夫人

天台山東壁嶺車支明夫人廟周顯德二年建神本  
嬪人曩嘗見怪配以支明龍王遂釋

### 瘧使司

瘧鬼姓彭兄弟三人游於廣漢之野古帝王裔也凡  
運舟者遇之輒病時直呼其名即止今太原郭守  
詢呼之有驗作瘧使司記



輪迴所

天啓乙丑沁水故縣鎮蕭味道疫死再日甦云冥司  
誤攝司曰輪迴所其嫂變黃牛其腸白償何騰蛟殺  
八斗尋嫂沒何氏產犢數月斃售皮得穀八斗

碧霞元君

漢明帝時西王孫寧國奉符縣善士石某妻金氏於  
中化元年甲子四月十八日子時生名玉葉德瑞而  
性穎三歲解人倫七歲開法禮西王母十四歲感母  
教入山得曹仙長指入天空山黃花洞修焉天空蓋  
秦山洞即石屋處也三年丹就元精發而光顯遂依

於本山焉

李諤瑤池記黃帝建岱嶽觀甯遣女七人雲冠羽衣  
修奉香火以迎西崑崙錄是考之則王女必黃帝所  
遣七女中之修而得仙者後世因之祠於山高梅玉  
女考

嶽頂玉女池側故有玉女神像泉源壅濁宋真宗東  
封泉忽涌澈故祀之馬端臨通考又裨史漢時仁聖  
帝前有石琢金童玉女至五代殿圯石像仆至唐童  
泐盡女淪於地至宋真宗封泰山還次御帳滌手池  
內一石人浮出水面出而滌之玉女也命有司祠之



封天仙玉女碧霞元君後祠日加廣

聖女祠

林縣東南三十里下洹村聖女祠相傳高歡之女母嘗養病於此母亡其女三人願殉其葬天彰其德以為洹水神每災害禱之輒應

玄武神

黃帝之子昌意娶蜀山氏女生高陽氏陶河之津是為玄帝也後御百神召至雷電乘結元車周旋八外鑄羽山銅為宝鼎以獻於神峰陶貞白每揚許諸仙往來親得其說而紀之朱公安游太和山記

太和山巔真君殿可三許俱銅管次以黃金棟柱門屏題卷並具其像每四天兵皆銅精工踰土木

滹壽亭侯

江東刻閔廟會文五十篇侯至靈批評為序論文以抽發性靈為主陳明卿無夢園集

歸安昆山閔侯廟潘少保印江亭馴建門額曰武安王廟殿額曰漢時亭侯閔公廟旁署羽書出寫筆又題柱曰昭昭與日月爭光悠悠共乾坤不老

海鹽吳尚書中樞先任貴州學使公署前有侯祠以其障而徙之加閔麗焉已吳生堂上有銀甲三神直



入不為動俄子嬾痼疾死第無如尚書何也沈太學  
世洎說云尚書面語者

崇禎丙子二月朔流寇攻桐城卜於閨廟不利褻神  
衣斫其右臂反攻城斫者死焉賊完像懺罪

壬午十一月十九日夜淄川翰林侍講孫之辭夢神  
禦北兵及兵至知縣史能仁巡南門父老言神像汗  
如雨事聞於朝

癸未正月三日仁和臨平鎮戍主寓東大橋之閨廟  
久矣是日小卒忽作神語責數其罪戍主怖請修  
廟小卒素不知書至是手疏里人名醜建揭旗以募

或書罔號即裂之但書神號而已戍主因避他舍其  
事予友人日覩

### 周凱

東甌周凱吳晉間人時橫陽永安固三色皆斥鹵  
凱開導三江悉注於海因射箭退潮而沒民為立廟  
曰仁濟廟至今有司歲祭

### 雷廟

予友姚崇夫為高州幕官高公雷陽三百餘里自言  
親至其地見所謂雷公者為予言甚詳云其地雷聲  
特異雖時小殿屋瓦皆震如近在簷宇間者若迅雷



必連擊數人雷之神曰陳文玉有廟甚威犯者必死  
廟門建二高標每歆發聲或享祭時必有紅白二鳥  
飛集標上怒氣勃然無不沮喪廟中人云廟後山其  
所窟也皆藏土中出則行天其言如此崇夫曰一日  
郊行忽覩夫舁一物至狀類豚體有班點雜文問之  
曰此所謂雷公也俗謂之土猪見舁將何之曰往瘞  
之耳薰穀雷公傳改雷廟在雷州城西南八里陳大  
建二年州民陳氏亡子家畜異犬九耳每獵卜其耳  
動多少為所獲數一日九耳皆動既而獵得一郊團  
尺餘捧歸舍忽震雷劈開一見兩手有文左曰雷右  
水州因以名

### 白眉神

教坊供白眉神朔望用手帕針錢刺神面禱之甚謹  
謂撒怕着人而則惑溺不復他去白眉神即古洪厓  
先生也 花瑣志

### 李衛公廟

安吉州李衛公 德裕 廟宋政和二年三月四日廟中



隕石云歲豐之兆熙寧甲寅嘉定己卯元泰定己丑  
三月乙巳明成化辛丑八月甲辰俱隕石殿像無  
一損安吉州志

### 諸葛武侯廟

洛州縣諸葛武侯廟規制闕處相傳宋曹武惠相過  
之以偏霸撤其廟闕下石不可去刻云知吾心腹事  
惟有宋曹彬武惠神之下拜燕嘗加度石置龕中并  
祠武惠又田者得複瓦脩尺有一寸厚二寸五分博  
四寸形如常瓦獨兩層中空枕之值更輒鳴怪而碎  
之內篆孔明行軍枕字徑寸高平馮吏部養志時宰  
洛川藏瓦之半

### 岳武穆廟

山陰王方伯洋嘗過湯陰勒詩岳祠中意寓微諷還  
里以示郡守蕭良詩之鄰人某被冥攝見藉注方伯  
毀謗先賢蕭良詩証奪壽亡子係墨書其他善事未  
書也鄰人驚寤走語方伯果然乃改前詩馳刻湯陰  
之祠雖壽終亡子白洋朱氏說

嘉靖初錢寧死後魂游崔駙馬家作聲曰謀反非罪  
許宸濠宴駕迎立雖然數也秦檜謀殺岳飛不合助  
言真司問七次凌遲今三次矣問在宋何人不肯言



召天壇道士道之去王文祿庭闈述略

### 晏公廟

晏真人名壯海宋元祐時晏公人牧牛至旗面遇二  
仙奕石上侍閱良久各授挑食之後羽化鄉人立真  
源堂奉烏凡蝗蝻水旱祈之有應歸化縣志

臨江府清江縣北三十里清江鎮晏公仔宋初為文  
錦堂局長因病歸登舟即尸解人以為神立廟祀之  
有靈異於江湖 國朝封平浪侯按兩晏公今郡縣  
多祀晏公或清江晏氏耶

### 蕭公廟

新金縣北四十里大洋洲人蕭伯軒宋咸淳間死為  
人立廟元明以其子洋叔合祀 本朝遣官諭祭永  
樂中其孫天任卒屢著靈異亦祀於此詔加封水府  
靈通廣濟顯應英佑侯臨江府志

泰和蕭蘭芳歿鄉人奉為小神永樂中喬孫大任復  
以神顯啖白石一拳坐逝遺骸貯木桶中置廟東廡  
江湖榜人崇之太監鄭和下西洋奉神命封平浪侯  
煙霞小說夫英祐侯一人耳名籍互異如此曷從而  
訂之質叔向以臺駘問賈生於宣室世當有其人敬  
識於末



宋相公廟

富陽縣紅山宋相公廟宋寧宗時尚書樞密官脩道咸淳二年成神今其後人皆習禳厭之術

利濟侯

金元七前元長洲民世出一人生有神助專拯墊溺之患年四十上下死輒著靈異今其地曰金家庄陸采覽勝紀談一曰有二子痘夭因願沒身為神救危痘七月七日赴周涇河死顯靈因初封金元七總管萬曆初封專筦痘司

東華洞仙

東華洞主人郭維貞周始人宋李隱甫田之壺公山不仕元杜門李道回葬焉其家其一仙曰郭東華極靈後莆田周吉崇禎唐辰進士授懷寧令左兵荒斥仙為書符籙卻之間後福書云此人乃岳武中宮茅七子降凡日後有封侯之職是仙能書畫

宮亭神

宮亭神甚靈有婢名如願客有所求叩如願即獲又能於湖心分風使上下各得順風故劉剛詩云回疆乘派水拳掉逐分風

神樹



正統二年六月乙亥雲南晉寧州季正楊茂上言城外塔墩有大樹頗怪異居人祈禱輒應辨塔墩聖母目曰神樹永樂中大風折其樹軍人陳福海鋸以為板內有神像戴冠執簡容貌如畫人皆驚異立祠以祀乞加封號上以淫祀非禮也其止勿聽身錄

### 雪冤紀異

祭酒汪偉曰南臺侍御華亭沈霽子公正德戊寅秋七月奉命按視屯田於江北未至全椒三里縣人李訟牒隨而訴者幾輩君默數而目識之既而失其一詰諸左右、謾應曰蓋講而散者也至縣坐行臺訴者入沈見三人焉隨宜處分之末一人蓬首跣足衣敝甚乃道中所見而復失者君問之若何許人應曰全椒何名曰小羊訟何事曰有冤也有牒乎曰無有沈叱之使起因忽不見急索之弗獲然是時六君獨見之而與之言左右莫見也君知為妖大賊兩汗嘔痢交作縣令孫贊入問疾君語之故因詢之曰縣中得無有冤乎對曰往年有顧景祥者為其原景昭所害及其子對兇事遍敗露殆非是耶意景下有小祥字半為羊耳君疾隨亦良已遂覓其獄則小羊者景祥乳名也豈不大異事哉



貞婦著靈

正德丁丑歲黃巖結訟者夜泊清風嶺下內數人妄  
議貞娘因誦詩詞以資誇譎即時風雨暴作舟覆而  
死續有褻冒者隨有奇禍見蔡潮重脩清風祠記

百老屯

正德十三年車駕出居庸關駐蹕有白鬚翁百人迎  
駕近則無所見因名屯曰百老

劉兆元

上海劉兆元任懷慶推官卧疾見女子旁侍以家婢  
也令取茗恍惚不見遂引告卒於家嘉靖事

曾銑

江都曾石塘銑諸生時構文苦思嘗步入叢塚間見  
岫鬼語河鬼曰若何時得脫曰明旦萊傭代我矣石  
塘明旦候之果萊傭將浣足阻之夜聞鬼語曰本詩  
代奈曾砍頭悞我

楊繼盛

嘉靖戊午四月三殿災人見楊椒山青中襦服雙眸  
炯炯馮午門西南角撫若指揮撲滅狀踰時方隱

王秋英

嘉靖甲子福清諸生韓夢雲瘞石湖山道斃夜麗人



至云王秋英字澹容楚人元末從父官值寇擾崖死  
感德相就輒數日一至多吟詠明年寒食祭墓即出  
見同歸生子萬曆癸巳以緣盡泣別

### 土神陰譴

吾寧石升村某怙訟窩抗城十三灣巷醉而沒土神  
祠前已悔而禮謝及訟勝賽飲而酬謂神費我褻  
一禮於鑪當訴汝城隍廟蓋戲也夜夢神曰汝自褻  
自穰於我何預即訴之城隍可也汝狂悖閩公行撻  
汝二十矣明發惧不出晚巷見輦上人傳呼過者避  
入酒肆而肆所懸牌通觸之墮輦上怒之逮酒家悞  
及某撻二十則通判閩世教也

### 屍骸

川洛縣某死戚屬夜持各假寐屍忽蹶起徧吸諸人  
口其一驚走掩戶屍追出格於戶相抵詰旦人集嘆  
以犬血屍始仆不浹月受吸者相繼沒高平李養志  
吏部壻見語

### 周如砥

海寧袁花鎮祝俊鄉父浚宗感方酌奠屍忽躍起諸  
人越日俱死父尚在孝廉朱近修說

即墨周礪齋祭酒少讀書東郭精舍舊有崇公獨宿



不惧夜忽一縞衣少艾立燈下久之不去叩以功名  
如券且期來年一見及卒之前歲往、遙見之

蕭觀察

江右蕭 任湘江按察使亡子而覺其應嗣者有戚  
友來候徑三衢其故嗣求附行雖知其鬼不能卻也  
因入抗之官舍出曰大門見拒乞楮錢若干許之見  
其隱數中亡何蕭下世嘉興沈德先主事記其名

陳夢璇

閩人陳夢璇官粵東江隘來舟悞觸篙工怒怨陳氏  
悍奴遽推溺之行里許晴空忽晦有神如雷公狀立  
舟上責奴曰爾宿愆深矣嘗一事善得延喘今枉溺  
入難追也猝听上灼死舟人大怖神又諭以亡恙且  
曰茲地許某善人也可訪之遂霽夢璇如其言訪許  
某

延安地飯

萬曆子辰脩延安府城坎地多孟飯人啖之亡恙

王孟穀

萬曆戊午新淦令臨海王孟穀入覲十月十八日宿  
荻港二青衣袒揖至帝所冕旒正坐旁席二人侍衛  
侍悍王座曰爾丙辰八月命盡今猶齋戒力也爾何



造之示以簿詳注年月至丙辰八月而空即下獄左  
坐者起請勘其破戒後事階而巨麓俱賻贖并平日  
戲筆在烏各騰氣青黑白赤不一吏簡聚之先青黑  
次白、聚而青黑色漸縮次聚赤則青色隱黑色寢  
微主座視赤者所刻金剛般若好生編及社倉卷也  
餘不盡見主座曰膏損明廷年擢使扶日而寤聞鷄  
鳴家人守視不能舉目即乞休持誦歲餘目愈王自  
有記立穀丙午貢士

### 揚鐸

嘉興揚鐸始萬曆壬午榜俞廷讓也登庚戌進士任  
吉安司理左遷免歸癸丑卧疾夢冥召懇以對門易  
鐸代其隸許之亡何易鐸死始大怖明其喪而火之  
亡何易氏妻狂呼市中謂我易鐸也為揚氏借陷今  
返魂無歸所矣奈何揚聞之度不免命髡緇以鬻

### 沈壻鳥鳴

海鹽沈某貧亡賴聽野鳥啁鳴各效之酷肖人因以  
侑酒有徽賈孳之姑蘓偈鳴於綫店中富子遣僮市  
綫久不至訶之曰肆主聽人禽鳴故遲我、非遲也  
富人問所為禽鳴者述其狀亟召試之大悅留家監  
所有空舍素多鬼以寢之明旦未起家監扶戶入沈



某猶斲也日夜苦白衣人謂盡以遺物相付家監  
大駭坎室中寔金俱鐫沈某及富人女名蓋富人亡  
子止一女遂以沈壻

葦舟

崇禎乙亥予館海鹽橫山張氏其邑富李洪宇先年  
莫趨橫山中道有舟鼓櫂而來求附載登之行里許  
心動亟登舦因足抵其舟半覆疑之遂他宿或曰此  
安得舟也旦往視登舟則巫者縛葦為舟列鼓櫂半  
覆者也李迄今亡恙李人云賊曹李恃勇亡賴嘗於  
西鹽倉擊私鹽者始而角已舟漸縮如鴨異之抱歸  
時婦暴卒移刻而甦問之云我登舟為息少年所踴  
幸奪免也

朱大紱

崇禎庚午李水心司理副京預閩闈比舍即同年郭  
夢吉於二十一夜同聞戶外哭聲冤抑鳴；不  
能出諸口明日搜朱大紱卷其表有鬼哭非無因之  
語驚為異事李自有記

婁東冥判

太倉徐坤素齋誦崇禎癸酉六月二日夢攝冥府事  
百日每夕鞠問九月二十日事竣刊有婁東冥府



沈招遠

癸酉仁和沈招遠桐鄉錢汝邁並麟徑出金華令項人龍三門招遠力薄寄徑錢氏遂抑二佳卷於一榜其一忿死而招遠疾苦若對簿狀寤而走錢氏曰事發矣弟向詒兄矣千金附進今被陰譴兄坐累斥弟與項師不可活也明年果然沒汝邁以他事除名

張耀采

乙亥正月望日 參政張耀采卒於刑部獄中甲戌是日吏部考功員外郎弓省矩自縊適滿歲耀采月見之

神燈

己卯正月念二夜神燈見海寧郭店鎮可二十刻

剡城神誕

辛巳山東旱蝗郟城有神降曰七月二十二日水至八月望寇至及七月果水溢人因信寇至扶挈南走宿遷迄八月亡恙

徐銘

華亭徐銘 進士徐銘絃之兄辛巳疾沒且殯忽問目曰異哉有陽必有陰云遂甦人問其故曰吾至冥司見未牒為公勾事後計開有罪犯入七名首



陸彥章張侍郎鼎次開應死平人。百一十名身  
預焉名上書聖門弟子凡諸生皆然人各著某  
子或著某。人弟防悞攝也末名唐鉉亦華亭人時游  
閩中從卒欲往攝主吏曰客死最重此人當沒於家  
寧侯之再主吏冠服如驛罕狀銘。未幾下世唐鉉  
聞之不敢歸越。還里果卒。包長明說。

豐縣逸鬼

壬午北兵陷豐縣有二人被創狂奔或叩之曰城破  
以訴城隍神問神安在曰外沛縣皆沛縣堅守

邯鄲鬼

崇禎二年流賊犯邯鄲殺童祀神後寃鬼宵啼路解  
行人或曰生畏賊死猶是也以賊嚇之可止後復啼  
衆大譁曰賊至矣自是寂然諺云鬼怕惡人靈其然  
歟

蔣國華

江陰蔣國華花塘里人性朴質先是天啓丙寅年二  
十六夢青衣童子引諸城隍神及岳相東平王隨詣  
東岳廟地皆青碧至今庚寅三月十八日經蔣家橋  
見大父呼之赴冥司攝事急歸浴而卧土神從程鬼  
卒植上馬、躍而醒亡何仍往經大城坊曰幽冥橋



渡橋入東門曰善慶閩福德門至東岳都相東平王  
府曰都察司入揖至岳廟即丙寅所見者殿左右七  
十二司造冊所曰監錄司冊有六曰善惡曰生死曰  
殺傑曰無端曰荒蕪曰瘟疫冊各四帙每司造冊吏  
十二人總管十二人因朝帝令數冊分詣各司國華  
領左廂第十三憲察司天下郡縣城隍神俱金牒頭  
候門冥官仍進賢冠青錦袍冊書順治七年國華派  
冊訖因謁閻羅天子命判官檢國華壽而二十一年  
閻羅則宗韓魏公琦也辭出童子送之登舟及听而  
醒二十日早又見大父從冊期二十七日入冥如期  
二十八日則荒蕪瘟疫無端三冊竣江陰城隍神蔡  
奏果重困不堪疫帝不許又限生死善惡殺傑三  
冊五月十一日訖至二十九日復甦五月朔又入冥  
印疫單在東主平處名氏下詳疫狀印訖下城隍神  
三日復甦

顧鑛

邑諸生顧鑛住橫江河丙戌九月館陳氏午倦憇攝  
入冥司閱籍乃唐謝小娥後身也其籍 函鈐印評  
載歷履近蹟十五歲不注鑛原昭義年二十二嘗觸  
吳氏子錢增歲一明年諱女子某私事增福一歲又



明年收糧重其衝城歲一其增減類如此凡不經意之事悉載焉寤以語人甚詳予別有記

臨江府志謝小娥不知何許人父為廣州兵官都押金銀入京携家附舟過蒲灘二里許遇賊被害小娥溺水獲免旦附魚舟而出行乞於市後為鹽商李員外家傭奴娥見其酒器皆父物悟向盜乃李也心術之後生日奉家醕醉持刀盡殺之事聞命以官不受願為尼乃建寺居之即報恩寺是也相國李紳有傳

朱之楷

東里朱之楷同予補諸生膺貢訓導海鹽丁亥十月辛戌子十月降箕云以八事見錄天曹成小神問休咎多奇中今其家立祠

郭基

金陵郭基無壞性慙直崇禎戊寅應試句容有檄以玉兔山司瘟廟湖都總公代之辭不往檄者求暫允徐往可也試訖還家語家人治後事而沒是夕廟之鐘鼓有聲示夢羽士塑其像

張生

仁和張生 父玄有家季好牡丹亭西樓夢等劇館攜司鎮尹師東家嘗外醉歸聽擊竹聲啟之見豔女



携燈相狎將曙玲贈而別生有詩半庭新月青燈外  
一種私情翠幙中記其寔也後攷之蓋越女傳拒其  
所贈皆殉具

### 歌鬼

嘉興某生月下清歌忽後有和者同調碧冷延之象  
飲仍歌如初夜分而寢鷄鳴其人即去不及別又扣  
門詰之曰我寔非人也亂後如我輩甚多今後毋宵  
行放歌或妨他草耳

庚寅六月或微優於嘉興城晚舟行二十里抵舍座  
客四集演劇殺鬪優覓寒色有識上客故編修屠象  
美拾事李毓新諸公者俱前沒賊之亟振金鼓則四  
無居人乃故相呂文懿公墓危盤三回頭尚懸松上

### 說鬼錄

張真人家有說鬼錄

### 豐沛鬼

丁酉夏秋間豐沛蕭碣多鬼衣冠雜途中或相問答  
語即引衣迷死聞者戒途

### 鬼龍潭神

張秋鎮北黑龍潭其水深綠有工人三中夜聞呼聲  
云某完修偶門先付銀五錢可即往乘月行有二人



先後之及潭側謂吾當挾汝勿碍也正挾時墜潭中  
覺衣履不濡宮室偉麗引入後堂僉輯掖門有老人  
深目長鬚布帽綠衣出問之各勞一金凡半月畢工  
又賚千錢道前二人送出天明行人見三人卧沙上  
語其家各挾歸

### 城隍神

新  
南京城隍神孫策壯京城隍神于謙杭州城隍神周

### 松潘尺牘

蕭山來憲副

云松潘浚城隍詩人數千百皆

長一尺許衣冠自三代以下皆具

### 嶽壻

漢郊祀志大山川有嶽山小山川有嶽壻山嶽而有  
壻則嶽可以謂之婦翁矣世俗之稱謂未必不以是  
又因嶽山而轉為太山耳

元黃潛

### 子路

成化間河內縣李居民於文廟櫺星門內及先師殿  
前牧羊日聚其中忽見一人頽而黑手持木器怒而  
責之即入殿中隨視乃十哲中子路也後其人竟疾  
不起舊有碑記今剝落不可讀而斷碣尚存夫以聖



賢委侑之地為愚民畜產之場誠不得進其罪然子  
路乃顯靈而朴之意當時剛毅之氣歷千百世未歇  
而亦以見鬼神之英爽不可襲也夫敬而遠聖人訓  
之矣 河內縣志

太原高自早由太學嘉靖十四年知威縣嘗丁祭齋  
宿夜夢仲夫子持戟入廟受享臨祭忽聞一主覆於  
龕高曰此必仲夫子主也視之果然一時咸驚

### 蔡元定

建陽縣象岩山蔡季道讀書慶堂曰顯慶紹興辛巳  
季道於堂中推演子孫世數未有數終輪無猶有代  
御史尹仁為政噓之句成化丙申巡按尹仁入閩夜  
夢一人老耄見叩姓名蔡元定也至建陽訪蔡家譜  
見顯慶堂推演詩不查竦然即損捧為建得心堂晉  
江蔡元偉曰周子出則知數學者邵堯夫朱子出則  
知數學者西山

山西諸生某丁酉臨闈其僕病生初場出病僕曰主  
人且捷我在場相周旋也生未信病僕言席舍事果  
不妄次場亦如之生日果捷某人女吾當以配若  
病僕曰我隸也彼則溫室何能詘之生日果捷吾力  
能得之爾何虞焉至末場出病僕曰主人陰若矣蓋



望日天神考陰陽謂主人設心惡己更他人名也果  
驗

妖異

藏經志恠

廁之精名曰拮衣青衣持白杖知其名呼之者除不  
知其名則死又築室三年不居其中有滿財長二尺  
見人則掩面見之有福又築室三年不居其精名忽  
長七尺見者有福又築室三年不居其精名小兒長  
三尺而無髮見之則掩鼻見之有福又火之精名曰

必方狀如鳥一足以其名呼之則去又木之精名曰  
彭候狀如黑狗無尾可烹而食之又千載木其中有  
衆名曰賈誼狀如豚有兩頭烹而食之如狗肉味又  
上有山林下有川泉地理之間生精名曰必方狀如  
鳥長尾北陰陽變化之所生又玉之精名成委其狀  
如美女衣青衣見之以梳七刺之呼其名則得之又  
金之精名曰倉塘狀如豚居人家使人不宜妻以其  
名呼之則去又水之精名曰罔象其狀如小兒赤目  
黑色大耳長爪以索縛之則可得烹之吉又故門之  
精名曰野狀如侏儒見之則拜以其名呼之唯飲食



又故澤之精名曰冕其狀如蛇一身兩頭五采文以  
其名呼之使取金銀又故廢丘墓之精名曰亡狀如  
老役夫衣青衣而操杵好舂以其名呼之使人宜禾  
穀又故道徑之精名曰忘如野人行歌以其名呼之  
使人不迷又故車之精名曰寧野狀如韞車見之傷  
人目以其名呼之不能傷人目又在道之精名曰作  
器收如丈夫善眩人以其名呼之則去又故印之精  
名曰意狀如豚以其名呼之則去又故井故淵之精  
名曰觀狀如美女好吹簫以其名呼之則去又絕水  
有金者精名倭伯狀如人長五尺五采衣以其名呼  
之則去又臺屋之精名曰兩貴狀如赤狗以其名呼  
使人目明又左右有山石水生其澗水出流千載不  
絕其精名曰喜狀如小兒黑色以其名呼之使取飲  
食又三軍所戰精名曰宿滿其狀如人頭無身赤目  
見轉以其名呼之則去又故水石之精名慶忌狀如  
人乘車蓋一日馳千里以其名呼之則可使入水取  
魚又丘墓之精名曰狼鬼善與人鬪不休為挑弧棘  
矢羽以鷄羽以射之狼鬼化為飄風脫屣捉之不能  
化也又故市之精名曰問其狀如罔而無手足以其  
名呼之則去又山之精名慶狀如鼓以其名呼之則



去又復見堂下有見披髮跣物惡之名曰溝以其名呼之則无咎又百歲狼化為人女名曰智女狀如美女坐道旁告丈夫曰我無父母兄弟若丈夫娶為妻經年而食人以其名呼之則逃走去又故澗之精名曰早狀如美人而持鏡呼之知媿則去也

### 魯汶

全椒魯汶髻年讀書於學宮東廡夜有美妹喚開門次用劍斬妹遁松樹下後發藏視之乃斃狐也後膺貢任萬年主簿鋤強扶弱卓有政績 全椒縣志

### 金龍邵氏

嘉靖初盱眙縣石壩集邵氏嘗有妖竊瓊水每伺之不得一日晨起見中雷火光燦々欲騰而出主人以田器擊之鏗然墜地有聲視之金龍首大於五斗釜乃驚愕急以布數十裹而瘞之禱神果出之赤金也其身尾俱銅錢其家今富盱眙縣志

### 龍女

海寧許村南五里龍王塘初有女汲於河得浮卵吞之因娠仍生卵棄之化為龍去後時候其母留龍鬚為筆書符投龍王潭中其符浮於臨平山之巔五兩後令君取其筆遂絕響



毛女

袁州萍鄉縣東五里毛仙山昔有人過此山逢一人  
編體有毛言詞異常後不復見宋朱晦翁嘗問驛吏  
云狐魅所為遂題詩云人言毛女在青真散髮吹蕭  
夜、聲却有郵童解語的向儂說是野狐精

潼關老人

潼關兵巡道制願宏壯後墻叢篁茂密嘗有老人深  
衣博帶出與人交語人不為異嘉靖中南充王南岷  
廷任其地一日呼入書室語以爾既出見人若非  
精靈必係神怪知我未來事乎荅曰公名位在某祭  
第幾冊書內公檢視之則浚川王公廷相集也公異  
之乃遷署於潼水面以其地為察院其年洪水堂宇  
漂盡無復叢篁異不復見王公果總憲朱明紅

舟葉

廣西宋君佐署當陽縣季云沙洋市人偶見水中一  
舟載人遠來可二三登岸則舟乃大荷葉也人方駭  
之而舟人至一大家求食與錢不應毀瓦畫幔與之  
角則自殘其體其人終不能傷遂治門擾之官府亦  
無如之何月餘不知所往承天府志

龍眼怪



秀水屠憲副叔方孝廉時見二髑髏深內室侍女皆  
怖屠躍起執之為龍眼核屠用明說

琵琶亭怪

嘉興沈昭明德宿儿江之琵琶亭午舟浸空同輩五  
六十人有舛丈夫搥衣露髻編邛諸人之面惟不及  
孝廉明經沈手拒之覺腥滑次在裏刃以待之越再  
宿刃中共鬻血流奔岬亡何而邛諸人皆瘡

閨揚

大同公館相傳有祟使客多寓外舍某舍閨揚不信  
袒列卒爇炬追夜分素嬾步月階下閨既曰果冤乎  
哉宜許我婦忽自空入縞衣領緣間簇針如蠅炬頓  
滅僅熒一蠟婦逡巡歛前遽之魔即隱閨就寢席為  
針刺屢排如故起移床而壁間紙動揭之則獲壁也  
閨引刀東炬而入有物相撲刀奉炬熄且見白狐成  
壁下

妖履

桐鄉嚴蘭津讀書苦上深夜獨坐有麗人扣戶之入  
詰所自云宅眷也嚴疑其祟凝坐至漏盡始去明日  
告歸抵舍夜夢麗人貽以弓履果待之枕上雙綉紅  
灼嘗出之示客



贛榆妖

吳興朱 司理淮安署贛榆縣事暑夜命僮摩足俄  
若針刺視之非僮也少嬾也伴任之且摩且寐刺漸  
深醒又僮也仍寐且叢刺驚起又老婦也朱命燭又  
叢刺怒甚見老嬾入壁破其壁老婦立自如朱折几  
撞之相格鬪稍倦妖倚牆而立朱舉椅抵妖於牆不  
可脫僮刃之背白毳如綫蓋狐孽也

立志克

山西懷來道右布政諸城立志克公署有樓多崇閉  
久矣立特登之積塵累寸其妖冠進賢服金緋凡六  
七人或排衙鼓吹或宴樂如此不一嘗簡立稱都臺  
其墨淡留數日字滅立計迫縱射之妖拍案哭接其  
矢乃縱獵犬發銃斃數十人冠緋者預焉妖雖絕而  
立以通賄營開府事泄下詔獄棄市

魯府童子

崇禎癸酉夏日魯世子以派忽見一童面髻藍衣朱  
履行日中杳不見影世子急尾之忽歧為二相眈即  
失之邑人吳本行大奉使魯府有詩

素娥詩

長安鎮人某讀書臨平山中晝值歌伎琵琶詩務誦



不已俄爲靈叩門詢之曰素娥留坐歎其佳諫某媿  
謝求和素娥朗吟曰歌側雲鬟尚帶羞聲、猶唱八  
甘州歌來無力眉常歛彈到傷心指半柔腸斷花前  
絲續怨魂銷月下夢陪愁惹人無賴輕歸去今夜誰  
能伴錦裯某戲請伴笑許言拉往其處寔具俱白宿  
數夕送之曰如念我可時至也某自此詩思日進秘  
不示人趙昌齡說

### 魚妖

湖州烏鎮董威故尚書份之胥蒼頭某頗說唐寅夏  
有物空中來飲食違則見禍懼而享之見黑氣如雲  
飲嗜甚壯屢索不已某以告威、亂後好養生家言  
讓以羽士俄擲磚石詬怒而洞屢山隱士施亮生  
有道行君治之雖遁而不絕某詐之城隍神詭怒如  
故威言於烏程令劉璽清執最有聲遂齋沐告城  
隍神曰陰陽各有所司何得縱妖擾民妖月餘來云  
我求食無大罪今城隍釋我矣爾其奈我乎威因檢  
道藏有曰凡妖魅為符咒所不及治者製桃弓柳箭  
伺其至射之如其法始絕蓋太湖魚妖也

### 徐氏妖

邑諸生徐仁振故太守伯徵子家西鄉唐寅七月朔



步庭除拾書曰歲在戊子仲秋月中秋夜予坐書齋見月映紗窗玩賞無已居無何不覺困憊為睡魔纏擾夢至徐似翁家直入新樓下見其室燦爛徘徊久之少選主人出叙論握手揖我與坐主人東向坐予西向坐相與道賓主之誼甚懽主人因言曰予宅非凡地下有玉鯉魚金鱗而赤尾其泉直通大海予先君以為善卜居於此予聞主人言方驚且且異且信且疑俄而地裂有魚出焉化為黃龍而去是時予駭甚始信其言之不誣忽聞戶外喧然猛然而至詢之則諸公子射也予亦起入人叢視決勝負但見諸兒操弓換矢其仲子連發十矢合式者三焉旁有鳴鑼者七聲後三聲亟於是諸賓客親隣觀者蓋如堵云懽笑倍常予亦驚覺已月轉中庭矣時予自思之予之與似翁素無相識且不通姓氏無故而過我以寤寐豈其後予與似翁終非陌路而姑於今日天作之合耶抑予之後有異者而姑借似翁示顯應耶否則似翁家之事無關於予、何故而得此南柯一夢也予亦不詢其事之有無姑記以為後日之驗應思癸亥之人似翁太守躋也仁振以呈太守謂黃龍自慮禍燬之弟誼振手錄焉是月十三日誼振卒或黃



龍飛去十矢三中其飛云而妖記特奇從太守壻吳  
寄示者

浮提因

海外浮提因其人皆飛仙好游行天下至其地能言  
土人之言服其服食其食極意與人同樂散返因刻  
項可萬里萬曆間葉侍御按江西有司言市上一群  
狂客善白極飲燕集市物甚侈多取珠玉綺羅償之

啣出仍活

鷄子中魚

嘉興項氏家剖雞子中有魚躍於地忽不見

鵲啣死馬

雲南黑井鹽課提本司竈三百五十三丁每丁帶耗  
費月納銀三兩八錢一分九厘司官婪甚每丁加一  
死馬重三錢一分八厘上官不問萬曆六年新安汪  
雲秀水提舉如前例忽一鵲啣死馬飛去後置一馬  
又啣去雲秀悞而欲裁之僚吏不可因循半載事發  
抵罪



天書

崇禎丙子西安縣市人王氏忽雷雨  
中偶觸產室雷雨遂霽  
堦上有天書二子不孝他日重治八字似行書經二尺餘似以積沙成之游不能去頃子自滅

象山妖異

嘉靖三十七年三月有妖祟六人一老嫗曰為媳一為女至邑之梁氏托宿舉家俱無所見惟一幼子婦見而逐之相與叙禮延入內室問答朗々有聲供茶畢嫗答曰尊容宅居何處老嫗答曰家居不遠世與完上為舊戚今歲遣女翁往嘉蕪買物家之主特來過其直滿用金錢不甚惜及抵莫忽不見詰其逆旅衣囊俱無有請大索侍御不許召至前果能江石土語手持一石似水晶可七寸許舉之案上々下前後物々入鏡中馮極毛芥又持一金鏤小函中有經卷烏楮綠字如般若語覽畢則字飛願獻此二者侍御卻而遣之明日遂不復見平湖沈長水先生集

宋氏烏巢

蘭溪山何宋氏烏巢於樟其鳴似云山河相傳樹應越州男子探巢得千金謂越州者紹興也同賈紹興投逆旅解裝飯於市且縱步忘逆旅姓氏失其處僅



腰微贅而返則烏啼如初仍探之得大鎰五十金上有字此金贈与送金人男子又持往紹興隔年餘矣值舊逆旅出其故索男子曰此天以賜若吾自有五十金也備道其事婦好致富

### 豕言

仁和稿司鎮村人畜豕將召屠令妻飼其餘豕忽聞人語聲察之豕一作徽人音一作蕭山音妻驚卻告其夫、走聽果然其家亦亡恙

### 瘞孩復甦

澤州原天順八歲被布人歐死訟官驗瘞數日有狼皮有雷神書二行鄉人莫識

### 叢贅

### 沐英

沐英祖籍饒州樂平縣李姓先墓在大汾潭洪武二十八年沐春乞遣將代鎮親詣樂平致祭八月進封春黔國公不許擅離

蘭溪金訓導 云沐英祖徽州績溪人專掉舟歲莫值地師失路求渡因問其淪落狀問之留於家春初雪地師偶走竒其地歸問沐氏曰此族人某山也



若得之易，耳吾屋三間，彼歆之索，直三百金，故不果如售屋，則山歸我矣。於是成券，果得山，且為擇葬。囑曰：行當有大禍，願不祭也。尋爭渡，斃人戍定遠。

徐達

徐中山祖墓在豐城同曹水南，鄉曰二八居士墓。中山王墓在鍾山，不封土，云細竹下即是。像白哲而厚，面目不甚雄偉。

李文忠

李岐陽墓規志，逝於中山石馬一存，其左山蔓草間，尚未畢工。

相倚嬾唯，備告於姑，疑婦為祟，所惑其牲醴賽之老嫗等，怒責之事，急依人，吾非鬼祟為禍者，何以生物食我，令婦繫而進之，盤盂盡空，袒邀嬾同宿，無異生人如此者，半月餘，始去。既而人詰其婦，云老嫗雖老，而容儀脩潔，不凡。其嬾女數人，則世間所絕見者，竟不知其為何怪云。

隆慶五年九月五日申時，有紅鷹將葉明家十歲兒自東門攫至天字蹄觀風亭上，其父忽禱趙元帥，奔追獲歸，及詢其故，兒曰：荷趙元帥鉄簡擊鷹，始得活。



萬曆三十五年二月二十二日縣城中妙華堂忽有異人胸背各懸一鏡手執紅棍肩負紅袱兒童爭視之遂化青烟而去以上俱象山縣志

### 陽武泣醵

嘉靖三十二年三月陽武縣西北門外白晝無人聞有如悲泣狀凡三日時云鬼哭是歲河溢其旁厲壇衝漂朽棺枯骨不計其數

陽武縣志

### 雷神書

萬曆十五年六月獲嘉辛豐里人王好人妻帥氏抱兒乳哺忽雷震死所存僅皮骸當輒消盡兒亡恙也

### 贊身出家

本朝自太子諸王降生俱剃度童幼贊身出家不知何所緣起意者沿故元遺俗也

野獲編

### 翰林官

翰林叙銜在官下元時即然他官品在官上詞林稱閣臣堂翁老先生閣臣不論首次俱授掌院不授翰林季士班僉都御史上出導獲棍值政府不避講讀季士班僉都御史下祭酒上日講官軟靴短衣便於供對展書官短衣跣御案西大司禮立案左先展書以案高展書官不便也



良鄉帶

京官俱繡服惟行人司在京青素角帶出至良鄉易  
補服銀帶號良鄉帶

御槍

<sup>高</sup>皇帝御槍二藏南京午門樓上大者幾盈握脩可文  
六尺小者脩殺回之一圍殺亦如之蓋馬稍也

多學

平涼華亭縣多季洪武間監察御史巡按山東其子  
孫改為亮氏

從征日記

巢縣俞通 初以親軍宿衛出入行間終肇昌衛指  
揮使世襲年六十二著從征日記四卷藏於家未刻  
述因初事異于常聞山陰朱燮元備兵隴石得錄本  
今佚

僧道不衣綾羅

洪武二十八年正月校尉賴謙見神樂觀道士陳丑  
道衣青紵絲襪子在街上執之以僧道止許穿紬絹  
不許穿綾羅也有旨以神樂觀樂舞生釋之予兩足  
官絹壓驚

鎮海衛指揮



常遇春暮容上官 專掌書過春薨 上思及上官  
氏名其二子八分姓上 授鎮海衛指揮官 授山  
西 衛指揮

又常遇春紅旗千總薛 從征陳友諒以三百人受  
圍 上高望救出之薛首已墮猶執紅旗不仆 上  
拍其背曰好兒子甚苦始仆常熟許

### 蒲壽庚子孫

太祖禁泉人蒲壽庚子孫世不得齒於士蓋罪其先  
世導元傾宋也宋瑞宗至泉州招撫使蒲壽庚來謁  
張世傑分淮兵二千五百人命壽庚將悔舟以沒壽

庶罔城門拒命占州司馬田真子上表降元帝遂如  
潮州

### 綠幘

蔡邕獨斷云漢武帝幸館陶公主家召見董偃，著  
青襟綠幘按 明制綠幘最賤繫教坊人所戴或董  
偃本賣珠兒沒其賤也

### 葉好文留犢

洪武五年山西葉好文任交河令治行為時第一并  
知定州初以一牛駕車抵任後產一犢比去任留犢  
與民



徐杲所

洪武間指揮徐杲所出兵河套地名括桐樹一日午間有大星墜于河中火發延岍上營中軍有傷者後徐氏父子以事被誅杲徐氏獨應之也抑別有所應而不知耶

勅主簿

洪武十一年三月二十九日勅開善縣主簿和伯祥曰縣屬府州於民為切近必得上循國法下悉民情長於撫字者以任佐貳之責和伯祥今授將仕郎平陽府解州開善縣主簿尚恪盡乃心使政平訟理民安物阜斯為稱職矣爾其懋哉

喪麻

喪服用麻布取其賤惡古未有棉布也棉布始自漢北方麻布貴棉布賤又喪家雖隆冬必以麻非禮之意也

舍容

盤瓠之餘錯處于度漳潮之間以槃藍雷為姓訂人呼為籊藍籊籊籊藍籊訂人稱之曰舍容

學錄直講

國初 上幸太學、錄象山應元徵進講大學平天



下章賜錦衣白金

黃麟題聯

日月光天德山河壯帝居相傳解學士題殿門者非也  
洪武中莆田黃麟伯厚以文學薦對大廷稱旨賜第一人授翰林應奉冬至祀園丘御制門聯云大明日月光天德洪武山河壯帝居麟佯狂踴仆之上  
怒麟奏曰此陳後主句天朝效之不既羞乎上曰爾便易之麟曰占曰乾坤一統歸洪武日月雙輪照大明上稱善

六鰲縣誤

俞憲登科考弘治己未科三甲進士林文煥福建六鰲縣人按漳浦縣二十三都五鎮海衛轄陸鰲玄鍾銅山三千戶所則縣字誤也又海寧縣志永樂十二年貢生沈常銅灑縣丞今銅灑縣無考

胭脂匠

宋元來胭脂匠其法黃蠟火化注水中澄數次絕無渣滓方用遠近無能造者日貸十數金後為僕人傳方始廣有焉安陽張氏風範

南京不打五更

宋時大內五更絕擲鼓編作謂之蝦蟆更以禁開而



百官入所謂六更也 明初南京不打五更云 太祖嘗夢人求還地許之五更頭遂遲其刻

### 外道留勅

往時布按二司如提李備兵鹽分守分巡俱不繳勅得傳其子孫近例事竣始繳見郭子章蜀艸

### 崖山紀功石刻

元張弘範崖山紀功石刻題城宋年月 明廣州守閩縣林泮改刻曰宋太傅樞密院使張世傑死節於

此

成化中廣東提學僉事晉江趙謠詩忍奪中華與外夷乾坤回首不勝悲鑄功勒石張弘範不是胡兒是漢兒

### 偽夏陵宮

寧夏賀蘭山之東數冢累累然即偽夏所謂嘉祿諸陵是也其制度倣鞏縣宋陵而作人有握之者無物

賀蘭山崖壁險峭近宣丘百餘里上有顏寺百餘并夏人故宫遺址自來為居人斲獵樵木之場弘治八年始禁之以上俱寧夏鎮志

寧夏鎮城宋景德間趙德明內附遷吳州即今城也



周十八里高三丈六尺池深二丈廣十丈城樓六角  
樓四壯麗雄偉可容千人常州在吳州所城南四十  
里蠡山在城西二十里

### 庫碣

延安宜川縣西北川南為漢北為番通漢人以香  
火為庫碣

### 邢冕

新野邢冕洪武初進士除江寧主簿勵志清苦婦張  
氏躬執杵爨大祖微行至其宅親見翌日朝召冕  
出班加賞因開其軍伍

### 乘馬石

北人門外俱列乘馬石戰國策趙武靈王云踐石以  
上者今同

尺

周一尺當今浙尺八寸當織染所欽降金星牙尺六  
寸四分

### 知縣本貫

金華府志永康知縣呂兼明呂文燧俱本縣人仙居  
縣志洪武四年邑人任繼先除仙居知縣時法令嚴  
峻繼先畏之六年歸隱於下黃其教職任本貫頗多



不載

獲嘉麥秋

獲嘉縣麥秋時男子樵麥中野以網色盛之母論鄉城婦女及鄰境老幼率尾樵者後輓拾遺穗多獲者至斗計莫禁也獨送網色中探去謂之抱色即甚少立見俸語此大有古風蓋詩所謂遺寡婦之利者此也

實錄

高廟實錄一百八十

卷諸臣列傳特詳

文廟實錄一百三十卷載諸臣字里科甲轉歷如由狀略見其為人善者無大褒惡者無深貶而勸懲之意止

漕艘

相傳國初漕艘 太祖命焚其一秤得鉄釘若干按宋許元初為奔運判官患官舟多虛破釘鞠之數蓋陷於水中不可稱盤故得以為奸一日元至舡場命拽新造之舟縱火焚之火過取其釘鞠稱之比所破財十分之一自是立為定額

蘇松田額

蘇州各屬田土九萬二千九百五十九頃五十畝五



分三厘秋糧米二百三萬八千三百二十三石五升  
一合七勺

松江各屬田土四萬二千四百七十七頃二畝三分  
八厘秋糧米九十三萬九千二百二十六石二斗三  
升二合七勺

潘賜三使日本

浦城潘賜三使日本永樂中以行人出使日本回獻  
德化書永樂大典成陞禮部郎中轉鴻臚少卿再使  
日本還陞江西叅政落職洪熙初起南兵部主事宣  
德間復除鴻臚少卿復使日本

張泌

永樂初光祿寺卿潁州張泌最被寵遇清江彭銘以  
畫名上命繪泌像開面方具亟命取視之賞其肖  
似首肯至再今其家藏有賜像并角端圖潁州志

狀元母

馬驂母卓氏李驂嫡母葉氏先亡继母黃氏俱封安  
人

御史乘驪

舊制御史陸路止乘驪宣德十年九月壬辰行在兵  
科給事朱純言巡按边方或遇警與總兵鎮守等官



會議不免遲悞乞予馬匹以便其行送之

經筵

凡天子初御經筵例閣臣二員進講並大學首章或  
易或尚書之首條

審錄

凡內臣曾奉命審錄者墓輒畫壁寫像南向法司堂  
官隅侍御史與曹郎引曰聽訖以為榮觀

聲鐘

本朝帝后初喪每寺各聲鐘三萬杵

學魁

凡儒學輒書魁字戶陵縣李明倫堂前刻宋文天祥  
所書魁字方廣大餘

安南試錄

安南試錄四場制義論策詩賦

展書官

程伊川先生論經筵第三劄子貼黃竊聞講官在御  
案旁以手指書所以不生歆乞遺一人指書講官稍  
遠御案坐講按本朝經筵日講俱有展書官又司  
禮監內臣持牙籤指講處

北狩



大同曹安家有巨几一座 英宗北狩還時所御也  
卜昇此至陽和德兵曹安易以與留几於家

王越

濬縣威寧伯王越父邑掾也年七八歲值縣丁祭籠  
兔者因窺兔之逸時越稱神童縣官責以詩越矢口  
曰我今放汝上廣寒慎弗遺跡到人間慙慙寄與婦  
娥信丹桂留枝待我攀

藺縣屠中丞大山子本峻作中丞年譜某月日放故  
威寧伯王越于山中即日遁去夫襄毅訃聞遣餘姪  
王伯安治葬今日蟬蛻羽化雖未及赤松視韓擒虎  
之為閻羅多矣聞襄毅薨後或遇之于太山後其孫  
往太山途之晚遇老人指曰去此不遠從燈竿下  
往可也望灯謁履良久夜半抵家矣則向之老人蓋  
即襄毅也

萬曆中醒神翁詭王越又天啓初方士唄羅洪先燕  
齊怪誕之習豈足信乎崇禎時術者某游燕有社色  
捧茗甌者子也反白首謂不好道易老或伺之則白  
首者父耳

董朴

麻城董損齋朴少魯鈍日不能識數行鄰人惜之語



其父曰即君不慧奈何若之曷不令牧邪父念之命  
二畫牧豎于座右芳志力學比長而慧登成化甲辰  
進士終江西布政司 叅政

楊守陳金城稿

鄞縣楊文懿守陳金城稿中無錫華孺人墓表 誌  
又言孺人卒時其族謂孺人之行備矣蓋節以壹惠  
而以美孝稱之於是誌之書題與為傳者皆如之獨  
予不能從蓋節以壹惠者周人之謚法也在禮生無  
爵則死無謚爵謂大夫是也魯莊公誅縣黃父檀弓  
載之曰士子有誄自此始記失禮之由也後世士而  
私謚若陳文範陶靖節君子猶或議之而况婦人乎  
婦人從夫之節而已謚惟后夫人得之雖大夫之妻  
未聞有謚而况士民之婦乎然則族稱婦人而節以  
壹惠過矣宜予之不送也

陸氏占產

鄞人張瑄總督漕運時嘗疾卧郵舍語侍吏曰若等  
有異聞乎吏曰里中陸氏奸而橫侵其隣鄭氏其  
產撤其居立園宅所餘惟嘉樹一本陸氏晚得子而  
暗數歲游于庭忽指樹曰樹乎尔犹在耶家人大驚  
已而復暗不語聞誘之不出声稍長荒淫戲傲靡所



不為家聲乃死 張文定環碧堂集

端宏名官

當塗端廷教巡按兩浙其大父宏故浙左轄諸生議  
舉名官杭州守婁志德曰此厚道也顧其孫將以巡  
方至而吾侪奉之如公論何行俟去後固之及去竟  
寢杭州府志

崇禎丁丑閩縣鄭瑄守嘉興其大父日休以貢士司  
諭海寧在萬曆初事遠聲香諸生追祀之名官此與  
端宏事正類時無婁守見古人相去多矣又天啓中  
潘汝楨撫浙潘筮令瑞安及瑞安令來謁問吾舊祠  
何如今出不意強對曰小民感佩廟貌日虔出語人  
曰舊祠不知在何所今惟有重創耳

應声病

弘治間杭人裴師名頗有文行一日腹語事頗驗師  
名耻之數月不出遇山東人言其实其人曰向病此  
求死道見異即食之忽值一草腹語之勿食吾竟吞  
之物即洞下而愈遂覓草得于南高峰將食果腹止  
之食刻許腹雷鳴下大虫如矢狀如虺疾良已杭州  
府志

馮益齋給諫每拜言腹中輒有声應之遂告病卜居



南京楊守極用小藍煎飲之即吐其虫 金陵瑣事

先輩書刺

<sup>弘</sup>治間邑人祝虛齋 革 以主事佐治吳淞水利華亭侍  
郎顧清來刺云辱與顧清拜單刺博二寸縱四寸字  
大如指微黃有花影又虛齋寄人書亦黃折柬式如  
前面有花紋二字並目觀 又嘉靖間許給事相鄉  
寄弟書直名十弟桐鄉

武宗微行

應天金明府應祥家長千里 武宗南巡值迎春日  
微行見其家大樹集鳥突入而彈之諸臣皆微服以  
從

朱氏書問

宝应朱氏家乘有書問錄載正嘉間友人所遺凌谿  
射陂兩先生書稱號連續不作另柬如楊一清自名  
石淙病叟一清拜斥之先生道契及先輩也景前溪  
司成竟稱賜頓首凌溪先生年大執事今薦紳通問  
名刺尺牘外又有駢啓方曆末駢啓外又小啓其詞  
略簡凡三副楮一全簡浮飾之極士大夫專覓人供  
在如百函並發劉穆之直當疲死何暇理他務耶

新城王氏



山東新城王氏先是有王瘦與其姬力田稍自給有貧措大夜盜其廩抗其吭而燭之故某齋長也憐之曰勉旃。吾夫婦終不暴君之短因出黃梁與之人無知也

新城王氏上世祖鰥居一日天大晦冥良久既霽於塵空中得一好女子年十八九云外國人也乘車遇風歛然飄墜遂為夫婦今王氏百年科名貴盛無比謝肇淅丘雜俎

金史有國子學齋長予少時猶見廣文呼廩生曰齋長

### 字說

嘉靖前諸公文集多有某人字說蓋猶行冠禮也故以字重其後雖淵儒碩學見之字說者寥々古道陵夷亦其一端

### 原潔

昨城原潔成化辛丑進士歷官戶部郎中督餉大同以羨餘還所司忌者以藥瘖其音曰致仕蔬布以終

### 林濟民

江陽林濟民弱冠時母病篤命娶婦入門而母卒濟民哀毀逾禮墓廡於墓服闋始合甕鄉里稱之成化



丙午鄉薦教諭漳浦以身率人陞贛掾知縣

密箴

晉江蔡清密箴欲為一世經綸事止熟數篇緊要書  
格天之具於衽席溺身之悔禍於詞

虎枕銘

江西左布政使岳池馮馴正德二年進士嘗任吳化  
知府作虎枕銘太守抵方壺適多警虎三日兩授首  
鼠狗足評乎太守徵其方之將請裁髹作枕而寢其  
鞞銘曰非爾髹吾何枕非爾鞞吾何寢起視海岱吾  
安吾朕

余禘令箴

鄱陽余禘正德貢士任清流知縣陞建寧府同知  
尋卒清流人立去思碑於東門其作令箴曰先王制  
爵子男同位羸秦变法縣邑是嗣千室其民百里其  
地上應天星下分王治孔門稱能路勇求藝漢室傳  
賢循良豈弟卓彼先覺猶或難之抑余何人而忝職  
斯坐堂鳴琴盛德無為德既不足勞瘁奚辭片言折  
獄至明所推既<sup>明</sup>不逮詳慎是宜撫字之實惻怛至誠  
赫々洋洋得非虛聲

薛天華左戒右箴



廣東右布政使晉江薛天華作左戒曰母通要路書  
以務恭節則俯仰不瀆母預塵紛事以務恭寂則外  
內不擾母狗末俗態以務恭高則志行不羞母受非  
禮餽以務恭廣則彼己不失母妄結賓從以務恭交  
則戚黨不棄而善彙集母苟出言語以務恭德則靜  
操不爽而口過息母逐恋嗜好以務恭神則和侃不  
伐而天氣全母厭薄遲鈍以務恭量則机心不熾而  
真性得母讥訕世短以務恭福則不忤人以見直而  
鬼責消母虛邀時譽以務恭誠則不怒己以見賢而  
潛德進母妬嫉雋能以恭才則不說阱以誣善而有  
獎藉之功母欣羨汰靡以務恭蓄則不競侈以蠹俗  
而有由禮之漸 右箴曰過暴上思以禮臨之則不  
可犯臨頑民思以仁悟之則不為仇御群小思以愛  
遠之則不起侮統列屬思以正率之則不傷威寮友  
有過思隱規而公掩之則忠不失厚庶民有议思修  
靜而密弭之則微不悛惡受讎介之私思以欺君為  
懼則勤公益至叨一分之祿思以報主為心則奉職  
益謹怨者人所易愠思精白以任之則廷有分謗之  
士難者人所易避思 質以狗之則朝有仗恭之臣  
即有 喜思畏義以制之則無佚實之賞設有暴



怨思觀理以忘之則無溢法之罰

易刻

伏羲氏八卦象各三畫三代因而重之為六十四卦  
文王命名作彖周公作文孔子十翼說叙雜彖傳象  
傳繫詞文言也宋朱元晦始定今易又次彖象次文  
文言次乾坤分上下篇終繫詞說叙雜傳 國初易  
刻今程子易傳朱子本義成化  
奉化教諭成矩  
單刻本義今遵之

張孟賢

安陽張孟賢天順乙卯貢士終南京職方郎中孟賢  
還里徒行訪人不敢乘馬云城中冠帶乘馬者自廢  
使賈公迎憑使副使馬公卿功乃翁乘轎曰寧步行  
不取人耻 張氏風範

祠廣文

廣文例不祠而崔後渠洹祠有威縣重脩陳教諭祠  
記云陳子名璡莆田人成化丙午以詩來教授著講  
義日勵士師聖賢卻其束脩之間凡四年遷教國子  
云

十老會

弘治初夏邑有十老會叅政金醞副使楊德知縣劉



恭朱鑑劉銓劉丞劉安教諭閔賢義官朱理醫官王  
淳官徐銘威每會奕棋彈琴賦詩時形圖繪夏邑  
縣志

### 女飾

弘治正德初良家耻類唱妓自劉長史更仰心髻效  
之漸因襲士大夫不能止近時冶容尤勝於妓不  
能辨焉風俗之衰也如此安陽張氏風範

### 搞市

北邊搞貢胡茶一斤直六金布一匹直四金假行直  
三十金

太僕市馬專給京軍互市馬給邊凡官市皆駑駿足  
必私買

### 總督統

藩憲見巡撫都御史有常儀自韓雍總督兩廣極威  
重三司官至庭聽伏謁唐珣繼之仍其禮左布政龍  
溪林同曰公昔為福州守且長揖上官况方伯耶亦  
長揖珣不憚以事挫之不為動

### 雲南三天子

雲南人謂沐國公中天子撫臺東天子按臺西天子  
以公署相次也土人尊其土司多稱天子或呈守令



云天子爺千歲爺夷習如此昔田州岑猛播州楊應龍上官輒責其帝制亦拘於漢法未諳其俗也華亭色尔庚守羅定州有投牒云千歲爺杖而遠之

### 香稅

泰安山太山碧霞元君祠均州太和山真祠俱官徵香稅給諸司俸涿州娘之廟亦有稅

### 北新聞稅

宋黃震東坡志提幹趙宗英墓云淳祐九年秋予始始居行都北閩監稅田君穆騷人也云云觀此今杭州北新聞稅雖始成化時南宋亦有之矣

### 武廟賜詩

武廟南巡至鎮江幸楊一清第作七言絕句見車駕三幸錄又王九思作刑部左侍郎咸寧張鷟墓志云戊辰三月廷試進士充讀卷官是時纂修資治通鑑成得賜又御製寫懷回文諸詩

### 朝儀

外吏人覲春正月天子郊祀畢越旬日御奉天門視朝諸司始奏事方岳守令等咸趨御橋南聽免冠俛伏待罪刑部尚書率左右侍郎上御街北聽讀彈文繼而科道皆有彈文各推老成一人北面跪讀大



意言方岳守令等若弗能事之宜寘之法以示懲勸  
天子咸口出德音特宥之以勉固後效於是各頓  
首謝呼萬歲出朔日早具公服謝于門外然後吏部  
以黜陟上聞

御史出差以都察院題定命下之日必兩人並聽傳  
制云東邊的起去蓋 國初臺班聽持旨今雖題定  
猶狗其例

外官候吏都注選考課堂吏呼曰進士官打躬舉人  
官不許打躬於是乙榜聞之深自色沮此例或起嘉  
靖間意以前科貢掾史並用何軒輕乃尔又吏部直  
房有坐杌止坐甲榜如乙榜群集有一甲榜至並起  
避否且班役呵之矣

### 行人司藏書

翰林院國子監雖藏書俱不及行人司以行人出使  
例携書歸各翰公署

### 薩琦宴俗

閩縣侍郎薩琦廷圭上世色目人至侍喪墓遵朱文  
公禮變其俗

### 觀場儒士

嘉隆前學使臨場大考諸生又大考儒士錄之入闈



不售得附學其不願者棄去故人稱觀場儒士萬曆  
初猶大考儒士然解中棄者後大考儒士絕矣

古醋

延平府城東北報國寺五代唐時建初開山僧嘗留  
醋一缶經數百年色味不變

酒

桑落酒秦人訛桑為喪改稱秦酒徐宗伯季謨曰予  
憶十五年前京師貴人席最珍桑落酒當是時已多  
避忌亦未聞避桑作何稱者而今秦酒之名為備者  
誰哉痛乎人情益習軟媚世江河下矣且桑落酒名

極雅本無所觸犯而且易之又何有於他事哉可奈  
一噓海隅集

瓊州人醞酒不用麴蘖有木曰嚴樹搗其皮葉浸以  
清水以粳釀和之或取石榴花葉和釀醞之數日成  
酒能醉人

杜進

嘉靖初臨應杜進任九江通判於三年夏四月朔見  
兩頭蛇不殺曰修短豈彼尸之哉越十四日疾卒見  
崔後渠墓志中

陳紫峰論學



晉江陳紫峰先生璠字思獻蔡文莊高弟也官南京  
吏部考功郎中歸養母起歷貴州江西提學僉事並  
不赴四方從季甚衆其言曰道一無也高深大小微  
顯遠近精粗常變同異自吾人所見則有高深大小  
微顯遠近精粗常變之殊此所以有難知有易知有  
可以語有不可以語苟能一旦豁然則剛風上  
搏不為高極下入不為深茫一載地不為大涓一穿  
石不為小鬼神屈伸往來不為微草木榮悴開落不  
為顯經濟乎四海九州不為遠致慎乎閨門衽席不  
為近聖賢制禮作樂之本不為精童子洒掃應對之  
節不為粗周公誅元不為不弟石碣殺子不為不慈  
大禹之家傳不為德哀於堯舜湯武之放伐不為得  
罪於夷齊陸象山之主靜不為枯寂朱晦翁之分析  
不為破碎周濂溪專授太極于二程不為私季二程  
不授太極于堵子不為各教蓋太極渾然事一物一  
無不各具吾人耳目所見有常有不常心思所測有  
得有不得此為高深大小微顯遠近精粗常變異同  
所繇分而季者之進入不容無難易教者之指引不  
容無差等也

陳祠仆像



丹陽宋陳少陽先生祠東鉄鑄江伯彥黃潛善赤體  
照庭下長可三四尺泥苔減膝推不可動嘉靖戊戌  
南安鄭普以無錫令為南戶部郎舟泊祠下登堂瞻  
拜畢守祠者出紙筆求聯句普題云一片忠肝千古  
綱常可托荒庭虜膝平生富貴二像應華而仆頭抵  
頑石、為新時張黃門選黃二守希雍在焉咸駭異  
之

劣考稱師

洪侍郎朝選督學四川賓大寧譚啓劣等啓等嘉靖  
壬戌進士知晉江縣至則脩弟子祀甚恭後巡撫勞  
堪誣執朝選按察使司獄啓時正為副使歎曰吾師  
被構吾不能救而尚仕哉即解組歸

相國父不祀鄉賢

晉江王遵巖先生作同安陽憲副逢春墓志銘云在  
崑山邑有故相嘗欲奉其父祀於鄉賢祠邑子論有  
異同君持之故相滋不悅按故相則顧文康鼎臣也  
位極鼎軸鄉議難徇今半綸崛起輒靡然趨之萬曆  
中錢塘機戶傳時冒錦衣百戶其先人某祀鄉賢時  
敗追奪崇禎中吾寧吳中彥先以布衣納貲武英殿  
中書舍人其大父璧故贈御史亦祀鄉賢中彥敗追



奪二贈君雖未叢垢然督宗之祭政自宜慎

方太古

王陽明先生過錢塘山人蘭谿方太古享之脫粟疎  
菽明日陽明報如山人方曰野人為野人固當公徹  
侯也而野具得毋非情耶陽明為笑謝

胡僖神助

南谿胡副使僖性惡殺生嘉靖

省試寓潘氏園

群蟻數十萬聚于室童子欲火之胡不忍徙避他所  
暨入棘三書義至乙夜而就蠹戢々筆端不可逐久  
之始別構四經義思忽空湧如泉注蠹亦絕不見遂

高薦主司謂公四經義殆神助也

詹傑

休寧詹傑松山年八十二屬末疾晨有黃冠叩門曰  
吾欲遊白岳願一見而翁傑見之則曰吾有藥可以  
益了七齡而子未能服也命取盂水置案出歌中藥  
末少許內之水忽涌熱凡百餘沸而藥自團為二如  
梧桐子顆搏之堅於石復盂之曰扁家廟七日而祭  
也贈以一緡錢二襲衣不受出中門忽不見滿七日  
啓扃則異香襲鼻水半耗矣將服之疑其非常復扃  
之後十餘日疾大瘳更啓藥失矣



季宗道

常熟西門內虞山言子游墓或云嘉靖時明府季宗道瘞鶴以子游土人不可無杯土故飾之言子游壻申詳同子游子

仕衛以上俱許子洽說

藏金寔石

堵暨駱增鋤山中得大鏹可五十金鐫有字方晨卧見四人奔悟曰非尔物也問所歸曰汝兄物也時兄对寢急呼授之兄亦枕卧明晨兄弟謀禳于神視金色漸變如石其字如薜以示市人猶大鏹也

三過鄖陽

秦州徐蕃孫女適沈良才徐沈並隕陽巡撫從大父從父從夫凡三至鄖陽父嵩湖廣按察副使歷副都御史

王恩民棄妖書

雲南臨安王得民買屋城外庭鑿魚池三尺許起石版有小方塘四周甃甃中一小几上燈一書小冊開視兵書也未載採戰引魂二方得民試之殊效其引魂方於婦人則呪一物與食其婦夜即至於女子則得其生時呪之無不驗其弟諸生恩民借閱溺之恩民戊辰進士位中丞人謂棄此書之功也



盛端明同鄰

廣東揚陽盛尚書端明起宅鄰人質成辭曰吾先世  
舊隣一旦舍我去何所稱兄弟乎

曾氏譜

嘉靖初山東曾氏合譜江西通杭州宿仁和嚴氏  
疾率嚴氏得其譜改冒曾今立先賢曾子祠

慶成王百子悞

晉府慶成王鍾鎰子四十四長子奇湏襲封外一早  
天二齊庶人餘四十人封鎮國將軍女四十九人孫  
百六十三人曾孫五百十人見玉牒王元美皇明盛  
事述云慶成王百悞也鍾鎰益溫穆獻徵錄悞端順  
王奇湏

張大宰孫第

仁和張元洲瀚其第漢先發解登第嘗赴人席時輩  
群向漢揖元洲笑曰舍弟年長又元洲婦初怒其以  
見斥場屋未免室謫元洲走灵隱寺僧舍倦卧一榻  
時僧新浚方接散無費故其徒輒出而元洲不知也  
頃吏鬼入視非此人乃張天官耳

故宦優免

華亭顧文僖宗伯清曰鄉先輩任公勉之沒未葬里



長編其子弘為養馬夫教授張公以白太守上虞葉  
公冕葉大書榜于門曰今後均徭故官子孫一例優  
免

嚴世蕃養子

嚴世蕃分宜相嵩之螟蛉子見趙時春作王與齡行  
狀

總兵捷知縣

嘉靖丁酉梁震為陝西總兵之平涼迎劉都督知縣  
王胡素廉能謁惟長揖震驚之二十季諸生閔與震  
辨震縱搏之各毀祭敗面 平涼府志

駱文盛

嘉靖辛丑編修武康駱文盛分考禮闈其從兄孝廉  
錦以屢困公車欲編修免入庶得應試編修不所錦  
引避恚甚尋卒于家勉其子力學安知後人不詞林  
也錦孫從宇万曆乙未進士繇庶吉士歷南京禮部  
尚書

張烈

華亭張烈官都水主事微時作三字銘不能詐寧守  
之以直惟其然故無悖於德不能福寧守之以貞惟  
其然故無傷于誠不能貪寧守之以廉惟其然故無



愧于天 寶日堂集

張二郎辭官賞

上海張二郎勇戇善泅水嘉靖末太守方廉募之偵  
倭斬級賞銀寄庫支酒食事平錄功世百戶賜官妓  
並辭不受行乞宿岳廟後撫吳召予庫金仍辭以  
乞終上海縣志功成不受賞長揖大將軍如張二郎  
鵠結乞食尤奇

金傑棄官

嘉靖戊午江寧金蘭谿金傑由貢士性恬淡持正不  
事鞭朴裁省供億致忤上官任半載一夕竭上官授

吏以印竟去不知所適家人號泣倉皇而歸後聞隱  
九華山季仙江寧縣志

張承

安陽張承伊嗣教諭南宮善詩與盧柎謝榛善所著  
石湖集柎嘗題四溟書舍云石湖詩如蒼山老人奇  
丰峻骨四溟詩如金閨冶婦雜繪錯錦張承曰丁巳  
余教諭魏縣盧仲木寫詩余告以詞畫俱弱戊午與  
謝子獻寫詩余訝其詞畫更弱嗚呼豈知二兆為死  
之兆前言為仲木之絕筆也哉

孫思聰



嘉靖四十五年春甘露降項城縣典史孫思聰宅槐  
樹甘香殊常未幾思聰卒於官

### 東洋行縣

福建東洋行縣在寧德縣十五都嘉靖辛酉倭難作  
東洋民乘亂恣掠以其地僻民頑設一縣令林時  
芳申建行縣於周墩分主簿一員駐札其處賦稅就  
其徵收

### 朝鮮慕王元美汪伯玉

朝鮮使吏曹叅判尹根壽子固同子進士昭至京云  
小邦極慕王元美汪伯玉集即童子皆能授讀隨有  
詩懷兩先生云大海雄文迴紫瀾齊盟狎主有新安  
平山空抱投鞭願悵望南雲不可攀

### 十友

武康編修駱文盛兩溪書款山寺十友蒼髯翁松抱  
節居竹冰雪主人梅晦香居士菊懷素子水仙碧葉  
道人菖蒲秋江逸客木芙蓉月露主人梧桐幽芳處  
士蘭雲華山蓮

嘉善錢塞菴相國士升傳十友茶醒友鷗閑友雪潔  
友菊貞友石介友松高友蘭芳友香清友竹葉友一其  
蓮花淨友蒲團禪友麈尾談挂杖老友青氈舊友紙



帳夢友孤鴻遠友落日西友寒蛩吟友楓葉紅友其二  
田千秋墓像

蒲州田千秋好季善擊劍嘗鑄銅像鑄已名氏墓之  
語人曰使千百年以後人得之即神仙也

### 海鹽烟火

海鹽人善製庭燎元夕特盛吾縣硤石西山廣福寺  
有宋碑勒銘曰監海鹽縣澈浦鎮兼烟火公事某夫  
庭燎細事耳見於帶御亦見前代綜覈處

### 汀人善舟

汀州九龍灘險激舟人世居灘上習水性也精其業  
舟人入灘例倩最能者為護一舟下返獲其次者  
世業亦數姓又僅數人誓不外傳也

### 販海

閩粵人頗販海今延及浙直自太倉崇明出洋載淡水  
人日給六甌泊島亦可汲或未易泊抵日本對馬島  
或早稱島將至舟聲三砲島人出迓登貨於邸主延  
款一日聽島主定直華人多雜居者亦好花木書籍

### 王希周自劄

嘉靖辛酉和平知縣閩縣王希周蒞事三月有東壩  
張德傑所寓人已行通判王佳以緹盜迫德傑死日



以東壩人救盜歆屠之希周不昕夜勒閉門發兵希周度不能止拔劍自刎佳乃已

### 吳承恩報仇

吳江吳邦棟大司寇訐菴公山之幼子以諸兄聯第意營秋試為怨家所訐少年惶急飲酖死邦棟仲子承恩壯而憤其事誓必報陰結力人某刺殺之人無知者數年後力人與婦詬婦呼曰尔不當以吳王孫殺某氏乎隣人訟于官承恩下獄論後得釋雖事不以正其志足矜也

### 汪在前

歙縣汪在前父笑丞平湖忤太守徐下之獄在前以諸生視橐籥日伏謁求解不為礼是年丁邨在前舉南國戊辰成進士任嘉興司理其去橐籥時未隔歲也太守郊迎素好貨至是歛潔士民傳誦為一時之奇士固不易皮相哉徐敗官去在前遷南京刑部主事而止蓋兩相構云

### 丁賓

嘉善丁清惠賓嘉靖甲子鄉試陰慶辛未進士名稍後鄉同年支大倫先登第性矜倨至丁所見進士扁曰四十名外不成進士荅曰尚有下第諸公筮令句



容父戒之曰汝此行紗帽人說好我不信吏中說好我益不信即青衿說好亦不信惟瓜皮帽子說好我乃信耳治句容六年入覲謁江陵師相于朝房師相曰聞吏績甚著荅曰更三年尤好師相曰迂濶吏部曰不考選江陵見單曰句容不當遺始選御史

### 錢若賡

鄞縣錢太守若賡初鄉奉家人烹雞失其首及聰捷烹雞立候又失之時以為異自臨江守下獄論死家人召算判曰若要出待天突果天啓初釋

### 梁邦瑞

駙馬都尉梁邦瑞尚 穆宗永寧長公主素患血血選時潜然血下司禮馮保受賄禮部尚書徐學謨阿其意俾病夫進選陷公主孀居見通政司右叅議梁子琦踈中

### 丘樞遺子婦

隆慶辛未進士諸城丘侍郎樞之子早夭嫁其婦華亭陸給事樹德問及駭之侍郎曰噫拍舟之咏錄于圣人懷清之臺築于天子此光岳間氣可概望之人人乎

### 高儀尊師



錢塘高文瑞相國儀父葉染兒時戲汗梁籍手錄不  
遺吾寧朱舜巨適見之勗以力孝因受業焉踰冠魏  
科終身事師甚謹有蒼頡至朱氏稍忘時舜巨教諭  
金壇卒矣文瑞方大宗伯遺書教諭子痛自刻責

陸樹声

華亭陸平泉先生以侍郎予告南還值孝廉舟競前  
其僮曰我相公官不止此陸徐呼其僮人舟諭曰相  
公他日不為我官但我前日曾經為相公

江陵栗簿

万曆初江陵張文忠栗簿歲積餘寸許皆極簡功嘉

善錢塞庵史官時特彙錄之後入相頗得其力

劉臺

臨川湯顯祖甲申見通北驛寺詩多感故侍御劉臺  
附題其後江陵罷事侍郎出冠蓋悲傷并一時為問  
遼陽嚴譴日幾人魯作送行詩

湯顯祖

湯義仍奉隆慶庚午鄉試以文著鄉人姜 宰宣  
城万曆丙子義仍故訪宿 寺識梅鼎祚禹金得  
交沈孝廉懋孝嘗同課寺中有楚客角巾葛衣通候  
問里氏曰江陵張某今相國父行也疑之然不敢忤



留飲且贐為客辭曰二孝廉入京相國期一晤意頗  
懇切至期並寓燕前客果來勸竭相國各未決客曰  
第訪我相國自屏後覘之耳沈獨往而退客又至語  
沈曰相國善足下文謂福薄耳招義仍終不往尋沈  
雋南宮对策進士第一義仍下第然深服江陵之知  
人能下士為語常熟許子洽云

### 禁殺牛

萬曆初巡城御史楊四知禁殺牛榜宣武門外多回  
夷四業萬眾鼓噪總憲亟令收榜乃定夫禁殺牛未  
為非也群習難改故善治者貴因勢而利導毋拂眾  
以就功 又郴州猺人雖竊一雞必抵命嘉靖末某  
官欲改行漢法猺人立表倡變太守南安陳季伊檄  
仍其俗乃靖

### 申其孝

日照申其孝由明徑令睢寧呈開府李世達築城未  
得決亡何開府徑其縣城且半就驚其何自對曰不  
費官亦不煩官開府詰之曰今來時邑故多沮洳莢  
穉也而務閒無事與斯徒飽日坐卧令惜日課之糶  
久之莢穉山積無所用之陶得甃以巨万計度為  
城有餘獨少仄與工食令賣莢及及甃就矣開府大



息助米千石再過之樓櫓具備事在萬曆癸未

王國光

萬曆壬辰前太子太保吏部尚書陽城王國光里居有娶婦李氏或勸國光娶之未行時國光年高亦不介意會有他故氏自刎陽城令故嗟國光謂其偏脅死實非也巡按喬璧星疏聞削國光籍所樹石坊俱糊名不敢露北人遵令如此南人雖削籍門額坊表如故也錢塘太常少卿陳三謨以江陵黨削籍又坐殺人罪城旦其賜一品服坊則吏科都給事中時也至今存

姚弘謨迎事生母

秀水姚少宰弘謨繼文嘉請癸丑進士父訓導卒官母更適依祖母刘氏至誠立登第後迎母歸養克盡孝道人方之范希文

元輔家幹

張居正奴游守礼

申時行奴宋九原京衛經歷不曾任一日即貶封

海瑞

海忠介巡撫江南華亭徐文貞階家君子僕積橫訟牒山積謀於珥筆並不稱意崑山某年十九最後至



見各案俱不視第曰揚湯止沸不如釜底抽薪文貞  
聞而善之詢其策對曰相公柄國久願假尺一之書  
走長安故人足矣勿與此曹子角勝也即如其言致  
書馮保又賄給事嘉興戴鳳翔等劾罷中丞徐氏之  
訟熄操縵既熟其後凡異彼者俱以孔方撓之烏程  
董氏亦然

周天球

長洲周公瑕先生師事文太史徵民設像中堂歲祀  
之万曆乙未九月卒年八十二無子

邵虎菴

錢塘邵山人 虎菴善吟繪讀書山中有隱操郡  
丞新建喻楓谷均欲見之不得怒奪其山虞淳熙詩  
老作間民不負租不濠不澗路應迂叩門雙騎傳呼  
急一片紅塵山已無按楓谷拉声藝苑傾慕緇衣而  
事同伐木所以鑿坏踰垣之寥々也

續吳都文萃

宋季洞庭山鄭虎臣選吳都文萃積四哀虎臣即殺  
賈似道者万曆時吳郡錢穀續吳都文萃凡二十哀  
未付梓今佚不存

吳稼登



孝豐吳稼澄翁晉父維嶽巡撫貴州世稱詩嘗訪仁  
和沈工部舍朝喚有解帶對山人之句嘆之因謁選  
授南京光祿寺典簿遷雲南州判官晚號玄蓋  
山人易箒日命服山人服如故官非其志也

### 嚴訥

常熟嚴文靖相国家居有老儒候之調相国曰老先  
生自視與孔子胡如相国駭遜老儒曰非謂道德也  
第論名位相国曰宣尼僅魯司寇僕忝冒多矣老儒  
又曰老先何如周公相国益駭遜老儒曰周公當初  
造又值流言不如老先生作太平宰相又曰老先生  
何如伏羲氏相国駭不能荅老儒曰今日某卜祈伏  
羲氏聞相国召舍之而來直過之矣相国大笑

### 楊春元

駙馬都尉楊春元固安人尚榮昌長公主極有家範  
貴而能孝富而好禮每召客親視鼎俎子光夔錦衣  
衛帶俸左都督光鼻光旦俱錦衣都指揮使並讀書  
守礼有父風父卒于京哀毀不勝扶襯歸塋徒步百  
餘里廬墓母喪七日不食衣不解帶者三月竟羸瘠  
而止

### 王述古笏記



高州王述古萬曆己丑進士官刑部員外郎作記示  
歸德沈相國鯉欲於祝壽日對伏宣讀以免礦稅然  
後起歸德不可令述古作奏自上述古難之節縣相  
國沈一貫改作揭進不報

陸平泉論風俗

崇邑許繩齋維新侍郎前守松江問風俗于陸宗伯  
平泉宗伯曰無風俗許近之宗伯曰公倡于上為風  
吾儕效于下為俗天下豈有風俗

柳州象裔

萬曆初貴池蔡清守柳州古有鼻墓處林木蔚蔚祀  
即見崇守歲祭問之士人云其姓為象夫人之後衣  
冠未替侑祀祇役稱始祖陵數千年荒裔猶叨外戚

耿楚侗馮慕岡講學

或問耿楚侗先生定向以天命之性先生方欲擬解  
其人曰意公自言其性耳先生為之懼然馮慕岡先  
生維京會友于白下凝然相對或曰馮公何無講座  
下曰此人渾身自講

林兆恩

莆田林兆恩以良背之法教人療病從者雲極搏集  
群書著三教會編若干卷老得心疾顛狂逾年乃死



今金陵有祠二蓋其徒崇奉之也 兆恩嘗師卓小  
仙

祝世祿

江右祝世祿無功解褐當塗令有馬指揮家墻垣見  
窖金甚富相傳故宋賈似道遺園也窖衡三丈長十  
丈深若干事聞于官丞尉等爭往無功獨不至後  
按臺後其事上之朝知無功不往因荐及

談遷曰予因祝無功事而有感于近日也崇禎壬午  
冬有賈船私販日本携人參十萬金登吾寧海峯將  
赴嘉興土人利之告邑令劉憲謨往捕之盡收其橐

高安教 康侯兄知府長期嘉靖甲子鄉舉房考承

夫推官絳州孫 總裁憲副汲縣潘 監：御史長

垣徐 万曆甲戌成進士房考兵部主事崑山陳

主考大學士全州呂調陽侍講學士南昌王 從兄

万曆壬午鄉舉房考武昌推官長洲褚 總裁

按察僉事上海王 監臨御史常熟錢岳康侯舉萬

曆己酉房考行人蕪水郭 主考左諭德龍溪蔣

右諭德河津趙 庚戌成進士房考洗馬渭南

主考侍講學士宣化蕭雲舉侍郎王國並世

祀於家



趙御史論囚

萬曆壬辰進士趙蓋菴 以庶嘗改御史嘗論囚  
有禁卒以獄逸代死先一日獲囚刑部不及聞御史  
臨決問同年李騰芳云何李曰當蹂明其事候旨庶  
不枉不欺竟阻於同事殺禁卒亡何御史死

郭達

密縣郭達伯羽萬曆丙子貢士歷官真定同知幼聘  
姚氏偶失明議退婚達指天誓曰我不娶彼何歸遂  
完聚生子六

藁如薰杜文煥

送至其家非不得已事不可不到一彼此徃拜正用  
單帖後輩於前輩用折柬前輩用單柬荅後輩途遇  
前輩下車立道左候過方登車一彼此徃拜務相見  
不可概以不在辭如談以隨便出一餅一果不必談  
卓一彼此稱呼或字或號不必稱翁惟後輩於前輩  
仍用翁字

梅衡湘論友

公安袁小脩中道客長安以學道未契汲：求友麻  
城梅中丞衡湘楨國寄書曰買城之旁有日中之市焉  
雖無竒瑰異物而抱所歆者各恣取以去求友亦若



是耳公欲于此處求友顯靈宮古柏婆娑委地作虬  
龍形東便門外柰子花如錦幄可容二十餘人晉陽  
菴中有唐鑄觀世音相沙窩水葛道士毬順城門守  
門老中官射亦不佞數十年內所得友也公倘欲之  
便以相贈

朱氏世紀主司

蘄水朱康侯

進士大父方伯 於

嘉靖壬子鄉

舉房考徐州學正全州李

總裁衡州知府德清

蔡汝楠監臨御史績溪胡

癸丑成進士房考吏

部主事恭和楊

主考大學士華亭徐階侍講學士

因私販者數人不以聞上官賈人詐各蒙憲摸報數  
先後多寡不一又分參覈上官如司理宋璜即百二  
十斤實不能半而初時捕役乾沒者不與焉其賈多  
晉人陽城張藐山先生時以大司農改總憲或求先  
生東浙撫董象恒為諸賈地先不可曰利至十萬金  
勢必上聞無益也吾不敢預點墨亡何撫按果奏上  
憲橫免官前予在坐親聆之先生歎服其遠見政典  
祝無功事同

朱中丞悞奏及詩

朱鴻謨開府吳中時閩白多警太倉王士驥等群習



弓矢或訐其及搜捕手札君實有心迨季布蓬門無  
計作朱家為左據鴻謨奏上事下兵部兵部

伍表葦告南書石星曰此拜月亭傳奇中語何  
得作及案出坊本示之尚書釋然

### 馮少墟會約

萬曆丁酉十二月長安馮少墟先生閨中會約云冠  
婚喪祭當以會典家禮為主至于冠禮久已不行尤  
望諸公亟倡之士大夫於每年正月六日各携餅果  
四器酒一尊同至公所拜一拜再二拜以見相答已  
會申散有年高步履不便者公除餅果四器酒一尊

萬曆時蕭如薰杜文煥並西陲各將並能詩有集行

世聊紀其一

新秋呈霽色寒州正羊茸杞樹柵

湖果蘭山翡翠峰出郊分虎旅乘障息狼峰坐乞舒  
籌策天威下九重蕭如薰秋征

朔方才喜淨胡塵又見邊聲急震隣雜虜橫行如火  
烈諸軍堅壁自雲屯纓冠義切寧違命蹈刃心雄肯  
愛身獨捷三師先陷陣保全疆場報楓宸杜文煥定  
西捷詩

### 盜俠

沁水竇生以父尉遷安往候遂還出天津值盜剖篋



見殘簡薄之生曰遷安尉安能厚耶今且何以歸也  
盜感悟引還家貽百二十金贈小黃幟令道警出示  
之自是畏途示幟彼悍少曰自大兄所來乎生得返  
里其兄游河南語此事於逆旅老人曰後輩草  
草何足道因叩之老人曰少作此伎倆今髮種矣  
無足問也隨謂客能射乎客引強弓而且赤老人拓  
弓如輕綿射飛鳥命中容賊服老人曰平之耳更截  
柳挺各二寸實樹端發鏢矢必中裂又立木寸餘矢  
拂木平過又不仆老人授弓而歎休矣日薄西可奈  
何客今後知道警第述其名氏猶及免也

曇陽子

王文肅家幹曰五曰七通敏敢任並致厚貲文肅女  
字徐少叅廷裸子未行子天時王家有白狐出沒作  
瘦語雲篆或靜室枯坐諸真駢降非無因也文肅迂  
而神之侈言其事聞於兩宮俄而狐隱不復出靈  
響遂絕母朱夫人計窮而五七之塾為銘與其生密  
捐千金以女歸之某歸後本單門驟後其素且女容  
止不凡隣人挑之不可或脅以無端女吐實曰我太  
倉王相國女也聞于朱夫人相國族父孝廉號  
兼吾其人強忍自任朱夫人即召其女置孝廉家而



通書相國亡何相國報命第聞孝廉室內泣聲俄寂  
如也又累月終與某生來同至者五人亦返歎亡何  
並不見其出則孝廉意也王元美作曇陽大師傳做  
唐人南岳魏夫人傳四明樓熄指其妄節縣屠儀部  
隆上城隍神詛之後曇陽子祠位雷擊燬

王世貞

王元美先生每夙與燭下鹽櫛輒閱諸行狀隨草一  
志傳又成一詩出報謂肩輿頗厭旁列書供覽所坐  
書室設大在四隨事札記分授之經月一理夜客四  
人嘗侍飲有某別號忸怩嘗扶簪求題云使所贈者  
先生即曰鬱陶思君爾其捷趣類此

王同伯士驥先生之長子也先生與王文肅非同宗  
特契洽嘗共讀恬淡觀中兩家子弟比於鴈行萬曆  
壬午同伯解額第一 成進士文肅子辰玉衡嘗  
過之值其內擲不即出意不快會選庶常文肅當國  
謂瑯琊素不以詞林重同伯遂不預雖文肅無所私  
實辰玉意也故同伯怨望及文肅還里伺其起居輒  
示東林諸公銜于群口矣

司汝霖

巡撫福建右副都御史江陵司汝霖本汶上張林子



數歲失母江陵司鐘督運過汶上與林善乞為子年  
二十二登隆慶戊辰進士歷文選郎中太常卿鐘再  
受封後復姓改名汝濟卒年五十三遺書曰開府非  
早僚半百亦長世惟生我之劬勞吾慚負于天地

文在茲

萬曆

陝西初場督學

閱諸生試卷揭何

龍圖第一

文在茲呈七義謂文宗誤矣必我也

者非龍圖也督學深然之果在茲第一乙榜首龍圖  
次舉龍圖又第一  
無賴妄奏

萬曆

丹徒張昱奏其叔占收第一祖宋高宗駙

馬培賜物又第二祖蔡京丞相女奩物并祭吳慶封  
漢子冢寶物萬：湯顯祖若士詩天帝恢諧一字聞  
宣和遺事莫紛：獨憐千載推埋客不到延陵季子  
墳按金史宣宗興定三年十月癸未平陽判官完顏  
阿刺左廟識察霍定和祭宋蔡京故居得二百萬有  
奇准格遷賞職相封殖祇供後人官帑又供後人誣  
墨何不將六州鉄鑄其身於銅山金穴問耶

有司重聽

嘉興推官

既鑠重聽巡臺嘗問幾令郎曰外郎



二十四人滿堂笑之

無錫知縣

謁學師李師曰鹽臺于貴縣有說

荅曰已諭明日進硯問其故悞鹽臺為硯臺也尋免官

雙乳

嘉善錢士晉守大名有諸生兄弟四人貌各相視問之同乳二人生正月二人生臘月俱歲內記其髮偏全

徐大相論魯綬

萬曆吏部郎徐大相先以國子助教諭論祝監

魯綬不報綬內懼進跪異若干列几上上歎受之

適中宮至問所自中宮曰國子先生論人當不差

奈何受之上即麾出中宮去旋受之

許會元稿

同安許懈子遜辛丑南宮第一先是下第南還道匱

桐鄉祁昆陽值之贖五金子遜貽制義三十首

內食不厭精全稿祁應試錄之拔高等食廩又易義

售姑蘇酒家六甌後剗札關梓人購得之

梅花詩百首

屠儀部隆長卿求友人侍兒令即席賦梅花詩百首



長卿援筆立成因歸之

長卿佻達不羈先因宋西寧家狎飲罷官嘗游西湖  
泊舟西陵橋詞客滿坐語及前事忽曰宋夫人實絕  
色也衆為之匿苾又曰吾一夜可度男女十人歎縣  
吳德符充時在座為予言之

趙文懿墓銘

崑山顧天峻開雍志蘭谿趙相國志鼻墓簡峭嚴潔  
大有古法不似諛墓之習銘曰公初激昂時宜勇也  
公晚委蛇道宜漸也公學至偉邁科猶拙也公用未  
寔久相猶促也生為顯榮沒永寧也

張九德

萬曆己酉松江守張九德同知楊勳俱寧波人張守  
嘗出郡治門見治前大書一酉字畢滿一場賊而返  
楊問其故以實荅並不解其故後四十年乙酉松江  
陷

虎入城

萬曆丙辰七月晦虎夜入杭州錢塘門旦逐之踰城  
出不能獲湯鄰初先生煥曰虎及爪為虐虎入城主  
酷吏肆威

偶然咏



韓求仲太史敬嘗入內問妾今日何衣緋曰偶然何  
更換一書曰偶然兩言可念姚叔祥士彝遂賦一絕  
袖裡紅綃裏一編偶然應答語新蘄若教更問即何  
似嫁得郎來亦偶然

### 冥衣

嘉興通判某北人也嘗過市見祇神等問之曰冥衣  
也心怪之邑之成疾傳隸卒取冥衣來隸卒以呼名  
醫衣也召劉巽峰通判曰焚了時以為笑

### 榜豐縣

孝豐縣令某諱孝宗每榜示曰豐縣 又福建龍巖

縣北四十里孝山縣官始至則祭之為孝凶名或莫  
乃入知縣王廷圭改曰壽山自是不祭而皆無恙

### 携李詩人

萬曆間携李詩人頗盛姚叔叔祥起備書丘遂本天  
寧侍僧空梵也逐於岳氏走補嘉善諸生仍被斥以  
詩游薦伸問陳無功本龔郡守勉侍史積資官泉州  
府徑歷沈藻明德本吳氏舍人並能詩不諱其所出  
明德家設思主思我吳公之神位每遇人輒自稱名  
殷東臯 本村農車水手一錦紙書陳眉公過問  
則後漢書也因勉之成名



早稱

府衛州縣佐貳首領官見通判以上皆稱老爺典奴  
僕亡異萬曆間濟南歲貢王之翰選主簿見上  
官一呼老爺遽感心疾見人輒曰孝子慈孫百世不  
能改也竟死趙州選貢宋弘業選州同知上疏  
求興州縣正官俱稱上官為大人奉旨下部覆准通  
行弘業見巡撫遂稱老大人巡撫怒而笞之十五憤  
恚病死見家宰趙南星疏中

許令典

邑人許太守同生令典萬曆丁未進士嘗從官淮安  
教授壬子分考四川畢出游見成都人婚車餘從多  
白衣冠問其故曰孔明卒時蜀人俱服素遠者遂以  
為俗不之更也曰孔明孝  
太守往廟灣周氏適新進生盛服縱擠許膝下從者  
指為太守也許叱曰此處安有太守或問其故曰我  
不伐伊父母教也

陳心得

萬曆己未冬十一月崇德知縣陳心得廨舍失火延  
藝軍器庫傷放火藥卒今立祠

臂紋



秀水陳君一太史萬言嘗欠伸左臂隱：有攸旋膚  
理若動赤文中起寸許嘗過之乃玉筋篆一進字即  
以朱塗其文用楮印倒篆數紙鈎畫完然晡而少平  
見太史自記

印綬放花

鄞縣董侍郎光宏筮仕 退食案上印綬忽

開放如青蓮花良久始合尋右遷凡三放花至侍郎

趙南星

趙儕鶴太宰以葉相國孫 上書言事对人曰葉

臺山有孫魏見泉無兒時魏廣微來訪辭之魏曰我

即人可輕家亦可輕乎亡何魏因失廟祀見攻

魏廣微

魏廣微父允貞以清直名廣微雖世學經術疎畧同

烏程朱文肅因楨在閣河南上玉筮擬聖諭一道各

具草魏云人君得天下易得玉筮難文肅諷其改魏

曰其得意在此末年媚璫之旨駢四儼六多元城平

湖二公筆黃立極施鳳來

陳長祚

長祚陳尚書長祚以葉相國之師致八座相國解印

或規其引退陳曰雖年迫懸車而少子求蔭叙欲少



慰之辟如驢馬非不願息無奈人鞭其後耳

汪文言

歙縣汪文言以待兒事縣令施天峻見幸充庫吏蝕帑事敗逃入京久之夤事太監王安：時直東宮因善中書舍人嘉善魏大中侈附羽翼自云本武生大中轉掖垣於諸公前說為異人密託訪劾隨委隨應蓋上交冠蓋下結胥史故於投合益巧而借援正類感慨以發舒其意車馬如市苞苴日進傳應星今大中書善傳槐而吏科都給事中闕原許阮大鋮同縣左光斗恐其反覆仍計出之改用大中各致隙

括銅

天啓初太僕寺少卿徐卿伯括南都廢銅四十七萬餘斤輸北京二十九萬八千餘斤留鑄錢俱大內各宮銅竈銅溝等物

黃尊素

餘姚黃御史白菴微時有友人丞某縣館致之夕嘗酣歌令君曹谷聞之問於丞：言其實命戒之後勿復爾黃酣歌自如忤丞去聯捷已曹進御史黨逆魏敗名

銀錢分定



建德鐵工某欲往池州過七井山其上曠寂忽見白金無萬數作四塊堆某熟視駭異叩首曰維神貺如隻力何且迫暮先袖二鏹行十餘里宿村舍告之約共取晨往俱壘土也袖金入池州尋矣

嘉善李同知芳家梅溪里質甲邑中偶門外遺一錢者類穢物心疑之俄行者拾去遣問則一惡錢也同知歎以我之富一惡錢亦不可忘得另易之以示後人

天啓初海鹽橫山張氏蒼頭楊隨龍春日鋤麥坎瘞金若干俱刊楊隨龍名其主徵之不應被榜自經訟及主人大挫其產亦累死以阿堵物主僕俱斃故知管寧揮鋤不顧者有以也

### 倭佛殊報

硤石鎮屠者渡海禮普陀洛迦山同舟客某雖積虔以眩疾不輟葷累歲卜於神不許浸尋六旬決志元旦卜之利至是登舟謂風疾備脯少許俄觸風長年徧詣諸客其人無以應奈何以我故貽患諸君乎但乞登岫從之時抵暮荒山榛莽分必死良久見山上有燈意人跡窮其所往值途人告之故途人謂我舟便挈抵普陀迅帆乘風昧爽告泊禮佛下山而



前舟方至，駭問其繇，則積虔所祐也。屠者能記客姓名。

天啓丙寅，太倉王氏航普陀，且至，風覆之，盡溺。

崇禎

正月，大風雪，寒甚，斷舟，香客或餓凍死。

丁丑月，杭州天竺山香舍夜火，吾縣斜橋氏旅宿，以鑰其門焚死。

### 名刺

詞林以兩雍為外任，祭酒、通刺司業稱寅，弟還詞林，不復稱寅。

給事謁內閣，授刺，晚學生荅稱知生，御史通職名荅。

稱友生，萬曆末，葉向高入相，並荅知生，崇禎末，左都

御史李邦華奏改御史授刺，如給事，蓋聞之黃澍云。奉旨不知果否。

平湖趙無聲先生，維稟侍教，辨曰：世俗士大夫授刺

書名，但繫京袂，即止稱侍，不用教字。於是有以銅臭挂名京銜而目不識一丁者，公然效尤，以豪於鄉里。

則曰：京官體應如是，予謂不然。侍以分言，臣於君則侍子孫於祖父，伯叔則侍子弟於師，則侍其在交游。惟於達遵稱侍，則可平等交，何侍為？若教則無涉，不可自聖賢以及芻蕘，工藝苟有一言合道，一事可法。



雖王公大人亦將折節請益而以區區腐鼠遂謂天下無可受教見解抑何陋也此例想起於隆萬間予聞吾宗約之兄云鄭淡泉先生官銓部時通刺吾祖稱侍教生而不稱眷以非至戚也先生去今未遠要見爾時古道尚存今同省皆稱眷未足又益以通家而獨新一教字蓋驕浮日熾古道蕩然矣此不當責之諸銅臭咎在吾黨志復古者請違衆獨特之何如

### 通家子記

萬曆乙亥留都部曹諸人極一時盛且修先輩故事易子而課旬爲一各因所至考其最殿而摩斫之禮部蒲州馮竹坪公子撝謙年十六勞謙總七歲兵部則吳業何鉄橋公子右雍獲鹿曹嗣山子應徵應名右年十四徵年十二而雍及召與勞謙同歲河源李斗野子樹楨年十歲武進史禹門子志實少樹楨二年而吏部涇陽雒涇坡孫獻瑞亦七歲矣又上元俞邦揆年十八羽林前衛李承宗年十七蓋諸公教諸子館客之子也 駱問禮萬一樓集

### 書法

邯鄲淳曹娥碑真蹟今在太倉王文肅家 包長明說



陳叔度與曹能始論書曰有友工書但未絕俗奈何  
曰筆未拙耳拙則不俗

嘉興助教李曙巖原中曰凡人書法濃筆多天淡筆  
多壽

### 茅筆

陳白沙先生自製茅筆作大小書傳于世人莫能效  
之

### 產異

萬曆丁未吳縣石湖陳某妻許氏產夜又白魚後又  
過期不產一日治平寺僧誦經祈祐忽產一胞剖之

一銅法馬也重十兩鐫萬曆二十六年置

徐州吳瑞妻初生子歷五十四日忽嘔三角物數十  
滌之乃銀二錢四件五六日連嘔數升合之得大錢  
七十五皆有年號

### 朱國盛朱積述誚

天啟時工部郎中華亭朱國盛黨逆魏歷加尚書銜  
魏氏敗國盛除名鄉人朱積因宿怨同陳子龍輩上  
書刺之輒稱逆党積登崇禎癸未選<sup>榜</sup>庶吉士從李自  
成逃歸國盛誚為順党題楹曰寬着肚皮包世界掙  
開眼孔看時人



沈澹

烏程沈文定相國南司業時魏忠賢以事至重其才  
辦厚禮之且薦於同年浙撫 贈遺過望忠賢感  
之天啓初入相 科給事中惠世揚以太孝門生來  
謁勞閣人沈光一昏三日終不為通忤揚表首攻文  
定去

熊廷弼

輔臣丁紹軾馮銓上私刻像遼東傳因殺熊芝岡丁  
卒時見熊索命又王化貞同熊臨訛在道輒賄市人  
頌王詈熊

朱國祚

王司寇紀論沈澹削籍初朱文恪擬旨未苛 上自  
改從重時旨出人多文恪修怨司寇曰秀水長者不  
至是乃烏程構我耳  
鄒南皋總憲嘗入朝失足而仆 上色動文恪出奏  
鄒元標在萬曆初建言廷杖傷股至今遺痛幸 皇  
上勿罪

毛文龍

天啓丙寅六月金人遺毛文龍書曰古國家存亡皆  
天運循環其將亡也必災異屢降各處兵起其將與



也必天默護祐動而成功南朝運終死數未盡天使  
喪亡將軍豈能救之乎良禽擇木而棲賢臣擇主而  
事韓信陳平棄楚而歸漢劉整呂文煥棄宋而歸元  
此皆默識天時擇主而事名垂後世自古天生帝王  
不念仇隙只論功德管仲桓公之仇也不殺而相之  
遂成霸業敬德太宗之仇也不殺而將之以有天下今  
將軍縱竭力辦事君臣皆迷反受禍患南朝氣運已  
盡時勢已尽悔之不及文龍不報

董應奉屯田

董應奉奉屯田之命給帑金若干亟於成事出價買  
田業主包租董去任即廢蓋墾荒可久今本熟田何  
以永賴錢相國塞菴說

顧秉謙

顧相國宴魏忠賢窮珍極異覓竒錯四十盤令吏四  
十人頂献上紅僉書某味出某地又自撚其鬚曰本  
宜認子但不用我白鬚兒命二子台碩台砥稱孫立  
勞二百金壽忠賢文自稱通家晚生二子稱門孫祝

樊良樞

天啓丁卯四月浙江李使南昌樊良樞自還杭  
州登江岬失印三日或得之司前石獅口中尋出試



衢州投劾去

箕山

天啓二年五月杞縣趙太守彥復游百泉書院有客  
召箕云淮陰侯也問以遼事判曰好將國事與君籌  
將士無心欲解謀幸得天心猶未還看英武定神州  
又問又判云其自咏曰當年初構未央愁日月無  
光水倒流敢謂漢恩原自薄已令楚客作俘囚青山  
不掩英雄骨白日難銷天地憂我欲為君論往昔青  
衫濕透淚還流

戊子山陰白洋朱氏以亂召箕問避地之所在鄉乎

曰不可在城乎曰不可然則城鄉間乎又不可歷請  
其故曰不在劫中人無可無不可

魏忠賢

大監魏忠賢籍後崇禎二年七月晦吏科給事中李  
遇知巡視內庫同各官估計諸物抵文武官俸有花  
黎木雕花

彩黑彩漆黑漆螺甸各項大椅

二十五上有龍文風彩萬壽等字問之內監云神宗  
皇帝宝座逆賢家籍出又諸臣上壽錦幃崔呈秀祝  
壽文二篇顧秉謙賀六十壽文一篇張瑞圖慶榮壽  
序一篇黃立極疊承恩綸序一篇馮銓祝上公上壽



俚言百韻沈惟堡生祠記一首張宏德祝嵩壽詩一  
篇馮銓詩曰德稟乾坤秀身依日月光惟山寬巖業  
瀛海 汪洋甲代名方大於公 自昌嶽靈生伯甫  
苗裔出高陽文武人稱傑經綸世待匡器含喬九潤  
胸富甲兵偉畧高伊呂雄才生管商於榆 漢苑軍  
會際軒唐已識天顏喜還知楚賚良楓宸心膂切禁  
苑姓名彰玉佩趨長樂金貂傳未央袍分仗彩袖惹  
御爐香疏附明離照周旋互震暘前星初熠、幼海  
已決、羽翼商山手膺揚渭汭祥龍飛時放鰲鵬運  
遂搏羊博望真師友承華賴贊襄風雲應契合魚水

恰相嘗輔導歸仁術謨謀得智囊鼎湖丹再起玉几  
命重揚堯舜當我世臯夔佐我皇瑞圖星宿合合譽  
斗山昂曉日通丹陛春風滿玉堂儒臣闡竹簡元老  
展青箱雉尾雲彩扇駕離筇列行同占鄉月皎共仰  
客星芒剌表尊公望惟籌伏子房 猷規聖季 法  
正乾綱大有時方泰中興衆所宗英才初彙拔宵小  
或顛狂箝筆若鳴鳳盈庭起涕泗玄黃將易色同異  
各胥戕不有風雷震幾令宇宙茫燭龍開朗耀魑魅  
息披猖求舊存耆耇維新洗肺腸闢門等上帝重治  
法前王黔首沾膏潤玄穹賜福禳苞鸞儀類洛寶璽



見臨漳部奏清河瑞家在樓畝糧天人同叶應中外  
體安攘文石繫天柱靈鰲駕海梁統志扶社稷壯志  
掃摻槍時不修刑政軍興只換糧鴈門無豕牧雉堞  
回金湯扶繡從天府投醪自上方律師遵豹畧驕虜  
敢鴟張九載逋逃寇一朝思啟疆羽書連上苑烽燧  
達長揚更有機閭巧番來輦轂存虺蛇生肘腋胡越  
隔蕭牆究計潛相應泉心未可量公車  
碩畫黼座  
獨傍徨非得宗臣力烏能薄海康運籌先祖亘決勝  
溢疆場太白隨旌指昆吾早劍鋌有奸皆鼠讐無賊  
不琅滄麟閣分彪炳雲臺共激昂有功必上賞 德

五 償胙土 家業分茅 在帝鄉山河延奕葉闕

閱盡冠裳吳漢推平虜平开實破羌匪夷來并服既  
脫化蚕桑九塞威靈赫三朝典盛衰梯航歸玉帛瞻  
視蕭巖廊顧予茅茨地寧容荆棘  
營 經勞<sup>營</sup>劈畫樽節

備周詳桐梓供挺楸楸在棟梁子未仍勿亟農事  
更無妨宸極端表冕中天啟闔閭百靈咸受職萬國  
盡趨鐔北卦龍蟠去斯干虎拜颺嘉猷高且奭大國  
闡姬姜帶礪申盟誓威儀異壁璋上公崇特進七廟  
儼蒸嘗玉綸褒渥離兮頌什煌尊庸先後意史冊萬  
年芳畏壘多尸祝江濱徧帶棠承恩宏甲第開宴沃



春傷嘉瑞生芝圃  
輕裘解鷓鴣  
攝陬貞孟月  
晴旭送餘涼  
譯餘玄雀瑤池不彩鳳  
上台輝燁々南極映蒼々  
鼎熟珍羞味傾沆瀣漿  
大官頒御饌  
笙響振幽篁  
雅樂登歌統和声  
係占饅玳筵青玉紫  
丹餌紫瓊霜  
王母蟠苑日安期  
大葉瓠添筹  
勤海容托戟列朝  
卽壯志干株樹箕畴  
五福章群情勤九錫  
獨坐引双黃  
元宰無窮壽  
朝家有道長  
嗟予才朽落  
念我學涼  
樗散原無用  
榆枋徒自捨  
明公垂顧眄  
溝壑被青黃  
知己稱奇邁  
稊躬竊慷慨  
有懷惟鏤結  
消渴歎膏肓  
虛負雲天義  
安能寢食違  
唧環息莫報  
結草德難忘  
齊沐通魚鴈  
誠戒管篥願言千  
紀壽長進九霞觴

黃汝亨

杭州西湖立魏忠賢詞賜名永思浙撫潘汝楨倡之  
祠始成郡人黃憲副汝亨卧疾不可起魏氏敗有奏  
汝亨以入祠勲論被詬辱忿死則流聞悞之耳  
中書舍人新安吳懷賢幕客程于古偶閱邸報塗抹  
蒼頭怨恨賢評於東廠捕下獄懷賢承之掠死宗禎  
初贈  
始禍不自樂歿預其榮人事真不  
可測



余煌

會稽余太史煌事親篤孝既顯貴父幼美自期進取不拜封命俄歲試下等太史通家居令赴季使代朴勉如命宗戚中阻改令少子往自是謝逢掖受章服之榮

天鑒錄

錦衣 胡岐山太監胡良輔從子也寓京口往來吳越刺援陰事德清蔡奕琛以置海亭中書吳中秀家嘉興岳和聲虞廷陞合謀作天鑒錄謂東林枉做小人不東林羸得為君子列名分注凡五百七十人品目三日夜書成託浙撫後埔把總 密致之逆賢以把總其寄腹也又五千金託岐山壽崔呈秀謀為起中秀

郭之琮

蒲州郭之琮萬曆甲辰進士歷宣大總督嘗述風生輪迴之苦本蜀人請書山寺中捨爐灰得二十五金蓋老僧所藏致憾死書生亦沒罰作馬其主富人即老僧也被騎箱負肩過鞭箠後轉生某氏出胎方浴自喜為男子舒手連聲曰好其家怪之互溺死又生郭家念前死九歲不言偶讀一壽文父駭問因詳其



故自是夙諳經史居官記前因勸人惜馬

孫承宗

先帝好脩飾言貌孫愷陽相用嘗面論兵餉云肚子裡飽可戰 上曰何其粗也間引疾溫旨宣諭曰好出來了

閻揭

閻揭萬曆前不數進事閻重密元輔秘啟多所嘉納先帝時屢瀆視為故常不復經意

先帝儉德

午日例賜諸臣扇扇崇禎時寢之

賜大臣上樽茶之或江南白酒蓋 中宮蘇人故多

吳釀

午門外廷臣待漏向懋內臣直房供飯例酬一緡上禁之俱震坐松柵下

周或

嘉定泊周或朴謹諸子粗鄙雖貪資大不如田氏嘗飲吳駿公太史太史問 中宮異兆曰有之少時某姬來命出拜之某姬遽仆地今想之或不足當其拜耳

田弘遇



左都督田弘遇故博徒亡賴走往安紉中軍官為御  
史房可壯所捷免歸天津多養女御史 吳阿衡  
巡城時納其女云貴妃女弟阿衡坐事下獄論死因  
田氏力得釋揚嗣昌本兵迎合田氏推阿衡邊才歷  
總督蘇遠飲酒好婦女戎備弛廢嗣昌言其不可阿  
衡疏辨有云臣繼妻即 皇貴妃之胞妹也又云臣  
陽痿不舉 云給事中葛振糾其借援宮掖語極穢  
褻亡何敵入墻子嶺是日總鎮太監鄧希詔誕辰  
阿衡及諸帥各往賀不及備甫宴萬騎踰嶺矣阿衡  
起坐車禪時出禦勢莫可過走一村堡被圍數十重  
越二日而陷其家在鎮亡恙弘遇挾勢黷橫造請朝  
貴權出嘉定周氏上辛巳來江南過金陵收子女珍  
異亡筭故太學吳興茅元儀之妻楊宛本吳倡也善  
琴書弘遇至茅氏求出見即贖以歸壬午道臨清幾  
陷敵潛免八月貴妃薨稍斂戢明年奏進其少女少  
女年十四有殊色從楊宛學琴曲不再授 先帝納  
之累月不朝弘遇善誘致富人鬪葉子接坐決勝左  
右陰為地富人懾手博竟大負至數千金弘遇立  
置馬廐中責進不少待凡傾數十家金陵太學某悞  
餌其術一日罄產五千畝亡何弘遇卒明年長安陷



田氏逃民間今為貴家妾

陸完學

大司馬太倉陸完學協理戎政再膺錦衣時大監曹化淳提督或問其方曰自去自來梁上燕相親相愛近水中鷗專事唯諾竟得善去費縣張四知代之郊錢請教曰有四字相續贈行所無事耳費縣初不以為然已悉如其言所批牘輒日照行一日語吳駿公太史曰行所無事貴鄉陸翁見教甚得力吳曰國之大事在戎何云行所無事費縣無以對未幾直內閣

周道登

吳江周相國性木強不好矜飭一日侍朝默咲先帝視之詰其故不對亦不謝既出華亭錢相國尤之曰已笑矣奈何上自此寢疎計聞僅祭一壇予半盛典禮雖薄猶同官幹護之

綸命

百官馳封詰勅屬詞臣贈官詰勅屬中翰崇禎初贈高攀龍詰命許士彙擅撰被免凡京營河漕撫按鎮巡等物勅書俱累朝成稿不易一字或當增改經閣臣題允始得命長山劉相國鴻



訓以惠安伯張慶臻提督京營勅書擅增數字下獄  
戊代州

### 張勇

華亭侍郎張侗初勇學行著稱夫人陸氏頗妬悍侍  
郎苦之沙門達觀有道術侍郎以夙命問之令持呪  
虔誦半載當自悟也至期恍覺前生戀伎

某登第負之轉生陸氏

### 起居注

上初命史官紀注後召對漸任喜怒慮未可示後罷  
之

日講六人專司起居已執政多奉密諭不欲外聞仍  
設起居注

### 錢謙益

常熟張漢儒本縣簿佐史也陳侍郎必謙筮仕初入  
幕後忤意榜曰革退張漢儒不許復入漢儒恥之已  
隣人失鷄詈及漢儒以隣屋為瞿給事式耜也漢儒  
通刺自白瞿不納曰陳氏逐客何刺為漢儒恚甚入  
京欲訐必謙會邑人陳履謙以家累逃京師怨錢侍  
郎謙益速其訟語漢儒曰陳益吾無大瑕隙宜先牧  
齋也又松師單良臣嘗上牧齋六字訣曰款曹和溫



脅張歎曹謂司禮太監曹化淳也和溫指烏程相國  
脅張指漢儒良臣隨自泄於履謙之子履謙同改為  
激溫脅朱朱蓋撫寧侯國弼也撫寧方恭烏程即上  
揭化淳化淳大惧不欲居歎遂盡祭烏程怒牧齋事  
而下漢儒履謙并武舉王蕃立枷死蕃屋本陶氏後  
歸錢氏納價又折之恨極訴京師

### 何吾騶

香山何象岡相國以未腰玉嫌元輔不加意錢塞菴  
曰毋妨雖未腰玉人視之同為陶老何厚玉之異  
嶺南巨宦何太宰熊祥黃宗伯士俊何相國吾騶陳  
侍郎子壯並鉅富於桑梓不甚稱也香山專取海侍  
郎至竈盜御史李雲鴻按粵劾子壯朝議不悅例轉  
雲鴻

### 程國祥

程國祥清望素著入相後頗迎上意啟其瑣屑始  
搜民間房稅

### 虞山後輩

常熟楊子常彞初以太倉張采張溥謁錢牧齋時同  
社薄其文已采登第溥又出宜興周相國門牧齋友  
因之通相國



李長庚

李夢白太宰朝罷例揖閣臣時方更選法太宰述近  
議倪鴻寶云云溫相國體仁曰此事老先生自主與  
倪鴻寶無涉

傅冠

崇禎戊寅六月刘宇亮傅冠直内閣是日值經筵傳  
敷陳剴暢進退詳雅上退入煖閣諸臣尚佇竢傳  
上方酌定枚卜諸臣出及門知傅等大拜

楊嗣昌

武陵相國本兵時丁丑覲政進士二十六人各授以  
揚襄毅博集示勅嘗曰今日盜熾須十面埋伏法殲  
之否則我東馳西騖徒圍走見困而欲增兵先議餉  
必加派彈一二年之力庶可蕩平進士歛縣洪天  
擢曰老先生策甚善雖民力有限果一二年蕩平有  
何不可若猶未也民力坐困將若之何本兵色動大  
不懌

平島刘吳教兵潰上中夜召本兵問計对曰毛文  
龍牽制建州有名無實文龍死留島兵無益不如撤  
之今未撤而潰於我非有損也明日本兵以語朝中  
翰林編脩楊廷麟論楊嗣昌庸臣非奸臣嗣昌大恨



之謂奸狁可也乃庸我乎出麟兵部主事監軍謫

戎備

戊寅烽火徹於京師大司<sup>馬</sup>登城見單騎驅難民二三百人繞城而走命開門祭兵擒之將獻俘訊之則胡婦也職方郎

笑曰且未獻俘待吾輩用過始

吐氣

工曹鐸械日不給忽命造狗籠一千時有言獐犬鼠警令登城司夜不虞掩襲從之宋以羅江狗為笑世固未嘗乏也

中府僉書謝弘毅嘗侍班召對詞臣某遽出奏火器

不可不備 上恚曰朕未嘗問及尔所對云何某叩謝

作文法

粵東某生謁太倉張太史溥其歷試草曰因緣簿游塗所著云山水志俱就實且懇作文法太史曰毋炫竒也如因緣簿仍名歷試草山水志仍名南游草斯得之矣

王思任

山陰王思任恃才傲忽崇禎 冬諭停刑是日會

徐九一汧於朝房九一笑曰此盛德事也可謂瑞冬王號遂東 王荅曰此亦九死一生鄉人張汝懋其門



生也過其家聞鞭朴声張曰命奴市鴨子云主人不在鴨子安得有主人王笑曰箕子為之奴鴨子獨無主人乎

夢有字

崇禎癸未五月 上夢有人書一有字以語內臣或曰此大有之祥俄會極門上疏言 陛下夢後語內臣某又某以為詳臣竊以為非利益有字則大明去其半矣云 上怒甚下兵科郭 跡其人不得又下錦衣衛帥駱奉性跡之終不得霍達曰此即賊奸細也

武備

崇禎時杭州各城門軒廠撫臣某命兩旁各砌三尺餘隄其闔蘇州城塗以石灰以是言倭徒供識者二噉張次仲

張元祐曰今人沽名釣譽輦金輿帛竭精殫智終無所成而古人或一事之誤一言之出往々詠傳於後及成不磨所以人貴自立耳

元祐論樂之實手舞足蹈如伍員鞭屍黃香扇枕老萊子戲采皆是此

心竅



唐辰山西大饑人相食剖心其竅多寡不等或無竅或五六其一二竅為多心大小各異

周延儒再召

宜與再召都督杜文煥日章趨其家告曰相國聞命例疏辭而今事亟矣寇胡交江勢不兩顧其關係在松山之師稍有蹉跌大事去矣相國既辭即宜附密奏撤師松山回守關門蓄力併銳猶可支也若待相國入朝而圖之度行程三四月則松山隕矣關門豈能獨禦哉上待相國厚言之必听幸速為計宜與湯應之殊不置意及入朝東師果潰而九塞之精銳盡矣都督以語吳駿公深用追歎日章博通經史二氏善五七言律

孫傳庭

吳駿公太史嘗請事宜具如兵食河漕等當若何宜具但曰有督撫等任之並無他語涇縣魏炤乘并研陳演接朝士並曲謹未嘗涉時事并研即瑣語輒左右顧始祭實皆寒暄酬應之支飾也

中丞孫傳庭自陝西勤王獨不召見自疑懼托耳聾求免上不許陰令撫按道府偵之各稱其蹟先是過易州所部兵頗道橫辱季正之弟適按臣委



學正伺報於是季正報某日接某人飲某人非贖者  
按臣乃以實聞下傳庭獄撫道府諸臣俱落職

### 曹文衡

薊遼總督曹文衡既削籍楸坊於里忤縣官手搏其  
面縣官大怒杖之二十下獄

### 阮正中陰德

丙子海鹽訓導 阮正中恬潔自勵署桐鄉縣事  
三月積千金為吳給事麟徵所重得宰壽昌決歲殆  
四千金竟覲温州同知時巡臺金壇鄧鉉出壽昌隣  
官某之門以八百金壽隣官某鄧鉉許之尋卒未及

薦正中嘗候隣官某某謂其索負苦無措正中曰某  
非求償者慮大人介臆特相慰藉言之不諧命也願  
勿再及其官原乙榜窮老止一孤孫命出叩謝俄巡  
臺來又某門生泣告其事巡臺曰此足徵壽昌矣特  
疏荐徵拜 科給事中正中辭巡臺巡臺曰公陰德  
非人所及始知某官之力也又餉之三百金不受

### 白楹園石

聊城進士白楹治園於臨清輦二石致自章丘頗幽  
麗德州謝太宰陞求之不與謝方典銓補楹盧氏令  
被寇死濟寧楊士聰詩吳寄烟巒粗適意禍貽花甸



杳歸魂

科第陰德

隨州程鐸崇禎戊辰進士授惠州推官庚午分考閩  
闈撒棘語門人曰吾輩進身雖藉文字而積德尤為  
之本予記公車時舟泊一渚是夕北岸民家失火有  
婦裸奔投水予呼僅救之入舟恐僮輩有他意坐守  
徹夜解衣之凌晨歸其家而行是婦見疑於夫謂  
倖生逐之適懷妊不能明也還母家後奉子岐嶷可  
愛少即補諸生雋鄉榜戊辰同禮闈初場稿畢拍案  
叫絕俄燭盡其角自度不中格未賸真步於號房  
見隔坐老孝廉苦坐奉稿受記其姓名乃程鐸也鐸  
因奏名成進士少年來訪懇問素履湯以前事應之  
少年泣拜曰公真長者吾母常誦此事無路訪覓今  
借以七義報於願足矣乃述母見逐之故其寃始白  
故知陰德灼灼不爽也備叙顛末以為門人訓  
鄞縣邵仲陟已郊館袁花祝氏赴秋闈寓婦竟抵之  
仲陟不應侍女間遺茗餌麾卻之或婦自至避不接  
且戒祝氏僅勿以語人仲陟竟登榜

吳培昌

華亭吳培昌率仁和黠貨時歲饒借完漕貸富民五



萬金半私其橐營薦五千金內召還里即被劾請  
西臺直掇之耳兄事攜李吳昌時同舟而北志意驕  
溢癸未四月河南道御史吳履中同嘉興曹容給事  
中長沙廖國遴松江楊枝起平湖馬嘉植等集松棚  
下履中曰將來匪人玷臺矣公等何不糾之問其人  
曰吳仁和也各言其贖貨以隣近未便糾國遴又他  
對時試御史大吳寧承勛以堂考次等當調國遴諷  
履中從史之履中遂語承勛曰君授職來曾被考乎  
曰前被考未實授履中曰君能論吳培昌則臺端生  
色矣承勛唯唯云渠事未詳枝起溶請任之枝起列  
事狀溶繕疏以承勛名上得旨下培昌撫按勘理培  
昌道德州見報駭惧亟返昌時怒言路謂此非逐培  
昌乃逐我也兼城入京偵其事陰代且具揭言路喜  
中人往々不懺面借陷如吳培昌事寧承勛何曾稔  
之實枝起溶等嗾使 陛下試召問則立破矣  
上尋召府部大臣對訖手勅召承勛不知所出 上  
曰爾糾吳培昌能誦其奏乎承勛惘然 上曰即未  
全誦事可悉也承勛勉叙一二 上笑曰奏不自出  
當指其實承云款服而退各責回奏承勛趣枝起溶  
商之承勛回奏培昌稔跡甚著臣謹當糾第路遠未



詳訪之枝起溶非有他也章上不問枝起溶亦回奏  
不問而昌時憾三人甚托給事中常熟時敏伺三人  
起居三人謂敏同土傾心告之且求為昌時地不知  
敏賣三人於昌時也會推孫晉大同巡撫昌時啖且  
與揭國遴等有私國遴枝起下獄溶解官听勘而三  
人尚乞援昌時其見賣久矣

### 熊開元

嘉魚熊開元萊陽姜採言事下錦衣獄密欲令都督  
駱養性死之養性私語同鄉廖國遴國遴阻之母殺  
言官行疏救之矣明日疏上果緩其獄月餘國遴與

同官曹良直飲酒語及之良直曰駱受密旨安得少  
泄不佞且以聞國遴初不為意良直果疏上留中養  
性聞劾大恐竟欲自裁已絕無耗一日上手書召  
勳武射并及都督駱養性益大恐射得三矢各賜茶  
養性不敢受奏臣服罪久矣因述前事 上不問始  
自安

### 董象恒

雲間董中丞恒撫浙有綏靜之德坐累被逮甲申三  
月許各囚納贖董贖浙人在京者疏救既輸金旨未  
下輒出獄又浙人焚香迎於司寇門其人爭金相詬



東廠伺得之欲以聞董即夜潛入獄

兵疫

癸未夏秋間畿內大疫營兵半空大司馬以餉匱竟不補至悞國

蝗虫秀才

庚辰辛巳間山東大蝗許收蝗五十石補諸生時呼蝗虫秀才

佛灾

庚辰二月十九日杭州錢塘門昭慶寺火銅像燬尺東廡伽藍三像二偶如故屋雖燬神製無一損豈佛

之灵不及伽藍耶殆有不可解者初万曆間賜大藏經嘉興尚書岳石帆元声見經籤零落奉入嘉興金明寺求善手整之得不毀

吊沈何山詩

秀水朱侍郎大啓 吊烏程沈尚書演尚書演亡子客至不具賓禮感賦一絕術士俱傳不死方臨期一着費商量無生無死原無用莫向留城孝子房

武塘詩

嘉善進士徐遠負錢相國子錢因責進遠致相國書附以詩得好休時便好休蘆花滿地燕飛秋黃鸝唱



晚日西落兌見門前水倒流相國返其書題曰馮君  
滿用一帆風波後推波敗眼中莫笑寒巖無煖氣三  
春花柳總成空

孝陵碑石

辛巳 孝陵重立神烈山碑石戶部給石價四千  
百金石出宜吳山中實七百金

劉宗周不損俸

劉念臺先生上部侍郎時烏程倡百官損俸助馬先  
生獨否曰朝廷以此券庶不宜自薄

市廩

烏程朱文肅相國 國榷同年僉事朱汝器雅相厚非  
族也文肅薨少子中書舍人紳利汝器子謙之金許  
廩叙而紳以刻郡首朱大受疏六上大受祭其私又  
文肅祖墓在長吳守者朱國彬盜宰木以見罪冒族  
父名許紳市廩下紳刑部獄死紳嘗買伎俞楚烟以  
觀歸

借屍脫囚

崇禎五年高平典史張 悅囚婦許氏借丐婦屍  
為許氏陰匿於官舍秩滿還富平隸人祭其事逮張  
至抵死



南內盜

辛巳十二月南京大內西宮火以盜利其銅火之  
壬午四月盜秘色瓷器五百件

收生婦

庚辰九月癸未收生婦王氏孫男李化龍王化姪錢  
天祐俱着與冠帶總旗兵部知道

清豐義士

壬午北兵陷清豐執知縣馬中驥諸生某力救之非  
令君也乃歌者中驥果以歌免某被殺

范允臨書屏

姑蘇參議范長倩允臨幼子與徐太史勿齋汧議姻  
或惡長倩以徐館選必絕婚得之長倩拈古事書屏  
曰長慶中王起知貢奉欲以白敏中為狀元嫌其與  
賀拔甚往還密令親知致意敏中躍出悉以實告曰  
一第何門不可致奈何輕絕至交相與尽醉起聞之  
曰我比祇得敏中今當更取賀拔甚矣

梁州杰

梁州杰故嘉善丁清惠公賓奴產子朱姓侑塾補諸  
生以點猾忤主除名出亡遇山西梁某父事之挈歸  
冒氏籍登辛未進士歷咸陽曹縣令好貨請死楊州



州杰初第刻稿瞽瞍北面而朝之其文有曰謹具田  
間大老奉申天子親家時以為笑

### 陳美祭

上虞陳木生太史居鄉豪逞賈怨閭里壬午家大疫  
止一幼孫召餘妣醫者史繼燭及史至門若神鞭其  
背謂彼黷橫不當療也因仆地而蘓幼孫孺絕

### 陸員外贈妾東

嘉興梅溪里李明嶽無子平湖陸員外嗣端澄源贈  
以燕姬東曰北地佳人盈一甫筭東方才士鬢一有  
須割我下陳侍卿中幄驚柳之長條初折梅溪之遠

黛方新紅拂善相李郎庶幾俊眼黃衫俠客霍女洵  
是竒緣拜姑長嫜身乍分明叙姊妹心休見別豪豈  
同於換馬喜或媿夫乘龍曉祭棠舟祇合湯歌河畔  
柳夕開油壁想應懽見畫中人陳媛咏舊官詩我不  
更逢山下杜老賦新婚別君其倦問水濱時欲游粵  
聊採微芹以充合卺願言種玉用慰推雲

### 王介人還妾

乙酉九月梅溪里王翊買妾張氏蓋難婦也明年丙  
戌夏還其故室作滿庭芳詞題帕贈之九月冰衾三  
春香袖客游多負蛾眉一魂自守掩抑待歸期私惜



閑情半枕宵征，肅星影相宜，殘酒柔聲，附耳片刻，倩  
郎陪。窺粧今未幾，旋傷遷次，對眼看離念，堂前去。  
燕故壘，重樓珍重，紅樓小帕，沾餘屑，檀氣聞誰新詞，  
與能將好夢，寄我數行啼。

江南邊聲

癸未春夜飲張藐山先生留署中，聞行歌者，歎曰：此  
邊聲也。乃在江南乎？今思其言，即辛有伊川之料。

三區方略

南昌黎博菴元寬督學兩浙，癸酉七月大考諸生策  
問三區方略，多不能對。蓋吾浙參將四，各分一區曰：

折西曰寧紹，曰金衢，曰溫台。時浙東患海盜。

馬玉

燕伎馬玉擅美壯里山陰，余狀元煌欲娶之，偶朱錦  
衣席上，侑飲歌琵琶，記中滿城中許多公與侯，何須  
羨狀元，余意頓阻。

陸澄源刺黨

山陰都諫陳爾翼，党逆魏除名於錢塘西湖，候陸員  
外源澄問近况，云有甥女陳曰君遂，作公一矣。員外曼  
聲唱曰：公公一日登九五，福似天來大。此劉瑾傳奇，  
語陳慚而去。



薦賄

崇禎末士大夫苞苴輒千百金苦於賈重專黃金美珠人參異幣時都門嚴邏而徑竇愈廣癸未大計錦衣衛南鎮撫司僉書山陰壽宜為鄉戚寄徑累羨餘八千金世事可知矣

都諫娶娼

雲間許都諫奢鄉娶王脩微常熟錢侍郎謙益娶柳如是並落籍章臺禮同正嫡先進家範未之或聞

巡臺私從

巡按向獨身赴任 祖制行李八十斤出不馬食不

鷲今遺規漸尽惟單行如故崇禎丁丑邑人葛徵奇按廣東携一庖人弘光初沂州彭遇臚按浙至携金家

鄭芝龍

鄭芝龍少亡賴走日本小名凤姐年二十一從李旦還閩航海行劫嘯聚頗眾同輩二十餘人莫適為長各約投甌於海不沒者為雄獨芝龍投甌不沒眾因推戴嘗值颶舟覆及風息舟之貨具在按宋福州鄭廣以海寇授職對群寮吟曰鄭廣有詩上眾官文武看来總一般眾官做官却做賊鄭廣做賊却做官滿座慚噫不謂今鄭氏萬倍於廣也



誦經減煌

本兵楊嗣昌請誦浴華經減煌

追封母后菩薩

崇禎十三年追封 孝元貞皇后曰智上菩薩 孝  
純皇太后劉氏曰顯仁九蓮菩薩

癸未選館

癸未九月望廷試貢士傅胥訖以守令闕人命進士  
減規政一月閣臣請館選奉 高皇帝位於閣中示  
其無私非制也嘉善沈沈預選俄易魏學濂  
魏孝廉壬午舉南榜擢旗於門顧孝廉之名義紹忠

節之家風私印曰一門忠孝

海鹽陳梁弔子一詩扁舟弔子一無言意黯然手持  
一端葛為致阿母前子一曾過我貽我絕命篇初竟  
置不讀一讀泪涌泉初念死即死轉念誰能堅貴人  
莫太苛子一亦優焉不如子一者高車何軒、  
華亭李雯弔子一詩亂世身名可自由恨君不及鄭  
台州劇秦新論何曾草月旦家評總世仇

錢弊

崇禎時錢法日壞薄小如鷺眼荇葉南京禮部右侍郎  
錢塞菴入相携戶部夾鑄錢若干欲上之為烏城程



所阻

祭未冬錢法侍郎

請禁萬歷泰昌天啟錢止

行崇禎錢而崇禎錢少一時苦之都市常曰拿崇禎錢來或應曰崇禎能有幾日識者知其祥<sup>非</sup>

降級

崇禎來中外官降級甚多仍陞遷如故帶降級字惟守令必開復得轉咸欵淹滯巡按山東監察御史陳降九級書奏云巡按山東監察御史降三級又降三級又降三級臣某松江知府方岳貢歷十四年歷降三十級夫御史七品降九級郡守四品降三級幾無容地而猶衣豸橫金也章服不足榮功令不足畏矣六朝時降罰白衣領職豈謂是乎

訓儲

先帝好孝不輟其訓儲亦然一日宮中有慶暫假假語閣臣曰東宮又荒疎四五日矣見吳忠節麟徵家誠要語

閱武

先帝力能開勁弓外解弓弩多駁回所頒行間皆不能用造甲每利矢陷之駁回於是甲或厚一分有餘過重難堪

玉堂薈記



孝陵樹

崇禎十年脩孝陵凡樹萬有二千九百五十七株  
刪枯樹五百八十六

後湖

崇禎四年脩後湖冊庫柱刊匠人名氏十年不壞始  
免議

陳際泰

臨川陳大士深於經術盡日可草制義三十首  
選貢庚午奉於鄉甲戌成進士授行人年六十五猶  
善酒御內辛巳送金谿蔡相國之喪卒於家

撫州人因大士之教生徒立業俱尚迅敏辛巳嘉定  
侯廣安峒曾視學江右正考儒童訖仍大收眼試七  
義稍欠輒加杖有差他郡少者數人多或數十人惟  
撫九百餘人患其衆特簡七日曰日月星辰曰鼃鼃  
蛟龍曰鳥獸魚鱉曰干戈戚揚曰麻縷絲絮曰江淮  
河漢曰梓匠輪輿共錄四十人以額限實不勝收也  
其減責者僅二人

凌駟

李建泰王錫衮丙子主南畿試時各省卷磨勘各有  
停筆建泰等計必不免遂自語禮部以凌駟桑苧停



科芸年二十二駟稍長命下駟除名停芸三科駟不能還訴建泰生雖不敏奈何以駟塞責也建泰語阻許館之殆百金且任其完復庚辰不復至壬午收籍癸未成進士建泰出師上問贊幕者誰也奉駟任兵部職方主事建泰為順賊所執偉其貌知李姓拜稱皇叔閉深殿中賊去清人入大內開殿得建泰仍相之與涿州不合引去而建泰之督師也山西

為裨將幾被僂憾之至是証告建泰通叛逮入京鞠之不實某坐誅建泰得宥駟事弘光朝拜御史巡按河南至歸德度不支夜自經

### 王漢

嶧縣王漢丁丑進士嘗與同年包長民坊陳大士云先兄以無辜恐身亦不良死大士曰曹公赤壁之戰足下且為荀文若可也王應豸其兄

### 丹銀

沁水張都督道濬好方術謂丹客俱語人偶平陽人傳方試之並驗都督欲授余不應又有小方日得銀一鐶吳興毛茅止生維請其法遂廣作之謂余不妄作者傳之日佐薪水可也余辭曰寒士命厄正惟是半菽不充藜藿無措若日享一鐶則腹且果然豈



上天見困之意。或嘗見稗官家言。吳人某好丹。偶延方士某。試作黃白。殊驗。特宴之。方士某。總奉箸。願脫此事。往。多陰。遣僕。雖長。餓。不願。聞也。

### 金箔

宋杭城人周承裕。私鍊金為箔。鄭仁澤市千枚。轉鬻他州。事敗。全家徒配。轉運使陳堯佐言。仁澤情同罰異。不可懲。奸乃定。轉賣者。減造者。一等著為令。田汝成按秦漢以前。餽賜多黃金。江左後。白金盛行。宋人謂黃金之耗。在於佛像。夫佛像固足耗。而今日之濫。莫大於屏障。榜署。箋筮。器飾之類。歲耗不可勝計。如金陵蘇杭。製扇徧天下。其糜金箔。何限。恐佛像不足當其十一也。推此一端。律以宋事。庶乎有警。

### 時敏

初餘杭大滌山洞中。有異人寓焉。不知其年月云。吳人也。嘗出遊。值筆賈為吳中故人。相告。舊云。能見坊入洞。初黝暗。勿自阻。即得達矣。當有以少報久之筆工。尋山洞如其言。深入。劃然天開。見異人坐石牀。延接。甚至謂子貧。或外人托。向未來事。可資給朝夕也。於是屢往。來為常熟。時敏子求亦托筆工。致問云。功名歷。第甲申三月十九日。切勿在京師。敏成進士。



除海寧令对所善諸生若輩游宦甲申三月十九日  
切勿在京師因述前指敏調安陽又調固始邑娶婦  
某擁貲數千萬鄉居時寇警招之入城令捐助先後  
不貲迨寇偪驅婦出城被難同籍其家已遷部主  
事結吳昌時求預考選召对上臨問手注御史出  
語人曰猫頭補子豈人所著則宜具密揭改兵科給  
事中甲申正月調金華守上書自明又得留尋從賊  
除巴縣令御史蘇京除四川防禦使敏即脩謁盛飾  
短後衣長跪已遁歸昔鄭相如告鄭虔曰天宝十三  
年逆臣僭亂當得偽官願守忠節時開元三十年也

後安祿山反虔陷賊署水部郎中虔念其言稱疾求  
攝事平虔減死貶台州司戶夫天宝十三年與今之  
甲申三月彼二子獨不能豫避之耶亦何貴於前知  
也司戶亡論敏且外遷適當其幸至上書乞留豈非  
溺於津要附宜具未足轉於附賊矣

### 吳之後五議

南渡初

堵生吳之後上史相國五议

漕糧兩石而運一石今湖廣山<sub>江</sub>西流而下浙直一水  
之便俱數日可達京倉漕糧在湖廣今楚鎮撫对支  
在徐泗淮揚與淮揚鎮撫对支隣近盈餘即解京倉



在昔水耗緣途運艱京倉存積數年故有鼠雀朽腐之額今糧本年支銷所存京倉幾何過夏加一之耗足矣對支可無耗也浙直兌例每舡正來<sup>米</sup>三百三十石凡百石加九石八斗十斛三尖一舡月糧四十金行糧十六金每石車腳蘆蓆茶果常例之費二錢有餘而湖廣江西耗有加六加七之異使費倍之歲舡小修三年大修五年大造又外帶六十石每石水腳一錢五分耗米加一之五更無他費則今日四省運糧京倉途近軍便較之遠糧可以類推也

白糧三石而運一石獨蘇松常嘉湖五府有之共二十萬十七石例耗米三斗春辨二斗六升本色四斗折色四斗折銀二錢嘉湖水腳每石六錢雜項之費不與焉今奉旨明年改折一年正額外即餘米十萬有零以佐軍具

九邊已絕開中米年南京概給新引兩淮仍五錢六分兩浙每引四錢浙鹽計四十萬引淮鹽正浮額八十餘萬引除湖廣河南殘破少行約三四十萬引每引又庫價式錢三分淮浙可得四五十萬補正供之不足

松江細布三疋而致一匹今宮寺不過數百人所需



幾何官布亦便細布十有餘萬編審解戶諒助貼價折可十萬

大派改造 祖制十年一派係浙直福建十八府并唐德州供織上用如金花蝦大红錦每匹至二十餘金又鋪墊一兩七錢共計十八萬匹又細造六千匹如虎豹緞每匹七金鋪墊一兩二錢 皇上登極例有只孫團花亦應動支二十餘萬更有龍袍妃服綾紗黃白絹并鋪墊等項共三百萬之額或動支二十餘萬更有龍袍妃服紗綾黃白絹并鋪墊等項共三百萬之額或動支於四司料價或動太倉料價或出正倍額辦不一而足再加天啓間題加遼餉七百六十萬勦練二餉浙直廣福江西五省亦約一百四五十萬而同馬折價河工見存典稅閑稅雜稅金花及十庫茶蠟顏料藥材諒酌上供猶可通變二百餘萬東南財賦見在十萬有餘而漕米几三百萬不與也

顧錫疇

崑山顧宗伯瑞屏乙酉九月父被難航海至温州入閩隆武朝加太子太師仍礼部尚書命聯裕浙直士籍十一月復至温州因募兵乏餉欲徵漢稅巡撫盧若騰總兵丹陽賀君克爭漁稅成隙而君克部下既



諸生致諸生洵、宗伯遂疏參盧賀兩公丙戌三月  
宗伯復命宿江心寺君竟夜遣人殺之

### 趙庾

吳江趙庾字漁之崇禎癸未進士隆武時文選主事  
遭亂祝髮為僧遠遊天台習禪學毫不顧家者二年  
子遣候或言其子應省試曰此多事已鄉舉曰又多  
事終無所囑時吳江某村廟流言武當真武之神携  
節為香火驟溢改創神宇其僧積錘數萬趙氏子孝  
廉濶利之訐於巡臺秦世禎謂有張角之孽事下蘇  
州同知  
或走天台邀庾還戒其子庾不得已同

二僧來過平望值風舟覆救出庾俄坐逝陸禹時說

### 獨足鳥

新安陳文遠崇禎中游山陝間云西北有鳥大如鳩  
獨足千百為郡每集處不旬日中流寇、號為我家  
鳥時墮地食之味腴又嘗見空中飛銀大小不一相  
擊撞有聲人以石中之亦墮地不知所往

### 朱積離魂

華亭朱積以席常遊南嘗疾甚魂冉冉自榻出升屋  
上若前列雙燭身東向即燭東身西向即燭西竟日  
魂徐下入所寢之東南隅見身隔於榻并榻卧者不



解為何人也如是三日忽欲溲借卧者溲焉時扶掖甚苦久之魂登榻並卧又不相屬小間同年某移飲榻次約明年燈夕偕游答之曰我願甚但未知彼許我否同年駭別魂離二十七日始合體而愈因歷々為包長明述之

### 修志

范石湖吳郡志成欲刻時有求附其事於籍而弗得者譁曰非是石湖筆也守憚莫敢辨亦弗敢刻以書藏諸學宮見汴人趙汝談序中崇禎初海寧教諭平湖趙無聲維衷以脩我縣志見忌蹟行東余曰不佞故以癡癖為不知者所詬屬不意世間亦復有如此佞者亦更有如不佞之知兄者德不孤必有隣信矣

### 傭券

有賈江北者募二傭肩其裝先各予一金嘗午飯旅舍忽失二傭意其遁出傭券示舍主舍主曰毋妨彼非傭也本兄弟俱諸生也俄至問之值母生日資力金為壽上一觴耳惜失其名氏周公貞說

### 逸詩

丙戌六月七日攜李屠用明幽走槁村值本譯老人挂太祖高皇帝聖諭牌因携語道側雪涕而別似



毘陵人舟宿有見鼓柁用明詩紀之不載  
李使李際期試金華諸生或題牘曰滿洲衣及帽滿  
州頭滿面威風滿面羞滿眼干戈滿眼泪滿腔忠憤  
滿腔愁

誕日疏

戊子正月嘉善錢相用誕日釋行門正志修齋疏曰  
竊以久莫久於無量壽奚誇上古之椿永莫永於一  
刹那好納須彌於芥蓋謂仁者必靜則有常吉士  
寡求止於道若夫善頌善禱總屬虛譽之事不審  
不崩亦是過情之願斯尚不可質諸正人君子之前  
又曷敢昭告大覺世尊者耶但念身雖幻有借假可  
以修真時雖駛流不遷即是常住仲尼之欲無大過  
猶須假我數年顏子之殆其政在不違三月况乎  
黑業多而白業少尤宜更事懺摩人心危而道心微  
顛用克勤苦所孰謂延齡非進德之基而攝生非薄  
德之地也茲者歲添一筭乃宜喜宜懼交關事且百  
鼓覺為人為己之相間人則慶鄉老而兼國老我則  
憂未解天下之倒懸人或慶爵尊而暨齒尊我則憂  
難慰蒼生之舛望略弛刻責便墮自寬財失思維遂  
憊昏弱由是希良馬之視鞭影亟爾長驅效野干之



試有一能  
句不全

去尾牙猛然大奮幸尔落日之方可想會且形就而  
神和觀河之見不殊何妨年變而月化伏願自今以  
種播左神之德已用諸河之水不消口吸西江既觀  
半夜之星河侯明北斗試有春風澹蕩象牙照下雲  
雷華秋  
水澄清

人瑞

歸化縣晏景生洪武壬戌年百有二歲

合州楊小彭年百三十歲喻尚書時有詩

永康徐伯敦嘉靖戊午百有三歲郡首李問其

故曰無他第寡欲耳

莆田林貴七宣德丁未卒嘉靖己丑年百有五歲朱

永崇和吳大猷陳居後各百歲

義烏陳世泰萬曆戊寅年百有六歲或題其門壽域

天開眼見六朝盛事老人星現躬逢百歲中秋

長樂郡庠後圃者生弘治癸亥年一百歲老七子五雜俎

慈谿劉伯祥嘉靖辛酉鄉舉隆慶辛未進士歷江西

按察副使年百有八歲

尉氏趙宗年百有二歲

密縣樊福年百有十四歲

丹陽劉伯淵嘉靖戊戌八月生戊午鄉薦己未登第

知海澄憂去起補臨川又憂去歷什邡湘陰寧陽餘



抗屢難屢任不滿十月以生母沈氏告終養崇禎十年伯淵百歲兵部侍郎王業浩以聞命補近果滿歲即褒封於是授英山果補三月即貶封餘姚杜年一百三十八歲尚為人憇春萬曆 有司存卹

崇禎三年四月詹 黃士俊言親齡望百求省侍許之仍令有司有問

崇禎丁丑休寧孫元新年一百三歲見陳眉公像贊丁丑五月進士鄔明臣言其祖必信嘉靖戊戌生今百歲命下部旌禮

### 私謚

泰和蕭尚仁洪武中以賢良召卒門人私謚貞固先生宣城貢性之一名悅吾稱南湖先生私謚貞恪

湯溪胡榮希華居家孝友門人私謚文莊先生

浦江鄭洧嘗代兄濂死私謚貞義處士又鄭淵仲涵徵君私謚貞孝處士

崑山殷奎孝章咸陽教諭私謚文懿先生

東陽馬濂原清官山東按察副使鄉人私謚孝廉先生

宣城陳迪禮部尚書殉難郡人私謚靖獻先生



瑞安卓敬戶部侍郎殉難宣德中劉球傳作私謚忠貞

鄞縣王賓用賓奉文學授休寧訓導太祖試鍾山兩霽及養崔二賦命供奉翰林以教授卒門人私謚清節先生

金華劉履坦之洪武中私謚貞恭先生義烏王徐有學行門人私謚孝莊先生

崑山龔翊大章以金川門卒避靖難去之門人私謚安節先生

黃巖應宗祥尚履諸生也好孝工詩文門人私謚貞

吉水解縉私謚文毅見胡儼祭文中

仙遊鄭照孔昭正統間以監生令安遠韓巡撫雍稱廉官第一卒鄉人私謚清介

蘭州段堅可久景泰甲戌進士南陽知府成化甲辰卒年六十六門人私謚文毅

華亭張璠仲圭黃果訓道子貴贈尚書孝者私謚

貞孝先生

無錫秦旭景暘父嘗讀論語君子以敬曰此萬金良藥也行已接物一以為政準及卒友人李舜民等私謚貞靖先生



海寧祝萃 成化甲辰進士廣東左叅政門人私謚文惠先生

福寧劉鐸彥振成化中歲貢生訓導仙居歸養母喪葬如礼有鷹來巢及卒孝正閔鸚私謚曰貞孝

福寧盛仕春仁仲弘治中訓導泗州耽書至忘食淹貫百氏有失則悔悔字自似艾年八十一鄉人私謚文柳先生

閔果何廷儀南安府同知鄉人私謚夷穆

閔果鄭餘慶定海知縣卒官定海人私謚曰恭孝  
秦和王蕭九達文端公直五世孫少游王文成之門

嘉靖中教諭莆田本師說而不遺格物卒官門人私謚曰貞穆先生

高要崇德子修早出陳白沙之門廉介有氣節奉於鄉知沙縣諭民十事隣士就教延礼之廣諸生額卒官士民聚哭私謚古廉先生

海寧衛指揮使王佐私謚康毅見徐咸謚議

金華陸震汝亨正德進士兵部郎中諫南巡杖卒門人私謚忠定先生

華亭何震汝元官教諭嘉靖中有司祠之私謚先生



華亭馮海性至孝母浦氏疾累月每夜籲斗求身代  
母獲瘥而海以瘁卒里人私謚苦孝先生

吳縣杜瓊用嘉篤孝淳德有司屢薦輒辭年八十餘  
門人私謚淵孝先生

吉安魯嶼東石正德戊辰進士官建昌知府門人私  
謚文節

江都葛澗以諸生編國朝人物若干卷私謚正孝先  
生

慶陽李夢陽卒門人私謚文毅先生

南陽王鴻漸

進士官四川按察司私謚貞惠

山陰汪應軫子宿

進士官江西按察司僉

事私謚清憲先生

尉氏左國機正德丙子貢士有文行門人私謚貞孝

鄒陵鄭友諒誠甫膺貢林哈州知州門人私謚簡定

先生

無錫王閔子裕嘉靖戊戌進士官廣東按察僉事退居

湖上翰墨自娛門人私謚文靜先生

漢陽張緒文倫嘉靖進士官南京吏部員外郎家

居講孝友人私謚介肅先生

瑞州胡用賓其佐門人私謚誠行先生以子維霖貴



贈浙江按察使

慈谿顏鯨應雷嘉靖丙辰進士官行太僕 鄉人

私謚正道先生

海鹽徐州德安不識超卓所著匡章論均田議華山

移賦私謚頴谷先生 王來子長力李性剛早卒私

謚直敢先生 王文祿集

海寧鹽吳昂德翼官

左布政使私謚文愨先生

徐猷忠官奉化知縣王元美私謚曰貞憲

銅梁李

號伯山應貞任奉新安縣丞好讀書友

人張佳胤私謚恭懿慶雲楊粹夫歲貞任玉田副導

卒官門人私謚靖節 慶雲縣志

南城鄧元錫

貞士薦授翰林院待詔門人

私謚文統先生

高淳黃秉石福府左長史 恭王甚禮之父可大

推官恭王私謚順德先生

陽城張慎言萬曆庚戌進士太子太保南京吏部尚

書私謚端懿

嘉善錢士升萬曆丙辰進士禮部尚書兼東閣大學

士私謚文貞

嘲錢牧齋



或題虎丘生公石上寄贈大宗伯錢牧齋盛京榮歸  
之作入雜錄、意正濃尊鱸此日又相逢黑頭已自  
羞江總青史何曾用蔡邕昔去幸寬沈白馬今來應  
悔賣盧龍最憐攀折亭邊柳撩亂春風問阿儂  
錢公出處好胸襟山斗才名天下開國破從新朝北  
闕官高依舊老東林

夢卜

國初龍溪林弼元甄元至正進士授郡幕洪武二年  
徵修元史舊名唐臣以國禁改出知豐城誣逮次湖  
口夢木人口眼俱動意恐不免後御筆休問休於字  
為木人而問字艸書如動象弼終登州知府

黃巖林侍郎一鶚任江西布政中元日晝寢夢享婦  
人祭覺所享尚在喉間并里舍歷、在月命隸跡訪  
果某坊老婦祭夫也問祭品及先忌辰以復其如夢  
中忌辰即公生日也

弘治中

趙瓌計偕夢得詩風光在闌中謂必登



第竟乙榜授閩中教諭

餘抗李春芳通經力學夢廷對第一願自負竟因秋闈明年丁未狀元興化李春芳也同名氏

蘭谿趙志昂久淹公車偶夢唐狀元汝揖程探花文德來訪俱鄉郡先達也婦笑其老孝廉妄覲隆慶丁卯北上邑令餞諸孝廉獨趙不連明年戊辰榜眼及第

嘉善丁賓夢謁拜程明道先生後宰句容入上元公署拜折竿祠果如夢中又隆慶辛未成進士初遇濟寧榜人慙慙加等云夜夢人呼我迎工部驚寤無所

見己夢烏帽者登舟其公乎果歷南京工部尚書福清葉相國向高少時禱于石竹山夢人語曰事君能致其身不省所謂再求明示遂再語曰腰繫是白

玉帶

仁和鍾化民父夢其官至洛陽橋初令惠安脩洛陽橋得舊石碣曰維新即公子也意應之後開河南卒上海夏景華萬曆辛卯秋試畢夢人令裹銀五分出東門值某色衣者陰投之求捷景華雖不以為然姑戲之所裹銀紙書姓名求捷果值某色衣者投其袖中彼不知也其人晚解衣得銀云亦笑而置之其



人通書榜主司折卷云夏景華未定也其人遽書上  
遂不易又陽城李養蒙丁酉山西登榜亦畧同俱戲  
為之非有意也

萬曆癸卯漳州陳 夢福州林汝椿榜三十一名

己次之初場連席因告之汝椿果獲雋陳不錄丙午  
登薦俱三十一

沁水張銓計偕時夢判事歷大司馬而止既司理保  
定夢官舍曰兩是亭設座三為揚貞肅維宗許忠節  
達揖公曰虛一以待然須祀日今少有疑事相煩耳  
出茶牘判畢目送於門曰後會有期醒而既有鬼訴

人殺之判云鬼殺人殺人殺鬼足相當矣擢御史以屯  
馬按漢中脩諸葛武侯祠未及勒石公子道瀋夢武  
侯求託以告公撰記財半稿未就

陽成張恒言萬曆庚子憂居夢社友王仁同捷以仁  
入棘而非其才丙午張登榜值報者王仁因悟前夢  
庶成廷試夢有憐君千里挑梁容媿我三家村裡人  
之句果第三家出身御史時忤瑞成肅州夢紅梨花  
為歸期崇禎初賜環道河東兵使餞之演紅梨花傳  
奇不覺追歎

上虞周夢尹中丞微時禱仙姑洞夢贈絕句三年到



此媿無功。載得拖花滿院紅。任罷不堪收拾去。一齊分付與東風。後令永新署壁前。令刊所作。

嘉興高斗先夢捷報其名。方自幸報者。又云非也。君乃道素。當在後。因改名道素。己未進士。同榜嘉祥馬先斗。

平湖徐在中。禱于少保祠。夢少保語以閩聖同宮。後守廣州。逮入京。五月十三日。葉市相傳閩侯誕辰也。嘉興張駿。徵夢入宮。闕如王者。則閩羅天子也。出身作札求師。其子辭母老不聽。乃以公子治春秋。非我習也。召吏按籍。始責攝者。慰駿。徵出甲戌成進士。

肥城書佐刁守宗。閩羅王取八十人。寫七省輪迴冊。分黃黑總數十萬人。八旬而畢。送萊州。請徐中丞從治。四月二十日。已刻落任守宗。以驢往城門。千人部校三四十人。惟闕正將。務鼓軍容甚盛。導八匹入公署。見中丞於內室。凡列二書。劍一。研一中。丞報書治。裝飲菜。烹湯。即檄鄆都之任。各神郊迎三十里。進臺投冊。守宗以語人。不信。四月十六日。午刻中丞中砲。

卒

蒲州韓承宣。筮仕歷城。邀其姁王表。一往表一夢。韓印其衣領。及濟南。陷韓。以人雜果。印其衣領。迺歸。



沁水王廷謨崇禎庚辰進士初夢蕙花置席又全故  
僕王斗語不以為意及登榜鴻臚寺報名見左如蘭  
王斗生次足始悟

鄧縣包文燁崇禎庚午初場偶倦夢韋馱神曰文雖  
佳以啖牛矣投文廁中矣懇救許遲三科壬午始捷  
以遺才第一領試牘為風颺去無可跡欲另騰卷方  
遇他所有老嫗從樹上拾之姬夢神語此貴人物也  
完好如故

沁水孫如玉秀才夢壬午天榜首陰隲科三人德行  
科四人才用科屯田科各若干人詳著素履倉卒間

止記<sup>事</sup>四人韓姓又榜暴戾恣睢若干人貪淫無度若  
干人詳注如前或硃筆書修字如玉列貪淫中驚寤  
是科第四人韓

濟寧陳孟修家閭將軍廟側崇禎時回子數十人謀  
毀其廟厚市旁屋孟修獨不受謀復之被詬辱不自  
覺痛旬餘體平夢周倉曰典爾二羊皮及起傷目始  
瞭嗣後孟修弟卧廟旁聞將軍語周倉曰爾礪刀我  
將俟諸因亡何諸因以他事聞死乙酉清人開科孟  
修夢周倉從試果聯捷

嘉善陳舒癸未歲夢神付七題而身所衣冠非時製



也清朝己丑南宮七題俱出宿構

萬曆戊午夏六月予赴部試道宿舟中夢入大明  
帝臨殿 東宮皇孫以次左立問安邊之策或請南  
遷予方欲爭之俄飛塵蔽天云京城陷頃刻潰散不  
知所向晚以語同人各笑其妄甲申聞變追憶前夢  
雖草不足道未始無驗也

硃墨預兆

東陽趙明欽萬曆乙酉鄉舉明年成進士歸娶乙卯  
主試貴州還途聞憐婦哀慟旦跡之其夫故諸生忘  
日也下五年月日正趙生期怪問其遺書出其稿即

趙聰捷之試墨

廣德戈應試崇禎庚午登科歸拜舅氏練沒見懸梁  
遺稿啟與硃墨不異後應試易名簡卒未進士

夷堅志溫陵葉文鳳登進士官天台簿遇生日於邸  
舍假寐夢人請吃麻糍既覺聞隣姬啼哭問之曰止  
兒忌日作麻糍祭享感泣耳文鳳問其所業曰業詩  
命取其舊業視之乃與葉及第程文一字無異因拜  
媼為生之母奉之別所今再見於趙氏云

排調

平湖某輸粟入監且買姬或戲之曰偏房花燭夜銀



榜掛名時

豐吏部南陽坊游伎館題曰虫二謂風月無邊也  
余同龔文敏過姑蘇申瑤泉文定家留飲設魚羹戲  
曰這魚有丁文敏笑而領之已侍見趣別余曰且住  
待申時行各隱其名以戲也

吳瀛海

禮嘉

沈大若

一中

同年相善瀛海邀沈覲登

沈指鯉燈曰此雖佳恐非瀛海中物俄沈求去吳引  
滿勸曰水酒不堪大嚼再進一鍾平湖沈萃禎少所  
狎羽童補功曹歷長沙衛經歷沈歷蘇州守陸員外  
嗣端改唐詩嘲之崔鼈雲冠宮樣粧春風一曲度為

娘師公見揮閑事惱亂蘇州刺史腸

海鹽吳少白刊詩一帙序曰先君號少白既不能文  
又不能詩曷不足少哉予之少也非少先君之白也  
乃少太白之白也  
云蘇州值雪玉皇昨夜買松鹽  
故把鵝毛細、旋今日虎丘山上望一个蘇州通麪  
煎

題虎

胡他胡他又胡他兩眼銅鈴怕殺他

娶人有縣丞行四十秀才行二十七子行三十六聘  
啓云四十縣丞非廿七秀才之所敢仰二八嬌娥正  
三六新郎之所宜求



平湖令劉士瑗以匠詐寬不之直被斧傷指邑紳侯  
問曰政樂只君子民之父母

萬曆壬辰狀元侯官翁正春由龍溪教諭或增四喜  
詩曰十年久旱逢甘雨千里把鄉遇故知和尚洞房  
花燭夜教官金榜挂名時

嘉興朱仲莪嘲尼詩不惜風流世傳一生隨處覓姐  
緣起生已出平原巷解脫還登般若禪節按木魚移  
此日歌翻火鳳想當年 心未絕紅樓夢春夜猶能

醉管絃

海寧陳某楹帖三十步聊算以居一二伴足耕而食

或改之曰三分錢聊曰生財一二妾足稱好色

太學某訪伎通刺眷侍教生伎報刺眷侍教旦

予友王介人有招飲者視其刺則王介臣也僕誤之  
介人賦一絕句君是鬚鬚我面麻姓名舉止不曾賒

西家受東東家醉只為當年一字差

海寧朱同知學忠

進士題天寧寺僧舍曰

存通堂或請其義笑曰賊禿轉音也

烏程沈聖政萬曆

進士游俠邪間題香篝堂或

友人問所出曰千人日个个弄

讀杜工部詩入門高興發侍立小童清此老亦有外



癖為之失笑

人有咏杜詩子璋髑髏血模糊之句而愈瘡者乃子  
美有三年猶病瘡一鬼不消止之句豈其詩不自靈  
乎 鄭以偉杜吟

鐘伯敬詩桃花少人事吳門朱隗曰李花終日忙乎  
譚友夏詩秋声半夜真朱隗又曰甲夜乙夜秋声尚  
假乎

前定

龍游龔某販參遼東富撫順城萬曆戊午四月臨發  
待治一金壺逆旅知建州常有變趣之南隣酒餞醉  
甚宿焉詰旦城陷南隣客俱殺本郡獨全而龔某以  
宿南隣不免矣蓋建州之謀豫定壯邸以大駟頗逗  
之也

乙酉閏六月壯兵破嘉興大殺掠縫人吳某居城隍  
廟前同三人夜伏神座下見侍像進簿唱名某人被  
某殺至吳某云殺於黃偉駭甚質明兵入迎謂來者  
非黃偉乎首兵曰我非也次即黃偉因報吳問何以  
知我告之故歎曰我徐州人於爾或宿業若甘心焉  
冤報何時已乎即神前解之拜稱兄弟去

山陰范明隆貴州副總兵罷歸值鼎革張存仁鎮浙



以明隆父任遼東都司同明隆讀書丙戌下拆東聘  
至論舊不異疇昔令通謁巡撫蕭起元起元方殺南  
將忽記明隆亦浙東人立召斬之明隆實非南將又  
忠為存仁故人也存仁大慟賻三百金使不因存仁風  
好何至誤罹其網哉

澈浦所百戶王雲達

遭亂同婦磨菽乳自活弟某

亡賴以百戶名官浙東浙東敗張存仁按名捕百戶  
斬於市婦氏給配營卒義不從自經其兄尚存

同庚

永康程京兆正誼義烏虞御史懷忠同嘉靖庶子九

月四日子時生同隆慶辛未進士同司李內召懷忠  
入西臺忤時宰出守袁州仍諂潛山邑、死正誼以  
刑曹歷大京兆年八十  
萬曆癸丑會元宜興周廷儒天啓乙丑會元無錫葉  
琪芳崇禎戊辰會元嘉善曹勳俱生萬曆 月  
日其時地小異先後冠南宮亦奇

內承運庫

正德三年睢州劉佳以孝廉入太學歷事兵部時同  
年詹伯齡亦歷事內承運庫述庫中有象牙二長三  
犬重七百餘斤蝦鬚二圍如鷲卵長三丈東方朔桃



校半枚大如人掌麟皮一大小珊瑚掛八九枝次日  
余同詹進觀之果然麟皮已蛀潤可七八尺搥換中  
鐫東方朔桃核五大金字劉淮簡錄

朝鮮使臣夷人寫早朝詩

正德四年元日候朝辰時 上還未出時有朝鮮日  
木安南三國陪臣同候朝其一人畫地作字云花迎  
劍珮星初落柳拂旌旗露未乾又一人書云日色繞  
臨仙掌動香烟歎磅袞龍浮余同劉宗敬觀之良久  
宗敬曰此異夷人寫早朝詩有意笑中國嵩祝之晚  
也衆憬然劉淮

南田

海鹽腔始元澈浦提舉楊氏  
崑山腔始邑人魏良輔

